

PETRI GYLLII
DE TOPOGRA-
PHIA CONSTAN-
TINOPOLEOS,
ET DE ILLIVS ANTI-
QVITATIBVS
LIBRI QVATVOR.

*Ad Reuerendiſſ. & Illuſtriſſ. D. Georgium
Cardinalem Armaignacum.*



LVG DVNI,
APVD GVLIELMV M ROVILLIV M,
SVB SCVTO VENETO.

M. D. LXII.

Cum priuilegio Regis.

Extrait du priuilege du Roy.

A R grace & priuilege du Roy est permis à Guillaume Rouille Libraire de Lyon, d'imprimer, ou faire imprimer vne fois ou plusieurs, ce present liure intitulé, *Petri Gyllij descriptio Constantinopoleos*, en Latin & en François. Et fait defences de par ledict Seigneur, à tous autres Libraires, Imprimeurs, & personnes quelconques, de non imprimer, ne faire imprimer, vendre, ne distribuer, en ses pais, terres & seigneuries, ledit liure, si ce n'est par le consentement dudit Rouille. Et ce iusques au temps & terme de douze ans, à compter du iour & dattre, que sera paracheué d'imprimer ledict liure, sur peine d'amende arbitraire, & de confiscation des liures qu'ilz auroient imprimez. Et afin qu'aucun ne puisse prétendre ignorance du present priuilege, ledict Seigneur veut & entend, que l'extrait d'iceluy estant mis au commencement desdictz liures, serue pour toute notification, sauf en demander copie audit Rouille (si bon leur semble) & ce à leur despens. Car tel est son plaisir, nonobstant oppositions & appellations quelconques, comme plus à plein est contenu & déclaré par lesdictes lettres de priuilege, sur ce données à S. Germain en Laye, le vinthuietième iour de Decembre, mil cinq cens cinquante huiet.

*Par le Roy, Maistre Jean Nicot, maistre
des Requestes de l'hostel, present.*

Signé, Guillaudet.

*Errata in hoc volumine de Topographia
Constantinop.*

Pagina 35 lin. 23. lege clus. 64. 21. 267. 205. 6. Ceratini.

Quæ in altero de Bosporo Thracio.

Pagina 47. lin. 7. lege sexaginta. eadem pag. linea 21. lin. 65. 9. 11. h. d. l. h. 68. 9. Mingei. 72. 16. Machienam. 118. 18. validissimos. 123. 3. χαράγγοι. 141. 4. promontorio. 252. 4. Παλαιοί.



INDEX CAPITVM TOPOGRAPHIÆ CON- STANTINOPO- LITANÆ.

LIBRI PRIMI.



D E BYZANTII conditoribus, & de eius <i>varia fortuna.</i>	caput 1.
<i>De magnitudine Byzanti.</i>	cap. 2.
<i>De Constantinopolis instauratione, eiusque magnitudine.</i>	cap. 3.
<i>De forma, ambitu, latitudine, & longitudine, qua nunc est Constantinopolis.</i>	cap. 4.
<i>Constantinopolis generalis descriptio.</i>	cap. 5.
<i>Singularum partium situs.</i>	cap. 6.
<i>De primo colle, & Regis palatio, ade Sophia, & de Hippo- dromo.</i>	cap. 7.
<i>De prima valle.</i>	cap. 8.
<i>De secundo colle.</i>	cap. 9.
<i>De secunda valle diuidente secundum collem à tertio.</i>	ca. 10.
<i>De tertio colle.</i>	cap. 11.
<i>De valle tertia.</i>	cap. 12.
<i>De quarto colle.</i>	cap. 13.
<i>De quinto colle.</i>	cap. 14.
<i>De quinta valle.</i>	cap. 15.
<i>De sexto colle.</i>	cap. 16.

De valle, quæ diuidit sexicollæ promontorium à septimo colle.

caput 17.

De septimo colle. cap. 18.

De muris vrbis. cap. 19.

De Constantinopolis portis, & septem turribus antiqui Byzantiæ. cap. 20.

De muris longis. cap. 21.

LIBRI SECVNDI.

De ædificijs & monumentis antiqui Byzantiæ, & nouæ Roma Constantinopolitana. cap. 1.

De monumentis primi collis, & de prima regione vrbis. cap. 2.

De templo Sophia. cap. 3.

Descriptio templi Sophia, quale hodie visitur. cap. 4.

De statu inuentis in latere ædis Sophiana. cap. 5.

De Pharos promontorijs, & Mangana. cap. 6.

De thermis Zeuxippi, & de eius statu. cap. 7.

De Xenodochijs Sampsonis & Eubuli. cap. 8.

De statua Eudoxie Augustæ, ob quam Chrysostomus eiectus in exilium. cap. 9.

Quam vrbis partem complexa fuerit tertia regio. cap. 10.

De Hippodromo, & de eius obelisco & columnis & statu. caput 11.

De Colosso structili. cap. 12.

De columnis Hippodromi. cap. 13.

De templo Bacchi, & de aula Hormisdæ, & de Iustiniani domo. cap. 14.

De portis Iuliani, & Sophia, & de porticu nominato Sigma, & de regijs Sophianis. cap. 15.

De quarta regione. cap. 16.

De foro

- De foro Augustæo, & columna Theodosij, & Iustiniani, & de Senatu.* cap. 17.
De regia & basilica, & palatio Constantini, & de domo nuncupata Chalca. cap. 18.
De Basilica & regia ambulatione. cap. 19.
De bibliotheca Basilica, & de regia porticu, & de Basilica cisterna. cap. 20.
De Chalcopratijs. cap. 21.
De porticibus sitis inter palatium, & forum Constantini, & de domo appellata Lampiterum. cap. 22.
De miliario aureo, & eius statuis, & de fortuna urbis, eiusque statua. cap. 23.
De templo Neptuni, & de ade Minæ, & de stadijs, & scala Timasi. cap. 24.
De Lauso nuncupato, & de eius statuis Veneris, Cnidie, Iunonis, Samiæ, Minervæ, Lindiæ, &c. cap. 25.

LIBRI TERTII.

- De locis regionis quintæ, & secundi collis, de Nauali, & portu nuncupato Bosporio, &c.* cap. 1.
De regione sexta, & de reliquis ædificijs secundi collis. cap. 2.
De columna purpurea, & foro Constantini, & Palladio. cap. 3.
De Senatu & Nymphæo, statuis fori Constantini, Philadelphio, Musæo, de Labaro, & suparis, &c. cap. 4.
De septima regione. cap. 5.
De Tauro & foro Theodosij, & columna Cochlide Theodosij, &c. cap. 6.
De octaua regione, & de postera parte tercij collis. cap. 7.
De nona regione, & de templo Concordiæ, & de horreis Alexandria, & Theodosij, &c. cap. 8.

De tertia valle, & decima regione, de domo Placidie, & regia Placidiana, de aqueductu Valentiniano, & thermis Constantianis, & de Nymphæo. cap. 9.

LIBRI QVARTI.

De vndecima regione, & de quarto & quinto collibus. cap. 1.
De templo Apostolorum, & sepulchro Constantini magni. cap. 2.

De sexto colle, & decimaquarta regione. cap. 3.
De Hebdomo suburbio Constantinopoleos, & de triclinio Magnatura, & Cyclobio, & de statua Mauricii, eiusque armamentario, de loco nuncupato Cynegio. cap. 4.

De Blachernis, & de Triclinio Blachernæ, & Palatio, aqueductu, & de multis locis antiquissimis. cap. 5.

De ponce, qui est ad diuum Mamantem, & de eius hippodromo, & Leone æreo, de Mauricii Regis sepulchro. cap. 6.

De septimo colle, & duodecima regione, & de columna Arcadij. cap. 7.

De statuis, & antiquissimo tripode Apollinis in Xerolopho statutis. cap. 8.

De columnis, quæ nunc extant in colle septimo. cap. 9.
De regione tertiadecima vrbis Sycena appellata, & de oppido Galatæ, siue Pera. cap. 10.

Descriptio Galatæ, & de templis Amphiarai, & Diana, & Veneris, & theatro Syceno, & foro Honoriano. cap. 11.

In æde diui Marcelli, Romæ,
hæc sunt inscripta, vnà cum effigie vita
functi: sed dico similia, aut in pariete af-
fixa, vel in marmoreo lapide sculpta.



*Petro Gyllio viro probo, vtriusque lingua
doctissimo,
ex agro Albiensi apud Gallos nato,
ob singulares animi dores, & indefatigabilem in
inuestigandis antiquorum monumentis,
componendis, interpretandisque omnium discipli-
narum libris, totius orbis lustrandis,
indagandisque locis:
naturam, solertiam, & diligentiam publicè,
privatimque laudatissimo,*

post

Post longas annorum plus xl. peregrinationes, terra,
 marique peragratas,
 Galliam, Italiam, Graciam, Asiam utranque,
 & Africa partem,
 ac miraculosam è manibus, & carcere Pyratarum,
 Gerbeorum liberationem,
 Romam quasi postliminio reuerso, & in recolligen-
 dis, ordinandisque rerum celebrium narratio-
 nibus, dies, noctesque occupato,
 Febre violentissima per dies xl. vexato, diem suum
 in Christo Iesu obeunti.
 Georgius Cardinalis Armeniacus, patronus pie-
 tissimus Clienti gratissimo
 in spem resurrectionis mortuorum
 benemerenti mæstissimus,
 Non. Ian. M. D. LV.

Po. Cn.

Vixit annos LXV. menses, dies v. hor. IIII.

O S S A G Y L L I I.





IN DESCRIPTIO- NEM CONSTANTINO-

*poleos Prefatio, ubi situm il-
lius & commoditates
ostendit.*



CONSTANTINOPOLIS sic in penin-
sula sita est, vt totum Isthmum occupet
peninsulanum: ex tribus enim partibus
mari alluitur, neque solum ex sese mu-
nita est, sed etiam suos suburbanos lon-
gos agros iter duorū dierum latos ampliū viginti mi-
liaria munitos habet peninsula, quam efficiunt pontus,
Bosporus, Propontis, olim ab Anastasio muro clausam,
ita sit, vt situs vrbs duplici peninsula munitus, arcem se
declaret totius Europæ, atque adeo principatum totius
orbis præ se ferat, eminens in fauces Europæ, atq; Asiæ:
nam præter alias felicitates immensas hanc habet sum-
mam, quod mari portuoso ex tribus partibus cingitur,
à Meridie quidem Propontide, ab Oriente Bospori fre-
to, ab Aquilone sinu maxime portuoso, qui non modo
claudi catena potest, sed etiam sine catena hostibus in-
festus est Constantinopolis, & Galatæ muris stringen-
tibus eius latitudinem in stadia paulò minus quatuor,
vt & machinis, & igne liquido hostiū naues sæpe perie-
rint. Adde quod nihil munitius fieri posset, si accederet

ars muniendi nostra ætate vſitata, ſi quatuor portus, quos olim intra muros clauſos habebat catenis, reſtiterentur: quorum duobus antiquum Byzantium ornatum triennium Seueſti obſidionem ſuſtinuit, nec niſi fame totius orbis viribus capi potuit. Nam præter commoditates, quas habet Propontidis, & Aegæi maris, ſic totius ponti Euxini imperium habet, vt vno oſtio id clauſum teneat, ſcilicet Boſporo, quem tranſire nemo poteſt inuita Conſtantinopoli, quò fit vt totius ponti diuitiæ ſint in eius poteſtate, ſiue importatæ, ſiue exportatæ. Exportatur autè tanta copia pellium cuiuſvis generis, mellis, cetræ, ſeruorum, aliarumque rerum, vt ſufficiant magnæ parti, Europæ, Aſiæ, Aphricæ: importantur vina, olea, frumenta, aliæque infinita Aſiæ, Aphricæ, Europæ, vt copiam ſentiat Myſia, Dacia, Pannonia, Sarmatia, Meotis, Colchis, Iberia, Albania, Cappadocia, Armenia, Media, Parthia, vtraque Scythia. Itaque non modò omnes barbaræ nationes coguntur amicitia huius vrbs amplecti, ſed etiam oræ omnes maritimæ, & inſulanæ, ſi ponti diuitiis frui velint. Adde, quòd nemo vltrò, citròque traiectiones Aſiæ, Europæque facere poteſt inuito Byzantio, cum ſit velut pons, & porta vtriuſque orbis, dicerem ſolum, niſi Hellespontus eſſet. Sed iſ infinitis partibus inferior cenſetur, nimirum longè amplior, & ſinum non habens Byzantinum, quo vrbs peninſula fiat portuoſa, ac ſi haberet, tamen Euxino ponto non vteretur inuitis Byzantiis, id quòd ſi ratione non capimus, exemplo aſſequi poſſumus. Conſtantine in Sigæo promontorio eminenti in fauces Hellespontis Conſtantinopolim ædificare cœperat, ſed ea relicta, in
promon

promotorio Byzantino eam ædificauit. Troia quidem insignis vrbs, sed cæcorum, qui non præuiderint situm Byzantijs, cæci omnes, qui ante Byzantium vrbes ædificauit in ora Hellepontis, aut Propontidis, quæ etsi aliquandiu floruerunt: funditus tamen, aut euersæ sunt, aut in vicos redactæ: ac si restituerentur, Constantinopolis, vt præstantior eis dominaretur. Quamobrem iure dicere possumus eam non modò ponti, sed etiam Propontidis, & maris Aegæi clauem esse. Laudatur Cyzicus, quòd duobus pontibus cõiungeret Insulam Continenti, & duos sinus contrarios inter se copularet, quam Aristides scribit esse vinculû ponti, & Aegæi, sed quis non videt quàm laxum: inter Cyzicû, & Europam Propontis lata intercedit: qua vt inuitis Cyzicenis transitiones in vtrunq; mare fieri poterant, ita Cyziceni inuitis Hellepontis, & Byzantijs habere vtriusque maris commoditates non potuerunt. Præterea Heraclæam, Selymbriam, Chalcedonem, in Propontidis ora sitas, olim quidem nobiles hominû industria, & loci natura, sed principibus commoditatibus priuabantur portuum similitum Byzantinû portui, qui nullis viribus hostium obrui potest, illarû iam pridem portus obruti sunt, atq; adeo, carebant potestate Bospori, & Hellepontis, quibus vt non poterant sine voluntate Bosporanorum, & Hellepontiorum, at Byzantini iis omnibus inuitis vti poterant ponto, itaque ei accidere non potest, quod accidit suis vicinis, alijsque quàm plurimis maximis vrbus, quæ tot annos iacentes in ruinis, aut excitate non sunt, aut si restitutæ, non tamen in pristina sede: deletæ sunt vicinæ, & nondum restitutæ, delata est Memphis, sed

adhuc iacet. Cùm Cāitica Babylonia ex castello magna vrbs euaserit in eius vicinia sita vtraque carens opportunitatibus Byzantij. Prætereo Assyriam, Babylonē, quæ etiam cùm floreret vidit vicinam urbem ædificari, sibi non cedentes de magnitudine, cur Alexātria non reædificatur, nisi quia hominū industria magis, quàm natura consisteret, Romam antiquā restituit Petri sanctitas, & Romani nominis autoritas, potius quàm naturalis situs mari carens portuoso. Silco Athenas, & Lacedæmonem, quæ magis pertinaci hominum virtute, quàm situs comoditate excelluerunt. Omitto duos illos oræ maritimæ oculos Corinthum, & Carthaginem, quos eodem ferme temporum effossos, primùm Iulius Cæsar restituit, deinde rursus funditus erutos nemo instaurauit, quāuis Carthago sita in peninsula portuosa quidem, sed duo maria non coniungens, quamuis Corinthus bimaris, arx Peloponesi, clauis, & compes Græciæ nōminata sit, tamen duo maria ne duos quidem sinus proximos, quos circuitus peninsulæ cōiungit, nunquam coniungere non modò ipsa potuit, sed ne vires quidem imperij Macedonici atq; Romani, id quod artificio potuit Cyzicus, & natura Chalcis Euboica, altera Græciæ clauis existimata, quarū omnium circuitus fieri breui declinatione poterant: at Constantinopolis clauis duplicis orbis, & maris Aegæi, & Euxini, quæ nulla nauigatione, nulla circuituone ne totius quidē orbis iungere possis, nisi ore Byzantio. Prætermitto Venetias, quæ magis clauduntur mari, quàm claudant maria, magisq; laborant maria seiungere, & repellere, quàm coniungere. Silco totius orbis omnes situs, qui vrbes habuerunt,

runt, habent, aut habituri sunt, nullus vnquam inuenietur, qui tot, & tantas commoditates habeat non modo ad imperandum, sed ne ad priuatè quidem viuendum, caritatem annonæ nunquā, aut rarissimè sentit, cui continuus campus Thracius frumentarius amplius quoquo versus plus minus septem dierum iter, alicubi viginti dierum, & eo amplius. Prætereo Asiam vicinam proximam vbertate agrorum frumentariorū, & pastionibus redundantem. Silco ex vtroq; mari facilem vecturam, iam vini copiā præterquam quod ipsa fert, habet oram Bospori, Propontidis; Hellesponti vinetis consitam, & facili nauigatione infinita genera habere potest, cæterasque delicias. Vt Theopompus scribat, ex eo, quod Byzantium esset nobile emporiū, populum omnem in foro, & portu, & cauponis versari solitum dantē operam Baccho: Menander in comœdia nominata Aulitride, ait omnes mercatores temulentos facere Byzantiū. Totam, inquit, noctem bibo, surgo habēs quatuor capita, exagitant comici Byzātiōs, quod cū vrbs obsidione premeretur, non alia ratione eos exercitus Imperator in mœnibus cōtinere potuit, quā cū prope muros cauponas collocasset, quod vt fuit popularis gubernationis vitium, ita loci virtutē, & copiam ostendat omnium rerum, carniū quanta sit copia, norunt, qui viderūt atq; si venatores essent, nusquam copiosiores venationes, & aucupia. Fructibus autem omnis generis, omnis tēporis fora abundant, quod si nostrates negent, dicam considerent, quantum natio Mametana conficere possit leniēs vini desiderium pomis, piris, reliquisq; omnibus fructibus, lignorum verò abundantiam habet tan-

tam, ut nullis seculis abundatura non sit, cum ex Europa, tum ex Asia. Sylva enim immensa, perennes, longè iter plusquam quadraginta dierum, continuata à Pro-
pontide ad Colchos, & longè ulterius: ut non modo si-
bi ac vicinis, verum etiam longinquis atque adeo ipsi
Aegypto, & sinui Arabico, atq; Aphricæ materiam sup-
peditet in ædium, nauiumque ædificationem, solaq; ex
maximis urbibus est, quæ nunquã incidet in lignorum
penuriam, non modo ad ignem faciendum, sed ne ad
ædificia quidem & naues, in quam nostra ætate vide-
mus incidisse maximas Europæ, Asiæq; vrbes. Piscium
verò redundãtia excellit Massilia, Venetia, Tarentum;
sed omnia superat **C**onstãtinopolis, qua velut per por-
tam pisces duplicis maris transeunt, neque modo per
Bosporum transeunt, sed ad Byzantium feruntur relicta
Chalcedone, ut vno reti viginti nauigia impleas, atque
sine retibus sæpe manibus ex continenti capias, atque
adeo cum verno tempore in pontum ascendunt densi
greges iactu lapidis velut aues ferias, ex fenestris quoq;
urbis calathis ex corda appensis mulieres piscantur, ha-
mismq; piscatores sine esca pelamides capiant tot, & tan-
tas, ut sufficiant toti Græciæ & magnæ parti Asiæ Eu-
ropæque. Et ne numerem piscium genera, optimarum
ostrearum tantam multitudinem capiunt, ut sufficiant,
ut tot dierum ieiuniis, quibus Græci piscibus sanguinis
participibus non vescuntur, quotidie videas in piscariis
foris multa nauigia ostrearum plena. Quod si Byzantium
non tanta esset carnis copia, si piscibus delectarentur,
piscatoresque essent ea industria, qua Veneti, & Massi-
lienses, liberèque piscari possent, non autem mediam
partem

partem piscationis Regi Turcorū tribuerent: profecto omnes angiportus quotidie implerentur piscibus. Iam nouæ Romæ cælum quispiam damnabit, vt ponticum, ego expertus sum salubrius quàm antiquæ Romæ, atq; ex multis annis vix vnus, aut alterius anni hyemē perfrigidam, calores autem æstiuos temperatos esse anniuersariis septētrionibus, quibus assiduè ferè tota æstate aër serenus est, hyeme tepescit austris, quibus aër serenus fit, septentrionibus pluuius, cōtra quàm in Italia & Gallia fieri solet. Peste verò minùs acerba, minùsq; mortifera, nec frequentiori quàm magnæ vrbes laborare solent, rariùsque laboraret nisi plebis multitudine, & seruis sordidè pastis impleretur. Et ne videar laudare Rhetorum more, quæ vix Sophistarū acerbitate reprehendi potest, hoc vno malo laborat, quòd barbaris frequentius, quàm ex cultis humanitate habitabitur, non quin sit apta ad molliendos homines etiā barbarissimos: sed quòd ob copiam humanarum rerum eius habitatores remollescent ad resistendum Barbaris, quibus longè latèque circumdata est, vnde fiet, vt & si ad imperandum natura sit comparata, tamen educatione, & disciplina nequaquam vtentur illius incolæ, copiâq; rerum negligentes fient, & superbia loci rationem cōsuetudinis, & familiaritatis cum hominibus habēdę negligent, vnde ob insolentiam odio hominum extrudentur, aut in dissensionē incident, quibus Christiani ciues laborantes amiserunt urbem, & imperium. Sed dissentiant, quantumlibet, urbemque, vt sæpe fecerunt, inflamment, & funditus euertant, tamen nunquam deerit, qui eam restituat ob loci opportunitatē, sine qua pontus Euxinus, rursus

rursus Axinus efficeretur, ob copiam Barbarorum pontum cingentium. Quis enim, nisi longo huius urbis imperio castigati essent, siue mari, siue pedibus proficisceretur ad oras ponticas latronibus plenas? quis Bosporum, quem utrinque accolunt Barbaræ gentes, penetraret, ac si quis penetraret, tamen Thracibus accolis potius rediens aberraret ab ostio Bospori falsa, ut olim facere solebant, lumina pro pharo prætendentibus. Non igitur modo navigationem ponti, Byzantium impedire potest, sed nemo sine eius subsidio, navigare illuc potest. Quare cum totius Europæ Constantinopolis sit arx contra Ponticos, & Asiæ Barbaros, etiam si sæpe deleatur, semper non deerit aliquis, qui eam restituat, inuitatus loci opportunitate. Quis unquam hostis acerbius urbem aliquam euertit, quam Seuerus? attamen cum respuit ab iracundia contra Byzantios, animaduertit se ab antiquis temporibus urbem habitam communem quandam benefactricem omnium, Romani imperij magnum propugnaculum deleuisse contra Barbaros ponti & Asiæ.

Itaque restituere conatus est, nominemque filij Antoninam appellari voluit. Cæteræ igitur urbes, ut sint mortales, hæc sanè quandiu erunt homines futura mihi videtur immortalis.



PETRI GYLLII

DE TOPOGRAPHIA

CONSTANTINOPO-

LEOS, ET DE IL-

LIVS ANTIQVI-

TATIBVS,

LIBER PRIMVS.

De Byzanti conditoribus, & de eius varia fortuna.

CAPVT I.



BYZANTIUM conditum fuisse Stephanus, atque Eustachius memoriae prodiderunt à Byzanto Ceroësse, & Neptuni filio, vel ab eo, qui classis Megarensium coloniã deducendum Dux fuit nominatus *Βυζης*. Ego hunc etiam Byzanta appellatum arbitror; nam à Byze, Byzeum, potius quàm Byzātium diceremus. Philostratus in vita Marci Sophistæ Byzantini, Ducem illum classis Megaricæ nominat Byzanta, cùm scribit Marcũ, quòd referret originem sui generis ad antiquũ Byzanta profectum Megaram, charum habitum fuisse Megarensibus coloniæ Byzantinæ deductoribus, quibus Pythium Apollinem consulentibus, vbi conderent urbem, & additum oraculum est, quæterent sedem cæcorum terris aduersam. Ea ambage Chalcedones monstrabantur,

quod priores aduecti illuc, prauis locorū vtilitate peiora legissent. Quod autem apud Iust inū scriptum est à Pausania Spārtanō Byzantium conditū, ita intelligendum ex illo, vt qui Sycam, quam hodie vocant Galatam à Gentensibus conditam esse affirmant, & Constantinopolim à Constantino, qui, aut reedificauit, aut amplificauit, non autem primi edificauit: nam cum ex Herodoto intelligam Dario inuadente Thraciam Byzantios, & Chalcedonios ne expectasse quidem aduentū Phœnicię classis relictis suis vrbibus in interiora Euxini ponti discessisse, ibique Mesembriam cōdidisse, Phœnices autem Byzantiū, Chalcedonem combussisse, arbitror Lacedæmonios Pausania Duce coloniā illuc deduxisse, & Byzantium, siue coloniam prius Megarensiam, siue sedem ciuium à Byzante Neptuni filio conditam restituisse. Eustathius dicit Antoninam appellatam fuisse ab Antonio Bassiano Seueri Cęsaris filio: sed quandiu pater vixit, id nomen obtinuisse, deinde multis post annis nominata est noua Roma, & Constantinopolis, & Anthusa quasi Florētia, siue Flora à magno Constantino, vnde Priscianus appellat nouam Romam Constantiopolitā. Apollo fœlices quidem prædixerat, qui eam incolerent, sed vtrunque fortunam sæpe experta est. Primò magnis laboribus emerfit impediētibz Thracibus, Bithynis, & Gallogræcis: in singulos enim annos octoginta talenta Gallis in Asia dominantibus diu pēsitauit. Maioribus creuit, nec solum externis, sed etiam domesticis frequenter vexata, nunc optimatū gubernabatur statu, nunc populari, variāsque partes secuta est, sed diu floruit in republica, latēque in

Europa, atque Asia dominata præsertim Bithynis, vt Philarcus tradat in sexto libro historiârum, Byzantios sic dominos fuisse Bithynorum, vt. Lacedæmonij fuerunt *ἐλευθέρων*, quorû fortuna mediâ erat inter seruorum, & liberorum conditionem. Hæc Respublica, Ptolomæorum Aegypti regum nomê coluit, vt Philadelpho honores diuinos tribuerit, templumque illi excitari in conspectu suæ vrbis, nomen imperij Romani fouit, primò aduersus Regem Macedonû, cui vt degeneri impositum Pseudophilippi nomen. Sileo missas copias in Antiochum, Perseum, Aristonicû, & piratiko bello adiutum Antonium Mithridatis impetû agre repulsum, & ceruicibus interclusum suis sustinuit; & simul Scyllæ, Lucullo, Pompeio valde auxiliata est, quando ea loca insideret, quæ transmeantibus terrâ, matisque ducibus, exercitibusque, simul vehêdo comœatu opportuna forent. Tandem Nigri partes secuta contra Seuerum omni dignitate principatus spoliata est, & Perinthiis subiecta, & balneis, & theatris muris, quibus validis excelsisque munita erat, lapidè quadrato, & molari constructis, potius quàm Milesio, vt placet Politiano, nam neque ex illo antiquo Milesio, neque Miletopolis excelsus fuit, cum Miletum remotissimû, & Miletopolis posita iuxta Rhyndacum flumiin nullas nobiles lapidæ cinas habeat, quàm quidam vidi funditus euersam lacui Apolloniati propinquâ adhuc nomên retinentem. Muri ad eò tenui iunctura fuerûq, vt Herodianus testetur, nemini compositum opis, sed ex vno, perpetuòque lapidè visum fuisse, ruinas ipsorum, reliquiasque Herodiani temporibus, qui videbat, mirabatur eqs, vel qui

cōstruxissent, vel qui deleuissent. Dion, quem Zonaras citat, muros tradit munitissimos habuisse Byzantium, quarum lorica lapidibus tres pedes crassus, & qui regulis æreis comprehenderetur constructa erat, interioraq; ipsorum sic erant cōpacta, ut vnus murus crassus omnis structura esse videretur. Turres crebræ & magnæ, portas circū habentes alias aliis superpositas. Muri ex parte Continentis valde excelsi, maritimi humiliores erant. Duos portus intra murū habebat, catenis clausos, quorum brachia sustinebant turres multum emīnētes, ipse cū Græco Codice Xenophontis carerem, arbitrabar Xenophōtem de alterutro horum portuum intelligere ex Latina traductione, quæ ita habebat cū ex Chrysopoli Byzantium traiecissent, cūq; ex Byzantio exclusi essent milites Xenophontei repagula perfringere conabantur, portasque se effraçturos minabantur, nisi eas Byzantini voluntate aperirent, atq; accurrerunt ad mare, & intra oppidum desiliere muris superatis, iuxta ipsius portus latera, quæ, quod curuatis vtrinque molibus prominent, Chelas, id est, acceptabula Græci vocant: at postea incidens in Græcū Codicem, vidi nullam ibi mentionem portus esse, sed duntaxat τὰ χεῖλῶς τοῦ τείχεος, hoc est, ad crepidines muri, siue ad proieçturas fulcientes murum: ac si χεῖλῶς τοῦ λιμένος legeretur, brachium potius, aut erus vertendum fuisset. Dionysius Byzantius tradit Bospori primam circuitiōnē excipere tres portus: Byzantij quingenta habebāt nauigia, quorum quædam erant dicrota, quibusdam erant gubernacula ex prora, & ex puppi, & gubernatores, & nautæ duplices, ut siue inuaderent, siue retrocederent, necesse non

non esset eas conuertere: hostesque fallerent in accessu,
& recessu. Byzantij Nigro viuente, & mortuo multa mi-
rabilia ediderunt triennium obsessi, neque modò capie-
bant hostium naues præternauigantes, sed etiam trite-
mes ex statione hostili abstrahabant: anchoras enim
vrinatores sub aqua natantes abscindebant, & funicu-
lis ad clauos pedum plantis affixos alligatis trahebant
sua sponte adnare vilas, nec primi Byzantij hoc ege-
runt: nam Tyrij assueti conchas, aliâque eiusmodi sub
aquis legere profundo mari nantes ex improviso an-
choras hostium præcidebant, quod Alexander ubi ani-
maduertisset, ferreas catenas pro funibus alligari ad
anchors iussit. Byzantij, cum omnia consumpsissent,
tamen resistebant lignis, quæ ex ædificiis detrahebant,
& funibus ad naues utebantur, quos ex capillis formi-
narum suarum conficiebant, interdumque statuas, &
equos proiiciebant in suos hostes. Vt verò omnibus escu-
lentis destituti sunt, pelles aqua mollitas edebant, pelli-
búsque consumptis alij in alios efferari cœperunt huma-
nis carnibus vescētes, dentque fame oppressi inuiti vr-
bem dederunt. Romani interfecerunt milites, omnes-
que principes ciues, vrbs tota funditus euersa, muri di-
ruti, quorum ostentatione gloriabantur, simulque thea-
tris, thermis, omni que cultu, atque honore detractis in
vici formam redacta Perinthiis adiudicata est. Ea ca-
pta Seuerus valde lætatus est, eique libertatem abstulit,
& dignitatem reip. tributo imposito, ciuium bonis pu-
blicis Perinthiis Byzantium, eiusque regionem lar-
gitus est. Seuerus postea Byzantium profectus, ut vidit
ciues sibi obuiam egressos cum ramis oliuarum suppli-

ces deprecantes salutem, & excusationem afferētes, cur illi obstitissent, abstinuit quidem à cæde, sed Perinthiis subiectos reliquit, theatrū tamen illis dedit, & *κωνίαν* porticus, & Hippodromum ædificandum curauit, eidemq; adiunxit thermas, quas ædificauit in templo Iouis, qui appellabatur Zeuxippus: renouauit etiam Strategium, quæ omnia Seuerus inchoauerat, Antoninus filius perfecit.

De magnitudine Byzantiæ.

CAP. II.



Constantinopolitani ciues huius ætatis dicunt Byzantium comprehensum fuisse primo colle, hoc est, septo regio, sed ampliùs fuisse liquebit ex his, quæ modò dicam: recentes scriptores ita describunt Byzantium incepisse à muro arcis, & pertinuisse ad Eugenij turrim, ascendisse vsque ad Strategium, & Achillis balneum, & portam Urbicion terrestrem Byzantiæ, inde in chalcopratia & miliarium vbi altera porta terrestris Byzantium hinc ad columnas Zonarij, ex his descendisse, & flexū fuisse in Acropolim per manianas, & thermas Arcadianas, quibus vt nonnullam fidem habeam non tantum facit eorum in aliis permultis mihi cognita fides, quàm Eustathius scribens Abenienfes vsos Byzantio *ὡς πόλιν*, id est, parua vrbe ad seruandas pecunias, sed longè antiquior Zosimus Historicus Byzantium ita describit: In colle, inquit, situm fuisse occupans partē Isthmi, quem efficiunt sinus nuncupatus cornu, & Propontis, habuit portam in fine porticuum, quas Seuerus Imperator ædificauit, cū iratus esse desisset Byzantiis, quod Nigrum tutati fuissent hoc stem,

stem, Byzantij muris per collem procedebat à parte occidentali vsque ad Veneris templum, & ad mare oppositum Chrysopoli, à Boreali verò parte simili modo descendens vsque ad portum, quem vocant Neorium, & vterius vsque ad mare, quod è regione iacet oris pontici per quod ad pontum Euxinum nauigatur. Hec igitur, inquit ille, antiqua vr̃bis magnitudo, sed Dionysius Byzantius Zosimo multo antiquior, vt ex eius scriptis cognoscatur ante Seueri ruinā scripsisse, ait ambitum Byzantij circiter quadraginta stadia complexū fuisse, quæ longe maius spatium complectuntur, quàm illi tradiderunt. Herodianus Byzantium tempore Seueri vr̃bem maximam omnium Thraciæ fuisse dicit.

De Constantinopoli instauratione, eiusque magnitudine.

C A P V T I I I.

ZONARA Constantinum magnum scribit cupientem vr̃bē sui nominis condere primo Sardinicum Asiæ agrum delegisse, deinde Sigæum promontorium post Chalcedonem & Byzantiū. Georgius Cedrinus dicit Constantinum primo Thessalonicam delegisse, ibique biennium agentem loco delectatum admirabilia templa, balnea, aquæductus ædifican- tem peste interpellatum locum hunc reliquisse, & profectum Chalcedonē Bithynorum à Persis euerfam restituere incipientem admonitum fuisse, vbi Constantinopoli cōdenda esset ab aquilis lapillos architectorum iterum, & sæpius rapientibus, & Byzantium transportantibus. Zonaras idem scribit, lapillos non vocat, sed funiculos, quod commentitium videtur surreptum

ex Dio

ex Dionysio Byzantio tradente parum abfuisse, quin Byzas conderet Byzantium in loco semystra nuncupato sito ad ostia Cydari, & Barbyſæ fluminum, niſi coruus rapiens ex media flamma partem victimæ, & deportans in promontorium Boſporium Byzantem admonuiſſet ibi condendum eſſe Byzantium: at mihi tam cæcus Conſtantine non videtur fuiſſe, quàm Chalcedonij antiqui, quorum cæcitate omnibus literarum monumentis decantata edoctus proſpicere pòtuit Byzantium, potius quàm Chalcedonem commodius Romani imperij domicilium eſſe, quātò melius ſentiunt longè antiquiores, è quorū numero eſt Sozomenus Salaminius, & Zoſimus, qui ſcripſerunt ſuam hiftoriam tempore Theodoſij minoris, hi omiſſa mētione Sardicę & Theſſalonicę, & Chalcedonis, tradunt Conſtantinum cogitantem urbem condere ſui nominis æqualis conditionis parísque honoris, Romę deprehendiſſe locum inter antiquum Ilium & Hellespontum commodum ad urbem condendam, fundamentaq; ieciſſe, & muri partem in altitudinem excitaſſe, quę in hunc diem videtur in promontorio Sigæo, quod Plinius appellat Aiantiũ, ex eo, quòd ibi Aiæ ſepulchrum eſſet eminens in extremas Hellesponti fauces, vbi dicunt ſtationē nauium fuiſſe, & tentoria habuiſſe Achæos militantes contra Troiam, pòſt Conſtantino commodiorem ſedem viſam eſſe Byzantiũ, quod trecentefimo ſexageſimo ſecundo anno ab imperio Auguſti Conſtantine reſtituit, auxit, maximis muris circumdedit, nuncupatque nouam Romam Conſtantinopolitanam lege ſanciuit, quæ incifa in colūna lapidea, & publica in Strategio prope Conſtantine

stantini statuam equestrē propofita erat. Cū autem indigenas ciues exiftimaret non fufficere magnitudini vrbis, iuxta fora fparfim ædificauit domos, quas dedit habitandas Senatoribus, atque illuftribus viris, quos fecum duxerat ex vrbe Roma, atque ex aliis gētibus. Fora conftituit alia ad vrbis ornamentum, alia ad vsum ciuium, Hippodromon facris ædibus, fontibus, porticibus inftituit, & Senatu, quem habere voluit eundem honorem, quem Senatores Romæ habere solebant. Regias ædes condidit non multo inferiores Romæ regiis ædibus. Denique in omni ornatu fimilem, æqualēmq; Romæ Italiæ efficere ftudens in eam magnitudinem perduxit, vt Sozomenus tradat hominum multitudinem & diuitiis maiorem Conftantinopolim eſſe, quàm Romam. Cunaſpius Sardonius non ignobilis ſcriptor, quamuis Conſtantino infeſtus, tamen Conſtantinopoles magnitudinem maximā deſignat his verbis: Conſtantinopolis, inquit, antiquum Byzantium temporibus quidem antiquis præbuit Athenienſibus tranſmiſſionem frumenti, quod illinc copioſum efferri ſolebat: ſed temporibus noſtris, neque ab Aegypto multitudo onerariarum nauium, neq; ex omni Aſia, & Syria, & Phœnicia, & ex aliis gentibus importata, multitudo frumenti Conſtantinopolim implere & ſatiare poteſt populū, quem Conſtantine in urbem Byzantium tranſtulit ex aliis vrbibus, quas hominibus ſpoliauit. Similiter Zoſimus & ſi Conſtantino non æquus ob religionem, tamen fatetur eam auxiſſe in magnitudinem maximæ vrbis, atque ultra Byzantij muros quindecim ſtadia urbem circumplexum eſſe in uris intercipientibus Iſthmum ex.

mari in mare, quam Constantinus quamvis maximam effecit: tamen Imperatores, qui post Constantinum imperarunt, maiorem effecerunt, & propter multitudinem vndique confluentium in urbem militum, vel mercaturarum, vel aliarum rerum causa, aliis muris multo maioribus, quam Constantiniani essent: eam circumdederunt, & habitationes ita angustas esse permisit, ut etiam habitantes in foris angustè habitaret, ut viatores cum periculo incederent propter hominum, animaliumque multitudinem. Vnde factum fuit ut maris non parua pars circumiens urbem exsiccata fuerit, & palis in circuitu defixis, & domibus supra palos impositis urbs magna facta sit ad capiendam populi maximam multitudinem, & hæc quidem Zosimus ait de magnitudine, qua erat temporibus vel Arcadij, vel Theodosij. Agathius scribit temporibus Iustiniani adeò continentia, & perpetua fuisse urbis ædificia, & coniuncta inter se, ut rarissimum videret quispiam locum sub dio apertum, & vndique liberum, ut rectis oculis cælum suspicere posset. Quam etiam magna fuerit urbs ante Iustiniani tempora colligere possumus ex antiqua urbis descriptione incerti auctoris, sed antiqui, & fidei pleni. Is dicit urbis longitudinem fuisse à porta Aurea usque ad littus maris directa linea pedum quatuordecim milia septuaginta quinque, latitudinem autem pedum sex milia centum quinquaginta, neque tamen Iustiniani temporibus intra urbem Blachernas fuisse colligere licet ex Procopio etiam si ante Iustiniani imperium urbs aucta fuisset à Theodosio minore, qui, ut tradunt Zonaras atque alij, id negotij dedit Cyro urbis Præfecto, is magno & pro-

pto

pto studio excitauit terrestrem murum à mari ad mare sexaginta diebus vrbis populus hoc opere delectatus, & celeritatem admiratus exclamauit Cyrum, & publica voce in theatro coram Imperatore Theodosio pronunciauit, vrbem Constantinus condidit, Cyrus renouauit: hinc inuidia Cyro conflata est, & suspicio. Itaq; Theodosij iussu inuitus tonsus, deinde Smyrnæ Episcopus constitutus est. Hunc nominant Epigrammata Constantino, inscripta in portis Xyloceri & regij nuncupatas his verbis:

Εἰς τὴν πύλιν φυλοκόρῃς γὰρ Βυζαντίῳ.

Θεόδοσι· τὸ δὲ τῶχ· αὐαξ, καὶ ὑπαρχ· ἰάσε

Κωνσταντίν· ἔτ' ὄψεαι γὰρ ἡμᾶσι θ' ἡκόντ' α.

Εἰς τὴν πύλιν πρὸ φηγὺς γὰρ Βυζαντίῳ.

ἡμᾶσι θ' ἡκόντ' ἐλδοκίπρῳ βασιλεῖ

Κωνσταντίν· ὑπαρχ· ἰδέματ'· τάχ' τῶχ·

Quæ autem causa mouerit Constantinum, vt Byzantium nouam Romam Reginā imperij Romani constituerit, Sozomenus atq; alij tradunt Deum noctu Constantino visum oraculum dedisse, vt ad Byzantium conderet vrbem dignam suo nomine. Alij tradūt, vt Iulius Cæsar euitare volēs insidias, cogitauit migrare Alexandriam, vel Ilium, translatis simul opibus imperij, exhaustaq; Italia delectibus, & procuratione amissis permittas: sic Constantinus sentiens se venisse in odiū senatus, populique Romani, exhausta Roma migrauit primò Iliū, deinde Byzantium. Zosimus nomini Christiano infestus causam affert maximè impiam. Constantinus, inquit, cū sustulisset Crispum, atque alia scelera commisisset, à sacerdotibusq; expiationem eorum peteret,

responsum ab eis accepit se tantam scelerum impietatem purgare non posse, sed hanc Aegyptium quendam posse, qui ex Iberia Romam profectus allocutus Constantinum affirmavit omnium scelerum ipsum purgationem adepturum, si Christianorum confirmaret opinionem; quæ hoc constitutū profiteretur, impiè, & sceleratè contaminatos, statim pœnitentes veniam assequi omnium malefactorum suorum. Constantinus facile sermonem excipiens reliquit religiones patrias, & particeps factus est eorum, quæ sibi communicauerat Aegyptius, impietatisque principium fecit manticam habere suspectam: instante autem festo, in quo necesse erat in Capitolium ascendere exercitum, & ritus religionis suæ implere, metuens Constantinus interesse festo ex visione ab Aegyptio sibi missa improbâte ascensum in Capitolium à sancto sacrificio patrio desciscēs senatum, populūque Romanum excitauit, in odium sui, qui non ferens omnium execrationes, & conuitia urbem similiter præstantem, ut Romam querebat, ubi Palatia regia constitueret, & sedem imperij: cū locum inter Troadem, & antiquum Ilium inuenisset aptū ad urbis ædificationem, & Palatia regia constituenda fundamenta iecit, & muri partem excitauit: ubi verò huius loci Constantinum pœnituisset, opus reliquit imperfectum, & Byzantium accessit, admiratus urbis situm, iudicauit hanc aptam maximè esse ad Regis domicilium excipiendum. Hæc quidem Zosimus Iuliani studiosus Constantino ob religionem infestus, à cuius sensibus, ut penitus abhorreo, ut ei nō assentio de sceleribus impiis, quæ falsò impingit Constantino, quæ alienissima à men

à mente Constantini maximè pij, humanissimique copiosè monstrare conarer, nisi hoc præsens institutum tantam digressionem non pateretur, nisi etiam satis Sozomenus & Euagrius ea redarguissent, & confutassent. Ita in describenda magnitudine incrementi urbis ei assentire cogor, cum ex eo, quod etiam si Constantino infestus, tamen tantam, tam magnam, tam pulchram cogitur fateri Constantinum ædificasse: tum etiam magis ex eo ipso, quod is vicinior multis seculis esset temporum Constantini, quàm recentes monachi, qui incertis libellis, quos ipsi inscripserunt de patria Constantinopolitana, Constantinopolim ita designant, Constantinum posuisse murum à turre Eugenij, quæ finis erat antiqui Byzantij usque ad diuum Antonium à topis nuncupatis ad sanctam Deiparam nuncupatam Rabdon, & ascendisse usque ad Exacionion, à milliario penetrasse ad portas antiquas Ioannis præcursoris, & transisse usque ad cisternam nuncupatam ab homine bono, inde transisse ad Armation, atque usque ad diuum Antonium, hanc descriptionem excuterè, nisi eorum autores mendaces in permultis expertus essem, ut prætereundos putem. Hoc ferre non possum, quod ponunt Ioannis præcursoris templum intra muros Constantinianos fuisse, cum etiam multis annis post Constantinum extra urbem fuisset, atque alia sim infrà demonstraturus.

De forma, ambitu, latitudine, & longitudine, quæ nunc est Constantinopolis.

CAP. IIII.



Onstātinopolis ex tribus partibus alluitur mari, ex Aquilone sinu Cornu nuncupato, quem in Europam insinuat Bosporus, ab Oriēte cin-

gitur Bospori extremis faucibus, à Meridie Propontide ab Occidente terra Thracia. Forma illius est triangula, cuius basis est pars vergens ad occasum, vertex autem pars pertinens ad ortum, id est, ad initium peninsulae, sed lateribus disparibus: latus enim spectans ad occasum, ab angulo sinus lunatam curvaturam admittit, deinde postquam longo spatio processit, ex Aquilone flectitur ad Meridiem, latus verò vergens ad Meridiem, admittit flexum ea latitudine, ut si ab angulo ad angulum linea recta extenderetur, sinum maris interciperet in medio largum plus minus duobus stadiis, latus verò pertinens ad septentriones, & sinum Cornu nuncupatum: si ab angulo vno ad alterum angulum linea duceretur, totum sinum Cornu, & partem urbis Galatae interciperet: sic enim curvatur latus, ut eius duo extrema cornua arcum efficiant, duos arculos in medio flexu habentem, sed sic introrsus recedentes, ut duo extrema cornua arcus se includentis, non impediunt quominus quis ex alterutro cornu cernens videat, utrunque cornu: magis igitur propriè Constantinopolis tricornis, quam triangula. Nam recti anguli non prominent extra latus, neque recedunt, cornua verò prominent & recedunt, & incurvantur. Itaque si haec tria cornua quatenus eminent extra truncum urbis abscinderentur, urbs remaneret quadrata, oblonga, aliquantò plus miliari lata, ter tanto ferè longior, quam latior: ac si cornu, quo scinditur Bosporus non flecteretur ad ortum solstitialem, sed ad æquinoctialem dirigeretur, urbs trianguli formam tenere posset: nam urbis latus vergens ad sinum ferè esset rectum, & Proponticum latus magis dirigeretur, &

tur, & pari prope anguli essent latitudine, sed tamē anguli absoluti figuram nōdum obtineret: nempe alij hebetiores, alij acutiores, & latera nondum rectis lineis dirigerentur: nos tamen, ut omnes existimāt, triquetram dicere possumus tribus grandibus angulis constantem, quorum vnum spectans Propontidem, alterum perti- nens ad continentem Thraciam, eadem sunt longitu- dine, tertium sinui adiacens breuius est vno circiter mi- liario, ambitus vrbis non attingit tredecim miliaria: quanuis Laonicus Chalcondylus in historia, quam scri- psit de Othomānis, tradit Constantinopolim circuitu complecti centum & vndecim stadia. Eius longitudo discurrens per dorsum promontorij sex colles efficien- tis, non longior est triginta stadiis: at si vrbis esset trian- guli recti, non longē excederet nouem miliaria. Sed si eius situs collinus in planitiem explicaretur, in amplio- rem dilataretur latitudinem: attamen nondum ad ma- gnitudinem, quam vulgō Byzantini ei attribuunt, vi- delicet duodeviginti miliariorum: neque tamen plura ædificia contineret, quod sita in collibus, quā si esset posita in librata planitie, propterea quod ædificia non in solo inclinato, sed ad libellā plano ædificantur. Non enim eadem ratio domorum, & hominum: nam plures homines ambitus Constantinopoleos continere posset in collibus sita, quā si esset plana, non item plures do- mos. Sedes enim hominum in cliuis consistere potest, non item domorum, quarum solum explanatum esse oportet. Eius latitudo varia ab Oriente ad mediam fe- re urbem nusquam strictior miliario, neque latior duo- decim stadiis: deinde sensim dilaturatur in duo cornua,

ubi

vbi tam larga est, quàm tota fere vrbs lōga, nec admodum dissimilis est aquilæ pandenti alas, obliquè intuenti sinistrorsum, in cuius rostro positus est collis primus, vbi Regis Palatium, in oculo templum Sophiæ, in capitis vertice posteriori fere est Hippodromus, in collo sunt duo colles, secundus & tertius reliqua vrbs pars alas, & cæterum corpus occupat.

Constantinopolis generalis descriptio.

CAPVT V.



Constantinopolis occupat peninsulam septem colles complectentem, quorum vnum efficit vrbs angulus orientalis inchoans promontorium, quod Plinius appellat Chrysoceras, Dionysius Byzantius Bosporiū. Hic collis primus est diuisus à secundo colle, valle lata, reliquos sex colles efficit idem promontorium Bosporium, ita ab exordio peninsulæ orientali ad Occidentem pergens perpetuo dorso lenitèrque conuexo, vt sex colles ex suo latere dextro in sinū eminentis porrigat, & valles quinque emittat, sed nullas penetrantes dorsum excepta tertia, & quinta. Sed ita, vt suis iugis paululum depressis dorsum promontorij ferè æquum continent, sinistro autem latere feratur perpetuo cliuo, vt colles non habeat, sed tumulos, & vallículas exigue depressas, procliuiores tumulis ipsis: & ita dorsum promontorij tendit aliquantum dispari planitie, & altitudine, ac curuatur duos flexus recipiens, primum prodiens ex iugo primi collis. Vnde leniter assurgit vsque fere ad alterum flexum, qui fit in iugo tertij collis, vbi exiliter deprimitur, dum vallis iugum interceden

cedentis inter tertium, & quartum collem admittit. Inde mediocri intervallo cliuoso assurgit, deinde æquale fertur ad occasum vsque ferè ad murum terrestrem, vbi paululum eminet, promotorij huius, quod dico efficere sex colles, planities varia: nam alia in dorso, alia in radicibus, vtraque inæqualis, in primi collis iugo librata, larga ducentos circiter passus, longa septingentos. Deinde prodiēs ex huius collis fastigio, leuiter peruenit ad iugum secundi collis, vbi larga quingentos passus, sed tota fere leniter deuexa, in iugo vnde nascitur secunda vallis angusta, & exiguè prona, in tertio colle latior sexcentis passibus, sed æqualior eo loco, vnde oritur tertia vallis ampla sexcentos passus. Ex qua ascenditur breui cliuo in quarti collis iugalem planitiē non amplio-rem ducentis passibus, in quinto dilatatur in passus circiter septingentos: in iugo, ex quo nascitur quinta vallis, restrictior, in sexto molliter attollitur. Iam vero ima planities inter mare & radices promontorij procurrēs, & si totum promontorium perpetua ferè cingit, tamen varia est, nam minor est ad radices collium, dimidio latior ad valles: ita enim ab initio promontorium ambit, vt in valles tres insinuata pateat in latitudinē mille passuum, iuxta colles nusquam angustior iugere, excipio tertij collis radices & quinti, vbi est angustissima, in quartam vallem longè latèq; spatiaur. Ad radices, sexti collis contrahitur, exceptis radicibus duorum tumulorum positorum à tergo primi & secundi collis, quorum alter eminet vsque ad littus, alter prope accedit. Sed vbiſ ut situs faciliùs explicetur, per partes describam valles & colles, quorum iucundus prospectus est;

ex eodem enim promontorij dorso sex colles nascentes eminentes in sinum, vt fratres dicere possis, ita per ordinem locati sunt, vt alteri alterorum aspectum non auferant, vt per sinum nauigans omnes videat ita eminentes in sinum, ex tribus lateribus vt singuli duo ostendāt latera, primus eminet in ortū solstitialem ad claudendum sinum, secundus tertiūque interiūs recedunt versus Meridiem, reliqui eminent in septētriones tam sensim, vt vno aspectu videre eorum omnium possi. duo latera, neque vnius altitudo alterius altitudinem priuat aspectu nauigantium per sinum. Primus est secundo humilior, secundus tertio, quartus quintus, sextus aut paulò editiores tertio, aut paululum cedūt, id quod aquæ ductus libella deprehendere licet. Primus enim collis inferior tertio & quarto deprehenditur ex turre librante aquæ ductum, per quam ampliūs quinquaginta pedes aqua in altum exprimitur. Atque clariūs vt res intelligatur, diuisione vtar non quidem in longitudinem vr̄bis à Bospori extremis faucibus ad mœnia circuitu maris carentia pergentem, sed in latitudinē tendentem Propōtide ad sinum Ceras nuncupatum: quod autem latitudinem in sex partes diuidam, naturalis situs promontorij me informat, qui diuisionē in sex colles vallibus distinctos in sinum eminentes informauit, verūm non absoluit, non enim dorsum promontorij transeūt. Romanos colles facile est secernere, quos Natura seceruit vallibus, at Byzantini adeo dorso inter se coherent, & promontorij eos procreātis pars sita à tergo collium non similiter vt à fronte intumescat, vt aliter eos describere non possim, quàm hos sex colles esse

vnius

vnus promontorij dorsum perpetuum prominens inter valles alternas. Itaq; non aliter definiam, quàm primo describam partem promontorij dextram, hoc est, collem, aut vallem, postea partem sinistram positam à tergo collium, aut vallium.

Singularum partium situs.

CAP. VI.

P R I M A latitudinis pars est frons peninsulani promontorij amplius mille passibus patēs, vergens ad Orientem, adiacens extremi Bospori faucibus. Is enim ita secundum frontem promontorij discurrit littore curuato leniter in arcum, vt ab angulo, quo Bosporus scinditur in sinum Ceras, & fretū extremarum faucium Bosporonarum, intervallo citciter quatuor stadiorum pertineat à Septentrione ad Meridiem, deinde spatio quatuor stadiorum ab ortu solstitiali se conuertat ad occasum brumalem, vsque ad initium Propontidis, cuius cum Bosporo coniunctio finit promontorij frontem, & flexum vrbs incuruat ad Occidentem æstiuum intervallo duorum miliariorū: ipsa autem frons planitiem maritimam habet patentem in latitudinem ducentorum passuum, tam longam, quàm ipsa longa est, supra planitiem eminentes cliui omnes ferè molles, non excedentes altitudinem quadringentorum passuum, cliuorum pars sinistra exposita orienti brumali habet in iugo Hippodromum, pars dextra respiciens ad orientem æstiuum, efficit latus primi collis, in cuius summo est Regis Palatium: possem frōtem totam, cum planicie & cliuo æqualiter procurrentibus continuata sit, & cohærēs cum colle primo, dicere pars

tem primi collis, verum vt distinctius intelligatur, tractabo separatim.

De primo colle, & Regis Palatio, & de Sophia, & de Hippodromo.

CAP. VII.

PRIMVS collis ab ortu solstitiali ad occasum
brumalem proferens suam longitudinem, primo patet in latitudinem triginta passuum, sed subito fit latior, deinde paulò minùs in latitudinē porrigitur, quàm in longitudinem, nascitur ex peninsula ni Isthmi angulo efficiente verticem triangulæ vrbis, proiicit velut mucronem, seu linguam molliter in planum deuexam, seu rostrum, quo Bosporus in fretum sui canalıs, & sinum Ceras nuncupatum scinditur: eminet vltra cæteros colles totus ferè in sinus ostium, aditumque proiectus, & tanquam brachium immissum claudit sinum, vt lineam ab eius mucrone, si duceres ad angulum vrbis occiduum intra lineam totum sinum, maritimamq; Galatæ oppidi planiciem includeres, id quod magno naturæ munere, sinum protegēs à ventis tutiorem, & portuosiores efficit, vndique procliuis prominet excepta ceruice, qua plana adnectitur reliquo dorso promontorij similiter plano, illius cliui spectantes ad ortum solstialem, & septentrionem mediocriter supini, & molles, reliqui proniores, vt alicubi gradibus ascendantur, sed omnes vbi elatiores nusquam quadringentos passus excedunt. Planicies maritima imos collis cliuos ambiens varia est, eam quæ ad Orientem pertinet, latiore facit lictus intumescens incuruaturam lunatam, illius verò, quæ ad septentriones, & Solis occasum
contue

contuctur, latitudinem auget, vallis diuidens primum collem, à secundo colle: iugi planities librata est in passuum longitudinem circiter septingentorum, collem totū non solum natura muniuit, quē ab Oriente ipsum Bosporo, à Septentrione sinu Cornu nuncupato, ab occasu solstitiali valle circūclufit, verum etiam regij claustri muris vndique clausus est, quibus frequentia pinnarum, & turrium distinctis nihilque à murorum urbanorum forma differētibus à reliqua vrbe separatur. Maritimam planiciem, & cliuos imos occupant regij horti, ex collis supercilio longē latēque maria, camposque despicit Regis Palatium in summis cliuis partim sitū, partim in iugi planicie, in qua duæ Palatinæ aræ vndique clausæ: prima patet in passuum longitudinē circiter septingentorum, in latitudinem verò ducētorum, quam subsequitur altera interior à prima muris & foribus diuisa quadrata longitudinis ducentos passus habens, vndique ambitur porticu multis, & variis colūnis marmoreis sustentata, in media area aliquot Platani, & Cupressi litigantium turbam adumbrāt, in angulo septentriones conspicienti forū iudiciale est, quod Turci Diuanum appellant. In aræ latere vergente ad Solis ortum æstiuum collucet regia domus, in latere brumali consistūt thermę, & culinæ regię octo hemispheriis caminatis constantes: earum enim vnumquodque hemispherium concameratum paruæ ædiculæ similitudinem gerens, nihil aliud est, quā luculentus caminus in summo vertice fastigiatus in figuram laternæ. Fores primæ aræ sitæ in media ceruice, in qua collis iugū iungitur ad libellam plano dorso promontorij ferreæ du-

plices, & biualues inter se distant viginti passus, inter quas stant ianitores, ex utroque vestibuli latere fulgent arma suspensa portarum limina & parastades marmoribus nitent, supra fores existit ædificium quadratum regulis plumbeis tectum, ut cætera omnia palatij ædificia. Ex prima area patet aditus ad secundam interiorem aream per portas binas, & duplices, inter quas media stinorum ianitorum statio, & arma appensa lucent, harum portarum pars exterior præ se vestibulum non habet; sed interior habet velut quoddam vestibulum egredientes excipiens, decem columnis varij marmoris sustinetur, cuius lacunaria auro, & ditissimis coloribus opere Persico elaboratis elatè superbiunt. Ad tertiam portam, qua patet intimus aditus ad ædes regias, stant intimi ianitores, & præfectus ianitoribus; & regio cubiculo. Hac nulli liberè ingrediuntur, nisi serui ministri regiarum domus: cæteri ingredi non possunt, nisi regio permissu, nisi Rege sedente intus prope fores, ut regij Satrapæ; cum Regem salutare habent necesse, aut Legati osculo Regis manū venerantur sedentis in lectica quidem humili, sed superbè strata intra ædiculam marmoream, auro, argentoque, & geminis fulgentem, circumdatam porticu sustentata columnis egregij marmoris spiras & capitula inaurata habentibus. Præter quas commemoravi portas regium claustrum multas alias habet soli Regi, regisque intimis ministris patentes, equidem meminisse mododecim numerasse ferreas omnes, ex parte urbis septem, quarum duæ mari propinquiores vehem scæni transmitteret, ex parte maritima quinque, prima ad Septentrionem, & finem vergit, secunda

in collis mucrone sita ampla præ se vestibulum habens
 laqueatum auro, & pictura Persica illustratum, susten-
 tatum columnis marmoris Ophitici, intuetur medium
 Bosphorum venientem. Ab hac non procul tertia con-
 spicit Chalcedonē, & Solis ortum, ante quam nauiculæ
 in clausa statione manent, quibus Rex ad venationes
 hortosq; nauigare solet. Quarta Solis exortum spectat
 hibernum non longè à ruderibus ædis Christo sacræ,
 cuius vestigia in muro inclusa apparētia Græci frequen-
 ti aditu venerari solent. Ultra hæc quinta videtur, apud
 quam tigna recta stant ad speculandū pisces retia sub-
 euntes, ex hac regij piscatores prodire soliti sunt, amœ-
 nissimum (vt id obiter interponam) prospectum: cum
 omnes Byzantij colles habent, tum longè amœniores,
 collis primus, in quo laxissimè habitat Rex. Is siue in
 hortis ambulet, siue domi taceat, à trōte prospicit Bos-
 porum, eiusque vtræque littora virentia tyliis suburba-
 norum prædiorum, à dextera campum Chalcedonen-
 sem suis hortis consitum Propontidem insulas frequen-
 tes, nemorosos montes Asiæ, & longè retro respicit O-
 lympum Asiæ perenni niue tectum, & prope nobilem
 vrbi partem ædem Sophiæ, & Hippodromum. A sini-
 stra intuetur sex vrbi colles, & Thraciæ campos longè
 latèque patentes, circumspectit vndique, & quoquo ver-
 sus nauigantes hos à ponto, vel ab Hellesponto, alios
 eosque diuersos ab omnibus Propontidis oris veniētes,
 alios sinum Ceras sursum deorsum nauigantes. Prospi-
 cit omni temporis momento infinitam multitudinem
 scapharum vtrò citròque traicientium. Despicit sub
 oculos subiecta tria collis latera vestita omni genere
 florum,

florum, arborum, herbarum: neque enim modo hinc amœnissimis prospectus est regiis ædibus, sed etiam omnibus hortorum cliuis, in quibus permultæ speculæ, ac potius collis triplex latus totum specula existit, ac si propius mare contueri vult in medio littore fastigiato in mucronem, quo Bosporum in duas partes diuidi diximus, porticus regia fulget marmoribus & columnis habens aspectum pulcherrimum amœnissimumque, cui omni æstatis tempore afflant molles auræ, in qua vndique virgeis cancellis minutis, & velut reticulatis clausa Regem sedentem nemo introspicere potest: itaque ille à nemine visus alter Gyges videt omnes circumnauigantes adeò prope, vt qua quisque facie sit, internoscere queat: & si fortè seruorum domesticorum frequentem usum fastidit externorum liberorum, excitari potest ridicula dicacitate, non solum remis, sed etiam contis ad crepidines littoris firmatis contendendum superare rapiditatem Bospori Rhodano longe celeriores. Extra regium claustrum excellit ædes diuinæ Sophiæ à valuis claustri regij distans passus circiter septuaginta, sita in primi collis ceruice, atque adeò in supercilio cliui eminentis supra hortum primæ vallis, ex qua gradibus lapideis ascenditur ad portam claustri regij, in ædémque Sophiæ, quæ ab ortu Solis hyberno habet cliuos adeo molles, vt sensim, & latenter desinant in supernam, & internam planiciem. Denique omnes cliui à septo regio ad Hippodromum leniter proni sunt, ab æde Sophia-na pergit planicies inter Meridiem & Occasum, ad finem Hippodromi patens in passuum longitudinē amplius septingentorum, Hippodromi longitudo duo sta-

dia excedit, latitudo stadium æquat, eius planities ad libellam æquata est, sed hominum opere potiùs quàm natura. Eius media pars pertinens ad Propontidem, ex triplici latere cliuis cingitur: lenibus quidem ab Oriente, ab Occidente verò pronis, & in magnam altitudinem depressis, à Propontide verò non modo procliui- bus, & præcipitibus, sed etiam ad perpendicularum directis altis plus minus quinquaginta pedes: tota enim Hippodromi frons substructis fornicibus constructa Hippodromum planum præstat, & pulcherrimū prospectum exhibet Propontidis, vt ex Hippodromo non modò nauigantes, sed etiam Delphini saltantes videantur. Eius gradus paucis ante annis ex latere vergente ad Septentrionem, extantes ab Abramo bassa, dum suas ædes ædificaret, sublatis sunt. Inter Hippodromum & Propontidem procurrit planities in passuum latitudinem quadringentorum explicata, in qua postea describemus templū Bacchi & Sergij. Sub Hippodromo versus Meridiem est porta Leonis marmorei extra urbem siti in ruderibus Palatij Leonis Macelli, cuius fenestræ antiquo opere laboratæ extant in muro inclusæ, Palatium positum erat in tumulo mare attingenti in altitudinem circiter centum passuum edito.

De prima valle.

CAP. VIII.

EX PRIMA promontorij planitie, in qua dixi Sophiæ templum, & Hippodromum esse, molle dorsum secundi collis mille passibus leniter ascenditur vsque ad columnam purpuream positam in summo vertice secundi collis, quem ab Oriete
ff

claudit prima vallis, quæ primum collem diuidit à secundo colle, nascitur à planitie Sophiæ procedēs à Meridie ad Septentriones, similitudinem gerit circini ducti in crura rigentia, alterum quidem crus ad ortum solstitialem, alterum ad septentriones porrigit. Per hanc mediam incedit murus claustrij regij, à reliqua vrbe segregans claustrum Turcicum, promontorij ima planities longè latèque ita in hanc vallem insinuatur, vt à sinu ad adem Sophianā mille passus ambules plano ferè pede, primo maritima librata patens in quingentos passus, deinde in vallem insinuata trecentos passus molliter assurgit, vt et si leniter deuexa est: tamen lubrico lapsu aquæ decliuitatem sentis, potius quàm pedibus, primum laxa, & paululum prona, deinde pressior, pòst in duas valliculas stringitur, quarum vicina Sophiæ, & si longa est quadringentos passus, tamen molliter accliuus est, & perangusta, vt eius imam planitiem via publica occupet.

De secundo colle.

CAP. IX.

PROMONTORII dorsum leniter intumescēs, & duæ valles secundum collem efficiunt, prima à Solis ortu primum collem diuidit à secundo, altera ab occasu secundum seiungit à tertio, à septentrionibus maritima planitie clauditur, à Meridie dorsum ad septentriones porrigit leniter deuexum in longitudinem mille passuum, in latitudinē verò quadringentorum. Totius autem collis latitudinem variam efficit varia vallium latitudo, valles enim, quibus intercluditur à summo, perangustæ ipsum ampliāt, ab imo latè

latè patentès astringunt, eius longitudinem producūt
sui tumuli, quibus duobus prominet in sinum, triplici
cliuo deprimitur in variam altitudinē: nam cliuus spe-
ctans ad ortum Solis hybernū à summa valle ad sum-
mum collis verticem, ascensu circiter mille passuum æ-
quabiliter & leniter prono effertur, deinde minuitur,
vt vallis augetur, & laxatur, procliuiorq; fit duabus val-
liculis, quas emittit ipsa vallis pronis quidem, sed cen-
tum passus non excedentibus, cliuorum ad sinum ver-
gentium altitudo, quàm varia sit quinque viæ demon-
strant, ab imis radicibus ad summum iugum pertinen-
tes. Prima in passuum altitudinem quingentorum assun-
git, quorum ducenti exorientes à primis radicibus val-
de proni, trecenti supini, secunda via sexcentos passus
alta, è quibus centeni per imam valliculam leniter sur-
gunt, deinde centum maximè propendent, vt gradibus
ascendantur: post quadringenti: paulatim collis dorsum
fastigiant vsque ad verticem latum sexaginta passus, à
vertice dorsum prominet ad Meridiem centum quin-
quaginta passus ad viam vsque procedentem ab ædibus
Sophiæ ad columnā porphyreticam. Reliquarū trium
viarum existūt à radicibus collis centum passus exiguè
proni, ducenti multum procliues, vt anfractibus mol-
liantur, quingenti leniter iugum collis ad culmen per-
ducunt, præterea ex cliuorum latere, quos dixi vergere
ad sinum, duo tumuli eminent, vnus in Septētrionem,
alter ad Orientem, vterque in alterum inclinatus, val-
liculam efficit ab Oriente cinctam cliuo prono, alto
octoginta passus placide deuexos: vnde fit, vt maxima
pars cliuorum huius collis contueatur Orientem, latus

collis spectans ad Solis occasum variam accliuatatem habeat. Nam eius cliui attingentes imam vallis planitiem in longitudinem trecetorum passuum ab imo ad medium præcipientes, & penè directi sunt. A medio ad summum leniter deuexi, qui vero eminent in summam vallem, non excedunt ducentos passus: sed variè declines, vt enim vallis assurgit, ita cliui molliuntur, duplici accliuatate deprimuntur, cliui omnes collis, vna in longitudinem, altera in latitudinem: qui enim desident in Orientem & Occasum, ita desident, vt etiam desideant in Septentrionem. Denique vniuersa eius latera quantumlibet alta sint, tamen eorum pars valde procliuis stadium non superat, reliquæ partes molli cliuo subsident, radices sensim deducuntur in planitiem, summi cliui dorsum efficiunt semiplanum, planities maritima inter sinum & collem intercedens ad radicem tumuli vergentis ad Aquilonem vbi strictissima est, patet in latitudinem trecentorum passuum, sed subito dilatatur ex vtroque tumuli latere in quadringentos passus, eoque magis quò longius insinuat in valles. Venio nunc ad promontorij latus sinistrum à tergo secundi, & tertij collis duo colliculi eminent in Propontidem, inter quos decurrit vallis ex tribus procliuis imbrici similis non supino quidem, vt esse solet in rectis: sed valde prono, à qua media vterque colliculus intumescit, orientalis quidem in passus amplius ducentos, occiduus verò in tantum. Vallicula inter hos colliculos depressa exigue concaua, sub se habet portum manu factum intra murum clausum, positum in maritima planitie, quæ excurret vsque ad frontem Hippodromi, patens trecetos passus in

sus in latitudinem, à sinu Cornu nuncupato ad Propon-
tidem latitudo secans collem laxatur in duo circiter
millia passuum.

De secunda valle diuidente secundum collem à tertio.

CAPVT X.

NALLIS, quæ secundum collem diuidit à ter-
tio, nascitur à dorso promontorij, desinitq; in
maritimā planitiem excipientem piscatorium
forum, & traiectum sycenum, à quo ad vallis primas
fauces planities in passuum latitudinem panditur qua-
dringentorum, ita æquatam, vt aquæ delabi possint in
sinum à primis faucibus, vbi laxatur in passuum lati-
tudinem ducentorum, sensim incipit astringi vsque ad
mediam vallem, vbi premitur in quinquaginta passus:
deinde coarctatur, vt dūtaxat admittat viam: vallis est
similis imbrici molliter resupino, & ita inclinato, vt so-
let inclinari in ædium tectis. Eius longitudo sexcentos
passus excedit, quorum trecenti fermè plano pede sub-
euntur, reliqui proniores: sed tamen paulatim assurgen-
tes in iugum, quo secundi collis dorsum iungitur dor-
so tertij collis. Per imam vallis planitiem via lata con-
tra oppidum Galatam posita vtrinque cincta tabernis
mercatoriis tecta scādulis, sed interlucentibus exiguas
fenestellas admittentibus, Galatini mercatores ascen-
dunt ad forum, quod Turci vocant Bezesten: id partim
sitū est in iugo vallis, partim in cliuo tertij collis, quod
anno Natalis Christi millesimo quingentesimo qua-
dragesimo sexto totum fortuito incendio deflagrauit,
exceptis duabus Basilicis concameratis lateritio opere,

quæ nocte claudi solent ferreis portis, & fenestris. Post incendium mihi licuit intueri aream fori viis distinctam rectis & transuersis: adueri sic esse planam, ut tamen exigue deuexa sit ab occasu ad ortum, à meridie in septentriones. Vidi fori circuitum combusti amplius quinque stadia complecti, in quo summo ad occasum pertinente Nymphæum inspexi quadraginta quinque columnis marmoreis ornatum, sustentibus lateritiâ cameram. Basilicam veterem, quam antea non potueram perspicere ob tabernarum, officinarumq; frequentiam circumspecti spoliatam circumuicinis tabernis, atq; animaduerti circa Basilicam esse appendices velut alas Basilicæ adnexas, diuisas in sexaginta fornices, tectos plumbeis tegulis, quibus pro tabernis & officinis vtuntur, in quibus intimis sunt conclauia, quæ clauduntur porta ferrea, his appendicibus Basilica circûseptâ consistat octo pilis, quatuor portis, quindecim hemispheriis concameratis lateritio opere tectis plumbo. Noua Basilica duodecim pilis sustinetur lapide quadrato constructis, ad pilas singulas adnituntur quatuor arcus sustinentes hemispheria viginti, tecta plumbo, hanc ambiunt appendices alaræ sexaginta fornicatæ & concameratæ, tabernas mercatorum continentes, intra Basilicam ducentæ & viginti tabernæ includuntur in hunc modum affabrofactæ: circum parietes, & pilas fornicum discurrunt suggestus lati, ubi sedentes mercatores exponunt merces, quas produciunt ex toculatis armaris lignicis, quæ à tergo mercatorum sedentium disposita sunt iuxta parietes per se extantia, neque muris affixa, sed exemptilia valuulis clausa.

De ter

De terris colle. CAP. XI.

TERTIVM collem duæ valles efficiunt, una ad Solis ortum pertinens illum dividit à secundo colle, altera, quæ ad occasum attinet seungit à quarto, dorsum illius porrigitur in longitudinem mille amplius passuum, procedit à promontorii iugo, ex Meridie ad sinum in septentriones æquali tere altitudine contra, quàm secundi collis dorsum, quod à summo promontorii iugo ad imam maritimam planitiem demittitur in septentriones: illius dorsum extra iugum promontorii planum multum procedit, eiusdemque radices trecentis passibus in septentriones amplius eminent, quàm secundi collis intumescētis in dorsum promontorii, planities dorsi variatur. Summa quidem pertinens ad iugum promontorii patet quoquoversus passus circiter octingentos, quorum partem occupant Gynæconitidum claustra; partem vergentem ad Solis ortum mercatorium forum, & Xenodochium, sepulchrūque Paiaziti Regis, partem meridianam area vacua, & circum aream tabernæ, librariæ reliquam dorsi planitiem vergentem ad septentriones non modò naturalem, verum etiam artificiosis substructionibus dilatatam occupant ædificia, quæ Rex Soleimanus præparat ad suum sepulchrum, & Xenodochium, ædemq; Mametanæ religionis sumptuosam. Hic collis desiderat tribus lateribus in treis tumulos extumescētibz: nam ex lateris ad Solis ortum spectantis parte, in quæ est turris Hirenæ, præminet tumulus in secundam vallem, longa dorsi porrectio longè proiiciens mucronem ad sinum versus, efficit tumulum cōspicientem septentriones:

nes: à latere autem ad Solis occasum pertinente, intumescit in tertiam vallem tumulus, in quo ædes est diui Theodori, à medio collis dorso ad maritimam planitiem. Duo enim latera duplici procliuitate deprimuntur vna recta, altera transuersa, latus Solis ortum conuens, cùm extendatur in passuum longitudinem circiter mille & trecentorum, accliuitatem transuersam paulatim remittit, à summo quidẽ latere remissiolem facit, at contentiolem & decliuiolem, quò propius deducitur in planitiem, cliui autem à summo collis dorso directi ad vallem varij sunt: nam eminentes in depressiolem vallem efferuntur in altitudinem quingentorum passuum, quorum imi trecenti valde procliuies, summi ducenti dimidio remissioles, nimirum tectis imbricatis haud procliuiolies. Cæteri cliui recta via deiecti ad vallem paulatim, paritèrque minuuntur, vt valis assurgit. Latus, quod attinet ad Solis occasum, fermè simile & par existit lateri vergenti ad Orientem: illud verò, quod subducitur à septentrionibus, cliuorum altitudines varias habet: tumulus enim à dorsi mucrone proiectus demittitur in passuum altitudinem quingentorum, è quibus imi trecenti aguntur præcipites, vt ædificia substructionibus nitantur. Summi ducenti accliuios quidem, sed leniter, & sensim velut ab equi posteris clunibus ad dorsum consurgunt. Reliqui huius lateris cliui, quò magis contrahuntur à maritima planitie, hòc longius produciuntur à residente in seipso transuersa decliuitate emissa à collis latere ad Solis ortum pertinente, planities maritima à collis radicibus, & sinu intermissa, qua parte attingit tumulum, quem iam dixi

demiC

demissum à mucrone collis ducentos passus non excedit, qua verò alias collis radices contingit, sensim laxatur in vallium fauces. Claustrum Gynæconitidum regiarum situm in collis dorso, cum primùm venissem Byzantium, paulò minus sex millia passuum circuitu complectebatur: at nunc id coarctant Regis Soleimani Xenodochia, & Mausoleum septi muliebris plus quàm mediam partem occupantia. Iam verò latus promontorij sinistrum à tergo tertij collis situm respiciens Meridiem & Propontidem duobus tumulis turgescit, ab horum altero, qui Solis ortui propior est latus promontorij sensim flectitur in occasum, vsque ad secundum tumulum paulò supra promontorij radices editum, à quo tumulo sexicollis promontorij latus statim admittit posticam depressionem vallis tertiæ, incipitque vergere ad septentriones. Duplicem igitur cliuum habet sinistra pars collis tertij, vnum ad meridianum cardinem editum in altitudinem sexcentorum passuum, alterum ad occidentem brumalem altum septingentos passus, tum ad æquinoctialem longè breuiorem. Planities interposita inter posticas tertij collis partes meridianas, & littus Proponticum nusquam angustior trecentis passibus, neq; longior septingentis: occiduas verò radices claudit planities vallis, quæ collē septimum separat à promontorio sexicollis, pertinens à planitie Propontici littoris ad murum vrbis circuitu maris vacantem ferè librata, vbique patens quingentos passus in latitudinem, tres iam commemorati colles propriè Bosporium promontorium appellari possunt: sic prominentes in mare, vt siue ex ponto, seu ex Propontide

nauiges Byzantium, eos procul videas proiectos in fauces Bospori. Vallis tertia reliquos treis colles à mare in continentem recedentes, à primis tribus collibus separare videtur: nos tamen quia dorso & cliuis coniuncti, & iuxta sinum ex ordine dispositi sex colles in promontorio Bosporio posuimus. Planities explicata in tertij collis dorso leniter demittitur in planitiem, quæ eminet in tertiam vallem ampla ad longitudinem, sexcentorum & viginti passuum in latitudinem tantundem.

De valle tertia.

CAP. XII.



ALLIS tertia inter tertium & quartum collem interiecta gemina esse videtur, nam hæc media in altum editur, vt dubiū videatur num sit vallis pars, an promontorij: iugum esse vallis particulam ostendit altitudo fornicum procurrens ex vno vallis latere ad alterum latus. Vt verò dorsum promontorij videatur, præ se ferunt extremæ vallis partes valde à media valle demissæ in contraria latera, vna ad dextram, altera ad sinistram. Dextra habet iniam planitiem latam in faucibus trecentos passus, deinde sensim astrictam in ducentos ad libellam ferme æquatam in longitudinem quingentorum passuum, quæ etsi in æqualem altitudinem deprimitur, tamen eius latera non æqualiter in altū efferuntur: vbi enim ipsa maxime concava est, eius alterum latus in magnam altitudinem attollitur, alterum ter tantò summittitur. Ex hac depressa planitie ascenditur breui cliuo in iugum mediæ vallis, seu dorsum promontorij, quod planum leniter depressum inter tertium & quartū colles, patet quoquoersus
sexcen

sexcentos passus. Excipio particulam, per quam vallis media penetrare videtur, vbi latior nō est quadringentis passibus. Per hoc vallis seu promontorij iugum fornices aquæductus à quarto colle recta via pergunt ad tertium collem, quorum fastigium æquat libella fornicum, qua deprehenditur quantopere deprimitur promontorij dorsum, vt enim fornices sint æquali fastigio, tamen inæquali altitudine existunt, nam benè excelsi sunt in plano iugo vallis, at in cliui collium longè minus alti, spatio enim octingentorum passuum ferè in æqualem altitudinem eriguntur, reliqui fornices, quò altiùs cliui extolluntur vtriusque collis, eò breuiores sunt, ex iugo siue id velis esse vallis, siue promontorij sinistra vallis pars leniter cōcaua mollitet propendet in septingentos passus vsque ad planitiē, quæ sēxcolle promontorium à septimo colle secernit pergens ad Propontidem, vrbis latitudo à sinu ad Propontidem secans tertiam vallem, patet ampliùs decem stadia.

De quarto colle.

CAP. XIII.



QUARTVS collis, in cuius dorso Mameti Regis, qui Constantinopolim cepit, Mausoleum spectatur vnà cum amplis ædibus Mametanæ religionis, & simul cum Xenodochiis, & Thermis, circumdatur duabus vallibus promontorij dorso, & maritima sinus planitiē, eius ambitus circumplectitur ampliùs ter mille & sexcentos passus, longitudo à summo dorso ad sinum Aquilonēque porrigitur vltra mille passus, latitudo ab ortu Solis ad occasum explicatur in passus circiter octingentos, à iugō ad sinum

collis procedens prope quadratus desinere perspicitur in duo cornua, sed imparia, quorum alterum vergens ad septentriones perpetuo dorso fertur vtrinque decliui, alterum spectans ad Solis ortum ita demittitur, vt ex hoc in alterum quasi gradus quidam iactus esse videatur, nimirum ex huius superiori parte planities excurrit, ex qua veluti gradu patet ascensus in alterum ab inferiori parte, in occasum deiicitur, vt valliculam efficiat, collis ab Oriente clauditur valle, qua ipse separatur à tertio colle, ab aquilone maritima planitie sinū contingente, ab Occidente partim valle, qua is sciungitur à quinto colle, partim circuitur promontorij dorso perpetuo, quod adeò paulatim & placidè ex quarti collis iugo assurgit ad iugum quinti, vt acribus oculis, potius quàm tardis passibus vtriusque collis dorsum inæquale esse percipiatur. Ita enim cōtinenti iugo hi duo colles inter se coniuncti sunt, vt nullus sentiatur cliuus: sed perpetua planities, quæ fastigians quarti collis dorsum octingentis passibus longior non est, neque latior ducentis, deinde in quinto in septingentos dilatatur, quartus collis etsi nulli ex sex collibus perpetuo dorso coniunctis cedit de altitudine, tamen ascensus tam rectos, quàm transuersos molliores habet ob longum tractum leniter deuexum triplici decliuitate depressum. Prima decliuitas per collis lōgitudinē à regione cœli inter Meridiem & occasum, media ad septentriones decurrit ampliùs mille passus, quorum ducenti surgentes à maritima planitie mediocriter proni, reliqui adeò molliter supini, vt semiplano pede subeantur, è quibus centum vltimi attingentes iugi planitiem decliuiores cæteris

cæteris prominent. Decliuitas transuersa collis latitudinem intercipiens duplex est, vna deiicitur ad Solis occasum, altera ad ortum depressa varia quidem existit, sed tamen tota nascitur à valle, quæ quartum collem diuidit à tertio. Ab huius quidem vallis iugo cliuus ducentis passibus ascenditur. Paulò infra summam vallem ascensus est quingentorum passuum, quorum centum ab imis radicibus exurgentes cliuo prono eriguntur, reliquorum leniter deuexorum altitudinem ostendit libella aquæductus. Ab ima eiusdem vallis planitie cliui alleuantur in altitudinem quadringentorum passuum, sed ita vt primùm centum octoginta prono cliuo ascendas, deinde ducentos ambules leniter deuexos, & ferè planos. Post transeas lateris mediam partem eminentiorem centum passus latam ab imo colle ad summum in octingentos passus erectâ. Ex hac descendis ducentos passus in occasum ad imam vallem, quæ quarti collis, & quinti diuortiũ facit, tota angusta est, sed longa plus minúsve mille & quadringentos passus: primi ducenti attingentes oram sinus plani quidem, sed dubij sint ne vallis an planæ oræ maritimæ. Sic enim hæc vallis cingitur duobus collibus, quarto quidem habente sub se planitiem maritimam ducentos passus patentem in latitudinem, quinto verò fermè attingente littus. Consequentes octingenti similiter plani, sed leniter deuexi: reliqui quadringenti attingentes iugum promontorij procliues, maritima planities ad libellam fere æquata inter sinum & quartum collem intercedēs variâ latitudinē habet, nam quæ pertingit collis cornu spectans ad ortum solstitialem est quadringentorum

passuum. Illa verò, quæ attingit cornu vergens ad septentriones in passus ducentos panditur, in summa situs quarti collis talis est, ut in sinu navigantibus hîc esse videatur pars erectior tertiæ vallis. Nam huius collis iugum longè recedit in Meridiem, eiusdemque cliui in longam summisionem abiecti valde supini iacent, at iugum quinti collis æquali excelsitate longè ultra quartum procedit ad septentriones. A tergo tertij collis vergentes cliui ad horam primam postmeridianam placidi, lenesque vsque ad planitiem vallis, quæ sexicolle promontorium diuidit à septimo colle, itaque postica collis pars intumescit in Meridiem, atque ex utroque latere separatur à valle tertiâ, ut latus à tergo positum eius partem meridianam dicere possimus, quæ post tumulum eminentem in latus vallis tertiæ aliquantum contrahitur sub Xenodochio Regis Mameri: at enim à tergo quinti collis sub columna virginea magis subducitur.

De quinto colle.

C A P. X I I I I.



QUINTI collis, in cuius fastigio extat Selini Regis Mausoleum, inæ radices contingentes partim sinum, partim duas valles ipsum claudentes altera ab ortu Solis, altera ab occasu passuum milia complectuntur circiter quatuor, eius dorsum ita in sinum ad septentriones prominet, & quarti collis latus ad Aquilonem summittitur, ut collis quartus videatur esse vallis quædam inter tertium collem & quintum interiecta. Non enim ut aliorum collium quinti collis iugum vrget, & premit summum promontorij dorsum, sed

sed totum extra promontorij fastigium æquali altitudinè longè procedit, ac non minus fermè in septentriones promouetur, quàm radices quarti collis triplici latere deprimitur, vno ad septentriones, quod quàm valde præceps, & directum sit, colligitur ex eo, quòd etsi tam altè effertur fermè, quàm summum quarti collis iugum descensum habentis longum plus mille passus: tamen illius summus cliuus minime omnium collium recedens à perpendiculo eiusdem infimi cliui, non amplius trecentis passibus ascenditur per valliculam, quam efficiunt duo tumuli attingentes sinus oram, quam vt trecetis passibus subicris, offendis gradus lapideos astructos ad substructiones arcam equantes, quibus ascendis ad Xenodochiũ Selini, hoc quidem latus quod septentriones intuetur, quatuor tumulis turget, tres valliculas deprimentibus à collis iugo exorientibus, ad eò exiguã littoris planitiem intermittentibus, vt eorum duo murum vrbis situm in littore contingant. Reliqui duo planitiem centenum passuum relinquunt, nusquam enim littorea planities angustior est, quàm ad radices huius collis: nam in longitudinem mille passuum eius latitudo centũ passus non excedit, alicubi non attingit quinquaginta. Ex his quatuor tumulis duo sunt prærupti, & præcipientes, vt ædificia casuris similia substructionibus nitantur, vt iam videre liceat rupes præcipientes fuisse ad molliendos viarum anfractus, reliqui duo minus abrupti minúsque præcipientes deiiciuntur, eorumque valliculæ minús etiã procliues, collis verò latus conspiciens Solis ortum, patet in mille & quadringentorũ passuum longitudinem, in altitudinem directam ducentorum, lateris

lateris ad occasum vergentis accliuitas in variam altitudinem abiicitur, vt vallis deprimitur, quæ vbi in planitiem libratâ depressissima est, erigit latus in passuum altitudinem aliam quingentorum procliuiû, aliam trecentorum placidè accliuium, vt non differant à semiplanis. Latus promontorij contuens Meridiem à tergo quinti collis positû, desinit in planitiem vallis sexicolle promontorium diuidentis à septimo colle, propendet aliàs contractius, aliàs remissius extumescens in tumulum crassum eminentem in vallem quintam, atque in vallem, quæ sexicolle promontorium seiungit à septimo colle. Hæc postica pars quinti collis etiam incuruatur in valliculam exorientem à promontorij supercilio, vbi paulò ante extabat columna virginea, à qua promontorij fastigium leniter eminens in summam quinti collis planitiem molliter deuexam ad septentriones nusquam angustiores sexcētis, alicubi septingentis latioribus passibus. Sed extra huiuscollis dorsum longè latè que laxatur, hac continuatur cum planitie quarti collis, & reliqua promontorij planitie vsque ad murum vr bis vacantem circuitu maris procedens interiecto duntaxat breui submissione iugi in quintâ vallem eminentis, producitur duo millia passuum in longitudinem.

De quinta valle.

CAP. XV.

VALLIS quinta, quæ quintum collem diuidit à sexto, proficiscitur à sinu & septentrionibus, ad primam, aut alteram horam postmeridianam, longa quantum promontorium latum est, nempe circiter mille & ducentos passus, quorum primi octingenti

genti procedentes à littore sinus nihil expressionis, nihil eminentiæ habent. Primæ vallis fauces in passuum latitudinem laxatur quadringentorum, deinde sensim inducentos astringuntur. Sed ita, vt per longitudinem sexcentorum passuum nusquam ducentis passibus minus lata sit, post in quingëtorum passuum altitudinem erigitur. Inde insequitur iugum vallis, seu dorsum promontorij patens in planam latitudinem ducentos passus. Ex hoc dorso latus sinistrum promontorij, seu vallis quingentos passus leniter deprimitur in vallem, quæ sexicolle promontorium secernit à septimo colle: vallis enim quinta penetrare videtur dorsum promontorij, id quod percipitur ex inclinatione dextra & sinistra amborum laterum vtriusque collis circumfurgentis. Nam ex vallis iugo ascensus exiguus patet in iugum vtriusque collis.

De sexto colle.

CAP. XVI.

SEXTVS collis, cuius per & dorsum, & latus vergens ad Aquilonem muri vrbis vsq; ad litus discurrent, tam longum est, quàm promontorium latum, quod in hoc colle dilatatur in passus circiter bis mille & quadringentos: cuius iugum intra urbem in cliuos exprimitur. Extra plano pede continuatur cum continente suburbano campo, latitudo eius, vbi maxima, octingentos passus non superat, vbi minima, quadringëtos. Triplici decliuitate deprimitur, vna ad sinistram promontorij partem inter Meridiem atque Occidentem molliter prona, ad dexteram altera versus sinum & Aquilonem, in longitudinem mille &

h h

quingētorum passuum summittitur, quoad ex se duos exprimit tumulos vallicula intermedia disiunctos, vbi existit aquæductus in radice tumuli propiùs accedentis ad vrbs murum circuitu maris vacantem. Inter hunc tumulum & sinum olim fuit ædes illa sacra nobilitata multorum scriptis Blachernea nuncupata, cuius fundamenta etiam tunc extabant. Cùm primùm venissem Byzantium, ex imo cliuo tumuli eminenti supra ædem Blacherneam subterraneis cuniculis cōcameratis prodit aqua extrinsecus in urbem ducta, quæ iugi fluxu salit in labrum marmoreum. Collis latus Orienti expositum tam longum est, quàm collis ipse longus, sed decliuitate eadem non est: eam enim variat vallis varia deiectio, vbi depressa in libratam planitiē effertur in sexcentos passus, vbi minùs demissa in quingentos, vbi minimè deiecta in quadringentos attollitur: neque modo hoc latus inclinatur ad Solis ortum, sed etiam interea dum deiicitur ad Orientem, sensim demittitur à parte dextra ad septentriones, sinistra ad cæli regionem mediam inter Meridiem & Occasum. Maritima planities interueniens inter imas radices collis & sinum, strictissima explicatur in passuum latitudinem plus minus octoginta, nempe vbi fuit templum illud nobile, & triclinium Blacherneū. Deinde dilatatur in vallem quintam sensim insinuata.

De valle, qua diuidit sexicolle promontorium à septimo colle.

CAP. XVII.



VALLIS, qua septimus collis diuiditur ab alijs sex collibus leniter caua existit, producitur in millia passuum circiter quatuor, si planitiem mariti

maritimam simul adnumereres, sin verò ipsam excludas, & numerare incipias à flexu septimi collis, extenditur in longitudinem trium millium & trecentorum passuum, eius planities alicubi laxatur in latitudinem sexcentorum, alibi astringitur in amplitudinem quingentorum passuum. Nihil illa quidem ima expressum nihil eminens habere sentitur pedibus, sed oculis acribus paulatim & sensim tam in longitudinem, quàm latitudinem pandi deprehenditur: sic enim leniter assurgit, ut nisi ab eo, qui diligenter aduertit vallis imbrici valde supino similis assurrectio non percipiatur: in eam desinunt latera tertiæ & quintæ vallis, tum imi cliui quinti & sexti collis: in ea continentur horti & prata, ubi milites ludicras pugnas exercere solent, per hanc mediam fluit riuulus, qui æstiuo tempore exarescere solet.

De septimo colle.

CAP. XVIII.

COLLIS septimus nuncupatus Xerolophos, in cuius dorso est columna Arcadij, plus minúsve duodecim millia passuum circuitu complectitur, ac plus quàm tertiam partem vrbis continet, reliquas duas partes sustinet promontorium sexicollis, quod ambitu circumplectitur ampliùs viginti millia passuum, intellige eos, quos conficere soleo in ambulando, ut intelligere oportet in omnibus antè scriptis passibus, quos in passus Romanos redigere ausus non sum ob flexiones viarum, & varietatem passuum, qui inter se differuat in ascensu & descensu infatigato, atq; integro, adde interpellatos insolentis nationis occursum proceruiori taurorum incursum. Septimus collis efficiens

tertium vr̄bis angulum, quo Constantinopolis existimatur triangula, duplici decliuitate pendet vtr̄q; molliſſima, vna ad vallem ſeptimum collem diuidentem à promontorio ſexicollis pertinet tam longa, quàm valis ipſa. Cuius cliuus lenis, ſed altus circiter quingentos paſſus, altera decliuitas deiicitur ad Propontidem, reſpiciens partim ortum brumalem, partim Meridiem molli cliuo, & vario, primo alto quingentos paſſus, deinde ſtriſto, nunc in quadringentos, nunc trecentos, nunc centum, nunc quinquaginta, quo ad peruenit ad angulum vr̄bis tertium, vbi planities excurrit vſque ad mare, inter quod & antediſtos cliuos perpetua procurrit littoralis planities, ſed variæ latitudinis, quę incipiēs ab angulo vr̄bis ſtriſtiſſima eſt, deinde dilatatur in lateris curuitatem, velut vallem planam, vbi à mari ad cliuum excurrit, lata quadringentos paſſus, ruſus ſtringitur in quinquaginta, poſtea dilatatur in centum, poſtrema per longitudinem mille paſſuum latior eſt quadringentis paſſibus, collis dorſum in longam & latam planitiem porrigitur, & ab occaſu clauditur muro terreſtri, in cuius iugo patet cifterna nuncupata Mocifia, ſpoliata columnis & cameris, cuius muri è lapide quadrato ædificati adhuc extāt cifternam ambientes, quorum circuitus complectitur noningentos & ſeptuaginta paſſus, eius ſolum cultū eſt hortis in eo conſitis. Huc uſque de Topographia Constantinopoleos, quaſi tanquam hypotypoſi illam ſub oculos ſubiicere conatus ſum, vt in quo loco ſint quatuordecim regiones vr̄bis, facilius percipiatur, longior quàm neceſſe eſt, cenſeri non debet, præſertim cū nullius vr̄bis deſcriptio breuior

uiore esse possit, quàm ea, quæ informatur oculorum sensu, quo nihil acrius, nihil volucius: nam etsi Constantinopolis in altum sublata veluti specula vndique circumspicitur: tamen hanc singularum vrbs partium descriptionem multò celerius perlegeris, quàm volucris oculis totam urbem perlustraueris, aut pedibus eam concurfaueris.

De muris vrbs.

CAP. XIX.

MOE N I V M Constantinopolitanorum partes, aliæ lapidibus quadratis, aliæ cæmētitiis, nonnullæ interpositorum laterum ordinibus constructæ sunt. Muri circuitu maris vacantes duplices sunt, fossa cincti larga vigintiquinque passus cum ex utroque latere parietibus munita, tum interiori ex latere, alter paries effertur aliquanto supra fossam pinnis crebris distincta. Spatium intercurrentes inter duplicem murum, latum est duodeviginti pedes, interior murus excelsus quidem, & latus plus viginti pedes, in quo ex continēti sunt plus ducentæ quinquaginta turres, in quas gradibus lapideis ascenditur vsq; ad summum, exterior murus dimidio minor, sed totidem turribus creber, quod autem ad munitionem attinet, spatium inter fossam & murum exteriorem altius est altero fossæ latere. Itē spatium inter duplices muros altius est iam dicto spatio. Regio verò exterior muris vicina nuda à tectis, partim plana, partim collina: sed ita plana, vt campi longè pateant, ex summisque muris longè quoquouersum panditur prospectus, neque dubium est, quin munitissima Constantinopolis fieri queat. Muri maritimi humilio-

res sunt terrestribus simplices quidem, sed benè crassi, & turriti: ex parte sinus absunt à littore plus minus quin quaginta passus ambulatorios, vt antè scripsi in tractatu Bospori. Ex parte faucium Bosporicarum & Propontidis, muri quidem non absunt à littore, sed siti sunt supra littoris crepidines, nisi vbi scalæ portuosæ sunt, vbi admittunt spatium inter scalas & murum. Zonaras tradit Theophilum Regem maritimos muros vr̄bis vetustate, & fluctibus maris aliisq; casibus labefactatos renouasse, & altiores erexisse, quàm prius fuissent, quos hodie extantes maritimos ab hoc Theophilo renouatos fuisse indicat in multis murorum partibus nomen Theophili Regis incisum, atque inscriptum magnis literis. Nicephorus Rex grauis Byzantiis, quod onus imposuit ex muris consenscentibus, vt exigeretur tributum appellatum Diceraton. Nouos muros & antiquos tempore Iustiniani fuisse colligere possumus ex eius nouis constitutionibus, cùm maiorem mercedem statuit feretri baiulis, & funeri operam dantibus, qui efferunt funus extra nouos vr̄bis muros, aut traiectum Iustinianarum, siue alios traiectus: ex quo colligere possumus Iustiniani temporibus adhuc extitisse muros antiquos, quos Constantinus magnus posuerat, & nouos, quos Theodosius minor construxerat, quales muri fuerint, cùm antiqui Byzantij respublica floreret, in principio demonstrauī, & ex Herodiano intelligere possumus, qui tradit Byzantium præualido & maximo muro circumdatum fuisse facto ex ingentibus saxis, in quadrum reductis tanta cōmissura, vt nemo existimasset opus compositum, sed vnius lapidis totum esse. Atque ex Pausa-

nia

nia colligere licet, qui libro quarto inquit, muros Babylonios, aut Memnonios non vidi, neque quenquam audiui, qui ipsos vidisset. Muri Byzantij, & Rhodi existimantur munitissimi, at his munitiores, qui Messenem Peloponesiacam claudunt. In Thracico Byzantio historiae proditum est diuitias seruasse Athenienses, ex eo quod vrbs munitissima esset. Qui autem sint muri, quos Constantinopolis duplices tradit antiqua descriptio regionum, hi ne, qui hodie extant, an verò qui à Theodosio fuerunt conditi, relinquo considerandum, hoc duntaxat dicam, mihi interim non videri totos esse, quos describit antiqua descriptio: nam templum Apostolorum ponit in regione vrbis vicina muris vrbis, atque extra muros ponit decimam quartam regionem, quae hodie intra muros, aut tota est, aut maxima pars. Adde, quod Theodosius minor, qui ante Iustinianum fuit ne Blachernas quidem intra muros ponit, quas extra urbem tempore Iustiniani fuisse ex Procopio assequor: nunc verò intra urbem sunt, neque septem turres, neque turribus longè interiùs situm templum, quod Stadium ille illustris construxit.

De Constantinopolis portis, & septem turribus antiqui Byzantij.

C A P. X X.



M A R I S circuitu vacantes muri sex portas habent, vnam infra Palatium Constantini nuncupatum, alteram Adrianopolitanam, tertiam supra supercilium septimi collis, præter eas habet portam Auream, & Selymbriæ, siue Rhegij, & portam septem Turriù. Ex parte sinus prima est porta Blacherna,

nea, quam hodie appellant Xiloportā, sitam prope tertium vrbis angulum, deinde subsequitur Cynigos, siue Palatina, inde Phanaria, Agia, porta Iubalica, Farinaria, Lignaria, Seminaria, Piscaria, Neorij porta, inde Demetrij porta in mucrone primi collis sita, ex parte Propontidis sunt circiter quinq; singulæ habentes scalam proiectā in mare, qua portus pateat nauigiis, præter portas septi Regij, prima est Stercoraria, secunda Leonina, tertia Condescala, duæ sunt sub septimo colle. Apud scriptores celebratur hæ portæ Cynegos, tum Regij, & Eugenij portæ, & Xyloceri, & porta Aurea, Myriandros, Condescala, Carsiana. In antiquo Byzantio fuit porta Thracia, apud Dionem scriptum est, vt septem turres à portis Thracicis nuncupatis pertinerēt ad mare. Georgius Cedrinus declarat ad mare pertinuisse septentrionale, hoc est, ad sinum Cornu appellatum, harum si quis in primam vocem immisisset, aut lapidem proiecisset, ipsa similem vocē resonabat quadam machinatione, & secundæ dabat repetendam, itaque per omnes vox procedebat, neque alia aliam turbabat, sed singulæ vocem explicatam excipiebant. Plinius hoc ipsum attribuit Cyzico. Eadem, inquit, in vrbe, iuxta portam, quæ Thracia vocatur, turres septem acceptas voces numerosiore percussu multiplicant, noménque huic miraculo Echo est à Græcis datum. Apud neminē, præter Plinium, legi Cyzici portas Thracias, quanquam fuisse Cyzici existimo ex portu Cyzici nuncupato Thracio, cuius meminit Apollonius libro primo Argonauticorum, cū ait:

δυσέμλονι ἰσθμῷ ἐκπέσμεναι πύργους

ἤρχαν

ἦρξεν δὲ λιμὴν ἀρρίκων. --

Fuisse etiam prope Cyzicum vicum nuncupatum ἀρρίκων, liquet ex Plutarcho in vita Luculli. At Byzantij non modò recentiores, sed etiam Dion & Xenophon, hîc quidem scribit Alcibiadem Byzantios intromississe apertis portis, quæ Thraciæ appellantur.

De muris longis.

CAP. XXI.

SVBVRBANA prædia Constâtinopoleos muris longis claudebantur iter duorum dierum, quos à ponto Euxino ad Selymbriam sitam in littore Propontidis distantes ab vrbe quadraginta milia passuum latos viginti pedes Romanos. Anastasius Imperator condidit contra impetum Bulgarorum & Scitharum eos muros à Barbaris sæpe captos, & multis locis euersos Iustinianus restituit, & vt facilius milites præsidarij muros tueri possent, exitus turrium patentes in alias turres obstuxit, singulisq; ascensum à solo reliquit patentem vnicum, quem solum singularum turrium milites contra hostes etiam intra muros versantes tueri possent. Euagrius sacræ historiæ conscriptor murum longum nūcupatum tradit excitasse Anastasium, qui distaret à Constâtinopoli ducenta & octoginta stadia, vtrunque mare attingens longus quadringenta & viginti stadia, velut fretum quoddam efficiens, & Constantinopolim paruam Insulam pro peninsula reddēs, volentes transire ex ponto in Propontidem tutos præstans & prohibens, excurrētes Barbaros ex Euxino ponto, & Colchis, & Maotidē, & Caucaſo effusos in Europam.

LIBER SECVNDVS.

*De ædificijs & monumentis antiqui Byzantij, & nouæ
Romæ Constantinopolitane.* CAP. I.



FORMA vr̄bis expressa, & magnitudine explicata, naturalique situ septem collium patefacto, relinquitur, vt declarē, quæ ædificia, quæ v̄e alia mōnumenta. olim habuerit, & nunc habeat Constantinopolis, & in quot regiones, cū appellaretur noua Roma, diuideretur: in totidem enim quot antiqua Roma diuidebatur, equidem cū in huius diuisionem regionum ante mille annos à nobili magis, quàm noto Authore scriptam incidissem: sperabam me faciliè assecuturum antiquam vr̄bem, sed barbari homines antiqua illa, & planè heroica vr̄bis ornamenta, quibus viles casas exornarent, sic labefactarunt, & barbaricis oppressore ædificijs, vt veterum fundamentorum paucis in locis restent vestigia: adde incendia, & ruinas, quas cū alij barbari, tum postremam Turci ediderunt, qui iam centum annos non cessant funditus antiquæ vr̄bis vestigia delere. Ita enim ab imis fundamentis ædificia prisca demoliuntur, atque in aliam formam immutāt, vt ne illi quidē, qui ea viderint, agnoscere queant. Adde Græcorum inertem inscitiam, qui videntur totum obliuionis flumē ebibisse. Illorum enim nemo iam reperitur, qui vbinam essent vestigia antiquorum monumentorū sciat, aut scire curet, vt ne sacerdotes, quidem vlli recognoscant loca, vbi paucis ante annis ædes sacræ deletæ sunt, & valde mirentur si quis talia inquirat.

Ipse

Ipse tamen, ne otio conficerer, dum à Rege constitutos nummos in veterum Codicum conquisitionem expectabam, quibus potui indiciiis, deprehendere conatus sum per multa antiquitatis monumenta, quòd ille cognosceret, qui similia inuenire nitetur. In describendis monumentis eo ordine partium utar colliū, quo vsus sum in eorum situ explicando, partim regionū, quibus quatuordecim olim diuidebatur.

De monumentis primi collis, & de prima regione vrbis.

CAPVT II.

PRIMUM collem, quem Plinius appellat modò Chrysoceras, modò Auricoru: Sed haud rectè, vt declarauì in libris, quos scripsi de Bosphoro Thracio, Dionysius Byzantius nominat promontorium Bosporium. De promontorio, inquit, quòd Bosporium nominamus, duplex vulgatur sermo: alij dicunt Bouem æstro stimulatam, ad ipsum, illatam transisse meatum medium: alij fabulosius commemorant Io Inachi filiam illinc in Asiam traiecit. Idem cum loquitur de Semystra loco ita nuncupato, ait Semystram locum parum abfuisse, quin Byzantium ibi conderetur à coloniæ deductoribus, nisi coruus rapuisset ex media flamma partem victimæ, eamque in promontorium Bosporium tulisset, quod signum illi secuti Byzantium condiderunt in promontorio Bosporio. Idem alio loco loquens de promontorio Metopæ nuncupato, opposito primo colli Constantinopolcos, excipit Ostreodem locum appellatum Metopum; hoc enim, inquit, iacet contra vrbis faciem: spectat enim ipsum promontorium

Bosporium. Deinde idem Dionysius addit paulò supra promontorium Bosporium fuisse aram Mineræ Ecbasia, id est, Egressoria appellatæ, ex eo, quòd illinc egressi coloniæ ductores statim tanquam pro patria terra pugnassent, quam hic appellat Ecbasiam, possemus etiam Ec bateriam appellare, vt Dianam in Siphno appellatam fuisse, & cultam tradit Hesychius. Deinde adiungit Dionysius supra promontorium Bosporium fuisse templum Neptuni antiquum, atque sub templo Neptuni fuisse stadia, gymnasia, curricula iuuenum in planities. Post mucronem promontorij Bosporij sinum Ceras appellatum immisisse tres portus turribus, & molibus munitos, in quo fuit etiã Acropolis Byzantij, cuius Xenophon meminit, cùm scribit Byzantium vi ingressis militibus, quorum dux ipse erat ciues, quasi capta vrbe extrema omnia metuentes alios in promontorium proximum, alios ad mare confugisse, ac piscatorio nauigio nonnullos circumuectos in arcem ascendisse, atque inde ex Chalcedone auxilios accersisse, neque modo antiquorum Byzantiorũ Acropolis fuit in primo colle, sed etiam regum Constantinopolitanorum, quos scriptores tradunt ad hostes ab ingressu portus arcendos catenam ab Acropoli ad castellum Galaticum obtendisse: atq; etiam hac ætate reges Turcorum in hoc promontorio arcem habent circundatam magnis muris longos latosq; Regis hortos cludentibus. In veteri Byzantio fuit campus Thracius appellatus ad aciem instruendam totius vrbis maxime idoneus, vt qui planus, & domibus vacuus esset, in quo exercitum Græcorum Xenophon redegit in ordinem militarẽ. Hunc locum fuisse

fuisse prope portā Thraciā ex Xenophonte percipitur, cum ait lib. I. Hellinorum, αὐτοὶ αὐτὸν τὰς πύλας τὰς ἐπὶ τῷ θρασέειον ἐκλήμενον. Idem lib. 7. de expeditione Cyri, loquens de loco intra Byzantium sito, ubi milites redegit in aciem. τὸ δὲ ἄλγεον οἶον ἐκλιπὼν ἐκτατάσθαι τὸ θρασέειον ἐκλήμενον ὄρουμον οἰκῶν καὶ πείδον. Antea diximus apud Dionem scriptum esse ut Byzantij septem turres à portis Thraciis pertinerent ad mare. Georgius Cedrinus declarat ad mare pertinuisse septentrionale, hoc est, ad sinum nuncupatum Cornu. Aram Dianæ Orthosiae, & templum Bacchi fuisse in antiquo Byzantio, Herodotus scribit, Darius, inquit, ubi cōtemplatus fuit, pontum ad pontem redit, & super Bosporum duos Cippos erexit ἐ candido lapide, in vno quidem incidens literas Assyrias, in altero Græcas. Byzantij postea in urbem suā transtulerunt ad aram Dianæ Orthosiae, quibus vsi sunt excepto vno lapide, qui iuxta Bacchi delubrum Byzantij relictus est literis Assyriis plenus. Orthosiam Laurentius vertit Erectam, rectius vertisset Erectoriā, vel Erectricem dictam, ἥτις τὸ ἐπορθῆναι τὰς τιμὰς μακύνει γὰρ ἡ θεὸς, ab erigendo, & subleuando, quod non modò parientibus opem fert, sed etiam profugis. Id quod cum ex aliis, tum ex Plutarcho de fluminibus assequor. Teuthras, inquit, Rex Mysorum persequabatur aprum cum suis stipatoribus hastatis, caper ut supplex fugit in templum Dianæ Orthosiae, vi irrupentibus omnibus in templum aper humanam vocem exaudibilem vociferatus est, parce Rex alumno deæ, elatus Teuthras interfecit animal. Dianā ægrè ferēs factum, aprum in vitam restituit, Regem, qui eum occiderat impetigine, &

infantia affecit, is non ferens morbum in montibus versabatur. Lysippa eius mater cum factum rescivisset, ad sylvam accurrit comite vate Polyido, à quo omnem veritatem edocta, sacrificiis bouum deam placavit, & cum filium ad sanam mentem rediisse vidisset, aram excitavit Dianæ Orthosiæ, atque aprum fabricata est aureum habentem humanum caput. Hæc quidem, antequam Byzantium Seuerus euertisset, erant in primo colle & valle prima. Postquam Constantinus reædificauit, & nouam Romam Constantinopolitanam vocauit, diuisaque est in quatuordecim regiones, primus collis obtinuit primam regionem continētem Placidia domum Augustæ, domū nobilissimæ marinæ, thermas Arcadianas, antiqua quidē diuisio tradit hæc, sed non docet à qua vrbs parte incipiat prima regio, neque nunc ex vestigiis ædificiorum in ea comprehensis, quæ nulla restant, cognosci potest: sed ex Procopio colligere possumus tradente nauigantibus ex Propontide ad partem vrbs vergentem ad Solis ortum thermas esse publicas, quæ Arcadianæ nominarentur, vbi ait Iustinianum aulā construxisse vrbi prætensam, marique quieto circumfusa, vt in hac inambulantes cum nauigantibus colloqui possent ob maris propinquitatē, aulam aspectum pulcherrimum habuisse, amœnissimūque, cui affarent molles auræ, ornamentoque essent columnæ, & marmora elegantissima, quibus omne solum aulæ tegeretur, quorum splendor candidissimus æquē, vt Sol fulgeret. Præterea eam ornasse permultis statuis æneis, atque marmoreis politè elaboratis spectaculum præbentibus plenum maximæ dignitatis, existimasses esse

esse opus Phidiae Atheniensis, aut Lysippi Sicyonij, aut Praxitellis, ibidem etiam Theodoram Reginam in columna excelsa & purpurea fuisse positā ab vrbe, vt pro beneficio aulę gratiam illi referret. Formosam quidem columnam, sed formosiozem Reginam, cuius venustatem oratione declarare, aut imagine exprimere in nullius mortalis facultate positum fuisse. Ex quibus Procopij verbis, cū assequor columnam, quę etiam nūc extat in cliuo regij septi vergente ad ortum æstiuum non esse illam, qua Theodora excitabatur, vt quidā putant: nam hæc neque purpurea, & ab aula remotior est, tum ex antedictis Procopij intellige primam regionem vr-
bis complexam fuisse mucronem primi collis, quę mare circumfluit ex tribus partibus, apud plerosque non modò Historicos, sed etiam apud Grāmaticum Suydam inuenio Arcadię secūdę vxoris Zenonis statuam fuisse in thermis Arcadianis propè loca nominata Bathra à gradibus: item Verinę vxoris magni Leonis duas statuas, vnam in vrbis parte maximę boreali ad diuum Agathonicum post ascensum graduum thermis Arcadianis vicinorum: alteram ex parte diuę Barbarę, illam quidem positam fuisse viuēte Leone, hanc verò eodem defuncto Leone, quando Basiliscum fratrem suum coronauit fugiente Zenone genero suo. Secundę regionis partem inclusam claustro regio colligo cū ex ordine regionum, tum ex eius situ, quam antiqua descriptio tradit post æqualitatem sui latenter molli subleuatam cliuo mox ad mare præcipitiis descendisse, præcipitia fuisse arbitror, vbi nunc regis culinæ, & thermæ regiæ, aut si alibi fuerunt, præcipitia illa hominū manu
mol

mollita fuerunt intra regium septum hodie templum antiquum, quod vulgò appellât parvam Sophiam. Senes quidam affirmant esse ædes Hirenem, quam Constantinum magnum condidisse scribit Socrates. Hanc existimo, quam secunda regio appellat ecclesiam antiquam: partem alteram secūdæ regionis extra septum regium assequor ex ædibus sacris, & thermis Zeuxippi, quas secunda regio complectitur & Zonaras, aliq; Historici declarant magnam ecclesiam appellatam, postea nominatam fuisse Sophiam ædem, quam extra regium septū esse nemo nescit. In septo item regio olim fuisse domum Maximini nobilitatam Poëtarum versibus, coniicio ex Epigrammate Cyri viri consularis & patritij:

Δάματ' Μαξιμίνου νοπῆγι· ὅδ' ἔστι θάμνος.
 Αὐταῖς ἀνέοσι θιμέλια λατρεῖα πῆξας:
 Ἀγλαῖς δέ μοι ἀμφοῖς ἀπαρισίῃ τε ταύσαι.
 Τῆ καὶ τῇ καὶ ὀπιθεῖν ἔχω, πόλιμ' ἀλλὰ καὶ αὐτὰς
 φαῖθα ὄρα γαῖῃς βιβιωμένη· ἀγλαὰ ὄργα:
 ἡμετέροις δ' ὑπερόρθον ἐρεοθύνουσι θιμέλλοις
 φαῖτος ἀλὸς πεχυνοῖσι κυλινδῶν εἰς ἅλα δ' αἶψ'
 τόσσον ὑπεκύνω, ὅσσον χθονὸς ἄκρα διῶνα
 πολλὰ δ' αἶψ' ἐμείβου τίς ἴδ' ὅν μίγα θυμὸν ἰαύθ'
 βαλὼν ὑπερκύνει, ἐπεὶ αἰσίδ' ἄλλοθεν ἔλλα
 ἀφ' ὅρα, δαίματ' αἶψ' αἶψ' ἀλλὰ πόλιμ' ὄρα γαῖαν.

De templo Sophiæ.

CAP. III.



ECENTES scriptores Græcorum templum diuæ Sophiæ primò conditum ab Imperatore Constantio filio Constantini magni tradunt non

non quidem lateritio opere, sed ligneo cōcameratum, tempore magni Theodosij, cū secunda synodus haberetur ab Arrianis exustum ad seditionem excitatis, quod magnus Theodosius postea texit cameris cylindricis, deinde iidem scriptores addunt iterū conflagraisse tēpore Iustiniani. At Sozomenus certus, & antiquus scriptor tradit tempore Theodosij minoris, cū orta esset seditio in magno templo de expellendo Chrysostomo, repente templum vndique deflagrasse igne iniecto ab iis, qui Chrysostomi fautores in templo inclusos comburere vnā cum templo cupiebant. Procopius tradit etiam deflagrasse cū Iustinianus imperaret, qui in eam formam, quam nūc videmus, ipsum reedificauit: sed eo ne loco sit, in quo erat ante Iustinianum non explicat Procopius, itaque dubium videtur ex incerto scriptore commemorante nomina eorum, à quibus domos emerit Iustinianus ad solum eius constituendum, antiqua vrbis descriptio ante Iustiniani imperiū facta alio loco ponere videtur: nam ecclesiam magnam, & ecclesiam antiquam ponit in secunda regione, in quarta Augusteum forū, quod infrā monstrabo fuisse iuxta ædem Sophiæ. Zonaras tradit Iustinianum multo maiorem à fundamentis innouasse, sed Iustinianum suspicari possumus domos proximas emisse ad augēdum templum, quòd autem in diuersis regionibus ponantur magnum templum, & forum Augusteum, id non impedire quin vicina esse potuerint. Cū igitur Iustinianus ædem Sophiæ pristina magnitudine præstantiorem effecisset, & formæ decore, & metallorum varietate ornasset, parietesque & cameras cocto latere, & calce construxisset,

atque plerisque in locis ferro colligasset, nullaq; tigna interposuisset, ne in posterum incēdiis pateret. Tamen ut in hunc diem euaferit incolumis ab igne, sæpe experta est varietatem casuum, idque statim à principio: cū arcus ad Orientem spectans nondum esset perfectus sua magnitudine onerabat pilas, quæ non sustinentes arcus magnitudinem subitas ruinas egerūt, & quàm mox casuræ videbantur, nisi architecti accelerassent absoluerè arcum, qui in suam curuaturam perfectam incumbens minus grauis pilis fuit seipsum sustentantibus. Arcus verò duo, quorum alter ad Meridiem, alter ad Boream spectat, pilas suas, & structuram inferiorem sic premebant, ut columnæ structuram contingentem imam arcuum curuaturam, lapillos quosdam exiguos veluti ramenta quædam iacularētur, & ruinas, ædificiæ viderentur, nisi architectorum ingenio summæ partes mole laborantes, quæ attingebant arcus pro tempore demoliri studuissent, & paulò post restituisent, cū structuræ humor exiccatus esset. Deniq; templum hoc Iustinianus cū ingenti sumptu, & labore perfecisset, aliquotque annos incolume permanisset, terræmotu concussus est etiam tunc viuente Iustiniano. Quo quidem terræmotu scribit Agathius labefactatam partem tecti mediam eminentem supra omne fastigium rursus Regem instaurasse, firmioremque effecisse, & in maiorem altitudinem erexisse, quanquam Anthemius, qui ædem Sophiæ architectatus erat iam pridem mortuus esset: tamen Isodorum iuuenem, aliosque architectos, ubi considerassent priorem formam, ubi vitium deprehendissent, orientalem quidem, & occidentalem arcum
in suo

in suo loco consistere fuisse. Septentrionalis verò, & occidentalis arcus structuram, quæ efficeret arcus curuaturam ad interiora subduxisse, sensimque ita amplificasse, vt reliquo ædificio plurimum congrueret: vt faterentur spectatores æquabilem habere dimensionem latera in hemisphærium desinentia, vacuq; vastitatem illam architectos in angustum contraxisse, pusillamq; oblongi portionem subduxisse eatenus, quoad vndique congrueret forma. Supra arcus sic dispositos rursus collocarunt in medio supereminentem circulum, siue hemisphærium, vndique congruens, sed angustius, & in acutum porrectius, & tutius cōtra omnes impetus. Zonaras magna, inquit, ædes sacra perfecta, & dedicata euenit, vt terræmotu caderet magna sphæra pertinens ad Orientem, frangerétque sacram mensam, & pulpitum, quam Iustinianus vigintiquinque pedibus excelsiorem, quàm prius esset excitauit. Georgius Cedrinus tradit Iustiniani tempore laborante hemisphærio magni templi, & rimas agente ex crebris terræmotibus cecidisse partem orientalem, & contriuisse ciborium & sacram mensam, & pulpitum. Iustinianus excitauit alias pilas, quæ exciperent hemisphærium sublimius viginti pedibus quàm antea fuisset, extrâque templum contra pilas quatuor interiores erexit cochlias; seu muros velut alas, per quas anfractibus multis graduum ascenditur in supernam partē templi, quæ ab imo solo surgentes vsque ad hemisphærium fulciunt arcus & pilas. Alij authores, sed obscuriores tradunt superiori terræmotu cecidisse hemisphærium Sophiæ, quatuor arcus non cecidisse; sed incolumes permanuisse, hemisphærium Re-

gem restituisse, sed humilior, quàm prius fuisset vigintiquinq; pedibus, quos ferrem, si aliis terræ motibus traderent rursus concussum fuisse, & ita humiliùs restitutum fuisse. Nam cùm Euagrius tradat Iustinianum in tantam altitudinem excitasse, vt internè ex solo suspicientes assequi vix possent summum hemisphærij tholum, & ex eius culmine nemo auderet despicere, solum verisimile videtur in pristinam altitudinem restituisse. Basilius Rex eiusdem Sophiæ arcum magnum vergentem ad occasum ex terræmotu multas ruinas agentem, & casum minitantem peritia architectorum constringens, firmum & stabilem reddidit, teste Georgio Cedreno. Nicephorus in Reginam Annam, quæ tempore tyranni Catacosmi thesauros Sophiæ expilabat, acerbè inuehitur atque exclamat propter tyrannides & varias religionis sectas ædem Sophiæ ruinâ edidisse sine vlllo terræmotu. Nam, vt ipse adiungit, cùm ad vesperâ cælum serenum esset, circiter mediam noctem vnum ex quatuor arcubus ad ortum Solis spectantem cecidisse, secumque traxisse hemisphærium, quod sustineret, & contriuisse tribunal templi, & imaginum ornatum, & sacras columnas, & medias aulas. Post hæc Nicephorus adiungit à multis tum dictum fuisse, quòd nisi crepidines, & fulcimenta ad Orientè pertinentia diligenter prius cōstrueta extitissent ab Andronico Rege, multo maior fuisset casus, & quidè vnus ex insanabilibus. Euagrius scribit ædis Sophianæ longitudinem hanc esse, nempe à concha, vbi incruentum sacrificium litatur ad portam conchæ aduersam esse centum nonaginta pedes, latitudinem verò à borea ad nothum centum & quindec

quindecim, altitudinem à pavimento ad centrum hemisphærij pedum centū octoginta, longitudinem verò ab Oriēte ad Occasum eam ipse metiri ausus non sum, sed metiendam curavi per hominem Turcum, qui mihi retulit latitudinem templi esse ducentorum & trêdecim pedum, longitudinem verò ducentorum & quadraginta pedum. Altitudinem à summa curvatura arcuum vsq; ad pavementum centum quadraginta duorum pedum hemisphærij non mensus est: qui si rectè mensus est altitudinem, parum discreparet ab altitudine, quam tradit Euagrius. Qualis olim fuerit ædes Sophiae vide Procopium, Agathium Paulum Florū, Euagrium: qualis autem hodie sit, adiungam huc, quatenus cognoscere mihi licuit.

Descriptio templi Sophiae quale hodie visitur.

C A P V T I I I I.

EIVS parietes, & camerae coctis lateribus constructi sunt. Parietum interior pars crustis marmoreis vestita excellentibus, & variis fulgurat, & permiscet eum summas naturę vires, tum mētes spectantium, camerae calculis, & testellis vitreis inauratis fulgent etiam ad oculos Barbarorum, summa arte elaboratis, concameratio octo pilis sustinetur. Quarum quatuor maiores, & excelsiores in ordinem quadrum dispositę sustinent ingētes quatuor arcus fulcientes hemisphærij, quorum quidem duo septentrionalis, & meridianus curvaturam suam imam substructam habent tenui pariete fenestellis vitreis pleno sustentato columnarum duplici ordine inferiore & superiore. Infe-

rrior habet octo columnas ad solum nitentes, superior sex sustinentes parietem subtilem, & subiectam imæ arcus curuaturæ. Reliqui duo arcus orientalis & occidentalis intra curuaturam suam nihil substructum habent, sed apertum & vacuū à parietibus & columnis, vt horum vacuitate templū efficiatur capacius. Nam ad eorum imam curuaturam committuntur extremæ partes vltra pilas proiectæ in spheræ quartā partem recedentes, quæ nituntur quatuor arcibus, qui sustentantur duabus pilis minoribus, & duabus maioribus. Quatuor enim pilæ maiores non solum sustinet quatuor arcus maiores, sed etiam earū singulæ duos arcus minores, vnum pergentem in longitudinem, alterum in latitudinem, quibus templum longè porrigitur, & latè dilatatur: sic enim ab Oriente & Occidente quarta pars spheræ applicatur hemisphærio, vt intus vna, & eadem concameratio esse videatur, foris verò separata, apparet ornatius efficiens hemisphærium altè emmensens supra duas quartas spheræ partes. Latitudo verò dilatatur vltra pilas arcubus & columnis, & parietibus ex vtroque latere septentrionali scilicet, & meridionali sex velut aulas capiens, tres inferiores, & totidem superiores vario marmore vestitas, concameratas calculis inauratis, & figuratis ornatas: ita enim ex singulis pilis duplices arcus nascuntur in templi latitudinem porrecti, vt eorum alterum cornu conquiescat in muro extrinsecus obnitente maioribus pilis, à quibus quatuor arcus in vtrunque parietis latus emittuntur, duo quidem inferiorum trium aularum concamerationem sustinentes. Reliqui duo superiorum totidem aularum testudines, quarum latera
sing

singularum partim adnituntur ad arcus, partim ad parietes, partim ad columnas. Vnde fit, vt pars ædis interior, & media illa ingens vacua, si sola cōsideretur comprehensa intra pilas & columnas, sit forma ouata: si verò tota tam intra, quàm extrà pilas perspiciatur, sit quadrata: ita enim ex vtroque latere velut alæ appēsæ sunt tres aulæ inferiores, & totidem superiores, vt ab imo pauiamento procedat quadrata vsque ad curuaturam superiorum aularum, deinde intra octo pilas in ouatam formam contrahatur vsque ad curuaturam quatuor arcuum sustinentium hēmisphærium. Forma aularum, seu cellarum, quas dixi cingere vtriusque latus talis est. Ex tribus lateribus aulæ quadratæ sunt tres quarto latere, quod intuetur interiorem ædis partem figuram, templi sequitur, quam obrotundam efficit pilarū, & columnarum dispositio. Sustinetur arcubus, & columnis concameratio aularum, quarum describā duntaxat tres: quibus cognitis ceteræ omnes simili forma esse cognoscuntur. Incipiam à tribus superioribus sitis in latere templi septentrionali, quarū primā est in angulo intuenti septentrionem & Orientem, eius duo latera exteriora surgunt à muro, & desinūt in arcum, in latere medio columnæ tres sunt quadratæ loco parietis, nempe fenestrarum parastades, quarum scapus habet perimetrum quinq; pedum, & vnius dodrantis. Supra easdem eminent alæ tres quadratæ, hæ omnes sunt marmoris albi in colorem glaucum vergentis, latus pertiñens ad interiorem ædis partem, habet sex columnas virides subiectas arcui sustinenti quartam partem spheræ orientalis, quarum iunus scapus ambitum habet septem pedum, &

octo digitorum. Earum intercolumnia, diastyli dispositione distincta lata septem pedes & vndecim digitos, pluteis muniuntur marmoreis, altis quatuor pedes, quibus incumbentes vident interiorem ædis partē tam infernam, quàm supernam. Latus interiectum inter primam aulam & secundam à pariete exteriori vergente ad Septentrionem vsque ad pilam magnam sustinentem arcum hemisphærij, largum est quadraginta quatuor pedes, quorum partem possident pilæ, partem arcus surgens à tergo pilæ sustinens hemisphærium, quo toto patente lato iuxta pavimentū viginti pedes transitur à prima aula ad secundam aulam; reliquam lateris inter primam & secundam aulam intermediij partem latam viginti quatuor pedes occupant pilæ arcus, & murus surgens velut ala vsque ad concamerationem hemisphærij, secundæ aulæ concameratio extrema sustinetur arcubus & parietibus: media verò nitiitur quatuor columnis albis ad glaucum colorē accedentibus. Quarum scapus in ambitu circūplectitur septem pedes, secunda siue media aula quadrata est, cuius duo latera sustinentur partim muris, partim arcubus, quorum alterum cornu nascitur à tergo duarum magnarū pilarum sustinentium magnum hemisphærium, alterum sustinetur pilis orientibus ex interiori parte murorum alariorum fulcientium pilas maiores. Huius secundæ siue mediæ aulæ latus exterius loco parietis habet octo columnas quadratas, quarum perimeter est sex pedum, in earum medio est magna pila inter columnas eas parastadum vicem præstantes sunt fenestræ. Præterea supra easdem columnas existunt pilæ parastadum vicem præbentes

bentes superioribus fenestris, quæ tam superiores, quàm inferiores numero sexdecim aulam hanc mediam illustrant, cuius latus vergens in templum interius sex viridibus columnis ornatur: Harum intercolumnia habent pluteos similes pluteis primæ aulæ; camera media sustinetur columnis colore medium inter album & glaucum præ se ferentibus, in quadratum ordinem dispositis, quarum duæ stant non longè à latere exteriori. Reliquæ duæ parum absunt ab interiori latere ornato sex columnis, ex hac media aula exitus patet in tertiâ per arcum tam latè patentem, quàm alterum, per què aditus est à primâ aula in secundam. Tertia aula similis est primæ aulæ longitudine fenestris parastadibus columnis: quibus quatuor sustinetur eius camera, & latus interius sex viridibus: iam verò inter pilas duas, quibus sustinetur quarta pars spheræ occidentalis, extant quatuor columnæ virides, eadèmq; binæ inter se coniunctæ; inter has intercedunt sex columellæ virides, Ionicæ. Tēpli verò valvæ occidentales loco vestibuli duas porticus habent, inferiorem quâ aditur templum plano pede, superiorem quâ Gynæconitides aulæ adeuntur, ambas tam longas, quàm templum latum, largas viginti octo pedes, porticus superior supra porticum inferiorem sita est inter pilas sustinentes quartam partē spheræ occidentalē, & fenestras. Nam à parte interiori octo pilis, ab exteriori totidem sustinetur, inter quas fenestre tam inferiores, quàm superiores illucent cinctæ columnis quadratis. Inter hanc porticū & aulas foeminarum, nihil interest, nisi pilæ sustinentes porticus cameram inferiorem: pavementum enim porticus æquale est aula-

rum pavimento, porticus inferior est duplex, interior clauditur utrinque muris marmorum iucundissima varietate vestitis: tegitur cameris figuratis ornamento tessellato calculorum inauratorum. Ex huius porticus latere orientali nouem portis patet aditus in templum, ex latere occidentali quinque portis æneis, duplicibus patet exitus ex interiori porticu in exteriorem porticum, ex qua proditur in arcam, vbi perennes saliant aquæ, ad quas ex arca descenditur multis gradibus, per capita harum porticuum aditus patet vnus à Septentrione, alter à Meridie sex valuis olim æneis omnibus, iam dūtaxat tribus æneis egregio opere elaboratis. Aedes Sophiana ex parte Orientis habet duas portas, easque duplices, in lateribus sunt aliquot clauæ, quæ nunc non aperiuntur, ædis interiora fulgent clarissima luce ob multitudinem luminum, summus murus, qui in orbem fertur inter quatuor summos arcus & hemisphæriū, quadraginta fenestris lucem intromittit, muruli arcubus subiecti illuminantur viginti sex fenestris. Aulæ intermediæ triginta duabus in singulis extremis aulis orientalibus lucent plus viginti, prætereo duas occidentales, & quatuor interiores aulas, tum duas quartas partes spheræ, tum sacram ædis partē solis sacerdotibus olim patetē: silco superiorem porticum etiam in medium templum clarum lumen emittētem, quorum omnium lumina ob multitudinē numerare omisi, maximus Sophiani tēpli aditus est ab occasu plano pede: non enim, vt Pantheon Romanum gradibus, vt olim ascenditur, aut vt nunc descenditur, nisi ab ortu, vnde quinq; gradibus descēsus patet in ædem, sed in superam ædis partem

tem ascēsus existit quatuor cochleis, quas antè dixi oppositas ad fulciendas quatuor maiores pilas. Georgius Cedrinus cochleas appellat, sed non satis propriè, cū magis in anfractuum normalium, quàm cochlearum modum gradus surgant: quinque enim anfractibus ab imo ascenditur, non exasperatis in gradus, sed in mollem cliuū substructis ex amplis mensis marmoreis, horum quinque anfractuum singuli alti vnde viginti pedes, & sesquipedem lati. Quinq; pedes, his anfractibus succedunt alij anfractus vsque ad templi tectum non cliuis molliti, sed in gradus fracti, quibus adeuntur aulae, & porticus superiores, & summæ tēpli partes. Si quis ea, quæ antè dixi de templo Sophiæ, conferat cum descriptione Procopij & Agathij, cognoscet de illo, quod Iustinianus condidit non tantam diminutionē factam esse, quantam ciues Constantinopolitani prædicant, iactantes longè maius extitisse, multaque illius membra à Barbaris diruta esse, decimamque partem vix hodie extare: quorum opinionem ferendam putarem, si intelligant domos regum, sacerdotum, senatorum circum ædes constructas à Barbaris, & incendiis deletas esse. Sin membra ædis Sophianæ à Iustiniāno cōdita, longè erant, omniāque eius fere constare video tradita à Procopio, præter porticum alteram. Nam cū, teste Procopio, utrinque porticus haberet, nunc duntaxat ex vna parte, eaque occidentali habet, orientalis non extat, sed cecidisse aliquo terræmotu verisimile est, ipsiusque in locum excitatam fuisse molem illam, quæ hodie extat lapide quadrato constructa velut crepido cliuosa obiecta ad fulciendā partem ædis orientalem: verū iam

tam excellam ob terræmetus non arbitror, quàm primò fuit, sed tamen tāta altitudine nunc attollitur, quanta ferè traditur ab Euagrio, atque adeò post terræmotus ad fulciendas pilas laborātes, vel terrēmotu, vel pondere hemisphærij aucta est quatuor muris longis plus viginti pedes, latis plus octo in altitudinem maiorum pilarum assurgentibus, quos alares appellare possumus à similitudine alarum architectonicarum, vel potius *ἰσίσματα*, id est, obnitentia firmamēta, quibus latus ædis pertinens ad Septentrionem & latus austrinum præfulciuntur, atque præmuniuntur. Extant templi extremitates ultra octo pilas proiectæ in spheræ quartam partem recedentes ex supera parte quiddam Lunæ curuatæ in cornua simile præ se gerentes, extant cellæ, siue aulae inferiores quidem Andronitides. Superiores Ginæconitides extant infinita varietate marmorum præstantissimorum vestiti parietes & pilæ, & tota concameratio tecta tessellis inauratis, & non modò Moseaci operis ratione iam peruulgata, sed antiqua illa recondita amussi dimensis egregiè in hunc diem eminētibus, nisi quæ offensiones intercedunt, quas intulerunt imaginū oppugnatores. Denique ut corpus & membra Sophiæ ædis ferè omnia extant, sic nihil exēptile, nisi exiguum quiddam ex infinitate metallorum. Extat templi pars pura olim & sacra solis sacerdotibus attributa, sed nihil gemmarum hodie apparet omnium nationum bellica direptione spoliata, non modò mensa illa, quā nemo imitari poterat à Iustiniano resecta ex auro argento, omnique genere lignorum gemmarum, quæ producit mare & cunctus orbis, sed etiam donis aliis infinitis denu

denudata; quibus reges Constantinopolitani & pontifices & principes eam ornarant, atque etiam mulieres cum aliis permultis tum Pulcheriam Archadij filiam Theodosij minoris sororem scribit Sozomenus ex auro & lapidibus pretiosis pulcherrimum & mirabile quoddam spectaculum mensam dedisse sacræ ædi Constantinopoleos. Neque duni vectigalibus, quibus erat immensis locupletata priuantur Maumetani sacerdotes, neque mille & centum tabernis, siue officinis, quas vectigales, & liberas possident sitas in pulcherrimis foris Constantinopoleos.

De statu inuentis in latere ædis Sophiæ.

CAPVT V.

EX LATERE templi Sophiæ Suydas (quem cito velut receptum in primam classem Grammaticorum) refert, statuas repertas fuisse deorum Græcorum plusquam septuaginta & duodecim signorum Zodiaci, & regum Christianorum octoginta, quas Iustinianus, vrbi cum distribuisset, magnū templum edificauit, possem huc adiungere nomina harum statuarum ex incerto scriptore, qui scripsit de patria Constantinopolitana, nisi in aliis permultis mendacem deprehendissem.

De Pharo promontorij, & Mangana.

CAPVT VI.

MIANVS Marcellinus scribit promōrorium Ceras prælucentem nauibus vehere constructam celsius turrim, quæ Pharus appellaretur,

hæc alibi rectius esse non potuit, quàm propè templum Sophiæ. Vnde nam commodius, & latius illucescere potuisset nauigantibus ex Bosporo & Propõtide. Promontorium Ceras Dionysius Bosporium appellat, & dicit ex eo Inachi filiam ira Iunonis stimulatam traiecisse in Asiã. Mangana locus ita appellatus, vbi machinæ bellicæ seruabantur, erat in claustro regio, aut prope claustrum iuxta Bospori fauces extremas. Rex Constantinus monomachus splendidum, & amplum à fundamentis monasteriũ condidit in nomen magni martyris Georgij, quod Mangana appellant. Alexius Comnenus cùm podagra laboraret, in magnum Palatium, quod ad Solis ortum est, gestatur: ac cùm Palatij huius aër medicis non satis commodus videretur, in Palatium Manganorum transfertur.

De thermis Zeuxippi, & de eius statuis.

CAPVT VII.

THERMAS Zeuxippum nuncupatas, à Ioue Zeuxippo, ait Cedrinus in eius templo ædificatas. Quod Eusebius confirmare videtur: Ex Zeuxis, inquit, pictoris imaginibus, quas plurimas fecit lauacrum Byzantiorum quidam appellatum arbitrantur fuisse vicinas Sophiæ ædibus, assequor non modo ex antiqua descriptione, quæ ponit in eadem regione templum Sophiæ & thermas Zeuxippi, sed etiã ex incendio facto tempore Iustiniani, quo deflagrasse templum Sophiæ, & vicina ædificia, vt balneũ Zeuxippum appellatum, & regiæ vestibulum, quod Chalca appellatur, testatur Procopius, & Zonaras: qui Seuerum Impera

peratorem scribit id Hippodromi coniunxisse, & ædificasse in templo Iouis. Leontius antiquior & grauior testis non coniungit Hippodromo, sed vicinum facit suis versibus inscriptis in domum sitam inter Zeuxippum & Hippodromum:

Ἐν μὲν τῇ ζεύξιπον ἔχω πύλας αὐτὸν λούζον

Ἐκ δ' ἐπὶ τῷ ἵππῳ χῶρον ἀνελόφρον

Τὸς δ' αὖ θεοσκέμενον καὶ τοὺς δ' ἔτι χεῖρα λούοντας.

Δούρον καὶ ἀμπνέον λατὶ παρ' ἐμίστρῳ

καί κε πάλιν παθὺς ποτὶ δούλον ἔειπεν

Ἐγγύθον ἐγγύς τῳ γείτονι ἐκ δαμάτῃ.

Cedrinus, inquit, variam in hoc balneo contemplationem, & splendorem fuisse artium, maiorum, calculorum, statuarum ex ære factarum, hominū antiquorum, quibus nihil deerat præter animas, ad verè repræsentandum eos, quos imitantur: inter quos erat Homerus mentem contrahens & contendens, & manus sub imum potus coniungens, barba eius simpliciter demissa erat, capillus similis ex vtraque parte caluarie rarus, facies tetrica ob senectutem & commentationem, natus per omnia mediocris. Oculi cōciliati palpebris, velut de ipso fama est, cæcum præ se ferunt, supra tunicam gestabat pallium, lorum quoddam æreum pedibus subiiciebatur. Erāt præterea statuae ex ære factæ omnium sapientum sublimium, & Poëtarum, & Rhetorū, & Heroum fortitudine celebriam, tum ex marmore permultæ ad eò antiquo opere elaboratæ, ut spirare viderentur, quas omneis consumpsit incendium: inter quas fuerunt Itatyræ Deiphobi, Aeschinis, Demosthenis, Aristotelis, Euripidis, Hesiodi, Theocriti, Simonidis, Anaximenis, Chal

Chalcātis, Pyrrhi, Argyrionones, Saphous, Apollinis, Veneris, Chryſæ, Iulij Cæſaris, Platonis, Hermaphrōditi, Herinnæ, Tēpādri, Periclis, Pythagoræ, Steſichori, Democriti, Herculis, Auroræ, Aenææ, Creuſæ, Heleni, Andromachi, Menelai, Helenæ, Vlyſſis, Hecubæ, Caſſandra, Polyxenæ, Aiæcis, Paridis, Oenoe, Milonis, Daretis, Entelli, Charidemi, Melampi, Panthoi, Demogeronis, Iſocratis, Amphiarai, Sarpedonis, Achillis, Mercurij, Apuleij, Dianæ, Phoecēdis, Heracliti, Cratini, Menandri, Amphitrionis, Thucididis, Herodoti, Pindari, Xenophontis, Alcmeonis, Pompeij, Vergilij. Alięque plures ſtatuae verſibus deſcriptæ à Chryſtodoro Poëta Thebæo, ſiue, vt alij tradunt, nato ex vrbe Copto Aegyptiaca, cuius verſus explicarem, niſi id longum eſſet, & ſatis ſit digitos intendere ad fontes. Fuit propēthermas Zeuxippi balneum patuum celebratum verſibus Leontij:

Μὴ νημέρα ζῶσιν περὶ παρ' ἀναΐλλοντα λουῖνθ'·

καὶ μεγάλα παρ' ἄμαξαν ἐρδύτιλ' ὅδ' ὁ φαίνει.

Nunc nulla Zeuxippi veſtigia reſtant, neque aliorum permultorum balnearum, etſi de illis ſcripta Epigrammata extant, vt illud celebratum ab Agathio, in quo Venus erat. Item alterum Didymum, in quo mulieres, & viri lauabantur decantatum verſibus Pauli ſilentiarij, & aliud illuſtratum Epigrammate Leontij Scholaſtici, atque illud nuncupatum Cupido deſcriptum à Mariano Scholaſtico, quæ vel perierunt, vel à Mamecanis ita immutata ſunt, vt non agnoſcantur.

De Xenodochijs Sampsonis & Eubuli.

CAP. VIII.

ERAT quoddam, vt Procopius inquit, Xenodochium hominibus attributum inopibus & aegrotantibus, hoc quidam vir pius nomine Sampson superioribus tēporibus ædificauerat. Sed non mansit intactum ab incendio, quod excitauit seditiosa plebs, quo illud vnà cum tēplo deflagrauit. Hoc reædificauit Iulianus pulchritudine quidē structuræ dignius, & multitudine domuncularum amplius reddidit, vetigalique annuorum nummorum magno dotauit, vt pluribus subueniret affectibus, ac nondum hac erga Deum obseruantia satiatus, duo præterea Xenodochia è regione illius adiunxit, ea excitans in domibus, quæ Isodori & Arcadij nominantur, adiutus à regina Theodora. Hæc quidem Procopius, ex quo colligitur Xenodochium Sampsonis, quod perierit eodem incendio, quo magnum templum non longè à Sophia fuisse, hoc historia incerti authoris docet fuisse è regione ædis Sophianæ, cui, vt credam me adducit Zonaras, similiter tradens à seditiosa plebe immissum fuisse incendium, quo magnum templū, & sancta Hirene, & Eubuli Xenodochium, & Chalca, & Seueri balneum appellatum Zeuxippus, aliæque permulta deflagrarunt. Cui consentit Georgius Cedrinus loquens de eodem incendio: Magna, inquit, pars vrbis, magnūque templum, & sancta Hirene, & Xenodochia Sampsonis, & Eubuli, vnà cum ægrotis exusta sunt, atque etiam vestibulum Basilicæ Augusteum, Chælca, duæ porticus vsque ad forum & octogonum, & balneū appellatum Zeuxippus. Post-

quam superiora ex Procopio edito scripsissem, incidi in Procopij manuscriptum Codicem declarantem Xenodochium Sampsonis fuisse medium inter ædes Sophiæ & Hirene.

De statua Eudoxia Augusta, ob quam Chrysostomus eiectus in exilium.

CAP. IX.

SOCRATES & Sozomenus sacrae historiae scriptores tradunt Eudoxiae Augustae statuam argenteam supra columnam purpuream secundum latus meridianum ædis Sophianæ via duntaxat lata intercedente excitatam fuisse ante domum magnæ curiæ, cui à populo plausus dari, & ludi publici saltatorum, & mimorum edi solebāt de more, qui iamdudum inualuerat colēdi regias imagines, quod Ioānes Chrysostomus contra religionem Christianam fieri existimans pro concione reprehendit eos, qui tale quippiam factitarent. Quibus Eudoxia se præstrictam putans, in exilium proiecit Chrysostomum. Huc adderem miliarium, & Basilicam, ut vicina templo Sophiæ, nisi nunc mallem regionum ordinem sequi, quàm ædificiorum vicinitatem.

Quam urbis partem complexa fuerit tertia regio.

CAPUT X.

VBI Hippodromus est, & domus Abrami basæ, & porta Leonis, & portus, quem vulgò Byzantij appellant Caterga limena, quasi triremium portum, dorsumque secundi collis usque ad forum Constantini olim tertia regio fuisse deprehenditur,
non

non modò ex ordine suo , sed etiam ex sua descriptione , quæ declarat hanc planam in superiori parte in ea circi spatio longiùs explicato , sed ab eius extrema parte nimis prono cliuo ad mare vsque descendere complectentem tribunal fori Constantini , circum maximum , domum Pulcheriæ Augustæ portum nouum , porticum semitotundam , quæ ex similitudine fabricæ sigma Græcò vocabulo nuncupatur.

De Hippodromo & de eius obelisco & columnis & statu.
CAP. XI.

SEVERVM reconciliatum Byzantiis recentes Historici , vt Zonaras & alij plerique tradunt Hippodromum ædificasse , Zosimus antiquus Historicus scribit Constantinum magnum Hippodromum elaborasse , omniq; cultu pulcherrimo adornasse , partemque eius fecisse templum Castoris , & Pollucis , quorum simulacra vsque in suam ætatem , hoc est , Theodosij minoris in Hippodromi porticibus extantes videre liceret in medio circo , quæ Græci Hippodromum appellant obeliscus ex Thebaico lapide factus extat , cuius cum non meminerit antiqua regionum descriptio , & meminerit obelisci Thebæi quadrati , quem ponit in quinta regione , arbitrarer hunc terræmotu euersum translatum fuisse in Hippodromum à Theodosio post æditam descriptionem regionum . Nisi hæc Theodosiacorum multorum meminisset operum , nisi præteriret nonnulla in commemoratione regionum , quorum postea meminit in generali descriptione vrbis . Habere igitur plures obeliscos Constantinopolis potuit , ex qui-

bus non superest ille Thebæus, quem in quinta regione ponit antiqua regionum descriptio, duos adhuc extantes vidi cum primùm venissem Byzantium, vnum in circo maximo, alterum intra claustrum regium, in latere primi collis vergente ad septentriones, quadratum ex lapide Thebaico factum erectum iuxta domum vitreariarum officinarum regiarum. Sed paulò post euersum. Et extra claustrum, elatum vidi iacentem longum triginta quinque pedes, cuius singula latera, si bene memini senos pedes, lata perimetrum illius efficiebant viginti quatuor pedum. Hunc Antonius Priolus nobilis Venetus emit Venetias exportaturus in foro diui Stephani locaturus. Alter verò in medio Hippodromo pro meta in hunc diem extat supra quatuor tesseras æneas latas quoquo versus sesquipedem altas tantundem sustentatas basi & stylobate. A solo duos gradus habet stylobates, quorum inferior à terra altus est pedē vnum, cuius latitudo pedalis, superior gradus altus duos pedes, proiectus extra stylobatem quatuor pedes, & totidem digitos gradus subiecti non sunt stylobatæ, sed adiecti, & astructi velut suggestus, ut apparet ex commissura, supra quos latus quoquo versus duodecim pedes stylobates eminet in altitudinem quatuor pedum, & octo digitorum, & extra basim proiicitur sesquipedē. Præter hos quatuor pedes, & sex digitos, stylobates pedalem altitudinē excedit non extra basim eminentem: nam ex summo stylobatæ eminet striatura alta pedem & tredecim digitos quadrilatera, neque ex perpetuo vno eodemque lapide constans, quo stylobates. Nam stylobates emittit suam supremam partem, non solum ses-

quipe

quipede strictiorem, quàm infimam, sed etiam angulis mutilatam, locòq; quatuor angulorum diminutorum existunt quatuor lapides quadrati marmoris Thebæi rubentis, singuli alti sesquipedē, nempe quantum stratura stylobatæ, his quatuor angularibus lapidibus interclusa, qui cum intermedia parte suprema stylobatæ sustinent basim altam pedes septem, & tredecim digitos proiectam extra imum scapum obelisci sesquipedē, quoquo versus patentem nouem pedes, totidemque digitos, quæ tota insculpta est, ut stylobates, qui itatuis emittentibus omnia latera incisa habet: ex septentrionali quidem latere expressæ sunt statuæ, duobus ordinibus scalptæ, quorum inferior continet duodeviginti statuas & duas ergatas, earum singulas quaterni homines versant vectibus, quibus funes ductarij circum ergatas voluntur obeliscum iacentem trahentes. Tum in eodem ordine scalptus est obeliscus rectus, ut nunc est, tum statuæ tres, quarum Constantinopolitani prædicant vnam esse magistri, alteram discipuli, quem magister, nisi interposita tertia persona retentus fuisset castigare conatur, quòd se absente obeliscum crexisset, in superiori ordine binæ ergatæ connituntur cum ergatis inferioribus obeliscum iacentem trahere, versatæ singulæ à quaternis hominibus circumuoluentibus validos funes benè eminentibus toris expressos. Quòd si stylobatæ amplitudo capere rationem potuisset, qua erectus est: non dubito, quin talem sculpsisset, qualem describit Marcellinus. Sola, inquit, restabat obelisci erectio, quæ vix, aut ne vix quidem sperabatur posse compleri, id est, vsque ad periculum alius trabibus, ut machi-

narum cernerés nemus; innectuntur vasti funes, & longi ad speciem multiplicium liciorum cœlum densitate nimia subtegentes: quibus colligatus obeliscus paulatimque per arduum inane protentus, diuq; pensilis millibus multis tanquam molendinarias metas rotantibus cauea locatus in media, hunc obeliscū posse etiam Byzantios machinatores in alium locum transferre incolumem aduerti ex columna sita in dorso quinti colliis Constantinopolitani, quæ parum cedebat obelisco. Hanc à suis sedibus deiici in terram vidi in hunc fere modum, circum columnam aliquo tamen interposito spatio trabes ingentes crebras in quadrum dispositas in solo defixas columna ipsa excelsiores exerunt paribus intervallis inter se distantes, supra trabes imposuerunt transversa tigna omnia inter se firmissimè reuineta, ex quibus Trochleas creberrimas appenderunt, per quas traiecerunt validos funes ab imo columnæ scapo ad summum surgentes ad columnam strictissimè alligatos densis funibus, ut se contingerent, & transversis rectoribus velut tramis stamina secantibus formam textilis operis repræsentantibus extra quadraturam trabium similitudinem turris quadratę gerentium. Ergatę utrinque multę in terram defixę erant versatę à multitudine robustissimorum iuuenum funes illos validos, quibus columna cingebatur trahentes tandiū, quoad columnam, à sedibus subtraxerunt, deinde sensim detrahentes in terram deiecerunt, & curribus impositam firmissimis, quos rotę crassissimis ferris cinctę sustinebāt, traduxerunt incolumem in collem tertiū ad Soleimani Regis ædem ornadam. Iam verò in latere stylobatę

occid

occidentali obelisci incisum est hoc Epigramma:

Κίονα πρῶτον πλοῦτον ἀείχθονι καί μιν αἶχθονι ἄχθονι

μῦν αὐτὰρ ἐπεὶ διαδοῖσι βασιλεὺς,

τολμᾶς προκλῆ ἐπιτάκτι, καὶ τόσῳ ἔσθ

κίονι αἰεὶς ᾧ τριακόντα δύν.

In latere orientali inscriptum est hoc Epigramma in-
cisione literarum Latinarum, sed paululum exesa: sed
ut legere potui, sic habet,

Difficilis quondam dominis parere serenis

Iussus, & extinctis palmam portare tyrannis,

Omnia Theodosio cedunt: subolique perenni

Terdenis sic victus, duobusque diebus

Sub iudice Proclo sublimes elatus ad auras.

In meridiano latere duplex ordo statuarum exprimitur,
inferior quatuor currus partim biuges, partim quadri-
iuges habet, quorum unumquemque unus regit auriga.
Superior ordo continet duos equites, tres pedites, toga-
tos tres, obeliscos duos, quatuor columnas in quadrum
dispositas epistylia sustinentes. Iam vero ex boreali ba-
sis latere sculpti sunt quatuor ordines continentes tri-
ginta quinque statuas togatas. Ex latere occidentali emi-
nent duo ordines, quorum inferior habet novem statuas
supplices offerentes munera Regi, qui stat in superiori
ordine cum statuis decem & sex. Latus meridianum duo-
bus ordinibus distinguitur, inferiore decem statuas to-
gatas exprimente, superiore viginti togatas omnes ex-
ceptis quatuor clipeatis. Latus orientale habet in parte
inferiori tres ordines, infimus continet decem & sex per-
sonas, alias viriles, alias muliebres saltantes, alias orga-
na pulsantes, supra quas eminent duo ordines capite
tenus:

renus: puto spectatores. Superior ordo reddit viginti statuas, harum sex ab aliis distinguuntur columnis, media coronam tenet manu, supra basim extant quatuor tesserae aeneae, quibus in quadrum dispositis totus Obeliscus sustinetur, cuius quidem quadrati singula latera ima lata sunt circiter sex pedes ab imo ad summum sculpta notis Aegyptiacis.

De Colosso structili.

CAP. XII.

IN MEDIO Hippodromo etiamnum extat structilis Colossus ex lapidibus quadratis factus, olim ut quidam imperitus in lucem prodidit marmoreis crustis, ut verò Epigramma in eius basi incisum testatur æreis tabulis vestitus ferro colligatis, ut apparet ex foraminibus non modò in scapo, sed etiam in basi remanentibus, in quæ quidem foramina regulæ ferreae insitæ erant plumbo confirmatæ, nunc spoliatis restat structuram interiorem lapideam prodens barbarorum avaritiam expertus, qualem prius periclitatus est Rhodius, quem regnante Constante nepote Heraclij Agareni distraxerunt post mille & trecentos annos ex eotempore, quo erectus fuerat. Quem Iudæus quidam emesenus emit, & eius æs distractum noningentis camelis exportavit, in illius Constantinopolitani basi incisi sunt versus subsequentes,

Τετραπλόρου θαυμάτων μίσησόν
 Χρὲν φθαγὸν, νῦν λευκαῖν
 Διανόητος ἢ ῥομανὸς ποῦς δόξα τοῖ σκηπτοχέας
 Κρείττων τυργάτης πάλαι διμελὲς
 Ὁ γὰρ κίλονος θαμβέειν γὰρ τῷ

ἴδω,

ῥόδῳ, καὶ χαλκός ἐστῶ

οὐ μὲν δὲν γινώσκῃ.

Tres gradus imæ huius basi adiuncti sunt, primus à terra altus est duos pedes, secundus pedem & duos digitos, tertius tantundem. Basis est marmor quadratum altum septē pedes & tres digitos, cuius latera singula lata decem pedes & dodrantē: hic Colóssus excelsior est obelisco, in cuius cacumen cum festo quodam die, qui celebrabatur ob circumcisionē Principis Boldaniæ ascendere vidi circulatorem quendam bene peritum, & descendere incolumē, quem subsecutus alter imperitior ascēdit quidem similiter in cacumen, sed excelsitas ita præstrinxit eius oculos, ut desperās descensum se quantum contendere potuit longē à Colosso proiecerit, ne decideret in Colossi crepidines, itaque rectus cadens pedibus altē defixis in terrā statim mortuus spectatus est.

De columnis Hippodromi.

CAP. XIII.



IN ORDINE obeliscorum directo in mediam longitudinem Hippodromi septem columnæ extant, quarum vna ex marmore Arabico facta, perimetrum habet decem & septem pedum & octo digitorum, in qua Abramus bassa Herculem ex ære factum de Vngaricis manubiis statuerat, sed illo extincto, Hercules, qui non modò viuis in domandis monstris orbem peragrauerat, sed etiam mortuus huc illuc gestatus fuerat, tot clades euaserat tandem euerfus: & distractus est à Turcis acerrimis hostibus statuarum, & totius artis Vitruuianæ Hercule præstantioribus, qui tertio decimo proposito certamine Herclé

vicerunt, fortiùs quàm qui primi vicerunt, longis ante temporibus, ex eo, quòd Herculem ligneū summā arte factum cōbussissent, vť Diagoras impius in publicum diuersorium profectus cum lignis egeret ad lentem coquendam; inuenisset qui Herculem ligneum pulcherrimè, & summa arte laboratū eum in frustra dissectum in ignem congeffit, addens hæc verba: O Hercule, qui duòdecim certamina subiisti, age, & tertiumdecimum certamen subeas: & lentem nunc coquas. Extat etiam in eòdem ordine altera columna ænea, striata non quidè canaliculis, rugas matronalium, stolarum, referentibus: sed spiris trium serpentum, inter se circumplicatarum non sursum versus directis, sed tortis in modum tororum. Quos valdè eminentes exprimunt magni funes; & desinentibus in caput triceps trium serpentum, quarum capita in triquetram formam disposita longè eminent, supra columnæ torosum scapum. Quamobrem fuerit hæc columna posita, Constantinopolitani multa fingunt, sed nugatoria omnia, ignorantes maiorum suorum historias. Inter quos Zosimus scribit Constantinum magnum in Hippodromo statuisse, Apollinis Delphici tripodem in seipso habentē ipsius Apollinis statuam. Sozomenus Salaminus adiungit, Constantinum non modo tripodes Delphicos in Hippodromo posuisse, sed etiam celebratissimum tripodem, quē Pausanias Lacedæmonius, atque vrbes Græcæ post bellum medicum Apollini Delphico consecrarunt. Eusebius clariùs tradit Constantinum in quadam Constantinopolis parte Sminthiū Apollinē statuisse, in Hippodromo autem constituisse Pythiū tripodem, circa quem

quem serpens in spiras volueretur, ex quibus verisimile videtur tripodem illum statutum fuisse supra hanc columnam æream tricipitē, vt erat apud Delphos ex Herodoto, qui tradit ex decimis manubiarum Persicarum tripodem aureum factum in Delphis collocatū fuisse supra serpentem tricipitem æream, atque idem affert Persis ad plateas victis tripodem aureum ibi repertum redditum fuisse deo Delphico, insistentem supra triplicem ex ære colūbrum proximē aram. Similiter errant, qui putant hanc columnam nunc æream, olim inauratam spoliatam auro fuisse à Turcis: cū multis seculis ante Turcos aurum detractum fuerit, vt liquet ex Pausania. Commune, inquit, fuit Græcorū de platensi prælio donum aureus tripous sustentatus æneo, dracone æque Pausaniæ ætate mansit ex eo donario integrum, auri quod fuit, duces Phocensium amouerunt: deinceps quinque columnæ insequuntur tenentes eundem ordinem, quem tenent Obeliscus, Colossus, & ænea columna procedentem recta via per mediā Hippodromi longitudinem. In frontē Hippodromi spectāte ad Propontidem decem & septem columnæ marmoris albi etiam tum extabant, cū veni Byzantium cum spiris, & capitulis, & epistyliis digestæ in ordinem ambiētem Hippodromi partem sitam inter Meridiem & Occasum, quarum stylobatæ alti duos pedes, & decem digitos sustentati substructionibus fornicatis, æquatisque ex interiori parte cum Hippodromi planitie, ex parte exteriori plus minus altis quinquaginta pedes, positi singuli sunt supra murulum proiicientem duos gradus, vel plinthos quadratos, inferiorem quidem non ex vno la-

pide factum, altum pedem, & digitum, superiorem vero altum pedem & digitos sex, proiectum extra stylobatem octo digitos, quorum singula latera lata pedes octo, & dodrantem. Stylobatæ lati quinque pedes & septem digitos, quoquo versus, eorum eminentiæ imæ positæ pro toris reliquisque modulis sunt alti sex digitos & semidigitum, superiores eminentiæ positæ pro coronidibus tantundem spiræ plinthus crassius vndecim digitos, torus inferior septem digitos & dimidium digitum, scotia quatuor digitos, torus superior sex digitos, calcaneum scapi altum quinque digitos, diameter scaporum est tertium pedum, & quinque digitorum, eorum altitudo viginti octo pedum, nunc scapi prostrati iacent cum capitulis & basibus nuper euerſi ad ædificandum Xenodochiū Regis Solcimani. Dolui eorum casum, non tam ex eo, quod proiecti humi iacerent, quàm quod eorum nonnulli secarentur in tabulas solum constraturas balneorum, quodque capitula ex antiqua artis ratione commutarentur in barbaricos modulos, aut in pilas excauarentur pistrinarias, epistyliaq; & spiræ exscinderetur in murorum ædificationem, intercolumnia inter scapos lata erāt vndecim pedes distyli compositione lubrica, ex qua aduerſi propter interuallum magnū epistylia fracta esse, capitula omneis modulos habebant operis Corinthij, & trabeatio egregiè expressa præter echinos, qui scalpti non erant, annuli ferrei ex epistyliis pendeant. Vnde vela suspendebantur, supra harum ordinem columnarum extabat alter ordo columnarum etiam aliquantò post, quàm Othomani ceperunt urbem. Antequàm Galli & Veneti cepissent

pissent Constantinopolim, extabant in Hippodromo
 cum alij permulti equi lapidei & ærei, tum quatuor in-
 aurati mira arte elaborati, quales hodie extant supra ve-
 stibulum ædis Marcianæ Veneticæ; quos deportatos
 aiunt ex Constantinopoli præterea non modò permul-
 torum regum, principum, statuas in circo statutas, in-
 ter quas Iustiniani Regis statua celebratur peruulgatis
 versibus; sed etiam eunuchorum maximè valere soli-
 corum apud Imperatores Constantinopolitanos. Inter
 quos fuit statua Platonis eunuchi cubicularij regij, qui
 imperante Basilisco exustus est. In cuius quidem statuę
 pectore etsi inscriptum Suydas testatur fuisse, qui hanc
 statuam in alium locum transtulerit, laqueo suffocetur,
 tamen ex templo Procopij, in quo prius erat, cum id re-
 ficeretur traducta est in Hippodromum. Iam verò quid
 commemorem infinitas statuas pugilum, luctatorum,
 aurigarum, in Hippodromo sitas, quæ etsi dudum per-
 ierunt, tamen recens eorum memoria non perit, reten-
 ta plusquàm trecentis versibus etiamnum extantibus,
 quibus nonnulli aurigæ decantantur, sed permultorum
 memoria extincta est, vt Thomæ aurigæ præstâtissimi,
 quæ ne funditus pereat me admonet lapidis fragmen-
 tum, quod vidi Byzantij cum hac inscriptione, *Θομαῖ
 αὐρίγου*. qui fortasse ille est, de quo ad Faustū Romæ præ-
 positum Theodoricus Rex scribit, dudū Thomati au-
 rigę ex Orientis partibus aduenienti annonas rationa-
 biles consideratiō nostra largita est, donec eius artem
 probaremus, & animū. Sed quoniam in hoc agone pri-
 matum dicitur obtinere, eiusque voluntas patria dere-
 licta nostri sedes fouere delegit imperij, menstrua cum

duximus largitate solidandum, ne adhuc redderemus, quem Italiae dominatum elegisse cognouimus: is enim frequenter victor per diuersorum ora volitauit, plus uictus fauore, quam curribus, suscepit partem populi protinus inclinatam, & quos ipse fecerat tristes, laborauit iterum facere lætiores, modò agitadores arte superans, modò equorum velocitatem transcendens. Frequentia palmarum cum dici faciebant maleficum, inter quos magnum præconium videtur esse ad talia crimina peruenire. Necesse est enim ad peruersitatem magicam referre, quorù meritis non potest applicari, spectaculum expellens grauissimos mores, inuitans leuissimas contentiones, euacuatio honestatis, fons iriguus iurgiorù, quod vetustas habuit sacrum, sed contentiosa posteritas fecit esse lubricum. Ex quibus Theodorici verbis assequi possumus hunc Thomatem, qui forte Byzantium reliquerat ob factiones partium, periclitatum fuisse Romæ ob partes diuersis coloribus in diuersa studia distractas, quæ non modò Romam, sed etiam Constantinopolim grauissime affixerunt, quibus non modò ciues, sed etiam imperatores magni in grauissimum discrimen imperij inciderunt. Nunc verò circus Constantinopolitanus friget omnibus ornamentis spoliatus, nuperque exædificari cœptus est, quod me spectantem dolore affecit, quem augebat Belisarij primùm de Rege Vandalorum in Hippodromo triumphantis, deinde ob virtutem summam maximè periclitantis recordatio, quam mihi dabat numisma, quod tum forte habebam in manibus, in cuius vno latere sculptus erat Iustinianus, Belisarium excipiens triumphantem, in altero Belisarij imago

imago cum hoc elogio: Gloria Romanorū Belisarius. Procopius scribit in Hippodromo fuisse portam appellatam Cochliam ob descensum in orbem procedentem. Itēque aditum fuisse quendam qui appellaretur mortuus, idem etiam dicit in Hippodromo fuisse porticum appellatam Venetiam à Veneta parte ibi sedere solita, ex qua colligere licet fuisse etiam porticum prasinam, aliasque porticus aliorum colorum. Partesque non promiscuè, sed porticibus distinctas spectauisse.

De templo Bacchi, & de aula Hormisdæ, & de Iustini domo.

CAP. XIII.

REGIS aulam, & domū Iustiniani, antequam imperaret fuisse inter Hippodromum, & Propontidem percipitur ex templo Bacchi, & Sergij, quod etiam nunc extat in planitie inter Propontidem & Hippodromū explicata, de quo Procopius hæc scribit: Petro & Paulo Iustinianus ædificauit templum iuxta Regis aulam, quæ Hormisdæ olim nominabatur. Hanc enim domum suam propriam effecerat, ut Palatiū structuræ decore sumptuosum videretur. Post verò quàm Imperator factus est, eam aliis regiis adiūxit: ubi sane etiam templum aliud construxit illustribus diuis Sergio & Baccho, horum templorum neutrum alteri cedit de pulchritudine, neque de magnitudine, neque vlla alia de re, simpliciter vtrunque splendore lapidum fulgorem Solis superat, similiter auri copia vndique satiatur, & donis ornatur, vna duntaxat re differunt, nam vni longitudo in rectum procedit, alteri columnæ in semicirculū ex maxima parte dispositæ stant. Ita enim
ambo

ambo admirabilia videntur, cum ut toti urbi, tum maximè regis ædibus præclara sint ornamenta. Procopius paulò infra adiungit Iustinianum domum appellatam Hormisdæ, quæ sita erat proximè regias in illustriorem formam commutasse, Palatiòque adiunxisse. Hormisdæ hunc, quem vocat regalem, arbitror Persarum Regis filium, quò Marcellinus scribit Constanti filio Constantini per gigantes contextus, cum Romam venisset circumferenti mentem, omni spectalia conficiendi ablata. Traiani equum solum locatum in foro Traiani imitari se velle proficenti respondisse, stabulum prius tale condas, oportet. Georgius Cedrinus explicatius ostendit, quàm prope templi Bacchi fuerit domus Iustiniani. Aedem, inquit, Sergij, & Bacchi vicinam palatio ex parte maris, & propinquum huic templum ædificauit Iustinianus, quod ante fuerat propria domus Iustiniani, omnemque suam priorem facultatem his duobus templis largitus est, & monasterium addidit, quod illustribus viris impleuit. Templum Petri & Pauli non extat, sed Sergij & Bacchi adhuc superest, cuius nomen duntaxat Græci etiam nunc retinēt, vsum verò & fructum Turci habent. Eius figura rotunda hemisphærio latericio tecta, octo pilis nitens. Inter pilas columnæ Ionicæ dispositæ sunt duplici ordine, inferior ordo decem & sex columnas habet pavimenti solo sustentatas, quarum sex virides, decem albæ maculis rubris distinctæ: superior duodeuiginti complectitur, quarum octo virides, decem albæ maculis rubris variæ. Capitula inferiorum echinos habent circundantes imam partē, reliqua pars est tota vestita foliis, superiorum volutæ ex quatuor angulis

gulis capitulorum eminent, echini verò ex latere prominent. Reliqua pars folia egregiè expressa continet. Supra inferiorum capitula existunt epistylia affabrè scalpta. Et Zoophorus grādibus literis versuum Græcorum scalptus ambientium totius ædis circulum, pilarū summæ partes adumbrantur foliis vitium interpositis racemis designantibus ædem Baccho sacram esse.

De portu Iuliani, & Sophia, & de porticu nominata Sigma, & de regijs Sophianis. CAP. XV.

PORTVM Iuliani fuisse prope ædē Bacchi, incendium declarat excitatum regnante magno Leone, quod Euagrius in latere vrbis vergente ad Aquilonem scribit grassatum esse à portu nuncupato Bosporio vsque ad antiquum Apollinis templum, in latere autem meridiano à portu Iuliani vsque ad domos vicinas templo Cōcordiæ. Zonaras explicat portum Iuliani fuisse prope templum Sergij & Bacchi, describens idem incendium, quod tradit ex Aquilone extitisse à Bosporio vsque ad ædem diui Ioannis Calybitæ, ex Austro ab æde diui Thomæ vsque ad ædem magnorum martyrum Sergij & Bacchi. Templum Thomæ fuit prope templum Concordiæ. Zonaras latus incendij australe incipit narrare ab Occidente ad Orientem, contrà Euagrius ab Ortum ad Occasum. Cedrinus dicit idem incendium à mari pertinēte ad septentriones ad templum Sergij & Bacchi vicinū mari Austrino urbem cinxisse, portum Iuliani Anastasius Rex munitione & mole lapidum tutiorem effecit, hunc postea appellatum Sophiæ demonstrat Georgius Cedrinus. In Iu-

liani, inquit, portu Iustinus Iustiniani nepos ædificauit Palatium, portumq; purgauit, in quo medio duas statuas excitauit suam, & vxoris suæ Sophiæ nominatæ, & commutato nomine appellauit portum Sophiæ. Epigramma in statuam Iustini positam in portu,

τὸς παρ' ἀκρόσιν ἐγὼ θεόδοτος ὑπαρχο

στῆκε φανερὸν ἄγαλμα ἰουίνῳ βασιλεῖ.

ὄφρα καὶ γὰρ λίμνῃσι ἐνὶ πῶσι τῶν μεγάλων.

Procopius tradit Theclæ martyris ædem fuisse apud vrbis portum nominatum Iuliani. Quidam recentes scriptores tradunt ex hoc portu Belisarium soluisse ad bellum Vandalicum, quod nescio vnde assequantur, nisi fortasse ex verbis Procopij scribentis Iustinianum nauem prætoriam ad littus iuxta ædes imperatorias deduci iussisse, tum Epiphanium vrbis Episcopum classis de more bene precatum fuisse, sicque Belisarium cum vxore Antonina soluisse. Fuerunt quidem ædes regiæ vicinæ huic portui, sed & aliæ regiæ fuerunt iuxta sinum portuosum, à quo longè non fuit domus Belisarij. Sydas dicit Anastasium Regem Iuliani portui molem apposuisse, eumque muniuisse. Zonaras huc adiungit Iustinum regias construxisse, Sophianasque nominasse à nomine vxoris Sophiæ, quam vehementer amabat. Plerique putant has regias fuisse iuxta portum Sophiæ, quibus ne assentiar non modò ratio dissuadet, sed etià eruditorum hominū autoritas, inter quos Zonaras tradens illum regias contra urbem ædificasse Sophianas, eoque longè antiquior Agathius Scholasticus, qui vixit ea ætate, qua regiæ Sophianæ conditæ sunt, in hisque inscriptis Epigramma, quo percipitur illas non fuisse secundum

dum Propontidem, iuxta quam erat portus Sophiæ, sed contra urbem apud Bosporum: ubi terra diuiditur in duas partes:

Εἰς πελάτια Θωανῶν ἀγαθὴν χολαίρικον.

Ὁπρὶν περνομένης χθονὸς αἰδιχα πόντον αἰοίγῃ

πλαγίῳς ἀλικύσων πορθμὸς ἐπ' αἰόνων.

Χρυσὴν συλλέξῃ τάδε ἀνὰ κέρας θῆκεν αὐτὸς

τῇ πολυκιδίσῃ θεῷ αὐτῆς Θωῖν.

Ἄξιος ὃ ῥόμῃ μεγαλοκρητὶς αὐτῆς σπῶ

κάλας ἐπ' ὕρῳ πῦρ δ' ὀρέσσει ὡς ἀσίν.

Codex Zonaræ habet ἀσίν. Ex his versibus Palatium Sophianum intelligitur non modò iuxta Bosporū, sed etiam extra urbē fuisse, quòd historiæ confirmant non modò Cedrini, sed aliorum describentium acerrimam frigoris vim sub Leone Copronymo factam, qua congelauit tam vehementer Bosporus, vt quicumque vellet à regiis Sophianis ad urbem & à Chrysopoli ad diuum Mamantem, & Galatam in Bosporo tanquam in sicco ambularet sine vlla offensa. Cùm ex his tum ex aliis colligo Sophianas regias fuisse trans Bosporū contra urbem. Iam verò portus Sophiæ priusquam appellaretur Iuliani, videtur esse ille, quem nouum portum antiqua regionum descriptio ponit in regione Hippodromi, sed siue ille nouus, siue Iuliani, siue postremo Sophiæ appellaretur, hodie exaggeratus est, seu sit ille, quē ædes Bacchi habet ab Occidente, iam magna ex parte obrutum intra muros clausum, cuius pars duntaxat restat velut lacus, quo mulieres pannos lauare solent. Dicuntur videri triremes in illum demersæ, Byzantij huius ætatis vulgò appellant Caterga limena, quasi por-

tum triremium, siue fuerit ab Oriente Bacchianæ ædis iuxta portam vr̄bis, quam vocant Leonis, vel à Leone lapideo, qui etiam nunc prope extat, vel à Leone Imperatore, quem habuisse ibi Palatium aiunt Constantinopolitani. Nicephorus recens Historicus ait Regem Constantinopolitanum obsessum à Latinis congregasse multitudinē fabrorum in Morion, quod erat circum Hippodromum. Vbi fuerit Constantinopoleos locus appellatus Pyctacia nondum intellexi. Hoc tamen addam ex Cedrino, atque aliis recentibus historiis tradentibus. In loco, quem vocant Pyctacia columnam fuisse sustinentem Leonis statuam Regis Verinæ mariti, quam quidam scribunt eius sororem Euphemiam excitasse prope domū suam, quo Leo omnibus hebdomadibus proficiscebatur ad sororem sapientem & castā, omnes iniuria affecti illic in gradibus columnæ suæ supplicatoria Pyctacia ponebant, quæ apparitores custodiebāt, regiq; illuc profecto dabant, qui statim responsum singulis dabat. Budæus Pyctacia, siue vt ipse ait, Pyctacia dicit esse breuia à Gallis Borderelos vulgò appellatos, sed etiam supplices libellos appellare possumus. Nam Pyctium liber, Pyctacion libellus. Pyctacium hodie vulgò Græci epistolas appellant Pyctacia. Historia ignoti authoris ait Eudoxiam suam statuam totā argenteam posuisse supra excelsam columnam in loco appellato Pyctacio, qui si rectè scribit, fuit hæc statua prope templum Sophiæ, iuxta quod fuisse Eudoxiæ statuam antè monstrauius, ædem diuæ Euphemiz, tradit libellus de patria Constantinopolitana Constantinū magnum excitasse apud Hippodromum, eamq; postea Constantinum

tinum Copronymum Iconomachum fecisse armamentarium, reliquiasq; diuę Euphemix in profundum mare proiecisse. Suydas scribit Euphemix, quę vxor Iustini Thracis erat, statuam fuisse statutam in æde diuę Euphemix ab ipsa condita, scriptores recentes patrię Constantinopolitanę tradunt tempore Basilij Imperatoris terręmotum magnum fuisse, quo diui Polycleti cecidit templum, & oppressit omnes, qui intus essent, ex eoque tempore appellatum fuisse Sigma, ego potius ita appellatum fuisse existimare à porticu, quam ante hunc terręmotum multis seculis Sigma à similitudine literę appellatam antiqua descriptio ponit in regione Hippodromi. Georgius Cedrinus meminit loci, quem appellat Sigma. Michaëlem, inquit, Imperatorem monachi vestitu indutum ex monasterio appellato studio correptum per forum pedibus traxerunt, & supra monasterium Periblepton nūcupatum ipsum ducentes in loco appellato Sigma excæcarunt. Idem Cedrinus ait Basilium Macedonium ædem virginis Marię restituisse à fundamentis nominatam Sigma. Eunuchus Chrysaphius Zomas excitauit statuam Theodosij minoris in loco nominato Sigma, eadem diui Stephani positā prope locum nuncupatum Sigma Constantinum magnum excitasse scribunt nonnulli, itaque hoc Sigma alio loco fuisse in vrbe, quàm illud, quod dixi in tertia regione fuisse, & scribendum esse per e, literam Segma, ex eo quòd dicunt ideo sic appellatum fuisse, quod ædis Polycleti in eo situ terręmotu concussa oppresserit omnes, qui in eo essent.

De quarta regione.

CAP. XVI.

EX ANTIQVA regionum descriptione, quæ declarat quartam regionem vrbis à miliario aureo, collibus læua, dextrâque surgentibus, ad planitiem vsque valle ducente perductam fuisse. Facile ipsa perciperetur fuisse in valle prima, & dorsi iugo eminente supra vallem, si miliarium aureum maneret, aut eius memoriâ Constantinopolitani retinerent. Ex quibus edoceri possemus, vbi fuisset, aut si vlla extaret vestigia Augustæi, Basilicæ, Nymphæi, & reliquorum ædificiorû, quæ traduntur fuisse in hac regione: sed cum nulla hodie appareat. Primùm dubitabam, an vallis, quàm continet quarta regio esset illa prima à me ante descripta: non quin hæc collibus læua, dextrâq; surgentibus ad planitiem vsque ducatur, sed quòd & aliis vallibus hæc conueniant. Deinde postquam ex aliorû scriptis percepissem, loca vbi fuerunt monumenta, quæ traduntur fuisse in hac regione, facile cognoui regionem quartam fuisse in prima valle, eiusque lateribus, & iugo vicino ædi Sophianæ, vt cognosces legens, quæ subiiciam.

*De foro Augustæo, & columna Theodosij, & Iustiniani,
& de Senatu.*

CAP. XVII.

PROCOPIVS forum, quod Constantinopolitani Augustæum nominât, declarat ante regias situm fuisse columnis circumdatum, nunc nomen non modò amisit, sed ne forum quidem extat, totum fere exædificatum. Regiæ dudum deletæ sunt, fuisse tamen Augustæum, vbi nunc cernitur aqua salies
non

non longè à Sophiæ angulo ad Occasum vergente, assequor ex stylobata paulò ante extante columnæ Iustiniani à Turcis sublatæ, quam Procopius tradit Iustinianum in Augustæo foro, Zonaras in aula ante ædem Sophiæ excitasse. Suydas addit Iustinianum cùm Sophiæ templum condidisset purgasse aulam, & marmore strauisse appellatam priùs Augustæum forum, ibique columnam suam statuisse. Procopius tradit forum quoddam ante Senatum fuisse à Byzantiis appellatum Augustæum, vbi cõmissi lapides non minus quàm septenti in quadrangulum dispositi in basi siti omnes, quorum quisque eousque contrahitur, & subducitur extra inferiorem, vt lapidum vnusquisque proiectus, vel contritus efficiatur gradus, & sedes hominibus. Hanc Procopij descriptionem stylobatæ cò libentiùs adiunxi, quòd ea in ædificiis Codicibus non habetur. Deinde addit Procopius supra septem iam dictorum lapidũ supremam partem extare, inquit, ingentem columnam, non ex vno lapide, sed ex lapidibus permultis ingentibus compositam, quos vndique æneæ tabulæ & coronæ circumuestiebant, ipsosque firmitate colligabant, & ornatu contegebant, eius quidẽ eris color debilior auro puro, sed æstimatio non multum cedebat argento. In summa columna extabat ingens equus æneus Orientem intuens, dignum spectaculum præbebat: similis enim erat gradienti, & vltra procedere cupienti. Pedum anteriorum sinistrum erigebat, vt terram ante iacẽtem calcaturus; alterum ad lapidẽ adnitebatur, vt iter ingressurus. Posteriores ita contrahebat, vt prompti essent adgressum; equò insistebat ænea Regis statua Colosso similis, vesti-

ta more Achillis, calceata arbylis, thorace heroïco induta, galea illius caput tegebat fulgore corruscans: spectabat Orientem, iter arbitror contra Persas suscipiēs, ferebat manu sinistra globum, quo designabat fictor vniuersum orbem illi obedire, ensē non habebat, neque hastam, sed crux ex vertice eius eminebat, qua imperium adeptus est, & bellorum secundas pugnas, prætendebat manum dextram ad Orientem, digitisq; porrectis iubebat Orientis Barbaros domi se continere, & non vltra progredi. Qualis autem fuerit Iustiniani galea declarat Tzetzes in varia historia. Tiara, inquit, apud Persas tegmen capitis fuit, postea ex victoriis coronam adeptorum capitibus Romæ imposuerunt tiaras, siue tiphas, cuiusmodi fert equestris statua Iustiniani supra columnam statuta. Procopio addit Cedrinus argentea manu globum continuisse Iustinianum. Zonaras decimosextimo anno sui imperij eam columnā excitasse, eo loco, vbi antea stabat altera colūna Theodosij magni, gestans statuam ex argento factam ab eius filio Arcadio, ponderans septies mille & quadringentas libras, quam simul cum colūna Iustinianus, vbi demolitus esset, argentumq; detraxisset, columnam suam cum sua statua erexit. Præterea maximo plūbi pondere, quod ex illa detraxit, aquam in urbē induxit. Vtinam vt iniuriam, quam intulit Iustinianus Theodosio, Barbari vlti sunt, ita humaniter eruditi libris Iurisconsultorum, quos mutilauit repertis, euerterent in digesta Commentaria malè digestarum legum. Barbari enim omni æreo vestitu, & equo, & statua columnam Iustiniani spoliarunt, aliquótque annos nuda remāsit. Tandem

dem ante triginta annos euerſa eſt tota uſque ad ſtylobatem, quem anno ſuperiore funditus uidi excindi, ex cuius crepidinibus aqua ſaliebat fiſtulis in magnū labrum, nunc ſtylobatæ loco, caſtellū aquæ latiùs conſtructum eſt, & fiſtulæ auctæ, equeſtrem Iuſtiniani ſtatuum, quam modò dixi ſupra hanc columnam fuiſſe collocatam, ſeruatam diu in clauſtro regij Palatij deportari nuper uidi in caminos, quibus metalla funduntur in machinas bellicas, inter quæ erat Iuſtiniani crus proceritate meam ſtaturam ſuperans, & naſus dodrantæ longior. Crura equi ad terram proiecta metiri non potui, pedis ungulam menſus ſum occultè, & deprehendi dodrantalis eſſe altitudinis. Auguſtæ forum appellatum fuiſſe recentes Hiſtorici, atque etiam Grammaticus Suydas, docent ex eo, quòd decimoquinto die Octobris regionum curatores, & Sebaſtophori in Auguſtæo uelut in foro rerum uenalium ſaltarent in honorem Auguſti. Vel ex eo, quòd in fornicæ cameræ huius fori, ſtatue magni Conſtantini, & Helenæ matris ſtatue eſſent. Zoſimus antiquior Procopio tradit Conſtantinum in loco, ad quem erat quondā Byzanti j porta terreſtris forum condidiſſe rotundum, idque porticibus duplicibus nēpe vnīs ſupra alias impoſitis circumplexum arcus duos marmoris Proconneſij inter ſe contrarios fabricatum fuiſſe, per quos licet ingredi in Scupi porticus, & ex antiqua vrbe exire incertus ſcriptor deſignat id eſſe Auguſtæum, cū ait Conſtantinum conſtruxiſſe forum ad Oceani ſimilitudinē circulare. Idem Zoſimus alio loco dicit, cū eſſet Byzanti j forum maximum quatuor porticibus circumdatum, ad quarum

vnus, in quam sursum ducunt non pauci gradus, extremas partes duas statuas Constantinum collocauisse, in altera quidem parte vnam matris deorum Rheę, quam cum laſone nauigantes collocarunt in monte Dindymo, eminenti supra urbem Cyzicum. Aiunt autem, vt hæc ob negligentiam circa cultum diuinum mutilata fuit, sublatiſ vtrinq; leonibus, & forma manuum immutata fuerit. Nam olim leones continere viſa nunc in formam precantis translata eſt, urbem intuens & ornans, in altera porticus parte fortunam. Romę collocauit Conſtantine. Suydas dicit fortunam vrbis fuiſſe in fornice miliarij, quę ſi verè à Conſtantino poſita fuit. Vtrunque forum à Zoſimo deſcriptum, vnum & idem eſt, ſed mihi diuerſum videtur, ex eo, quòd primum Zoſimus dicit Conſtantine condidiſſe duabus porticibus circumpoſitis, alterum poſt paulò infra dicit fuiſſe quatuor porticum, niſi fortasſe ibi adnumeret porticus Seueri & Conſtantine, ex quarum vtriſque licebat exire in alteras. Ad Auguſtæi fori plagam orientalem Procopius Iuſtinianum ait condidiſſe curiam, in quam conueniens Romætorum ſenatus anniuerſarium incunſis anni feſtum celebrabat. Ante curiam ſtant columnę ſex, quarum duę murum curiæ, qui ad occaſum Solis vergit in medio ſuſtinent, quatuor viri paulò exterius pertinēt. Omnes hæc columnę albę ſunt, magnitudine eas primas puto totius orbis, porticum autem faciunt hæc columnę, quę quidem porticus teſtum in Tholo circũuoluit: partes porticus ſuperioris omnis venuſtate marmorum columnis æqualium ornatae ſunt, ſtatuarumq; multitudine. Ego arbitror Iuſtinianum non hæc curiam

curiam condidisse, sed refecisse antiquum senatum, qui deflagrauit incendio, quo Sophia, & thermæ Zeuxippi deflagrarūt. Nam Sozomenus tradit Consilium, quod Senatum vocant, Constantinum magnum ædificasse, quem eundem honorem & ordinem, & festum Calendarum habere voluit, quos antiquæ Romæ senatus habere solebat, idem declarat, vbi fuerit illa curia, cū ait statuam argenteam Eudoxiæ Augustæ in colūna purpurea statutam fuisse ad Meridiem templi Sophiani supra excelsū suggestum ante domum magnæ curiæ. Socrates addit neque prope, neque longè à Sophia statutam fuisse, sed vltra latam viam intermediam, inter vtranque, cuius Suydas meminit. In Tribunali, inquit, Palatij columnina fuit Eudoxiæ vxoris Theodosij. Antiqua regionum descriptio in eadem regione ponit senatum & Tribunal purpureis gradibus extructum, & Basilicam. Præterea Sozomenus clariùs declarat, in qua parte senatus fuerit, inquiens: Cū seditio orta esset de expellendo Ioanne Chrysostomo, ignem repente iniectum vndiq; templum magnum cōbussisse, & omnem ambulationem, & huic adiacentem ex parte Meridiei maximam domum senatus: adhuc extant muri senatus ab angulo Sophiæ intuenti Meridiem, sed interposita via, quæ pergit à porta claustrij regij ad forū Cōstantini.

De regia & Basilica, & Palatio Constantini, & de domo nuncupata Chalca. CAP. XVIII.

NON longè ab Augustæo foro Procopius scribit regiam domum esse, cuius vim ita, vt aiunt, ex vnguibus leonem cognoscimus. Percipient

hæc lecturi. Hoc vestibulum, inquit, quod vocant Chalcam, tale est, Quatuor directi muri in ordinē quadrantulum dispositi in sublime feruntur circum horum angulum, cuiusque proiicitur, prætenditurque excitatio quædam lapidum exactè elaboratorū, quæ simul cum muro assurgit à solo ad summum, non interfecans loci pulchritudinem, sed addens quiddam harmoniæ. Supra hos efferuntur octo arcus sustinentes tectum medium in globatam excelsitatem incuruatū, præclarè laqueatum: totum enim lacunar non picturis cera compactis, sed tenuibus calculis omni genere colorum ornatis fulget, cum aliorum, tum hominum effigies exprimentibus. Quæ depicta essent declarat Procopius, bellum, & pugnas, vrbes permultas captas Italiæ, Africa, vincit Iustinianus Rex Duce Belisario, redit Dux ad Regem habens exercitum alacrem, qui Regi tribuit spolia reges & regna, & cætera, quæ sunt mortalibus pretiosa. In medio stant Rex, & Regina Theodora, ambo similes lætis festum agunt victoriæ de Rege Vandalorum, & Gothorum, & de captiuis ad se perductis. Circumstat ipsos Senatus cunctus festū agens; hoc enim calculi demonstrant, qui exprimunt facies, ex quibus hilaritas, atque lætitia efflorescit, omnes igitur cum Rege gloriantur, & rident diuinis honoribus fruantes. Vt enim Papinius in syluis Basilicam Pauli appellat regiam Pauli, sic domum, quam Procopius appellat βασιλειον, etiam appellatam fuisse Basilicam, & Palatium, colligo ex Cedrino describente incēdium excitatum temporibus Iustiniani, quo combustum dicit vestibulum Basilicæ, & Augustæum, & tectum æreum Palatij Constantini magni, quod

quod ex eo tempore vsque in hunc diem Chalca appellatur: quod tectū esset regulis æreis inauratis. Quam Cedrinus vocat Basilicam, Procopius de ædificiis Iustiniani appellat τὴ βασιλῆα, cū eodē incendio scribens ait cōbusta fuisse vestibula τῆ βασιλείου, & appellatam Chalcam. Idem de bello Persico tūc templum Sophiā, & balneum Zeuxippū, καὶ τὴ βασιλεὺς αὐλὴς, τὴ ἐκ τῆ προπυλαίου, vsque ad domum Martis. Idem paulō infrā, Iussit Rex, inquit, Belisarium ad nuncupatam Chalcam, & ad vestibula illic sita ire, ex quibus videtur Procopius distinguere regiarum vestibulum à Chalca, cū tamen prius appellauerit Chalcam vestibulum regiæ. Equidem arbitror primò Regis domum appellatam fuisse Basilicam, postea cū etiam magnæ domus, vbi negotiatores versabantur, Basilicæ vocarentur, βασιλείου appellatam fuisse Regis domum, deinde Palatiū, quod si Basilica distinguebatur à regia domo, tamen illa, aut pars fuit regiarū, aut vicina regiis, vt percipitur ex antiqua descriptione, quæ in eadem regione Augustæum, & Basilicam ponit. Hæc cū in commemoratione locorum huius regionis non meminit, neque Palatij, neque regiarum, sed duntaxat Basilicæ declarare videtur Basilicam fuisse Palatium ipsum, sed siue Basilica in Palatio, siue extra Palatium fuit. Vicinam fuisse Palatio incendia ostenderunt, cū ambo ob vicinitatem deflagrarint, & propinquam esse debuisse foro, cui vicinas dixi regias, ratio docet architectonica præcipiens Basilicarum loca adiuncta foris, quàm calidissimis partibus oportere constitui, vt per hyemem sine molestia tempestatum se conferre in eas negotiatores possint, à

qua non dissentit Iulius Pollux prope theatrum tradēs Hippodromum, istadia, Curiam, forum, regiam aulam, regiam porticum, regium Tribunal, debere esse. Georgius Cedrinus tradit Chalcæ splendidam domum ædificasse Acætherium architectum consilio sapientis Anastasij, cui consentit Epigramma olim in ea inscriptum, quod Græcum addam, ut clariùs intelligatur:

Εἰς οἶκον ἀπαιγόμενον χαλκῷ γὰρ τοῦ παλατίου.

Οἶκον ἀσασίοιο πυραυρόφονος βασιλῆος.

Μὲν γὰρ ἐπὶ τῷ παντοπόρῳ ἀείσι γαίης

Θαῦμα φέρων παντοσι ἐπὶ κοσμήτορι ὄργων

Ἵψος ἔμει, μῆκος, καὶ ἀπλεὺν οὖρον ἰδὼν

Ἰσκιεὶς ἐφάρασαν πειρώων ὄργον ἰᾶσαι.

Ἄλλα πολὺ μῆδον, λαχὼν πρόσβηια τέχνης

Λιθόριον πολὺ τοῖς ἐμὲν τεχνήσας μορφῶν

Ἀχαιῶτα βασιλῆι φέρων πᾶσι γὰρ κόλβων

Ἔσθον ἀπαρέσιον μέγιστον πᾶσι πάντι τιταίων

Ἀνδρῶν νίκης Βασίλειον θαύματα γαίης

Εἶπον ἀραιοτόροισι χάρις ἀπὸ τοῦ παλατίου

Εἰ καὶ χαλκῶν ὀρέων μαρμαίρυμα πῆμπος

Κρύψον ἀμερότων μεγάρων εὐφρόνων αὐλαῖς

Πύργου. φαίδον ἀγαλμάτων εὐφρόνων ἄλλως.

Μηδὲ ταυτοπλόροισιν ἀρετότα ἐν τῷ πύργῳ,

Ἰδριανὸν βασιλῆος ἀμειψία νῶν ἑσπέρης.

Οὐ μοι πυραμίδων ἐκίλη κρείστος, ὅλῃ κοσμοῦ.

Οὐδὲ φάρμακον μεγάλλω μὲν δὲ ἐπὶ τοῦ πύργου ῥυγῶν.

Ἀντὶς ἐμὲς σκηπτοῦχος ἰσαιοφόνος μὴδὲ νίκης,

Χρυσοφαίς μ' ἐπέλεσεν ἐδὲ τῶν ἀριγυῶν,

Γαῖαν, περὶ πόρον αὐτῶν περὶ τοῦ πύργου αὐραῖς.

Historici quidam, sed recentes tradunt Constantinum magn

magnum primum ædificasse Palatium Chalcæ, quibus non crederem, nisi mouerer verisimilitudine illa, qua existimo Constantinum ad ornandam suam nouâ Romam conatum fuisse æmulari tegulas illas æreas inauratas capitolinas antiquæ Romæ, habētis etiam forum tectum ære. Quis verò, nisi incendio perierint, illas Palatii Byzantini tegulas, abstulerit, nondum legi. Capitolij Romani, scribit Procopius, tegularum ærearum, auratarumque partem dimidiam Gensericû diripuisse, ut Constantinus tertius Heraclij nepos, laminas argenteas, quibus Panthæon tegebatur. Sustulit, prope latus ædis Sophiæ vergens ad regionem cœli mediam inter Meridiem & Occidentem, exiguo intervallo distantes à fistulis aquæductus proceduntis ex castello posito in loco, ubi antea fuisse columnam Iustiniani in foro Augusto diximus, adhuc extant septē columnæ Corinthiæ, in quarum vnius scapo nomen incisum est Constantini magni, & eius signum visum in cœlo cum inscriptione, *ὅτι τὸ τὸ νίκη*. Earum basis, & imus scapus terra obruti sunt in altitudinem sex pedum, quod deprehendi, cum fortuitò incidissem in fundamenta parietum, quæ tum ponebantur inter has columnas, basis plinthum videre non potui terra obrutum, sed tamen vidi torum inferiorem octo digitos crassum septem altum, basis præter plinthum alta est duos pedes, & dodrantem, imi scapi calcaneum latum dodrantem. Vna quæque columna est alta triginta pedes & sex digitos. Denique tota columna cum spira & capitulo alta circiter quadraginta sex pedes & semipedem: imi scapi, quæ mensus sum supra calcaneum: perimeter est vndeviginti pedum, intercolumnia

nia lata viginti pedes & decem digitos. Constantino-
politani aiunt has columnas fuisse intra Palatium Con-
stantini: alij dicunt sustinuisse pontem, quo ex Palatio
iretur ad ædem Sophiã: quod vtrunque falsum est, cum
ex antedictis liqueat fuisse in foro Augusto. Itaq; mi-
hi potius videntur sustinuisse fornices porticum, in
quibus statux Constantini magni, & eius matris Hele-
næ, aliorumque statux fuerunt statux. Cum ex antedi-
ctis ædium regiarum excellentiam cognoscere possu-
mus, tum ex Zosimo, qui tradit Constantinum regias
ædes Byzanti condidisse, non multò inferiores Roma-
nis Palatiis, tum ex Eusebio, qui eum testatur, non mo-
dò ceteris ornamentis illustrasse nouam Romam & Pa-
latium: sed etiam in ædium regiarum locis excellenti-
bus, & in medio lacunarium inauratorum symbolum
crucis ex variis & pretiosis compositum lapidibus, &
multo auro ornatum inferendum curasse Constanti-
num, id existimãtem sui regni tutelam esse: tum etiam
ex diuo Hieronymo cognoscere possumus quantopere
ornarit nouam Romam Palatiis, omnes illum, inquit,
penè vrbes nudasse, vt suam nouam Romam exorna-
ret. Addit Eusebius Constantinum musas Heliconides
posuisse in Palatio. Sozomenus scribit Cōstantini iussu
omnia antiquorū templa & statuas, quæ essent sub im-
perio suo ablatas esse, ligneas quidem crematas fuisse,
æreas egregiè elaboratas vndique Constantinopolim
translulisse ad vrbis ornamentum, quas sua ætate etiam
extitisse dicit in viis, in Hippodromo, in Palatio, nèque
solus magnus Constantinus, sed pleriq; reges Constan-
tinopolitani orbem spoliarunt ad nouam Romam or-
nan

nandam, ex quibus vnus fuit Constantinus tertius Heraclij nepos, qui ex antiqua Roma omnes statuas ex ære & marmore factas, omniâque templorum ornamenta præstantiora fustulit, nauibusque ad id præparatis imposita asportauit, plusque septem dierum spatio vnus vrbi detraxit, quam Barbari ducetorum quinquaginta annorum spatio: tot enim anni fuerunt à prima inclinatione imperij ad fœdam illam deprædationem. Iordanes non omnino malus author hystoriæ Geticæ tradit Theodoricum Byzantium profectum adoptatum, Consulémque factum fuisse ab Imperatore Zenone, atque equestri statua ornatum ante Palatiũ collocata. Tzetzes variæ hystoriæ conscriptor tradit etiamnum sua ætate caput Apollinis, quem similem soli Phidias fecit, in ipso Palatio extitisse. Suydas scribit Pulcheriæ Ariadij filiæ statuam positam esse in Chalcæ prope ambulatione Ariadnes primæ vxoris Zenonis, simulque ipsius Zenonis statuas positas fuisse in regia porta Chalcæ, itémque duas pedestres in breui columna extitisse cum elegiis secundi Philosophi. Hystoria ignobilis, sed nota Constantinopolitanis addit in sinistra parte Chalcæ Iustinianum cognatorum suorum statuas septem locasse, alias ex ære, alias ex marmore, duos equos excitasse in fornice ante Chalcæ, & capita inaurata mulierum Gorgonæ speciem gerentium: aliasque addit, quas præterea propter hystoriæ ignobilitatem. Suydas tradit in Tribunali Palatij statuas fuisse Eudoxiæ, & Theodosij mariti, & Marciani, & Constantini, vbi saltationes duarum partium exerceri solebant, vsque ad tempora Heraclij.

De Basilica & regia ambulatione.

GA. P. XIX.



ASILICAM, quam antè dixi vicinam fuisse foro Augusteo, quatuor arcus habuisse Epigrammata designant in eis olim inscripta:

Εἰς τὴν ἐφίδω πρὸ βασιλικῆς καὶ ἀντακτίου
Τιβραπέριος ἀφ' ἰσίου πόλιν θεώδωρος ἐγείρας
Ἄξιον δὲ πόλιν καὶ τίτρατον ἐνιοχόσαν.

Εἰς ἑπταμύριον πρὸ ἀφίδω
Ἐπρεπε σοὶ θεώδωρ τύχη δύκλωνα γένον
Ἔργον κοσμήσας θαύμαζέ τοι αἰτιοῖ
Δωρατὶ κυδμήσῃα ποταμὸν χυλάσας δὲ γέφυραν
ἢ ὑπαὶ τὸν πόντον τοῖς ἐπαρχοῖν ὄρεσιν.

Calliades exercitus Imperator Byzantini statuas Byzantias, & Phidalias in Basilica posuit, cū hac inscriptione,

Τὸν κρατορὸν βύζαντα καὶ ἱμέρτιον φιδάλααν.

Εἰν γὰρ κοσμήσας αὐτὸς ἀρχαῖος.

Εἰς φιδάλααν.

ἱμέρτιον φιδάλααν δάμαρ βύζαντος ἐτύχευ
εἰμὶ δὲ βασιλῆως πόρον ἀνδροσυνῆς.

Plinius inter artifices imaginum commemorat Anthermum Chium, cuiusque filios Biopalum, & Anthermum, Dionysius Byzantius scribit Byzantem, à quo Byzantium nomen habet, fuisse maritum Phidalia, à qua portus Bospori appellatur Phidalia, de quo plenius scripsi in tractatione Bospori. Recentiores scriptores, & Suydas Grammaticus dicunt in Basilica à tergo miliarij aurei fuisse statuam inauratam viro similem, ubi etiam fuit exammon Heraclij Regis & Gonyclines Iustini tyranni, illic Terbelis concionatus est: in his etiam elephan-

tus

tus stabat maximus à Seuero factus ob hanc causam, quòd ibi cùm maneret elephante cum multis custodibus, atque prope argentarius artem facitaret staterarum, cuius domus cùm esset direpta, mortem argentarius minitabatur custodi elephanti, nisi elephante contingeret, quem minas suas contemnentem, interfecit, proque pabulo ipsum elephante obiecit, quo facinorose elephante exacerbatus interfecit argentarium. Severus id factum intelligens, elephante sacrificauit, ibique elephante, eiusque rectorem ex aere factos locauit, ubi etiam Suydas tradit fuisse Herculis statuam, quæ colebatur, eique multa sacrificia fiebant, eamque postea in Hippodromum traducta Iuliano Consule, ab antiqua Roma Byzantium una cum decem statuis deportata partim vehiculo, partim naui, qui si ille est, quem ex Ungaria Abramus Bassa Byzantium vexerat, & collocauerat in Hippodromo, non minus mortuus, quam uiuus orbem peragravit. Suydas item tradit in Peripato regia equestres statuas fuisse positas Traiani, Theodosisi, Valentiniani, Gibbi, Firmiliani ridiculi. Præterea alias permultas non inodò regum, sed etiam eunuchorum, inter quos excellebat statua Eutropij, qui Arcadij cubiculo præfectus fuit. Cuius potentia ex statuis aureis ubique illi positis, & domibus totius urbis splendidioribus ab eodem constructis illustrata incitauit eunuchorum nationem, eoque, ut quidam etiam prima lanugine vestiti ultro eunuchi fierent, sperantes se fore similes Eutropio. Adeò vicina Basilica fuit miliario & Augusto, ut horologium quod Iustinus fecit. Georgius Cedrinus ponat in miliario, alij in foro Augusto;

alij in Basilica, id quod declarat Epigramma:

Εἰς τὴν Βάσιν τὸ ἀριλογίον τὸ εἰς τὴν ἐκείνην

τὴν εἰς Βασιλικὴν.

Δῶρον ἰστένοιο τυραννοφόνου Βασιλῆος

καὶ θεῶν ἀλόχευ φέγγου ἐλευθερίου,

ἐφ' αὐτὸν στυπίαζι βροτὸν σπαραγμοῦ χαλκόν

αὐτὸς ἐκ μοῦσας μίχῃ δουλοκράτου

ὅλητα συληθέντα δίκας θρόνου ἡνιοχέων

ἔνθ' ἰνυλιανὸς χερσὶν ἀδ' ὠροδονοῖς.

De Bibliotheca Basilica, & de regia porticu, & de Basilica cisterna.

CAP. XX.

DOMVS regia, inquit Zonaras, fuit in nuncupata Basilica prope ærarias officinas. In qua libri externæ sapientiæ, & generosioris doctrinæ diuinitorisq; multi seruabantur. Fuerat autem hæc domus superioribus temporibus, disciplinis præstātis præceptoris, quem æconomicum vocabant. Domicilium is duodecim secum habebat habitantes, ratiocinationis eruditione summa præditos, quibus victus ex publico præbebatur, hos adibant studiosi ratiocinatricis sapientiæ, atq; etiam reges in rebus agendis consiliarios adhibebant. Regnante Basilisco Constantinopolim incendium maximū afflixit, ex officinis ærariis incipiens, quod deuorauit officinas ipsas, earumque vicinitatem, in cineremq; redegit platearum ædificia cum alia, tum Basilicam nuncupatam, in qua erat Bibliotheca sexies centena millia voluminū continens, inter illa erat draconis intestinum longum centum & viginti pedes, habens inscripta literis aureis Homerī poemata Iliadem, & Od

& Odyssæam. Malchus Byzantius Sophista scripsit historiam ab imperio Constantini usque ad Anastasium, in qua incendium Bibliothecæ publicæ, & statuarum. Augustæi fori vehementer, & tragicè deplorat, de eadem Bibliotheca Georgius Cedrinus. Ad nuncupatam, inquit, Basilicâ cisternam, Palatium dignitatis plenum fuit, in quo ex instituto antiquo æconomicus præceptor habitabat habens duodecim discipulos, sermone, & vita graues, omnis ratiocinatricis disciplinæ scientes, cum celeritate & magnitudine naturæ præditos, tum maximè participes diuinæ Philosophiæ: quorum sine sententia quidquam agere nefas videbatur etiam regibus ipsis. Incendium accidit Constantinopoli imperante Basilisco, quod florentissimam urbis partem consumpsit, ex mediis ærariis officinis prodies ambas ipsas porticus consumpsit, & omnem viciniam appellatam Basilicam, in qua erat Bibliotheca habens voluminum sexies centena millia, inter quæ erat intestinum draconis pedum centum & viginti, in quo erant scripta Homeri poemata Ilias, & Odyssæa literis aureis. Inerant etiam in hac Bibliotheca historiæ heroû res gestas continentes, multis post seculis quàm deflagrauit hæc Bibliotheca sub Basilisco, cum Leo Conon Rex Basilicæ eruditos in sententiam suæ hæresis trahere non potuit, combussit illos unâ cum Basilicæ Palatio, & Bibliotheca: quæ pulchris libris post incendium iterum ornata fuerat, Basilicæ Romæ iudiciis consilii negotiationibus attributæ erant, Constantinopoli etiam Bibliothecis, & literarum Gymnasiis: id quod cum ex antedictis, tum ex Epigrammate insequenti liquet:

Εἰς τὴν βασιλικὴν τῆς παλαιοτέρου
 Βυζαντίας ἀδ' αὐτοῦ.
 Χθρ. ἐγὼ διεμαίσιον αὐτὴν ἐν αὐτῇ πύλῃ
 Ἀφθον. αὐτῶν ἐκείνην νομίζω
 ἢ πᾶσι τίται, μὲν ἀφ' αὐτῆς ἰσθμῶς
 ἐν αὐτῇ ἀγαγεμένους πάντας δίδωσι ῥόον.

Qualis fuerit locus ubi Bibliotheca continebatur, scriptores recentes tradunt Octogonum fuisse, ubi essent porticus concameratae, & locus, ubi æconomicus præceptor cum suis accessoribus versaretur. Georgius Cedrinus, incendio, quod editum est tempore Iustiniani, affirmat ædem magnam, & Xenodochium Sampsonis vestibulum Basilicæ, Augustæum, Chalcam, porticus utraq; usque ad forum Constantini, & Octogonum, & thermas Zeuxippi deflagrasse, ex quo colligo oportuisse esse duo Octogona inter se propinqua. Si enim Octogonum, quod tradit Cedrinus fuisset illud continens Bibliothecam non præteriisset Bibliothecā illam etiam deflagrasse tempore Iustiniani. Ego potius existimo locum illum, ubi Bibliotheca fuit, tetragonum fuisse, aulamq; illam esse, quam columnis in quadrum dispositis circumdatam esse tradit Procopius, quæ nam fuerit Basilica continens Bibliothecam Zonaras non explicat, sed duntaxat proximam dicit esse Chalcopra tiis, hoc est, officinis ærariis. Cedrinus Basilicam vocat Cisternam, quam à magno Constantino conditā quosdam falsò tradere arbitror ex Procopio scribente ad regiam porticum, ubi oratores, & qui actiones informare solent aulam esse maximam longitudine, & latitudine amplam, columnis in quadrum dispositis circumdatam,
 non

non in terreo solo, sed saxeo ædificatam, càmque Iustinianum Regem in magnam altitudinẽ effodisse ad conseruandas aquas in æstatis tempus, quæ tubulis subterraneis ex aquæductibus hyeme impleta copiam aquarum indigentibus suppeditaret. Menander cognomine protector ait primùm sibi nõ placuisse subire certamen iudiciorum, neque in regia porticu versari, orationisque vehementia conciliare hominũ mentes. Vranium natione Syrum Agathius ridet artem medicam profitentem, sed Aristotelicæ disciplinæ prorsus ignarum, vociferantem tamen, & insolentem permulta se callere iactantem cùm in aliis plerisque locis, tum maximè in porticu regia. Idem Agathius semetipsum proficitur in porticibus regiis libellos multos forensiũ causarum, & negotiorum plenos à matutino tempore ad occasum Solis contemplari, ex quibus intelligere possumus regiam porticum, & Basilicã cisternam in eodem loco fuisse. Porticus regia non extat, cisterna incolumis permanet, quæ cùm negligentia ciuium ignoraretur, à me peregrino diligenter quæsita venit in cognitionem multorum. Cisternæ ignorationem auxerãt superædificatæ domus, quarum nonnullos incolas deprehendi ignorare cisternam infra ædes suas positã, cùm tamen quotidie aquam huius haustram puteis potarent intra ædes suas sitis in cisternam penetrantibus, denique incidi in domum, qua in hanc descensus patebat, scasam conscendi, quam agens dominus domus funalibus accensis huc illuc per medios ordines, velut per syluam columnarum maxima ex parte demersarum aqua, vbi omnia perlustraui, ille ad capiẽdos pisces, quibus cisterna abun-

na abundat, se conuertit, nonnullósque tridente cepit ad lucem funaliū: lux enim exigua apparet intromissa per ora puteorum velut per spiracula, quo pisces etiam congregantur. Cisternæ longitudo est trecentorum & triginta sex pedum, latitudo cētum octoginta duorum pedum, eius ambitus ducentorum & viginti quatuor passuum Romanorum, camera & fornices lateritio opere similiter parietes constant, tectorio signino nihil vetustate offenso benè vestiti, concameratio sustinetur trecentis triginta sex columnis marmoreis, inter se distantibus duodecim pedes, singulis altitudinē quadraginta dodrantum superantibus, in longitudinem dispositis per duodecim ordines, in latitudinem verò per viginti octo ordines. Capitula earum patim opere Corinthia laborata, partim illaborata. Supra singulorum capitulorum abacum lapis magnus, velut maior alter abacus positus est. Ad quem adnuntur quatuor arcus. Multi in eam penetrant putei, per quos ex cisterna hauritur aqua. Hyberno tēpore impletur aqua ductu. Vidi cū media hyeme impleretur, riuum ex magno tubo salire in cisternam magno murmure non cessantem eatenus, dum columnas omnes & media capitula obruisset. Hæc à templo Sophiæ versùs occidentem æstium distat circiter octoginta passus Romanos.

De Chalcopratijs.

CAP. XXI.



CHALCOPRATIA, quæ Latinè vertere possumus loca, vbi æraria opera exercentur, fuisse prope Basilicam, ex antedictis manifestum est. Georgius quidem Cædrinus ait Theodosium paruum ædifi

ædificasse templum Chalcopratorum, & dedicasse virgini Mariæ, alij adiungunt Iudæos, qui à tempore Constantini magni habuerant domicilium in Chalcopratiis illinc expulisse paruum Theodosium, templumque Deiparæ virgini ibi ædificasse, terræmotuque postea labefactatum Iustinum Curoplaton reædificasse, à quo dissentire videtur Zonaras. Theodosio, inquit, magno peregrè profecto in Occidentis regiones Iudæos Honoratum Constantinopoli præfectum, sibi conciliasse. Sibique ab eo potestatem permissam construendi synagogam sumptuosam in Chalcopratiis, eoque facto urbis populum indignatum synagogam combussisse. Theodosium huius incendij certiolem factum mulctam irrogasse his, qui talia patrassent, facultatemque Iudæis dedisse reædificandi synagogam. Ambrosium episcopum Mediolani id intelligentem Theodosio demonstrasse iniquum esse Iudæos in media urbe regina urbium synagogam excitasse. Theodosium Ambrosij admonitu Byzantiis remisisse mulctam, synagogamque Iudæos intra reginam urbium habere interdixisse. Nunc ærariæ officinæ illic non sunt translatae in aliam urbis partem, quas nonnulli mihi dixerunt aliquot ante annis fuisse prope ea loca, in quâ diximus fuisse olim Chalcopratiâ. Ignotus scriptor informans veteris Byzantij circumscriptionem designat non procul à miliario fuisse Chalcopratiâ. Muri, inquit, Byzantij ascendebant in Chalcopratiâ usque ad miliarium. Alij scribunt prope Sophiam illa fuisse. Ex antedictis vidimus Hippodromum, curiam, aulam regiam, porticum regiam, Basilicam fuisse vicina, eaque, ut antè dixi ratione archite-

ctonica. Strabo regię Alexandrinę partem, inquit, fuisse Musæum, quod porticum haberet, & Exedram, & maximam domum, in qua domicilium esset hominum in disciplinis versantium.

De porticibus sitis inter Palatium, & forum Constantini, & de domo appellata Lampterum.

C. A. P. XXII.

PRÆTÉR regiam porticum, prope quam fuit Bibliotheca, alias porticus fuisse parum remotas à porticu regiæ pertinentes à Palatio vsque ad forum Constantini incendia declarant, primùm factum tempore Iustiniani Procopius scribit Palatium & ædem Sophiam combussisse, & vtrasq; porticus magnas vsq; ad forum Constantini. Cedrinus idem incendium tradit consumpsisse Chalcam, Sophiam, Augustæum, & porticus duas vsque ad forum Constantini. Deinde Basilisco imperante incendium exortū à Chalco pratiis consumpsisse ambas porticus, & omnia ædificia vicina, & Basilicā, in qua erat Bibliotheca, & vtrasque porticus medias inter Palatia: tum Lausi pulcherrima ornamenta. Hæ porticus sæpè combustæ, sæpè restitutæ sunt, primùm à Iustiniano, deinde ab aliis, postremò resectas puto à Domnino ex recenti Historico tradente, cū vrbs capta esset à Gallis & Venetis, Domnini porticus tectas viam vtrinq; cingentes à milario ad forum Constantini pertinentes deflagrasse. Quidam tradunt tempore Constantini magni Eubulum quatuor porticus duplices singulas condidisse à Palatio ad murum vrbs terrestrem pertinentes testudinatas,

VNAS

vnas quidem perrexisse vsque ad ardem diui Antonij sitam in fine vrbis, alteras verò à Daphne, & portu Sophiæ vsque ad templum nominatū Rabdon, alias duas à Chalca, & miliario vsque ad forum Constantini, & Taurum, & Bouem arcum stratas omnes marmoreis mensis, ornatas infinitis statuis. Hæc etsi ab ignotis scriptoribus traduntur, quos in permultis rebus aliis mendaces deprehendi: tamen verisimilia videntur, cum ex grauib; scriptoribus cōstet omnes vrbes spoliassē Constantinum, vt suam nouam Romam ornaret, cum ex antiqua regionum vrbis descriptione manifestum sit Constantinopolim habuisse publicas porticus quinquaginta duas, quarum quinq; ponit in regione quarta, in qua diximus fuisse Basilicā, & porticum regiam, & nūcupatam Fānionis. Præterea porticus magnas quatuor in regione sexta porticum magnā, vnā à parte dextera Constantini vsq; ad forum Theodosij. Addit regionem septimā continuis extensam porticibus, octauam verò porticum sinistram habuisse Taurum vsq; præter hanc habuisse porticus maiores quinque, nonam porticus maiores duas, decimam porticus maiores sex, vndecimam porticus maiores quatuor. Ex quibus verisimile est à Palatio Chalce ad murum terrestrem porticus frequentes fuisse: at continuas asserere nequeo, nisi Taurum vsque.

De miliario aureo, & eius statuis, de fortuna vrbis, eiusque statua.

CAP. XXIII.

MILIARIUM aureum fuit columna aurea, ex qua principium itineris ad omnes portas erat. Plinius in capite Romani fori statutam fuisse

ait, an verò miliarium Constantinopolitanum simile fuerit miliario Romano, nullus Græcorum scriptorum non modò non declarat: sed ne nomen quidem nouit, nisi mutilatum million, in cuius testudine statuarum positarû nonnulli meminerunt: verisimile tamen mihi videtur Romano fuisse, in similiq; loco situm fuisse nouæ Romæ, quæ, quantum potuit, Romam antiquam æmulabatur, & autoritate probare possumus in foro fuisse, aut prope forum. Antiqua enim regionum descriptio id ponit in regione fori Augustæi, & Basilicæ, quibus vicinum fuisse colligitur ex incêdio, quod regnante Iustiniano excitasse seditiosam plebem Zonaras tradit apud miliarium, quo incendio Procopius ostendit Sophiæ ædem, & balneum Zeuxippû, & regiæ ædis vestibulum, & porticus magnas vsque ad forum Constantini. Qui scribunt res gestas ab Alexio Comneno, aiût ex magno Palatio illucescente iam die Alexij milites duce Sabatio profectos ingressos fuisse templum Ioannis Theologi, atque cùm ascendissent in partem superam templi effudisse voces cõtumeliæ plenas, prælium circa tertiam horam inchoatum fuisse, populûmque in foro frequentem læsisse, qui pugnabant ex fornice miliarij, & ex æde diui Ioannis Theologi, quam Constantinopolitani dicunt eam esse, vbi iam leones Regis stabulantur, vicinam Hippodromo, & foro Cupedinis sita prope Sophiam, olim Augustæo appellato. Ex quibus apparet miliarium proxime forum. Sed quid remotiora repeto? cùm propius Suydas explicet: In Basilica, inquit, à tergo miliarij statuam viri similitudinem gerentem auro illitam, elephantique, & eius curatoris sta-

tuas

tuas fuisse statutas, alij clariùs dicunt has statuas positas à tergo Basilicæ prope miliarium. Tum Suydas addit in miliario statuam Theodosij fuisse, quam cùm erigeret Theodosius multa frumenta largitus est. In statuam Theodosij equestrem, nunc non extantem, hi versus extant:

Ἐκείθεν ἀνελίνθην φάισφορ· ἥλι· ἄλλ·
 Θεοδοσίῃ θνητοῖσι πόλις ἀπιδύμε,
 δίκλων ἥδ' ἀποσίμ' ἔχωρ μετ' ἀπέρομ γαῖαν.
 Γαυθὼν ἀγλῆαις λορορυθμίν· ἀγλαὸν ἵππον
 ῥηιδίως μεγάθυμ, καὶ ἐοσήμερ' ἀατρήκων.

Tum Suydas adiungit in miliario fuisse statuas Sophiæ uxoris Iustini Thracis, & Arabiæ filia: huius, & Helenæ neptis eiusdē, tum Arcadij, & Theodosij eius filij equestres statuas prope Theodosij maioris statuam positas. Cedrinus scribit supra fornicem miliarij stetitisse duas statuas, vnam magni Constantini, alteram Helenæ matris, habentes crucem intermediā, ponē ipsas fuisse Traianum equestrem, eiq; propinquū Aelium Adrianum similiter equestre. Suydas dicit in fornice similiter statuas Constantini & Helenæ, & crucē inter eas mediam fuisse, hanc inscriptionē habentem: Vna sancta, & duo celeres cursores. Idem ponit in fornice fori Augustæi easdem statuas Constantini, & Helenæ, & crucem, eandem inscriptionem gerentes, ex quo intelligitur adeò vicina fuisse forum, & miliarium, & Basilicam, vt non modò à diuersis eadem ponantur in diuersis locis, sed etiam ab vno eodémque. Item in miliario Suydas ponit currum quatuor equis fuluis ductū ab antiquis temporibus, duabus stelis sustentatum in eo loco, vbi faustis

exercitus acclamationibus exceptus est Constantinus, postquam vicit Azotium: quoniam etiam ibidem laudatus fuerat Byzas fundator Byzantij. Deportatum autem curram à Sole vectum in Hippodromum ferentem statuam parvam à Constantino confectam. Hæc erat fortuna urbis, quæ maximis festis, & in Natali die urbis ponebatur in senatu, quoniam in capite suo crucem gereret, quam Constantinus scalpēdam curauerat. Iulianus Christianę religionis desertor ipsam fossa obruit in eo loco, vbi perijt Arius, non longè à senatu. Vbi etiam pius Theodosius Arii, Macedonij, Sabellij, Eunomij statuas marmoreas scalpēdas curauit humi desidentes ad notandam eorum perfidiā, vt à prætereuntibus stercore, & lotio, execratione contaminarentur. Alij tradunt urbis fortunę statuā ex Roma à magno Constantino vectam, & statutam fuisse in fornice Palatii. Zosimus tradit Constantinum fortunam Romę cōstituisse in parte vnius porticus ex quatuor porticibus circumdantibus maximum forū. Verisimile videtur Constantinopolitanos eam celebrasse festo die, vt in antiqua Roma celebrabatur, tam ab indigenis, quàm externis in eodem die, & templo, in quibus olim parilia nuncupata celebrari solebāt. Socrates narrat, vt Iulianus cum sacrificaret publicè fortunæ Constantinopoleos in Basilica, vbi Fortunæ collocata erat statua Mares Chalcedonis episcopus manu eò ductus: nam ob senectutem oculis laborabat, multis contumeliis Regē affecit, cum impium religionis Christianæ desertorem appellans. Iulianus cōtumelias verbis vlciſcebatur, cæcum ipsum appellans. Dicebat, Nū Galilæus Deus tuus te curabit?

Galil

Galilæum solebat Christum appellare. At Mares, liberius Iuliano respondit, Deo, inquit, qui me excæcavit, gratias ago, ne videam faciem tuam prolapsam in tantam impietatem. Ad hæc nihil respondit Iulianus. Zonaras eoque antiquiores historiis suis mandarunt, temporibus Anastasij Regis statuam Fortunæ, quæ ex ære facta, muliebri specie alterum pedem intra nauem similiter ex ære factam ante se stantem haberet, statutam fuisse in aliqua parte vrbis, cum autem huius nauis æræ simulacrum temporis vetustate laborasset, vel insidiis illius membra quædam fracta, sublatâque essent, accidisse, ut naues onerariæ Byzantium non appellerentur, sed ubi prope urbem accessissent, ventorum violentia ingredi portum prohiberentur, ac si naues longæ multis remis actæ onera illarum in urbem aducherent, tamen citò ob penuriam consumebantur. Hoc cum aliquandiu viguisset, curatoribus reipub. maximæ curæ fuit inquirere causam. Denique cum venisset in suspicionem causa huius facinoris, & nunciata esset iis, qui curam vrbis gererent, tum hi fragmenta illius æræ nauis diligenter inquisita inuenerunt, illique restituerunt & accommodarunt, nauigatioque aperta fuit & libera, & mare plenum nauium in urbem adnauigantium, atque ut exactè noscerent, an causa fuisset nauis fortunæ fragmentum, cur naues non applicarentur, sustulerunt rursus partes illas nauis æræ, tum quæcunque naues in urbem adnauigarent, ventorum vi iterum retrocesserunt. Inde prore firma habuerunt, ex eo, quod nauis hæc ærea fracta esset naues onerarias prohibitas fuisse adnauigare in urbem. Itaque nauem illam curæ habuisse, eamque renouasse.

uasse. Eunapius Sardianus in volumine, quod scripsit de Vitis Philosophorum & Sophistarum, tradit populum Byzantinum imperante Constantino aliter interpretatum fuisse difficultatem nauigandi Byzantium. Contigit, inquit, situi Byzantij ad nauigationem in urbem Byzantium incommodam esse, nisi ventus notus solidus spiret, hoc cum sæpè accidisset, populus fame pressus conuenit in theatrum incitatus in Constantinum. Prefecti aulae regiae inuidentes Sopatro Philosopho detulerunt Constantino. Sopatrus, quem in honore habes, ventos alligauit excessu Sophiæ, quam etiam ipse laudas, & in regiis thronis sedere facis. His auditis Cōstantinus, persuasus Sopatrum, securi feriri iussit.

*De templo Nepruni, & de ade Minæ, & de stadijs,
& scala Timasi.* CAP. XXIIII.

COGNITIO templi Minæ, ideò mihi videtur prætereunda non esse, quoniam ostēdit in qua parte urbis regio quarta fuerit continens Basilicam, Augustæum, ædem diui Minæ. Historia incerti authoris tradit in Acropoli olim templū Neptuni prope mare Byzantem excitasse, vbi ait suo tempore fuisse templum Minæ martyris: alio loco idem inconstanter dicit templum Minæ fuisse olim Iouis, ex eoque habuisse marmoreos fornices sustentatos duabus magnis columnis. Itaque ex huius inconstantia nihil aliud assequi possum, nisi mihi verisimilius videtur templum Minæ in his partibus Acropolcos, in quibus olim fuit templum Neptuni, cum ex Dionysio Byzantio antiquissimo scriptore tradente paulò supra promontorium Bosporium fuisse

fuisse egressoriarum Minerarum aram, & templum Neptuni, & sub templo Neptuni, intra muros fuisse stadia & Gymnasia, ut planius demonstraui in Bosporo, tum assequor ex hominum memoria viuentium, asserentiũ intra claustra regia olim Acropolim appellatam fuisse nobile templum diui Minæ, antiqua descriptio regionum vrbs in regione Minæ prodit fuisse scalam Timasi & stadia. Procopius ad locum, inquit, mari vicinum stadium nuncupatum, ex eo, quod ibi olim certamina quædam exercerentur, Iustinianus Rex & Theodora Regina hospitia maxima ædificarunt.

De Lauso nuncupato, & de eius statu Veneris Cnidia, Innonis Samia, Minerue Lindia, Cupidinis alari, locus Olympij, Saturni, Monocerotum, Tigridum, Vulturum, Camelopardalium, & de Xenodochi cisterna nuncupata Philoxeno, de Chrysorrhino.

CAPVT. XXV.

LAUSVS celebris est locus vrbs scriptis permultorum, quorum aliqui scribunt domum fuisse Patricij Lausi appellati, qui multos magistratus gessit regnante Arcadio filio Theodosij magni, domumque insignibus monumentis ornaſſe. Heraclidæ episcopi Cappadociæ ad Lausum præpositum liber extat inscriptus Lausaicus. In qua autem parte vrbs Lausus fuerit, non hi declarant, sed fuisse inter Palatium & Constantini forum assequi possumus ex incendio, quo Zonaras & Cedrenus dicunt temporibus Leonis Imperatoris deflagasse ædificia ex latere vrbs vergente ad Septentrionem, à Bosporio portu vsq; ad tem-

plum diuī Ioannis Calybitæ, ex latere meridiano à templo diuī Thomæ Apostoli ad ædem Sergij & Bacchi. In medio verò vrbis à Lauso vsque ad Taurum, Euagrius describens idem incendium, eo loco, quo alij dicunt in media vrbe illud incendium extitisse à Lauso vsque ad Taurum, ipse dicit à foro Constantini ad Taurum, quò percipitur Lausus vicinus fuisse foro Constantini. Sed versus Orientem, & inter Palatium, & forum Constantini, patet ex incendio, quo Cedrinus regnante Basilisco testatur deflagrasse florentissimam partem vrbis Chalcoptatia. Vtrasque porticus, & continentia omnia ædificia, & nuncupatam Basilicam, in qua Bibliothecam illam insignem antè dixi, & pulcherrima Lausi ornamenta vsq; ad forum Constantini: multæ enim statux in Lauso erāt, inter quas Cedrinus excelluisse tradit statuam Lindiæ Minerux longam quatuor cubitos ex lapide smaragdo factā opus Scyllidis, & Dipœni statuariorum, quam olim Sefostris Aegypti Rex dono misit sapienti Cleobulo Lindio tyrāno, à qua fortasse Laosus locus appellatus est. Nam nomen Minerux Laosos. Theophrastus tradit Aegyptiorum Commentariis reperiri Regi eorum à Rege Babylonio missum smaragdum munere quatuor cubitorū longitudine, & trium latitudine. Si Sefostris Rex & Dipœnus & Scyllis eodē tempore fuissent, existimarem legendum in Codice Pliniano smaragdum Minerux: at Dipœnus, & Scyllis in marmore sculpendo primi omnium claruerunt, geniti in Creta Insula, etiamnum Medis imperantibus priusquam Cyrus in Persis regnare inciperet, hoc est, Olympiade circiter quinquagesima. Simulachra perfecerunt

Apol

Apollinis, Dianæ, Herculis, Minervæ, quod ex cœlo postea tactum est. Dipœni quidem Ambratiâ, Argon, Cleonem, operibus refectis fuisse tradit Plinius, at non meminit Minervæ Lindiæ. Præterea adiūgit Cedrinus in Laouso statutam fuisse Venerem Chidiâ omnium mortalium scriptis celebratam ex marmore albo factam, nudam, manu tegentem solam corporis verecundam illam partem. Praxitelis opus, & Samiam Iunonem opus Lysippi, & Bupalii Chij, & Cupidinē alarum sagittas habentem ex myndo allatum, & Phidiæ elephantinum Iouem. Quem Pericles posuit in templo Olympio, & Saturni existimatam statuam capitis posticam partem caluam habentem, anticam verò comatam, opus Lysippi, & Monocerotes, & Tygrides, & Camelopardales, & Taurelephantos, & Vultures. In Codice Cedrini legitur Taurelephas, rectius legeretur Taurelaphos, id quod colligo ex Cosma Indopleute antiquo & nobili scriptore, qui ponit Taurelaphos, id est, tauros cœruinos. Historia patria nuncupata incerti authoris ait etiam in Lauso fuisse suo tempore aquilas lapideas, cui eatenus credo, qua dicit sua etiâ ætate fuisse: sed qua aquilas dubitare potius possum, sint ne illæ aquilæ, quos Vultures appellat Cedrinus, quam pleraque ab eo tradita longè minus conuenientia. Cedrinus scribit in partibus Laousi fuisse ædificia varia, & Xenodochia quædam, ubi esset illa celebrata Philoxenos, quæ hospitaliter suppeditabat aquâ, quidam declarant Philoxenon cisternam fuisse conditam à Philoxeno, cam ipse existimo, quam Heraclium terra obruisse positam inter Triclinium & Lausiæcum: scribit Menander no-

minatus protector, tradens Macedonium Regem ple-
rasq; cisternas purgasse, quas terra obruerat Heraclius
Rex, quòd si etiam purgavit illam positam inter Lau-
siacum & Triclinium, illa esse videtur, quæ in Abrami
domus parte subterranea vergente ad Septentrionem
visitur, cuius concameratio quadringentis & viginti
quatuor colūnis marmoreis sustinetur duplicatis, nem-
pe ducentis & duodecim, supra se ducentas & duode-
cim columnas habentibus, quarum vnam mensus sum,
cui reliquas similes puto, & deprehēdi perimetrum sex
pedum & dodrantis esse. Altera cisterna est iuxta latus
eiusdem domus vergens ad Occasum, cuius fornices su-
stinentur triginta duabus columnis Corinthiis in qua-
tuor ordines dispositis, singulos cōstantes octo colum-
nis, quarum scapi in ambitu continent duodecim do-
drantes. Iam vero Triclinium, inter quod & Laousum
diximus sitam esse Philoxenon cisternam: arbitror esse,
quod Zonaras scribit Iustinianum tertiū ædificasse in
regiis ædibus, idq; à suo nomine Iustinianēū appellasse.
Tiberium Regē Cedrinus addit Chrysotriclinium à Iu-
stiniano tertio conditum ornatus reddidisse, Chryso-
triclīnij porta occidentalis illa fuit, cuius meminit Leo
quintus, cū prædixit Andronico tyrannidē meditāti
per portā Chrysotriclīnij occidentalem Andronici ca-
put in Hippodromo abscindendū ad se allatū iri. Chry-
sotriclīnij crebra est mētio etiā apud scriptores, qui scri-
pserunt paulò ante, quàm Constantinopolis caperetur,
tūmq; oēs ciues Chrysotriclīnij nōuerāt nomē & locū,
nūc nemo est, q̄ sciat, aut scire curet: ac potius negligat,
& contēnat, vt cætera oīa, quæ p̄tinet ad disciplinas.

LIBER TERTIVS.

*De locis regionis quinta, & secundi collis, de Nauali,
& portu nuncupato Bosporio, & de Strategio, &
foro Theodosiaco.*

CAPVT I.



REGIONEM quintam fuisse in collis secundi latere vergente ad septentriones, & in planitie attingente eius radices, à dorso promontorij, pariter, & coniunctè cum quarta regione descendentem ad sinum Cornu nuncupatum non percepissem ex antiqua regionum vrbis descriptione, quamuis tradente non modicam partem suam in obliquioribus positam locis planitie excipiente productam fuisse. Nam ea descriptio alijs etiam regionibus vrbis conuenit, neque ex eius ædificijs cognouissem, quæ traduntur in ipsa contenta fuisse, quorum nulla neque vestigia extant, neque hominû memoria. Sed ex portu Phosphorio, siue Bosporio nuncupato, atque ex scala Chalcedonenſi mihi aliqua lux affulſit, quæ nomen non habet, ex eo, quòd sita sit in ea vrbis parte, quæ vergit ad Chalcedonem & ortum Solis: non enim cò vergit, sed ad septentriones. Sic Bosporius portus non à Bosporo freto, sed à consuetudine deprauata Byzantiorum ipsum Bosporium vocantium immutatione literæ, cùm debuissent eum appellare Phosphoriû, Stephani & Eustachij testimonio, qui tradunt Phosphorium fuisse portum Byzâtij, ex eo nomen adeptum, quod Philippo Macedone Byzâtium obsidente, occultû ingressum cùm milites effodissent, vnde occultè ingressuri erant in urbem. Hecate Phos-

phoros præfens lumen nocte ciuibus attulerit, infidiâs-
que detexerit. Itaque obsidione liberati Phosphorium
locum illum nominarunt, sed vt lucē afferunt, cūr Bos-
porius & Phosphorius idem portus vocetur, ita non de-
clarant: situs nē hic esset in parte vrbis vergente ad Me-
ridiem, an ad Septētriones, an ad Orientem: sed ex sca-
la Chalcedonenſi, quam regionum descriptio ponit in
regione Bosporiani portus, existimare possumus fuisse
in septētrionibus vrbis non oriētalibus portubus, quā-
uis sitis cōtrā Chalcedonem. Nam fluxus rapidus Bos-
pori freti nauigationem à Chalcedone ad partes Con-
stantinopoleos orientales & meridianas difficilem præ-
bet, ad septentrionales verò perfacilem, vt planè intel-
ligunt, qui rapiditatem Bospori nouerunt, & viderunt
eos, qui exercent nauigationem inter Chalcedonem &
Byzantiū, applicare naues ad septentrionales vrbis par-
tes, vel ab illis soluere. Adde huc antiquam regionum
descriptionem, quæ contra Chalcedonem nullam sca-
lam ponit, ac si poneret, eius mentionem faceret in pri-
ma, aut secunda regionibus aduersis Chalcedoni & O-
rienti, aut in tertia regione exposita Meridiei, in qua
portum nouum positum antè diximus. Sed quid longa
ratiocinatione opus est, cū nominatim, & breuiter
testimonia ex scriptorum monumentis proferre possu-
mus, ex quibus planè perspicitur portum Bosporium, &
scalam Chalcedonensem esse non modo in parte vrbis
septentrionali, sed etiam in quo. septentrionis loco, è
quibus primū profero Dionysium Byzantiū, qui sta-
tim extra murum Byzātij antiqui ponit templum Tel-
luris supra sinum Bospori, & paulò supra ipsum templa
paria

paria Cereris & Proserpinę, quam etsi Phosphoron non nominat, sed duntaxat *Λογίω*, id est, virginem, sic enim Proserpina interdum nominatur, tamen illā intelligere possumus ex loci situ Hecaten fuisse, cuius tripodē Cedrinus ponit in Strategio, vbi verisimile videtur ex Dionysij Byzantij descriptione templum fuisse Proserpinę, aut non lōgè ab Strategio. Sed clariùs scribit Eua-
grius, cū ait regnante Leone in parte vrbis vergēte ad boream, in quā essent Neoria vrbis, incendium extitisse, quod à Bosporio portu grassatum est vsque ad antiquum Apollinis templum, in parte. verò meridiana à portu Iuliani ad templum Omonoę, id est, Cōcordiæ. In parte vrbis media à foro Constantini vsque ad Taurum, Zonaras hoc incendium ait à mare septentrionali ad mare meridianum urbem interceptisse, in longitudinem quidem à Bosporio ad templum diui Ioannis Calybitę, ex Meridie à templo diui Thomę Apostoli, ad templum Sergij & Bacchi, in media vrbe à Lauso ad Taurum. Georgius Cedrinus tradit id incendium ortum à Neorio, hoc est, à Nauali, perrexisse vsque ad ædem Ioannis Calybitę, ex quibus cognosco Neorium & Bosporium vicina fuisse, quanquam ab antiqua regionū descriptione Bosporius portus in quinta regione, & Neorium in sexta ponantur. Nam cū hæc vtræque regio simul coniuncta à collis dorso ad mare descendat, nihil impedit, quin vicinus fuerit portus Bosporius Neorio, quod in qua Byzātij parte fuerit, apertè designat Zosimus iam Historicus antiquus, describens antiquum Byzantium, quod dicit fuisse in colle situm, occupans partem Isthmi, quem efficit Propōtis & sinus
Ceras

Ceras nuncupatū, Byzantiūq; murum addit per collem demissum fuisse à parte occidentali vsque ad templum Veneris, & maris positi contra Chrysopolim, à parte boreali pari modo descendisse vsque ad portum, quem vocant Neorion, quod prope portam, quam Græci appellant Oreiam, corruptè quasi Neorij portam, aut non longè ab ea fuisse existimo, hodie inter mare & portam Oriā, quam Turci appellant Siphont, id est, Iudæorum eam accolentium spatium latum velut forum maritimum, cui adiunctam videre licet scalam Chalcedonensem, siue Scutaricam, qua quotidie traiectus fit in Scutaricum, aut Scutaricum, olim Chrysopolim nuncupatam Emporium, & portum Chalcedonensium. Scalæ Chalcedonensi vicinus est traiectus in Galatā olim Syccenus appellatus, quem antiqua descriptio vicinum ponit Neorio & Bosporio, quorum situs paululum immutatus est, ut horreorum ibi olim sitorum, nunc in alium locum traductorum, siue ob Regis claustrum longius promotum, siue quia primam Neorium manufactum esset: deinde terra obrutum fuerit. Non enim eo tempore cum Philippus cuniculos egit verisimile est portum fuisse, quem postea Byzantij Phosphorion appellarunt: nam impeditus fuisset scaturigine aquarum, sed deinde locum appellatum Phosphorium portum manufactum fuisse, ut quidam tradunt de Neorio, quod dicunt clausum à Constante, in eoque fuisse forum rerum maritarum, deinde regnante Iustino translatum fuisse in portum Iuliani: alij scribunt Leontium Imperatorem, qui regnavit post Iustinum, purgasse portū Neorium: alij addunt in lacu Neorij Bozem arcem statutam fuisse ingen

ingentem. Boui æreo in vndecima regione sito similē, quem recentes scriptores tradunt semel in anno mugire, tūmq̃ vrbi accidere detrimenta, quod commentitium puto & subreptum ex Callimacho & Pindaro scribentibus Rhodium montem esse nomine Atabyrium habentem æreos boues, qui mugitum emittere solebant impendēte Rhodo calamitate. Ex quibus liquet Neorium fuisse manufactū, quod nunc non extat. Iam igitur Bosporiano portu, & scala Chalcedonēsi cognitis, cognoscimus quintam regionem fuisse in collis secundi latere, atque in subiecta sub ipsum planitie ibidēmq̃ fuisse thermas Honorianas, Prytaneum, thermas Eudoxianas, horrea Valentiniana, horrea Constantiaca, Thebæum Obeliscum, portum Bosporianū, scalam Chalcedonensem, cisternam Theodosiacam, Strategium, in quo fuit forum Theodosiacum. Qui describunt antiqui Byzantij ambitum, dicunt eius muros incepisse ab Acropoli, & perrexisse ad Eugenij turrim inde ascendisse vsque ad Strategium, & Achillis balneū, cuius meminit Iustinianus in suis constitutionibus de aquæductibus, cū inquit: Plumbeas fistulas dūcentes aquā ad thermas, quæ Achilleæ nominantur, quas providentiæ tuæ magnificentia factas fuisse cognouimus, eandem formam seruare censemus, quam Theodosius & Valentinianus constituerunt, item memoratas fistulas thermis tantū, & Nymphæis, quibus eminentia tua deputauerit, volumus inseruire facultate præbenda tuæ sublimitatis apparitoribus circumeundi sine formidine domos, & suburbana balnea, ad inquirendum nequa deceptio, vel suppressio sit contra publicam uti-

litatem. Initio dixi ex Socratis historia, Constantinum magnum Constantinopolim secundam Romam habendam esse lege sanxisse, quæ in columna incisa publica est, quam in nūcupato Strategio statuit prope suam statuam equestrem. Ex antiqua regionum descriptione urbis triplex forum à Theodosio nominatum reperio, primum in quinta regione Theodosiacum nominatum, quod fuisse in Strategio dixi, alterum in sexta regione, quod Theodosij appellat, tertium in duodecima, quod Theodosiacum nominat. Duo hæc postrema rerum venaliū fuisse infra monstrabo, primum prætorium forum coniecere possumus ex ipsa regionū descriptione tradente id fuisse in Strategio; quod Latini Prætorium appellant, quod postea etiam à Græcis appellatum est Prætorium ob diuersa fora, mihi verisimilius videtur, quàm certo sciam, an hoc Theodosiacum forum sit illud magnum Prætorium, quod pulchrius effectum à Iustino Rege & Domnini opera intelligitur ex versibus Pauli Silentarij, quos subiungam, ut clariùs liqueat Prætorium Græcis vsitatum fuisse, ut alia pleraque Latina:

Εἰς τὸ μέγα πραιτόριον καλλιόπιδος

παύλε σιληνιάριου.

Κόσμον ἰερεῖν Βασιλεὺς ὑπὸ πύλαι καθήκει.

Καὶ τὰ μέγιστα δίκης ὑγλαίων τελέει.

Σοῖς ἢ πότοις δομεῖν καθύβια νύκτα δαίνας

Ἐκ θύμης· μὲν γάρ ἐκ διοτ' ἐρέπον.

De regione sexta, & de reliquis edificijs antiquis se-
cundi collis. CAP. II.

REGIONEM sextā fuisse in parte vrbis septentrionali, potiusquā meridiana non nouissim ex colūna Constantini in hunc diem extante, neque ex Constantini foro, neq; ex antiqua descriptione, quamuis tradente columnam purpuream Constantini, quamuis describente regionem sextam breui peractam planitie, reliquam in deuexo constituisse: nisi addidisset à foro Constantini scalam vsq; siue traiectum vsque Syceum porrectum fuisse. Syceus traiectus appellatus fuit à Syca olim nominata, quæ nunc Galata, siue Pera appellatur, vt plenius declarabo in regione decimatercia, sextam regionem cōiunctam fuisse cum quinta paulò ante significauimus ex vicinitate Neorij, scalarūque Chalcedonensis, & traiectus Sycei, & Bosporiani portus. Cognita igitur Syca assequor iuxta planitiem maritimam subiectam sub secundi collis radices fuisse Neorium, traiectumque Syceum situm fuisse, vbi hodie traiectus est Galatinus, columnamque purpuream nunc extantem esse illam, quam antiqua descriptio in sexta regione tradit fuisse: sed quā prope columnam, & forum Constantini Senatus fuerit, ex sextæ regionis descriptione quamuis Senatum continente intelligere nō possum. Verū paulò infra ex aliis scriptoribus Senatum ostendā fuisse in fori Constantiniani parte vergente ad boream. Deniq; regionem hanc partim fuisse in secundi collis dorso, in quo columna purpurea hodie visitur, & forum gallinarium, quod nunc Turci appellant Taubasar, officinæque telas tingentium, & do-

mus Aenobarbi præfecti Classi Turcicæ, & templum Alibassæ, partim in secunda valle, cuiusq; latere dextro, partim in planitie littorali subiecta sub hanc vallem, & radices secundi collis, quæ à frequentissimis habitatur Iudæis.

De columna purpurea, & foro Constantini, & Palladio.

CAPVT III.



QVI à magno Constantino res gestas cōscripserunt, tradūt illum columnam porphyreticam cycloterem, hoc est, teretem, & circulis laureatis cinctam, quam regionum vrbis descriptio appellat purpuream ab vrbe Roma, vt fama est, aduectam, statuisse in foro nuncupato Placoto, ex eo, quòd planis & latis lapidibus, quos Græci placas appellant, constratum esset, & simul supra hanc columnā collocasse statuatam ex ære factam admirabilem: siue propter artem, siue ob prægrandem magnitudinem. Antiquo enim opere, summòque artificio perfecta erat, vt spirare videretur, quam dicunt olim, Apollinis Iliaci fuisse imaginem, eamque diuinum Imperatorem suo nomini dedicasse, cuiusq; capiti nonnullos clauos eorum imposuisse, qui corpus Domini affixissent salutari Cruci, atque in hac statua scalpenda curasse hæc verba:

Σὺ λέγεις νόστος κοίτην & καὶ λαόντες.

Σοὶ γὰρ προσῆλθε πῶς δὲ σωθῆναι

πόλιν, καὶ σπάρξαι τὰ δῖα, καὶ τὸ

τῆς γῆς κέντρον φύλαττε, πῶς γὰρ

Σῶζετ' ἐκ πλ. πάσης βλάβης.

Cedrinus adiūgit sub columnam duodecim cophinos
illos

illos literis sacris illustres subiecisse. Hæc columna porphyretica non gradibus peruia est, sed solida. Itaq; falso tradit Fuluius antiquarius coelidē esse. Zonaras scribit etiamnum in suam ætatem statuam Constantini extitisse supra columnam, regnantēq; Alexio Comneno verno tempore, cū alia permulta cecidisse vento vehementissimo perflante, tum Constantini magni statuam supra columnam porphyreticam collocatam detractam, & pessundatam, diffractāq; in multa frusta multos obuios interemisse. Scriptor rerum gestarum ab Alexio Comneno addit fulmine non modo statuam dirutam, sed etiam tres zonas columnæ deiectas fuisse, quæ nam hæ zone fuerint, intelligitur ex his, quæ mox adiungam. Hæc quidem columna etiam nunc extat in culmine secundi collis aliquantum quidem diminuta, non tam vetustate, quæ vetustissima est, quàm incēdiis & terræ motibus ventorum turbinibus: non enim iam habet vllam statuam, imo etiam tribus zonis, siue spondylis supremis, siue circulis, ob quos Historici cyclotem columnam hanc dicunt quasi circulis distinctam. Priuata fuit turbine vëtorum temporibus Alexij Comneni, locoque spondylorum aucta fuit accessione structuræ superædificatæ teretis eiusdem crassitudinis, & æqualis reliquo scapo, cuius supra excelsum stylobatem marmoreum quadratum quoquo versus latū vndecim pedes & dodrantem, altum duodeuiginti pedes statuta est, spira dorica marmoris porphyretici constans plintho, toro inferiore & superiore, & intermedia scotia, supra spiram scapus columnæ perimetrum habēs pedum circiter triginta triū structilis, non enim ex vno lapide

scapus constat, sed ex octo lapidibus velut spondylis, quorum singuli vna corona, seu zona, seu toro, seu nodo laureato cinguntur iuxta commissuram lapidū, quę nulla apparebat cūm integra erat tecta nodis eminentibus: ita enim nodi intertexti laurinis foliis & baccis singuli scalpti in summa parte singulorum lapidū, seu spondylorum eminenter expressi sunt, vt commissurā videri nequeat. Ac si nulla ex parte læsa esset vno ex lapide facta videretur nō modò vulgo, sed etiam quibusdam Historicis, qui falsò prodiderunt, eam columnam ex vno lapide factam esse, atque adcò irrident eos, qui non credunt esse vnius lapidis, vt idiotas deceptos zonis æreis, quibus tum cingebatur & spondylis ornatus causa, vt ipsi aiunt, additis. Nunc zonas æreas non habet, sed aliquot ferreos circulos astringētes columnam partim incēdiis corruptam. Loco zonarum deiectarum turbine ventorū superædificatus est spondylus ex multis lapidibus, in quo summo est Græca inscriptio nomen Regis illius continens, qui post casum statuar Constantinianę supremum spōdylum strūctilem superimposuit, huius columnę similitudinem gerebant columnę, quas describit Athenæus in hanc sentētiā. In Aegypto excitatas fuisse columnas teretes, & rotundas, variis spondylis constantes, aliis nigris, aliis albis, alternatim sitis, earūque capitula similiter rotunda extitisse, quę ambiret sculptura vniuersa, similis rosas paululum apertis, calathum nūcupatum non elices, quemadmodum in Græcanicis operibus, neq; folia aspera circumdant, sed lotorum, & palmarum recenter natarum fructus, atque interdum plurimorū florum genera scalpta sunt,

sunt: hoc verò sub radice ciborium, quod eminet supra spondylum ad commissuram capituli floribus & foliis distinctum similem dispositionem habet. Ita Aegyptij columnas conficiunt, parietesque albis, & nigris lateribus alternatim. sitis construunt. Hanc Achenæi rationem adhuc Aegyptios Syros, Persas seruare vidi, parietes alternis ordinibus colorum construentes, diuites quidem, lapidibus, aut laterculis naturaliter variis mediocres arte & pictura variatis, has zonas dicunt quidam sculptas fuisse ad præfagiendam bonam præsignificationem annorum Constantini, seu victoriarum multitudinem: equidem ipse potius arbitror esse designatrices coronarum laurarum, quibus Apollo delectatur, hancque columnam antiquam Colossæi Apollinis sustinuisse statuam, quam Constantinus, Apollinisque statuerat sibi attribuit, siue semper victori, siue quod Apolline delectaretur, ut cum cæterorum statuas deorum euerteret, Delphici Apollinis statuam, & tripodem in Hippodromo statuerit: id quod significat Rhetor ille Belga, qui dixit panegyricum Constantino. Cum, inquit, ubi Constantine deflexisses ad Apollinis templum toto orbe pulcherrimum, vidisti credo, Apollinem tuum coronas tibi offerentem, quæ tricenum singulæ ferunt omen annorum, hic est humanarum numerus ætatum, quæ tibi utiq; debent ultra pyliam senectutem, & imò, quod credo, vidisti, teque in illius specie recognouisti, cui totius mundi regnum debet vatum carmina cecinerunt. Quod ego nunc demum arbitror contigisse, cum tu sis ut ille iuuenis & lætus, & salutaris, & pulcherrimus Imperator. Si Turcus, quem apposueram, ut conscen-

scēsa basi metiretur, quæ ipse designauerā, & præsens
dissimulanter respiciebam rectè perticam tenuit, qua
metiebatur, spondylum imum deprehēdi ex nota per-
ticæ, quam ille inciderat spondylum altum esse nouem
pedes & quatuor digitos, tori verò latitudinem sesqui-
pedalem, eiúsque expressionem extra spondylum pro-
iectam esse sex digitos: torum voco eius calcaneū. Itaq;
singuli lapides, quos spōdylos nominaui alti decem pe-
des & dodrantem. Est igitur altitudo octo spōdylorum
circiter octoginta sex pedum & dodrantis, adde super-
structum spondylum cum Abaco, adde spiram, & sty-
lobatem, & gradus quatuor sub stylobatem subiectos
marmoreos, quorum imus altus à terrā pedem & sex di-
gitos, secundus tantundem, tertius sesquipedem, quar-
tus tantundem. Huius columnæ, seu potius colossi, cum
sustineret ingentem illam statuam Constantini locus,
quo nomine appellaretur olim, ex ante scriptis nōdum
plane cognosci potest: nam Placotum forū, in quo Zo-
naras & alij recentes Historici docent sitam illam fuis-
se, cum non meminerit Procopius, neque quisquam il-
lorum temporum, dubitabam primū num esset fo-
rum Constantini, etsi mihi verisimile videbatur Con-
stantinum suam columnā statuisse in suo foro, vt Tra-
ianus suam Cochlidem statuerat in foro sui nominis.
Sed quā mox Socrates dissensionum Christianarum
historicus me admonuit forum Placotum esse forum
Constantini, tradens Arium cum prope forū Constan-
tini, in quo columna purpurea locata esset, accessisset,
vehementi a lui deiectione periisse: sed clariùs liquet Pla-
cotum fuisse, quod olim appellaretur forum Constan-
tini,

tini, ex Palladio Mineræ, quod Zonara tradit à Troia Constantinum transtulisse in forum Lacotum. Procopius in forum Constantini: Maleuenti, inquit, ferunt Diomedem conuenisse. Aeneam ex Illo venientem, eique ex diuino responso dedisse simulacrum Mineræ, quod ipse quondam Vlysse auxiliante ab Troia abstulisset, cum ambo ad explorandum eò profecti fuissent, quàm à Græcis Iliū caperetur. Præterea huc adiungunt Diomedem ægrotanti, & suscitanti de ægritudinis euentu prædictum fuisse ex oraculo, non prius illum è morbo liberatum iri, quàm viro Troiano id simulacrū tradidisset. Vbi tamen illud esset, Romani se scire negant, imaginem duntaxat ex lapide scalptā monstrant, quæ in hoc tempus in templo Fortunæ ante Mineræ statuam collocata est, in ea quidem templi parte, quæ spectat ad Orientem. Illa quidem imago, quam dixi ex lapide scalptam, gerit præliantis similitudinem, vibrantisque velut in acie hastam, habens vestem oblongam, cuius facies non similis est simulacro Mineræ, quale inculpitur à Græcis, sed ab Aegyptiis, Byzantini asserunt Constantinum in foro sui nominis hanc statuam posuisse sub terra defossam: ex quibus Zonaræ & Procopij verbis patet forum Placotū & Constantinianum forum idem esse. Cuius quidē cognitio non negligenda, sine qua vrbis regiones quatuor, vrbisque incendia perspicuè cognosci non possunt: nam tertia cōtinet tribunal fori Constantini. Sexta à foro Constantini, vsque ad scalam Syenam porrigitur continens columnam Constantini. Septima à parte dextra columnæ Constantini vsq; ad forum Theodosij cōtinuis extenditur por-

ticibus. Octaua, continet partem fori Constantini, incendia excitata sub Iustiniano & Basilisco, vsque ad forum Constantini grassata sunt, sub Leone à foro Constantini vsq; ad Taurum incendio ædificia conflagraverunt. Iam verò memor quorundam curiosorum, quibus à me aliquando percontantibus, vnde Constantinus Palladium illud adeptus fuisset, respondi mihi dubium videri. Nam quòd Zonaras tradit à Troia, quomodo potuit tot ante seculis deleto Illo, vt etiam Strabo ipse sedem multis cartis inuestigare conetur? Quid quòd sublatum à Diomede & Vlysse? nam ab antiqua Roma tollere qui potuit toties incensa? præsertim Romanis ipsis ignorantibus, vt ait Procopius, vbi illud esset. Scriptores tamen Latini tradunt à Diomede datum Aenæ seruatum fuisse Lauinij, postea translatum Romam asseruatum fuisse in æde Vestæ. At Græci aliter tradunt, inter quos Pausanias tempore Adriani scribit in arce Mineræ illud fuisse Athenis omnium sanctissimū, quod iam inde ab initio de communi omnium curiarū consilio dedicatum esset in Acropoli delapsum de cælo. Quale autem id fuerit, ligneum ne, an æneum, signum an scutum, controuersum est. Quidam scribunt fuisse scutum, vt Romæ ancilia: aliter sentiunt Dion & Diodorus, qui scribunt fuisse signum ligneum & tricubitale, cælo lapsum in Pessinunte vrbe Phrygiæ, dextra tenens hastam, læua colū & fuscū; verisimilius est fuisse simulacrum ex nomine Palladis, cuius statua vbique fuerit, appellatur Palladiū. Procopius testatur statuam Mineræ, quam Romani demonstrant in æde Mineræ, non esse qualem Græci scalpunt: illam enim di-

cit lapidem esse gerentem imaginem præliantis, & hastam vibrantis: sed & etiam Græci dicunt eius statuam hastam tenere ob robur similiter & clypeū, ex eo, quod sapientia omnes insidias repellit, galeatā esse, propterea quod sapientiæ fastigium est inuisibile, oleam gerere, quæ est materia lucis, & Gorgonem in pectore habere, ob mentis celeritatem. Minerva in sua Aegide habuit ad pectus pictam Noctūam, & Gorgonem, Noctūam quidem profunditatem indicans consiliorum: omne enim tenebrosū prudentia intelligit, & absconditū. Sed plura de Palladio quàm necesse sit præsentī instituto dixi, idque fortasse ut Palladij notas velut tesserā dārem, admoneremque eos, qui post me inter Barbaros peregrinari volent, primū accedant Constantinopolim, Palladiūque à Constantino sub terra defossum effodiant, ut eo armati insidias, ærumnas incredibilia discrimina repellere queant. Quod ipse oblitus effodere, mecumq; terre, incidj in omnia pericula, quo si munitus fuisset, ut cæteras insidias euitasset, ita admissus fuisset, in arcem Mineruæ, à qua me Turci reiecerunt, cum diu versatus essem Athenis, cupiens propius spectare templum Mineruæ, etiam nunc extans dorico opere confectum Peristylīo circumdatum quadraginta octo columnarum. Sed extra iocum, Minerva illa diuinitus de cælo delapsa, quæ exultimatur sapientia patris, prorsus non carui, quæ me non modò in sua æde Sophia nuncupata semel periclitantem, sed sæpissimè procul apud barbaras gentes abiectum, funditus perditum excitauit, erexit, recreauit.

De Senatu & Nymphæo, statuis fori Constantini Philadelphio, Musæo, de Labaro & supari, de morte Arii, & de templis Telluris, Cereris, Persephone, Iunonis, Plutonis.

CAP. IIII.

ANTIQUA descriptio in eadem regione ponit columnam purpuream, Senatū, atq; in quinta Nymphæum. Quàm autem hæc ipsa propinqua inter se sita essent non explicat, sed proxima inter se illa fuisse non aliunde cognoscere potui, quàm ex incendio excitato regnante Leone Verinæ marito, quo deflagrassè Zonaras & Cedrinus narrant, in fori Constantiniani parte ad boream vergente domum maximam nuncupatam Senatum, æneis statuis, & lapidibus porphyreticis ornatam, in qua fuit porta Diânæ Epheliæ Traiani donum de manubiis Scytharum continens Gygantum pugnas, Iouis fulmina, Neptunum cum tridēte, Apollinem cum sagittis in parte portæ infera Gygantes in dracones impetum facientes, manibus glebas iactantes, oculis truculentis suspicientes. In hanc domum Senatus, principēsq; ciues conuenientes consilia capiebant, dabantque, atque eandem Rex ipse adibat, cū vestem consularem capiebat. Opus præclarum & persplendidum, tūc eodem incendio iidem illi testantur consumptam fuisse alteram domum sitam è regione Senatus, appellatam Nymphæum, ex eo, quòd in ea domo nuptias hi celebrarent, qui domos non haberent capaces multitudinis, iidem dicūt etiam in huius fori parte occidentali statuam fuisse Mineræ Lindiæ, quæ gerebat galeam, habebatq; Gorgonium monstrum, & collum circumplicatum serpētibus, sic enim

Miner

Minervæ simulacrum antiqui consignant. Fuisse etiam in parte fori oriëntali Cedrinus tradit Amphitriten vnâ ex Sirenibus habentem forcipes cancri in capitis temporibus, ignotus scriptor asserit in eadem parte fori Sitenas fuisse, quas quidam appellarent equos marinos, earum treis etiam sua ætate extitisse ad diui Mamantis locum suburbanum. In fori Constantiniani parte vergente ad boream fuisse crucem illam pergrandē à Constantino excitatam supra columnam excelsam, quam viderat in cœlo. Cùm omnes testantur, tum Eusebius etsi nominatim non dicit in foro, tamen in media vrbe regia cùm illum excitasse testatur. Roma antiqua par est, vt etiam in media noua Roma eandem constituisse, cùm idem testetur in omnibus regiis ædibus, atque aliis insignibus locis Constantinopoleos ipsam statuisse, qualem viderat in cœlo, in cuius symbolum Sozomenus Salaminus scribit Constantinū transmuisse nuncupatum à Romanis Labarū insigne bellicū omnium honoratissimum, quod Regem antecedere, & à militibus adorandum esse lege sancitum erat: quod Romani imperij signum nobilissimum Constantinum arbitror præcipuè in Christi signum commutasse, vt consuetudo aspectu & cultu desuescerent à ritibus patriis. Subditi, de quo Prudentius: Christus purpuream gemmâti textus in auro signabat Labarū, clypeorum insignia Christus scripserat, ardebat summis crux addita cristis. Quod Eusebius æqualis temporum Constantini testatur se suis oculis vidisse in hanc formam confectū, pro-cera, inquit, hastâ cornu habebat transuersum in crucis formam facta, in cuius suprema parte corona ex lapi-

dibus pretiosis, auróque affabrè facta erat, in qua salutaris nominis nota Christi nomen duabus primis literis designabat, quas coronæ circulus complectebatur, in quo mediór, litera designabat figuram illam, quæ Chiasmus Græcè appellatur: ex cornu transuerso quod secabat hastam, velum appensum erat. Ex qua quidem Eusebij descriptione quid sit Labarū intelligere licet, quid Syparum, quod Labari partē esse, quam Eusebius dicit velū appensum ex cornu crucis transuerso ex Tertulliano colligere licet, qui longè antè Eusebiū & Constantinum Labarum expressit crucis similitudinem gerere in hanc sententiam, Qui crucis nos religiosos putat, consecratus noster erit, cū lignum aliquod propitiatur viderit habitus, cū materiæ qualitas sit eadē, viderit forma, dū ipsum Dei corpus sit, & tamen quantò distinguitur à crucis stipite Pallas Attica, & Ceres farrea, quæ sine effigie rudi palo, & informi ligno præstat. Pars crucis est omne robur, quod erecta statione defigitur, nos sic fortè integrum, & totum Deo colimus, sed & victorias adoratis, cū in trophæis crucis intestina sint trophæorum. Religio Romanorum tota castrensis, signa veneratur, signa iurat, omnibus diis præponit, omnes illi imaginum suggestus insignes, monilia crucium sunt, Sypara illa vexillorum, & Labarorum stolæ crucium sunt, laudo diligentiam, nolistis nudas & incultas cruces consecrare. Arnobius siue Minutius Felix eadem tradit. Cruces, inquit, nec colimus, nec optamus, vos planè, qui ligneos deos consecratis, cruces ligneas, ut decorum vestrorū partes forsitan adoratis: nam & signa ipsa & Labara vexilla castrorum, quid aliud,

quàm

quàm inauratæ cruces sunt, & ornata? Trophæa vestra
victoria non tantùm simplicis crucis faciem, verùm &
affixi hominis imitantur. Ex quibus patet Sypara esse
vela, quæ appensa erant ex Labaris, hoc est, ex insigni-
bus militaribus & trophæis, quæ insculpta Romæ in for-
nicibus Imperatorum etiam Labara appellare possumus,
& vexilla insculpta cum alibi, tum in Cochlide
Traiani quadrata, ut nauiû vela, Sypara appellare pos-
sumus. Denique omnia insignia Romanæ militiæ, om-
niâque trophæa, quæ sculpta Romæ videntur crucis
similitudinem gerunt. Seneca significat Sypara, siue Su-
para esse velum insignis navium Alexandrinarum, qui-
bus solis licebat Suparum intendere, quod in alto non
omnes naues habent. Lucanus Supara velorum dixit,
aliâs Suparum, siue Syparum vestimentum puellarum
est lineum, de quo Afranius: Puella non sum, si Supa-
ro inducta non sum. Prætereo quòd ad hoc institutum
non pertinet Festum & Donatum scribentes Syparium
scenicum esse velum, quo Mimi Scenicique artifices
utebantur ad scenam velandam, quod populo obsiste-
bat, & hæc Syparia pro auleis ætas posterior usurpavit,
de quo intellexit Satyricus Poëta: Consumptis opibus
vocem Damasippe locasti Sypario. Apuleius ait, Auleo
subducto, & complicitis Sypariis scena disponitur. Se-
neca nuncupat verba, & coturno, & Sypariis fortiora,
quæ grandia sunt, & supra sublimitatem tragicam ex-
tolluntur. Vnde nos etiam appellare possumus Sypara
crucium & velorum ob eorû excelsam sublimitatem.
Iure quispiam me iam dicet egredi paulò longiùs ex-
tra institutum, fateor. Sed quid faciam, nisi paululum
respi

respirem, coactus in tantas angustias ruinarum nouæ Romæ? Ex qua etiam cùm floreret, ciues liberi cælum suspicere non poterant ob illius angustias. Ego verò peregrinus quid videre possum, vbi nemo indigena quicquam mihi monstrare potuit, itaq; vel argumenti exilitate augenda, vel respirandi causa respondebo his, qui crucem in cælo visam à Constantino, putant à monachis introductam. Nullum miraculum extare mihi videtur in monumentis literarum pluribus testimoniis probatum oculatis, quod Eusebius illorum temporum æqualis tradit non modò visum à Constantino, sed etiam à toto exercitu in ipsa die media, quod non modò Christiani homines illius ætatis, sed etiam dubij quauis crucem detestarentur professi sunt. Tanta fuit huius rei fama, vt Romani testentur in arcu triumpiali, quem Constantino dedicarunt instinctu diuinitatis vicisse Maxentium: etsi modò Maxentiani & parum religioni Christianæ conciliati, adèd vt in arcu Constantini non immutarint in eam crucis figuram, in quam immutauerat Constantinus: sed talia insculpenda curarint, qualia Traianus, Seuerus, reliquique imperatores gestasse videntur ex antiquis monumentis etiamnum Romæ extantibus. Nazarium Christianum fuisse ex eius filia Euphemia virgine Christiana suspicor magis, quàm ex panegyrico perspicio, quæ dixit Constantino, vbi ait: In ore omnium Galliarum visos esse, qui se diuinitus missos præ se ferrent, & quamuis cælestia sub oculis hominum venire non soleant, quod crassam & caligantem aciem simplex, & inconcreta substantia nature tenuis eludat: illi tamen, inquit, auxiliares tui, aspici, viderique patientes, vbi
meri

meritum tuum testificati sunt mortalis visus cōtagium
refugerunt. Sed quæ nam illa fuisse dicitur species? qui
vigor corporis, quæ amplitudo membrorum? quæ ala-
critas voluntatum? flagrabant verendum nescio quid,
vmbone corusci, & cœlestium armorum lux terribilis
ardebat: tales enim venerant, vt tui crederentur. Hæc
ipsoꝝ sermocinatio, hoc inter audientes ferebant: Con-
stantinum petimus, Constantino imus auxilio. Habēt
profectò & diuina iactantiam, & cœlestia quoque tan-
git ambitio, illi cœlo lapsi, illi diuinitus missi, gloria-
bantur, quod tibi militabant. Omitto cætera pleraque.
Quidam scribunt locum, in quo crexit hanc grandem
crucem supra columnam auratam fuisse in Philadel-
phio, collegio eorum, qui Musis studerent, quod fuisse
prope columnam purpuream ostendit Epigramma in
id inscriptum:

Ἐν τῷ πορφύρεῳ λίθῳ ὡς τὸ πνυλὲλφιογ.

Ἐννεὺς μὲν βασιλεὺς μυσήλιος ὄργα βοῶσι

Δημόσια δηκερῶ πράγματ' αἰσιν ἔχῃ

μυσέων ῥώμῃ δ' ἐχαιέτω, καὶ βασιλεὺς

εἰκόνα διαπισίλῃ γνῶς ἔχραψι δέμων

τιμῶ μυσσπόλοισ πόλεος χᾶριν ἑλπίδα λυσιῶν

ὄπλα ἢ ταῖς ἀφ' ἑαῖς χήματ' αἰς ἀγαθοῖς

ταῦτα λόγοις ἀνέθηκεν ἑκὼν μυσήλιος ὄργα

ῥιθύνῃ λαοφάτος θεός ὅτι λόγος.

Iulianus præfectus vrbis ante Musarum domum Ana-
stasij statuam auream posuit nobilitatam versibus ge-
minis, quibus etsi ingeniosis, & multis tamē in qua par-
te vrbis illa domus fuerit, nō intelligitur. Cū Manue-
li Regi denuntiatum esset in fori Constantiniani parte

occidentali supra fornicem, iam inde ab antiquis temporibus stare muliebres statuas ex ære factas, vnam Romæam, alteram Vngaram, ac Romanam à sua base excedentem propendere: Vngaram stare rectam in sua sede, Regem ea denuntiatione permotum, misisse fabros, qui erigerent Romæam, & demolirètur Vngaram: existimantem statuarum mutatione Romæas res mutari, extolliq;. In eodem foro cùm aliorum insignium virorum statux erant, tum Longini Præfecti vrbs, in quem Arabius Scholasticus inscripsit hos versus,

Νῆλϑ, πρῶσις, ἱέρη, σόλοιμοι, δυνῖσις, ἀφ' ἡλνῖς, ἰνδ'ϑ,

Καὶ λόλχοι, σκῆπτέλων ἐγγύβις λευκασίωμ,

Καὶ πιδία ζῳούα πολυσαφείων ἀγαλῶν

Λογίς ταχῶν μάρτυρδρ εἰσι πόνων.

ὡς ἡ βαχὺς βασιλῆυ δικάζῃρ ἦεν ὁ δ' ὀνῶρ

Καὶ ταχὺς ἐρῶν ὅπασι λευθεμῶν.

Prætereo Themistium Philosophum, quem Constantinopoli præfecerat Valentinianus & Valens suis scriptis nobiliorem, quàm statua vlla, vrbsque præfectura prope forum Constānini. Socrates narrat Arium illum Arianæ sectæ principem periisse. Arius, inquit, cùm esset Constantinum magnū allocutus, ex aula regia egressus, stipatus Eusebij satellitibus, per mediam vrbem circumspectatus incedebat, postquàm prope forum Constantini venisset, vbi purpurea colūna extat, metu quodam conscientix animi sui sic perterrefactus est, vt valde alui deiectione commoueretur, ac cùm percuntatus esset, vbīnam prope secessus esset, didicissetque ponè forum Constantini secessum, eo accessit: animi defectio hominē vrget, insimul cum vehementi alui deiectione

intestinū excidit, & sanguinis copia sequitur, & simul cum sanguine tenuia intestina, & iecur, & lien: ibique subita morte periit. Socrates adiūgit hunc secessum sua ætate monstrari ponē forum Constantini, & macelli in porticu, iam verò eorum, quæ traduntur fuisse in foro Constantini, excepta porphyretica colūna nihil extat: ne forum quidem, nempe totum exēdificatum, adē vt columnæ porphyreticæ astructum sit Xenodochium, & prope ædes religionis Mametanæ ab Alibassa ædificata. Cuius vestibulum benè amplum marmoreum sex columnis luculentis ornatum est, quatuor quidem marmoris albi, duabus verò Thebaici, quarum imus scapus habet perimetrum septem pedum & quatuor digitorū, quæ etsi benè proceræ sunt: tamen habent binas bases, inferiorem marmoream, superiorem æream, vt habere solent pleræque Turcorum, qui hoc didicerunt, vt pleræque à Græcis solitis colūnas augere spiris æreis. Prope hanc ædē via duntaxat intermedia schola est profitentium Mametanam theologiam, vbi est atrium quadratum circumdatum porticu sustentata duodeuiginti columnis, partim viridibus, partim albis. Paulò infra Alibassæ ædem est altera ædes religionis Turcicę posita in supercilio vallis secundæ, quę vestibulum marmoreum habet sex columnis nitens, quarum duo sunt marmoris pyropæcili, duæ albi, vndis glaucis varij, duæ marmoris misti obscurè virentis, & maculis albis distincti. Ex his, quæ antè scripsi fuisse in secūdo colle explorata est pars regionis tertiæ, in qua Tribunal fori Constantini consistebat, & tota ferè regio quinta & sexta. Præterea in secundi collis partim cliuis, partim in planitie litto-

rali sub ipsum subiecta, Dionysius Byzantius ponit ædes Telluris, Cereris, Proserpinæ, Iunonis, Plutonis, Telluris quidem supra sinum extra mœnia antiqui Byzantij templum non tectum, designans antiquæ Telluris vim liberam clausum parietibus lapide expolito cõstructis. Supra Telluris templum ait fuisse Cereris, & Proserpinæ templa paria, in eisque picturas copiosas prioris seculi insignes reliquias, statuâsque exactæ artis non inferiores, summa arte elaboratas, ad exitû siue abscessum maris fuisse duo templa Iunonis, & Plutonis, corûmq; nihil superfuisse sua ætate, nisi nomina, Iunonis quidẽ Persas combussisse in expeditione Darij cõtra Scythas vlciscentis ea, quæ Byzantini accusabantur in Regem moliti esse, Philippum verò Macedonem cùm Byzantium obsideret, materiâque egeret Plutonis templum euertisse: sed hominum memoriâ cognomina illorum retinuisse. Hoc enim Plutonis Acram, illud æream Acram, id est, Iunoniam appellatam esse, ibique iuvenes quotannis hostias mactasse anno desinẽte & incipiente. Has Acras fuisse in cliuis secundi collis potius, quàm in planitie littorali sub ipsum subiecta verisimilius videtur ei, qui vidit hanc maritimam planitiem, in qua nulla Acra est, itaque Dionysium cùm ait Plutonis & Iunonis Acras esse, *ἡ ἀπόβασιν ἢ θαλάττης*. Has Acras fuisse in parte collis attingẽte mare cùm fortè tum portus clausi, & naualia manufacta in planitie maritimâ attingerent collis radices, portûsque cornua efficerent Acras, aut si aliter res habet, Acræ interpretandæ sunt oræ maritimæ. Sed de his copiosius in tractatione Bosphori.

ANTE QVAM venissem in rem præsentem facile existimabam me percepturum situm septimæ regionis ex antiqua regionum descriptione, quæ dicit eam in comparatione superioris planiorem, quamuis & ipsam circa lateris sui extremitatem abire in mare decliuorem, quis ex his eam agnosceret, cum aliæ regiones vrbis abeant in mare decliuiores circa sui lateris extremitatē? Nam quod addit hanc à parte dextra columnæ Constantini vsque ad forum Theodosij continuis extensam porticibus, & de latere alio quoque pari ratione porrectis vsque ad mare velut se ipsam inclinare, & ita deduci, habere autem Ecclesias tres: Hirenem, Anastasiam, & sancti Pauli. Columnam Theodosij intrinsecus vsque ad summitatem gradibus peruiam, partemque eiusdem fori, quod cum neque extet, neque eius memoriam retineant nostræ ætatis homines, in quo loco fuerit, neq; vlla, quæ tradantur fuisse in hac regione supersint, mihi primum videbatur dubium, quæ pars columnæ esset dextra, à quo quidem dubio non me liberabat Titus Liuius, scribens Romulum regiones ab Oriēte ad Occasum determinasse dextras ad Meridiem, partes leuāsque ad Septentrionem: nam eo modo vergeret hæc regio ad Meridiem, cum tamen postea sim demonstraturus vergere ad Septentrionem. Neque Geographi me expediebant, qui septentrionalem plagam respicientes vbi altitudinem poli quærūt, orientalem partem habēt dextram. Varro Astrologorum Orizontem distinguendum rationem secutus non nihil lucis mihi afferebat, cum definit partes cœli qua-

tuor, sinistram ab Oriente, dextram ab Occasû, antiquam ad Meridiem, posticam ad Septentrionem. Hæc Varronis diuisione iudicabam septimā regionem esse ad occasum columnæ, sed certus non eram an Romuli cœli diuisionem, an Astrologorum sequeretur antiqua descriptio. Itaque adhuc hæsitabam quoad tādē magna inquisitione deprehendi vbi fuisset Theodosij columna, & vestigia quædam templorum Anastasie & Hirene: ex quibus cognoui septimā regionem vergere à summo dorso promontorij ad sinum, clariúsque antiquam descriptionem potuisse loqui, si ita descripsisset ab Oriente ad Occasum pergenti à parte dextra, septimam regionem à columna Constantini vsque ad forum Theodosij continuis extēsam esse porticibus. Hæc regio continebat loca vbi hodie maximum totius vr-bis forum, quod Turci Bezeften appellant, vbi omnia pretiosa à mercatoribus vendi solita asseruātur, vt temporibus regum Christianorum in domo Lampterum. Hanc alibi, quàm vbi hodie est forum Turcorū conicio ex incēdio incitato ex miliario aureo sub Rege Iustiniāno, quo Cedrinustradit conflagrasse magnā partem vr-bis, & magnam sacram ædem, ciúsque Carthophilacium, & duas porticus vsque ad forum Constantini, atque Octogonon, & Seueri balneum appellatum Zeuxippum, simulque insignem domum appellatam Lampterum à luminibus vespertino tempore lucere solitis, tectum ligneum habentem, in qua mercatorum facultates asseruabantur, vt serica, & auro contexta, aliæque pretiosa: denique omnia pulchra vr-bis ornamenta eo incendio exarserunt, quæ reliqua superfuerant ex
priorē

priore illo magno incendio. Potuisssem reddere Lampteras, Latine Lucernas, nisi nomina propria traduci non debere existimarem, nisi Titus Liuius Lamptera vsurpasset. In sinu, inquit, maris intimo posita vrbs Phocæa est, oblonga forma duum milliū & quingentorum passuum spatium, murus amplectitur totidem ex vtraque parte in arctiorem velut cuneum, Lamptera ipsi appellant mille & ducentos passus, ibi latitudo patet, inde in altum lingua mille passuum excurrens medium ferè sinum velut nota distinguit, vrbs cohæret faucibus angustis, duos in vtranque regionem versos portus tutissimos habet, qui in Meridiem vergit Nausthamos ab re appellatus, quia ingentem vim nauium capit, alter prope ipsum Lamptera est. Vnde verò mihi proximum videtur Massilienses Phocensium colonos appellasse Lamptera stagnum in ora Prouinciæ Narbonensis situm, quod Laternam vocat Plinianus Codex in lucem editus.

De Tauro, & foro Theodosij, & columna Cochlide Theodosij, & de Thetrapvlo, & Pyramide ventorum, de statuis Arcadij & Honorij, de templis Hirena & Anastasia, & de Scironijs perris.

CAPVT VI.

QUAM existimarem me non planè assequi posse septimam regionem, neq; Taurum, qui vt cognosci non potest, nisi cognita Theodosij Cochlide columna, ita sine Tauro non cognoscitur octaua regio. Magno studio inuestigauī illorum vestigia, cūq; diu vbi columna fuisset Theodosij intrinsecus vsque

vsque ad summitatem peruia inuestigassem, tandem à paucis accepi, iisque senibus sitam fuisse in supercilio dorsi continentis planitię iugalem tertij collis vergente ad oceanum hybernum prope balneum nouũ, quod ædificauit Paiazitus Rex, qui eam columnam, vt commodius balneum cõstrueret ante quadraginta annos, quàm ego Byzantium venissem euerterat. Supra id balneum versus boream est via lata habēs tabernas librarías, & cisternam antiquam à borea autem claustrum regiarum Gyneconitidum, quę quidem via lata dilatur in aream magnam versus Orientem, in qua extrema orientali est sepulchrum Regis Paiaziti, cum templo & Xenodochio. Hanc Theodosij columnam Cedrinus, inquit, ex omnibus partibus fuisse similem illi, quam Arcadius erexit, in hũc diem in Xerolopho colle extantem, eam nos suo loco describemus. Zonaras autem columnam Tauri à magno Theodosio excitatam trophæa, & pugnas Theodosij habentem bene pugnatas contra Scythas & Barbaros, tum viam intus sursum ferentem, tum Theodosij statuam in summo fastigio statutam, quę cecidit terræmotu eo anno, quo Roma antiqua capta est. Anastasius Rex multa opera ex ære facta, inter quę erat magni Constantini statua fudit, effecitque sui nominis, ac tituli statuam æneã equestrem inauratam, eamq; supra columnam Tauri, in qua prius fuerat Theodosij magni statua collocauit. Ex his cognoscimus Taurum fuisse, vbi colūna Theodosij fuit, quibus cognitis cognoscimus in tertij collis dorso, & cliuis eiusdem septimam regionem fuisse, habentē porticus continuas à columna Constantini ad forũ Theodosij,

dosij, quod etsi septima regio continet, etsi non addit,
 quàm prope columnā Theodosij id fuerit: tamen pro-
 ximè fuisse colligere licet, non modò ex æmulatione fo-
 ri Traiani Hispani, qui Romæ in medio foro sui nomi-
 nis habuit similem columnam ei, quam Theodosius
 Hispanus in noua Roma postea crexit: sed etiā ex Eua-
 grio assequimur, tradente incendium sub Leone ædifi-
 cia combussisse à foro Constantini vsque ad forū Tau-
 ri. Constantinopolitanus senex mihi narrabat etiam sua
 ætate forum Tauri extitisse vbi columnam Theodosij
 dixi non minus Hippodromo plenū innatis arboribus,
 & quoniam ibi latrocinia fierent Mametem Regē, qui
 urbem cœpit exædificandum dedisse volentibus ædifi-
 care. Iam verò partem fori Theodosij occupasse forum
 Pistorium, aut vicinum illi fuisse coniiicio ex Zonara
 tradente Nicephorum Phocam Regem ex Palatio ad
 fontem aureum, & prope portam auream sito redeun-
 tem à populo conuiuiis exceptum fuisse apud forum *Ἰσθμίου*
ἀγρολίου, vsq; ad columnam Constantini. Ignotus scri-
 ptor tradit Taurum fuisse in columna prope forum *ἀγ-*
ρολίου, in aula lapidibus strata, atque illic etiam fuisse
 portas quatuor in structura quadrilatera, & quatuor
 porticus in circuitu, quod appellat Thetrapylum, idq;
 dicit prius Quatriuium nominatum. Georgius Cedri-
 nus ponit Thetrapylum non procul à Tauri foro, cū
 inquit incendium regnante Leone exussisse in Tauro
 duas sacras ædes maximas omni genere lapidum orna-
 tas, vnā quidem non longè à Thetrapylō, alteram in-
 cumbentem foro Tauri. Idem loquens de incendio al-
 tero incitato sub Leone id dicit, obuia quæq; consum-

psisse ab æreo Thetrapylo vsq; ad templum quod non nominat: antiqua regionū descriptio vrbis, tradit Constantinopolim habuisse vnum Thetrapylum aureum; sed nō scribit in qua regione fuerit, nescio an vrbs duo Thetrapylā habuerit, vnum aureum, alterum æreum, an duntaxat vnum, quod fuerit primò aureum, deinde auro sublato æreum remanserit. Ioannes Rhetor sicut citatur ab Euagrio, narrat temporibus Zenonis Regis Mamianum insignem senatorem Constantinopoli fecisse regias porticus structura decoras, illūstriq; splendore ornatas, atque inter duas porticus tanquam quoddam confinium excitasse Thetrapylum, columnisq; & ærea materia ornasse: ac sua quidem ætate porticus regium nomen obtinuisse prioris ornamenti reliquias marum Proconnessiorum humi stratorum gestantes; **Q** sed structuram insignem non retinentes: at Thetrapyli nē tenue quidem vestigium remansisse. Ignotus author dicit in Thetrapylo fuisse cubiculum supra columnas; vbi defuncti Regis consanguinei, & Regina exodion exciperent, & fletent mortuum intro abditū velis, vsque ad sextam dici horam. Tum defunctum prætereuntem exciperent, & comitarentur vsque ad templum Apostolorum, vbi mos erat sepelire reges. Thetrapylū mihi videtur fuisse templum olim quadrifrontis Iani non longè à Capitolio Constantinopolitano, vt olim fuit Romæ quatuor portis ornatum quatuor anni tempora designans. Ianus enim appellatur ab eundo, ideòq; transitiones peruiae Iano sacræ, & fores ædium ianuæ nominantur. Quidam scribunt in foro Pistorio fuisse Terrasceles pyramidatū. Georgius Cedrinus ait Tetrasceles esse

esse machinam quadricuram, quam dicit ventorum
ἀνέμης, hoc est, pugnam appellatam magnum Theodo-
 sium excitasse pyramidis figuram gerentem, animalibus
 sculptis ornatam, & plantis, & fructibus, & corym-
 bis aureis punicorum malorum similitudinem geren-
 tibus, & nudis cupidinibus, quorum alij inter se arride-
 bant, & superiores inferioribus illudebant, alij saltabāt,
 iuvenes tubis æneis ventos inspirabant, in summa py-
 ramide simulacrum æreum volucre situm status ven-
 torum indicabat, statux Arcadij & Honorij erant pro-
 pe columnam Theodosij patris, Arcadij quidem in for-
 nice orientali, Honorij, verò in fornice occidentali. So-
 crates populi Christiani historix concionalis scriptor,
 tradit ex aquæductu, quem Valens in urbem induxerat,
 & construxerat ex ruinis Chalcedonis Clearchum vrbi
 præfectum *ὕδατος* maximum construxisse in foro, sua
 ætate appellato Theodosij, quod vulgari sermone di-
 ctum est aqua liberalis, & abundans, propter quam po-
 pulus hilarem festū egit: quod Socrates appellat *ὕδατος*,
 hoc est, Cisternam, siue Lacū. Zonaras & Cedrinus ap-
 pellant Nymphæum, quod similiter dicunt præfectum
 vrbis ex aquæductu Valentis construxisse in Tauro, fe-
 stūque maximum celebrasse, omnemque populum con-
 uiuium excepisse. Ex quibus assequimur, quòd Socrates
 forum Theodosij appellat, Zonaras & Cedrinus appel-
 lant Taurum, idemque esse forum Tauri, & forum Theo-
 dosij: Nymphæumque Tauri aliud esse, & diuersum à
 Nymphæo, quod prope forum Constantini situm è re-
 gione Senatus, antè vidimus domum magnam fuisse
 ex eo sic appellatam, quòd in ea nuptias hi celebrarēt,

qui domos non haberēt capaces multitudinis. At illud Tauri Nymphæum fuisse, siue lacum, siue piscinam, siue cisternam, quam fuisse intra claustrum Gyneconitidum regiarum occupans partem fori Theodosij verisimile est, in quas penetrat aquæ ductus Valentis, ex quo multa castella aquæ sita, cū in lateribus tertij collis, tum maxima in claustro mulierum regiarum. Thermas Carosianas à Carosa filia Valētis Regis nominatas fuisse in tertio colle liquet ex antiqua regionum vrbs descriptione, sed in qua parte non explicatur, neque ipse definire possum an funditus perierint, an in earum fundamentis sint ædificatæ thermæ, quas maximas à Turcis ædificatas videmus partim in dorso tertij collis, partim in lateribus. Antiqua descriptio regionum ponit in hac septima regione ædes Hirenæ, & Anastasiæ, sed in qua parte fuerint, non declarat, neque nunc ex vestigiis cognosci potest, sed ex historia deprehendi potest ædes Hirenæ, in qua parte collis tertij fuerit, quæ tradit cū vrbs caperetur a Frācis, & Venetis incendium exortum fuisse à Synagogio Saracenorum in parte inclinata ad mare, & vergēte ad boream proxima templo diuæ Hirenæ. Id fuisse intra septum regiarum mulierum primò intellexi à senibus nescio quibus, deinde adueriti turtim excelsam extra claustrum mulierū, sitam in latere tertij collis vergente ad ortum æstiuum, quadratam Hyrenem etiamnum vulgo appellatam, nescio an ab æde diuæ Hirenæ, an à Regina Hirene. Tria Hirenæ templa Constantinopoli fuisse reperio ex literarum monumentis, primum antiquæ Hirenæ nuncupatum, quod Socrates tradit magnum Constantinum ædificasse, id
prope

prope Sophiam fuisse ante demonstrauimus, secundum quod iam dico positum in tertio colle, quod antiqua vrbis regionum descriptio tradit fuisse in septima regione, tertium ponit Procopius tradens Iustinianum ædificasse ad ostium sinus Cornu nuncupati templum Hirenæ martyris, iam verò templum Anastasiæ dicunt alij fuisse eo loco, vbi est Bezestannum nouum, hoc est, Basilica noua. Alij vbi visitur hodie cisterna multis columnis marmoreis sustentata, sita inter fori Basilicas, & sepulcrum, & Xenodochium Paiaziti Regis. Sozomenus ait Gregoriū cū ex Nazianzo migrasset Constantinopolim conciones habuisse in ædícula à studio suarum concionum structa, quam postea reges perillustrem structura & amplitudine maximā effecerunt, Anastasiāque nominarunt: siue ex eo, quod illa ipsa, quæ in concilio Nycæno constituta fuissent, & iamdudum Constantinopoli intermortua iacerent, in hac æde iterum emerferint, & reuixerint, Gregorij Nazianzeni concionibus, siue, inquit, cū esset in hanc ædem multitudo populi congregata, mulierque grauida ex superiori porticu cecidisset, eoque casu interiisset, communi facta omnium prece reuixit, ex eoque ædes appellata est Anastasia. Ex his Sozomeni verbis patet errare recentes hanc ædem diuæ Anastasiæ Romanæ attribuentes, descriptio regionum vrbis duntaxat appellat ecclesiam Anastasiam (quam ego arbitror esse) vnā fuisse ex his duabus, quas maximas & ornatas omni genere lapidum Cedrinus scribit incendio excitato regnante Leone conflagrasse, vnā non procul à Thetrapylo, alteram incumbentem foro Tauri. Cū de Bosporo

Thracio scripsi, demonſtraui, vt in cliuis infimis tertij collis vergentibus ad Septentrionem ſitæ eſſent petrae Scironides, à Megarenſibus & Corinthiis deductoribus coloniae Byzantinae ita nominatae ob ſimilitudinem diſſicilis loci, quam habent cum petris Scironiis ſitis inter iſthmum Corinthiacum, & Megaram. Iam verò quid tertius collis præcipuum contineat, dicam. Eſt in eius dorſo ſepulchrum Paiazi Regis cum Xenodochio, & ampla aede Mametana ab eo excitata ad ſimilitudinẽ Sophiae aedificata, quæ concamerata opere lateritio & tecta plumbo veſtibus habet amplum, ſtratum marmore albo, circumdatum quatuor porticibus, quas ſuſtinent inſignes colūnae exquiſitiſſimi marmoris, in quo medio exilit aqua in ſublime, deinde decidit in magnũ craterem emittentem aquam ſalientem multis ſiphunculis. Aedes cum veſtibulo, circumdata ex tribus partibus magna area, clauſa partim muris, partim Xenodochio, ex quarta parte contiguo hortu, in quo medio eſt ſepulchrum Paiazi Regis, aedícula Cylindri medijs ſimilitudinem gerenti circumdatũ. Præterea in tertij collis dorſo ſunt Palatia Gynæconitidum regiarum clauſa excelſo muro, qui cùm veniſſem Byzantium ambibat pluſquã duo miliaria. Nuper Soltanus Soleimanus occupauit mediã partem ingentibus ſubſtructionibus ſui futuri ſepulchri & Xenodochij, quæ nunc excitantur luculentis marmoribus conquiſitis ex multis regionibus imperij Turcici, vt videas humi iacētia infinita genera marmorum, non quidem nuper exciſa ex lapidicina, ſed infinitis antè ſeculis vagantia per diuerſa regnantium aedificia non modò Byzantij, ſed totius Graeciae,

ciæ, atque ad cō Aegypti. In regione septima, tres videntur cisternas antiquas, quarum non meminit antiqua urbis descriptio, vnam in foro Tauri, alteram inter Regis Paziæ sepulchrum, & forum Bezestannum, vtræque columnis marmoreis sustentatas: tertiã in tertij collis cliuo vergente ad Septentrionem, ad quam adhuc extant sex columnæ Corinthiæ marmoris Arabici affabrefactæ, benè proceræ & crassæ. Sub columnarum stylobatis est tubus aquæ testaceus, ex quo aqua defluebat in cisternam lateritiã, cuius concamerationem similiter lateritiã sustinent viginti pilæ lateritiæ. Supra cisternam olim erat area ædis religionis Christianæ, quam reges Turcorum demoliti sunt, eiusque rediuiui lapidibus ædificia sua adornarunt. In latere eiusdem collis pertinente ad occasum templum Mametanum extat, quod habet vestibulum sustentatum duodecim columnis, quarum sex Arabici marmoris. Paulò supra hoc templum est aliud templum olim dictum diuo Theodoro, ornatum columnis, id non illud quidem est, quod Procopius tradit Iustinianum ædificasse ante mœnia urbis in loco nuncupato Rheffio: alia ædes olim Christiana nunc Mametana extat inter septem mulierum & sepulchrũ, quod excitauit Rex Solcimanus filio suo Mametho, vestita crustis varij marmoris.

De octaua regione, & de postera parte tertij collis.

C A P I T V L V M VII.



OCTAVAM regionem fuisse à tergo tertij collis vergente ad Meridiẽ, non assequor ex antiqua regionum urbis descriptione, quæ tradit

octa

octauam regionem ex parte Tauri nulla maris vicinitate conterminam angustioiorem, quàm latiore spatia sua in latitudinem compēfare: ex hac enim descriptione nescio vergat ne ad Meridiem, an ad Septētrionem: sed ex eo octauam regionem agnosco, quòd tradit eam continuissē partem fori Constantini, & porticum sinistram Taurum vsque iam edoctus septimam regionem continuissē porticum dextram à columna purpurea ad forum Theodosij. Ex quibus intelligo partem promontorij, à mari pertinentem ad mare sitā inter columnam porphyreticam, & Taurum, in dorso diuidi in septentrionale latus, & meridionale porticibus dextris, & sinistris perpetuis à columna purpurea ad Taurum vsq; porrectis, diuidentibus septimā regionem ab octaua, illam continere porticus dextras, hanc sinistras. Harum porticuum nulla hodie vestigia extant, sed duntaxat via lata, quæ per medium promontorij dorsum à Sophia ad muros terrestres discurrit. Hæc regio continebat etiam Capitolium, & Basilicam Theodosianam, quæ ambo verisimile est fuisse prope Theodosij forum, eiusq; columnam, atque etiam ex Zonara & Georgio Cedrino colligere possumus, tradentibus incendium illud impetrante Leone excitatum consumpsisse in Tauro domum maximam, & maximè illustrem accommodatam consiliariis, & regi: illis quidem ad simul conueniendum, & consultandum de rebus agendis, huic verò cū esset Consul ad præsidendum consilio, quam iidem addunt habuisse duodecim colūnas varias ex marmore Troico factas, altas viginti quinque pedes, cuius tectum sustineretur quatuor arcubus, huiusque domus longitudinem

dinem adiungunt fuisse plus minus ducentorū & quadraginta, latitudinem verò centum quadraginta pedū, hanc domum fuisse Basilicam Theodosianā, aut Capitoliū. Ex his, quæ iam antè dixi existimare licet, quæ quidem ipsa post incendium quoquo modo fuerint re-
fecta nomen amisisse colligo ex recentioribus scriptoribus, tradentibus in Tauro fuisse Palatium & Xenodochium, à quibus non dissentiriū quidam senes Constantinopolitani, qui testatur etiam sua memoria circa domum, vbi hodie cuditur moneta, vicinam foro Theodosij fuisse Palatiū magnum, quod aliqui dicunt Mamethem Regem, qui cœpit Constantinopolim prius incoluisse, quàm construxisset ingens illud claustrum Palatij siti in primo colle, ex illiusque ruinis reges Turcorum sua ædificia ornasse. Xenodochiū, seu potius templum, quod erat ad occasum æstiuum. Tauri vidi dirui, ipsiusque columnas transferri in ædificationem Xenodochij, quod Rex Soleimanus in monumentum Charifilij construxit. Videant sacerdotes Græci, an hoc templum fuerit diui Pauli, quod septima regio continebat, ipse nunquam eorum quenquam inuenire potui, à quo id intelligere potuerim.

De nona regione, & de templo Concordiæ, & de horreis Alexandria, & Theodosij, & chermis Anastasiani, & de domo Crateri, & Modio, & de templo Solis & Luna.

CAP. VIII.

REGIONEM nonam fuisse à tergo tertij collis partim in cliuis subiectis sub dorsum, in quo Taurum dixi, partim subditis iugo, in quo vi-

ZZ.

demus partem aqueductus orientalem, & templū, quod filio dedicasse Regem Soleimanum antè dixi, partim in planitie litoris Propontici extēsi vsque ad Blanchæ hortos, vbi olim portus Theodosiacus, cū ex aliis scriptoribus colligo, tum maximè non modò ex antiqua descriptione, quæ tradit regionem nonam pronam omnem, & in Nothum deflexam extēsi maris litoribus terminari: sed etiā ex octaua regione, quæ cū ex parte Tauri nulla maris vicinitate terminetur, assequor octauam regionem occupasse planitiem dorſi, in qua dixi Taurum fuisse, non autē sub hanc planitiem subiectos cliuos, nonāque regionem sub octaua partim subiectam fuisse ex ea parte, quæ tēdit à Tauro ad Nothum, & littus Proponticum, partim positam fuisse in cliuis duplici inclinatione deuexis, vna à Tauro ad occasum hybernum, altera ab ædibus Genifarorū ad Meridiem: tum etiam ex æde Concordiæ percipitur, vbi nona regio fuerit: sed in qua parte huius regionis templū Concordiæ, horreāque Alexandrina, & Theodosiana fuerint, nona regio, quæ illa continet, non declarat: sed vel ratione, vel aliorum scriptorum testimonio consequi possumus. Euagrius vbi tēplum Cōcordiæ fuerit (quam regionum descriptio *ὁμόνοται* vocat) designat, describēs incendium imperante Leone excitatum in parte vr̄bis ad boream vergenti sēuisse à Bosporio portu vsque ad Apollinis templum antiquum, in parte verò vr̄bis meridiana à portu Iuliani vsque ad domos non longè sitas ab æde Concordiæ. In media autē vr̄be à foro Constantini vsque ad Taurum, idque incendium per longitudinem vr̄bis extēsum fuisse in quinque stadia. Ex quibus

quibus percipiemus id fuisse in ea parte regionis, nonæ
supposita lineæ porrectæ à foro Tauri ad littus Propon-
ticum, id quod clariùs liqueret, si quis à foro Constan-
tini ad forum Tauri quinque stadia ambulet, ibique
signum figeret. Deinde ex portu Iuliani per maritimam
planitiem quinque stadia versus Occidentem pergeret,
ibique alterum signum poneret, & cum altero ad Tau-
rum fixo conferret: non longè aberraret à vestigiis ædis
Concordiæ, quæ hodie non extat, neque templum Tho-
mæ Apostoli, quod fuisse prope ædem Concordiæ no-
scitur ex iis, quæ antea scripsi de portu Iuliani. Horreû
Theodosianum non longè à portu Theodosiaco posi-
to olim in hortis, qui nunc Blanchæ appellantur, verifi-
mile videtur nō modò ratione architectonica, quæ præ-
cipit horrea esse facienda iuxta portus, qui nulli sunt,
neque in octaua, neque nona regionibus: sed in duode-
cima regione vicina nonæ regionis ex ea parte, vbi fuit
portus Theodosiacus: sed etiam vero proximum appa-
ret Theodosium adornasse portum Theodosiacû hor-
reo & foro à suo nomine appellatis. Sed de portu Theo-
dosiaco plenius loquemur infra. Supra hortorum Blan-
chæ nuncupatorum, olim portum Theodosiacû conti-
nentium extremam partem ad ortû Solis pertinentem
clius à Septentrione eminet, in quo est templum vul-
gò nominatum Myreleos, habens intra se cisternā, cu-
ius camera lateritia sustinetur columnis marmoreis cir-
citer sexaginta, vbi horreum olim fuit, quod deprauatè
Suydas appellat horeium. Statua, inquit, Maimi, qui du-
xit exercitum contra Scythas, stabat in nuncupato ho-
reio, ante domû Crateri, quæ nunc est Myrelei, & prope:

manus æreas, propéq; modium æreum, modium autem fuisse iustam mensuram, quo pleno frumentum emere-
rur & venderetur Valētinianum Regem lege sanxisse, ut numismate duodecim modij venderentur nemine contradicente, quendam nautam hoc non facientem dextra manu mulctatum fuisse. Hinc manus æreas ibi statutas esse, modium æreum positum fuisse in fornice Amastriani inter duas manus æreas à Valētiniano: alij tradunt ex eo, quòd Valentinianus sanxisset, ut modius non ad regulam, sed ad cumulum venderetur, cuidam contrafacienti manus præcisas fuisse. Georgius Cedri-
nus loca Amastriani fuisse, inquit, appellata à quodam vili homine, cuius patria esset Amastrum ob paupertatem Constantinopolim profecto, siue ab infamia, quod omnes malefici & homicidæ ibi persoluerent pœnas, nomen turpissimum adeptum fuisse execratorum causa Paphlagonum. Idémq; scribit ibidem templum fuisse maximū Solis & Lunæ, Solis quidem in curru albo, Lunæ verò ut sponsæ ductæ in quadriga mariti, Phidaliæ opus. Infrà autem iuxta fundamenta sedisse in throno sceptrigerum populis præcipientē regnantibus obediendum esse, ibidémque iuxta solum fuisse Iouis statuā ex marmore albo, similis iacenti in lecto, opus Phidiæ. Quòd si Crateri antè nominata domus fuit Crateri Sophistæ, in ea fuit eius suggestus versibus Iuliani Aegyptij celebratus. Præterea nona regio continebat thermas Anastasianas, quas Marcellinus ait appellatas ab Anastasia sorore Constantini. Sozomenus narrat Marcianum Grammaticum docuisse filias Regis Valentis, Anastasiam & Carosam, ab earúmque nomini-
bus

bus appellata balnea, vsque ad suam ætatem Constantinopoli fuisse.

De tertia valle, & decima regione, de domo Placidia, & regia Placidiana, de aqueductu Valentiniano, & thermis Constantianis, & de Nymphæo.

C A P V T IX.

DECIMAM regionem vergere ad Septentrionem, & sitam fuisse in valle tertia, cuiusq; latere orientali, & in promontorij supra tertiam vallem eminenti dorso, per quod ab Occidente ad ortum aquæductus, tam fornicati supra terram, quàm concauerati subterranei feruntur, ex regionum vrbis descriptione liquet, tradente nonam regionem pronam omnem, & in Nothum deflexam, extēsi maris littoribus terminari: decimamque in aliud ciuitatis latus à nona regione platea magna velut fluuiio interueniente diuidi, effēque tractu planiorem, nec vsquam præter maritima loca, inæqualem longitudini eius, latitudine non cedente contineri templa sancti Acacij, thermas Constantinianas, domum Augustæ Placidia, Nymphæum maius, aliâque plura, quorum nulla nunc extant, neque quantumlibet diu & diligēter vestigarim, à nemine viuientium intelligere potui, in qua parte regionis decimæ fuerint, duntaxat nonnulla excerpti ex mortuorum scriptis. Ex quibus deprehendi erratum esse in libello antiquæ descriptionis regionum tradente decimā continere thermas Constantinianas, quas nullas fuisse Constantinopoli inuenio, sed duntaxat Constātianas, quarum meminit Sozomenus Salaminijus loquens de his,

qui quod Ioanni Chrysostomo fauissent ex Constanti-
nopoli effugiebant. Sentiētes, inquit, populi impetum,
postridie templum magnum reliquerunt, & Pascha ce-
lebrarunt in publico balneo multæ multitudinis valde
capaci, nominato à Constantij Regis nomīne. Suydas
dicit Elladium Alexandrinum tempore Theodosij par-
ui scripsisse Ecphrasin thermarum Constantianarum.
Socrates tradit Valentem Regem muros Chalcedonis
iussisse euerti, & lapides ad Constantinopolis publicum
balneum ædificandum transportari, cui nomen esset
Constantianæ. Additque in vno lapide, ex his, qui trās-
portati essent, incisum fuisse oraculum, quod iam inde
ab antiquis temporibus in occulto fuerat, tunc manife-
stum factū esse, significans cū in vrbe foret abundans
aqua, tunc quidem murum balneo fore vsui. Sed infi-
nitas gentes barbarorum in terram Romæorum excur-
suras, multa mala parraturas, tandēque & ipsas peri-
turas esse. Socrates addit oraculum quale fuerit,

Ἰλλ' ὅτε δὴ εὐμφοὶ θροσὸρῶν ἤϊ' ἄςυ χορῶν
τόρπομῶναι εἰδόντ' δυσφείας ἐπ' ἄγνας,
καὶ τῆχ' ἄρτοιο πολύστονον ἔσσι' ἄλκαρ.
Δὴ τό τε μέγα φύλα πολυαστρέων ἀνθρώπων
ἄγρια μαρμαίροντα ἐκπλῶ ὑπὲρ μέλα ἀλλῶν
ἴσσυ κακὰρτοιο πόρον σταδάντα σὺν ἀγχιμῶ,
Θρηκίης δ' ὑπὲρ μέλα σὺν ἐλπίσι μακρομῶνισιν.
Αὐτοκρον βιύβιο τίλ' , καὶ πότμον ἐπίσσω.

Zonaras & Cedrinus similiter hoc vaticinium ponunt:
sed eo loco, quo Socrates dicit θροσὸρῶν, scribunt ἰσρῶν,
aliāsque voces ponunt differentes, nempe pro ἄρτοιο, ἄ-
ρτοισι: pro ἄγρια μαρμαίροντα, ἄγρια μαρμαίνοντα: pro κακὰρτοιο,
κακὰρ

λεμψίαι. Socrates sic interpretatur oraculi versus. Hoc vaticinium, inquit, contigit postea, cum Valens aquæductum construxisset, aquamque copiosam vrbi præbuisset, tum barbatae gentes inuaserunt agros Romanorum. Hoc vaticinium alio modo potest interpretari, postea enim quam Valens aquæductum in urbem induxisset, Clearchus vrbis præfectus ex aquæductu derivatum maximum *ὕδατος* construxit in foro nunc nuncupato Theodosij, quod voce populari decantatum est aqua abundans, in quo festum hilarem vrbs egit. Hocque esse prædictum à vaticinio, *ὁ χορὸς τοῦ πόντου ἐστὶν ὁ ὕδατος* *κατ' ἀγῶνας*. At quædam secundū vaticinium paulò post facta sunt, cum murus Chalcedonis euertetur Byzantij, & Nicomedenses, & Nicenses, & Bithynenses obsecrabant Valentem Regē, vt desisteret euertere muros. Rex iratus vix suscepit eorum preces, itaque vt se à iuramento exsolueret quo se obstrinxerat demoliturum, muros Chalcedonis simul demoliri iubebat, & simul implere demolita alteris lapidibus longis, & nūc licet videre in quibusdam muri partibus, vt maximis & admirabilibus saxis structura vilis superedificata fuerit à Valente. Similiter Zonaras & Cedrinus dicunt Valentem multatē Chalcedonios, quod tutati fuissent Procopium suum hostem ex ruinis murorum Chalcedoniae saxa traduxisse ad structuram aquæductus, quem Zonaras appellat Valentem, Cedrinus modò Valētem, modò Valētinianum: quo copiosam aquam in urbem induxit, tum ad vsum alium, tum ad balnea: ex quo vr-
bis præfectus effecit in Tauro Nymphæum vr-
bis magnitudine dignum, solennique festo indicto omnem
popu

populum conuiuio excepit: ac non multo pòst (vt prædictum fuerat) barbarę gentes in Thraciã incurſarunt, quę poſtea deletę ſunt. Aquæductus Valentinianus adhuc extat excelsis fornicibus, à cliuis quarti collis ad cliuos tertij collis, pergens per decimam regionem, cuius non meminisse antiquam vrbis regionum descriptionem mirarer, cùm meminerit horreorum Valentinianorum, nisi etiam permultorum ſua ætate extantiũ monumentorum non meminisse ſcirem, regnante Constantino Leonis filio Iconomacho anno à Chriſti humano Natali die ſeptingenteſimo quinquageſimo nono tanta fuit ſiccitas, vt ne ros quidem de cœlo caderet, exaruerintque Constantinopoli cisternę & balnea, & fontes, qui prius iuges fluebant, quod intuens Conſtantine Imperator, aggreſſus eſt renouare aquæductum Valentinianum, quem cùm vſque ad Heraclium incolumis is permanſiſſet ab avaribus dirutum, reſtituit accerſitis fabris ex diuerſis locis ab Aſia quidẽ, & ponto mille ædificatores, & ducẽtos albatores, à Gręcia quingentos figulos laterculorũ, ex Thracia quinq; millia operariorum, & baiulum, & ducentos fabros tegularũ: quibus omnibus præfecit principes, executorẽsq; operum, ac patricium vnum. Itaque opere perfectõ, aqua introiuit in vrbem, diſcurrens per confinia nonę regionis, & decimę. Multi enim aquæductus per dorſum ſex colliũ diſcurreunt ſubterranei, & vnus ſupra terram Valentinianus, quem qui ſcripſerunt de rebus geſtis Andronici tradunt per magnum forum euntem, & ferentem aquam dulcem, & puram Andronicum Regem renouauiſſe, & auxiſſe, addidiſſeque ei fluuiũ, quem nominant

Hydr

Hydralem: ad cuius fontem turrim & Palatium construxit, quo æstate recrearetur, ex eodémq; fluuio aqua duxit in vrbis locum, quem vocant Blachernam: sed turrim Andronici odio Isacijs successor euerit. Procopius dicit Iustinianum Acacij ædem exolescētem restituisse, & columnis vndique albis illam circūdedisse, similibusq; marmoribus ædis solum constrauisse, ædemque lapidum candore vestiisse, vt omne templum niuib; tectum videretur. Porticus autem ædi adiectæ sunt duæ, quarum altera vergēs ad forum columnis circumdata est. Iam antedicta verba Procopij desunt Codici ædito, itaq; eo studiosius addidi. Acacij templum Georgius Cedrinus ait fuisse in loco appellato Heptascalo, alij scriptores dicunt diui Acacij ædem appellatam in Scala, quam iam nulli vbi fuerit, cognoscunt: sed qui diligentius inquirere volet, dabo ei hanc notulam. Inuestiget domum maximam, quam Cariam historiæ appellant, ex eo, quòd nux esset in area illius: vnde aiunt Acacium martyrem suspensum interiisse, & delubrum inde ei consecratum fuisse, quod aliqui putant in Neorio situm fuisse, ex eo, quòd legerint apud plerosq; scriptores Acacij imaginem ex calculis vitreis inauratis factam, positam in templo ad Neoriū sito fuisse. Sed hic Acacius alius est, quem non modò Historici, sed etiam Grammaticus Suidas tradunt, Episcopum Constantinopoleos fuisse regnāte Leone Macello adeò ambitiosum, vt multi Acacij imagines ponerēt in tēplis etiamnum viuentis. Inde existimatū Doxomanem, iam verò Placidia domum vidimus in prima regione, itaque videan rectè legatur in hac decima regione domus Pla-

cidia, an potius legendum sit Placilla, an Placida: nam Agathius meminit regiarum Placida, siue Placidi his versibus, quos cum inscriptione mox addam:

Εἰς εἰκόνα ἀναπνεύσας ὃν οἶς πλακίδος, ὑπὸ τῆς

Ἑρμῆος σκεῖνίς ἀγένης χολαστικῆς.

Θυμῶν παμβασιλῆος ἀμυφία λιδομονῆα

ἀντίσας οἱ πτόν τεύμα μετόρχεμενοι

Θεωσθένος ἄγχιςα σικνωσίδος ἰσθμῶς καὶ αὐτῆς

Εἰκότι χώρον ἔχε γέγονα λαοκράτης

Αὐτὸς γὰρ Ζαθέσιο θρόνος ὑψώσε μελᾶδρος,

Ἐλῆθον σὶ ζήσας, ἀλλὰ μὴ θυσιῆς.

Post Scironides petras, quas antè dixi fuisse in latere septentrionali collis tertij, Dionysius Byzantius in planitie maritima tertiæ vallis, & quarti collis, dicit esse litus longum non deterius vlllo optimorum ad capturam piscium: nam maximè profundū est etiam iuxta oram maris, & quietum, vbi olim locus Cyclo nominatus, ex eo, quòd Græci barbaros ibi interclusissent: vbi etiam est ara Minervæ dissipatoriæ, designans dissipationem barbarorum interclusorum. Cyclo locum sequitur Melias sinus piscationi aptus siquis alter, elatis promontorij lingulis, atque vtrinque saxis occultis conclusus, nunc in hac valle sinus non est vetustate obrutus, & exadificatus, quod non modò ex sinu Melia, sed etiam ex Strabone coniecere liceat, cùm ait sinum Ceras ideo appellari, quòd multis recessibus velut cornu ceruinum ramifusus sit, nunc recessus illi non sunt, nisi perpauci. Zosimus, qui scripsit historiam temporibus Arcadij & Honorij, testatur sua ætate tantam fuisse Constantinopoli multitudinem incolarum, vt non modò imperatores

muros

muros vrbis longiùs Constantinianis muris promou-
erint, sed etiam non paruam partem maris ambientis vr-
bem obruerint palis circumfixis, & ædificiis supra palos
impositis, quid ex tēpore Arcadij & Honorij, & quan-
tum obrui potuit, ex tot & tantis ruinis vrbis proiectis
in mare. Meliam sinum, inquit Dionysius, excipit locus
appellatus *ἡ λίμνη*, à terra inter paucas apta ad horten-
sem culturam: post hortum sequitur locus Apfalius ap-
pellatus, ex ea re quam diximus in Bosporo.

LIBER QVARTVS.

De vndecima regione, & de quarto & quinto collibus.

CAPVT. I.



VNDECIMAM regionem vix agnouis-
sem ex vrbis regionū descriptione, quæ
eam dicit spatio diffusam liberiore, nul-
la parte mari sociatam esse. Verum eius
extensionem tam planam, quàm etiam
collibus inæqualem: nisi addidisset illam continere in
se martyrium Apostolorum. Quod etsi hodie non ex-
tat, tamen ex memoria senū Constantinopolitanorum
inuestigavi fuisse in dorso quarti collis deuexo in iugū
tertiæ vallis prope officinas Ephippiorū, & sepulchrum
Mamethi Regis: quo cognito, assequor regionem vn-
decimam in quarti collis fuisse dorso, eiusque lateribus
tam vergentibus ad boream, quàm sitis in eius tergo:
hancque regionem attigisse vrbis muros terrestres vn-
decimam regionem diuidentes à decimaquarta regio-
ne, quæ spatio interiecto diuisa erat ab vrbe muro pro-

prio vallata, quam in sexto colle extra Constantiniana nicænia infra ostendam, inclusamque postea fuisse à minore Theodosio. Constantiniani muri traduntur ab Eugenij turri perrexisse vsque ad templum diui Antonij, & ædis Marianæ, quæ nuncupabatur Rabdos, inde assurrexisse vsque ad Exacionion terrestres, murum, quod dicunt appellatum fuisse ex eo, quod extra muros terrestres esset columna sustinens Constantini magni statuem. Recentes scriptores tradunt Constantinum excisasse ædem diuinæ Trinitatis in loco nuncupato Exacionio, nunc nominatum ædem diuorum Apostolorum, qui, si rectè existimo, Constantini muros fuisse constructos in confinio quarti collis & quinti, prope Exacionion. Georgius Cedrinus ait terræmotu horribili cecidisse partes vrbis ad Exacionion sitas, vt muros vrbis, vt templa decora, vt splendidas domos, iidem authores recentes non sibi constantes alio loco dicunt porticus à miliario pertinuisse ad Taurum vsq; & Bouem æream, & portas Ioannis Hippodromi, quæ distant à templo Apostolorum plus mille passibus Romanis, tantundemq; fere à muris à Constantino positis: id quod coniici fortasse potest ex Sozomeno. Theodosius, inquit, contra Eugenium educens exercitum, egressus vnum miliare extra Constantinopolim in æde diui Ioannis Baptistæ, quam ipse construxerat in Hebdomo suburbio, adeo precatus est, vt sibi exercituiq; feliciter exitus belli cuceret: ita enim Græcus habet Codex Sozomeni, Θεοδο-
 ρος ὁ Κωνσταντινουπόλεως ἱστορικὸς πρὸς τὴν ἐκδόμην μιλίῳ χηρόμε-
 νῳ πρὸς τὴν ἀπὸ τοῦ Θεοδοσίου ἐκκλησίαν ἢ πρὸς τὴν ἐκκλησίαν
 τὴν ἐκκλησίαν ἐκδομένην καὶ τὴν αἰσίαν αὐτῆς καὶ τὴν ἐκκλησίαν καὶ τὴν
 αἰσίαν

μαίσις ἡμέρας τῆς ἑβδομάδος. Qui nesciunt Hebdomū esse suburbanum Constantinopolitanū, interpretarentur septimum miliare Theodosium extra urbem egressum: at Hebdomum suburbium esse ex eodē Sozomeno liquet, cū alibi dicit Theodosium caput Ioannis Baptistæ ex vico Cossao nuncupato, qui Pâtichio Chalcedonis vicinus erat, transtulisse, & posuisse ante Constantinopolim in loco Hebdomo nūcupato, quem nos suburbium olim fuisse, nūc verò intra muros urbis esse in sexto colle declarabo: infra quod si colūna, à qua dicunt appellatum locum Exaciation fuit, illa, quæ in dorso quinti collis bene excelsa vndique procul longè eminere supra omnes domos paulò ante videbatur, faciliè intelligeremus muros, quos posuit Constantinus non processisse vltra hanc columnam distantem à templo Apostolorum circiter quatuor stadia. Hāc columnam transferri vidi in ædificationem ædis, quam Rex Soleimanus construere aggressus est. Cuius scapus est marmoris Pyrropæcili, altus circiter sexaginta pedes, eius perimeter est tredecim pedum & dodrantis capitulum Corinthium quidem, sed marmoris albi. Eius stereoma & stylobates, & basis sunt etiam marmoris albi, stereoma altum, vt id scalis ascendere habuerim necesse, stylobates altus quatuor pedes & nouē digitos, plinthus pedem & sex digitos. Græci & Turci vtrique sua lingua hanc appellabant columnam Virginis, quā puto fuisse illam celebratā recentiorum scriptis supra collem positam, sustententem Veneris statuam lapideam, quæ virgines suspectas de stupro discernebat ab integris: nam si integræ & puræ ad eam propè accessissent,

incolumes discedebant, sin corruptæ, inuitæ, & nolētes se denudantes sua pudenda ostendebant. Cū regionū vrbis descriptio ait vndecimam regionem nulla parte mari sociatam fuisse, existimare oportet planitiem sitam inter sinum Ceratinum, & radices collis quarti extra urbem fuisse, cū etiam eadē descriptio regionum dicat vrbis latitudinem continuisse pedum sex millia centum quinquaginta, hoc est, vnum miliare, & ducentos triginta passus, latitudo autem Isthmi pergens per collem quartum & septimum, per quos antiquus murus pergebat, excedit præscriptam latitudinem. At Zosimus antiquus historicus tradit Constantinum magnum muris urbem cinxisse, qui omnem Isthmum à mari ad mare interciperent. Itaque oportet in decima regione ponere planitiem sitam inter sinum & radices quarti collis.

De templo Apostolorum, & sepulchro Constantini magni, de cisterna Arcadiaca & Modestiaca, de Palatio Placiliano, & Boue arco.

CAPVT II.

EVSEBIVS scribit Constantinum magnum templum Apostolorum ædificasse in altitudinem immensam, idquē vestiuisse omni genere marmorum variorum, & fulgentium ab imo solo ad tectum, quod totum tenuibus lacunaribus auratis ornauit, tegulisque æreis textit multo auro perlitis splendorem eiaculantibus etiam in eos, qui vel procul illas intuerentur. Structura templi superior ex ære & auro eminenti expressione elaborata cancellos & fenestras habens,

habens, templum circumdabat. Circa templum aula illustri-
 bus erat in aërem purum & apertū patens, cuius por-
 ticus dispositæ in quadrum circumdabant aream sub
 dio expositam. Iuxta porticus distendebantur regiae æ-
 des, & balnea, & *ἀντακμυτήρια*, aliæque permulta domi-
 cilia æditimorum, aliorumq; ministrorum templi com-
 modè ædificata. Hæc omnia Pius Rex in memoriam
 Apostolorū Seruatoris nostri posteritati tradidit, duo-
 decimq; ibi loculos velut stellas sacras memoriæ Apo-
 stolorum consecrauit, atque arcam, in quam ipse post
 mortem includeretur, in medio Apostolorum posuit,
 vtrinq; stipatam sex Apostolis. Socrates adiungit cor-
 pus Constantini aureæ arcæ impositum, in urbem Con-
 stantinopolim tulerunt eius necessarij, & sepeliuerunt
 in templo Apostolorum. Zonaras Eusebium videtur
 non legisse, cum ait id sepultum in eode Apostolorum in
 porticu, quam ad sepeliendum patrē Constantius con-
 didisse traditur. Secundum viam latam, quæ tendit per
 dorsum promontorij ab æde Sophiæ ad portam Adria-
 nopolitanam prope locum, vbi fuisse templum Aposto-
 lorum antè dixi, hodie monstratur solium ex Porphy-
 retico marmore factum, sed vacuum, & carens opercu-
 lo, longum decem pedes, altum quinque pedes & semis-
 sem, quod Græci & Turci dicunt esse magni Constan-
 tini: sed quàm verè, ipsi viderint. Mihi verò dubium vi-
 detur ex Eusebio & Socrate, tradentibus in arca aurea
 situm fuisse, nisi fortasse arcam auream in solium illud
 Porphyreticū incluserint. Zonaras dicit Theodoram
 uxorem Iustiniani ædem nuncupatam Apostolorum
 construxisse. Fuerat, inquit, ibi ante Apostolorum tem-
 plum

plum à Constantino ædificatum, non quale nunc est, sed minùs pulchrum, & multò inferius. Procopius iam inde ab antiquis temporibus ait fuisse Constantinopoli templum omnibus Apostolis sacrum, vetustate iam dirutum, ac casui obnoxium, quod Iustinianus totù demolitus non modò renouare, sed & pulchriùs, & maius efficere studuit in figuram crucis: cuius pars recta ad orientem & occidentem Solem existit. Transuersa verò altera ad vrsam & vêtum austrum, muris quidem vtraque extrinsecus septa, intrinsecus verò circumornata columnis supra, infrâque stantibus. Euagrius videtur ignorare à magno Constantino id constructum fuisse, cum ait id à Iustiniano conditum fuisse, qui profecto, vt pleraque alia non primus condidit, sicut asserit Procopius adulans rhetorum more: sed renouauit vetera, aut collapsa restituit, aut incensa reædificauit. Huius ædis nulla restant vestigia, iam ne fundamentorum quidem: nisi fundamenta quædam Cisternæ, quæ aquam suppeditabant ædi Apostolicæ, in cuius quidem cisternæ solo sunt officinæ, & tabernæ Ephippiorum circiter ducentæ, vbi fiunt, & venduntur non modò Ephippia, cæteriâq; equorum ornamenta Turcica: sed etiam vasa ex corio ad hauriendam aquam scitè facta, tum pharetræ, arcæ corio tectæ. Supra hanc cisternam ædes Mammetana cum Xenodochio sita est in planitie, quâ Mamethes, qui urbem cœpit ex ruinis cum aliarum ædium Christianismo sacrarum, tum ædis Apostolorum vicinæ ædificauit ad similitudinem ædis Sophianæ, ex lapide quadrato: testudinèque semicircula textit lateritio opere facta, plumbo tecta, vt sunt omnia Turcica ædificia

ficia publica: vestibuloque ornatissimo eam illustrauit
 quadrato, tam lato, quam ædes ipsa, marmoreis pau-
 mentis niteti, & porticibus in quadrum dispositis: qua-
 rum arcus sustinentes concamerationem earundem co-
 lumnæ ingentes exquisitissimi marmoris sustinent. In
 medio vestibulo, seu atrio est Enneacrinos, defiliens in
 magnum craterem marmoreū circa ædem, ingens area
 partim parietibus, partim longis ædificiis cincta, quo-
 rum partem possidēt sacerdotes, & literarum doctores,
 partem orientalem hortus muris clausus, in quo medio
 est sepulchrum Mamethi Regis, quod constructum est
 in figuram cylindri, velut delubrum hemisphericū ex
 marmore candidissimo: tectum plumbo, fenestris can-
 cellatis, & porta cum vestibulo ornatum. In huius me-
 dio solo est solium Mamethi holoserico tectū, solum
 stratum stragulis Attalicis, in quibus desident perpetui
 flamines, sodales illud noctes & dies seruantes. Extra a-
 ream viam duntaxat inter media. Xenodochia ingen-
 tia sunt lapide quadrato similiter ædificata, areas in
 medio habentia, & porticus columnis marmoreis cir-
 cūdata. Xenodochiis adnexi horti magni, muris clausi,
 denique ædis hæc cum circunuicinis ædificiis clauden-
 tibus Ariam, & cum Xenodochiis continet in ambitu
 circiter sex stadia. Sub horum ædificiorū claustro idem
 Mamethes thermas construxit totius vrbs maximas in
 solo cisternæ antiquæ, quam arbitror aut Arcadiacā,
 aut Modestiacam, quas regionum vrbs descriptio po-
 nit in vndecima regione. Hæ thermæ duplices & gemi-
 næ sunt, nempe viriles & scemineæ, inter se quidē con-
 iunctæ, sed portis diuisæ contrariis, quibus ingressus non

patet ex thermis alteris in alteras thermas: describam duntaxat viriles, cui similes sunt fœmineæ. In primo aditu habent Apodyterium, ex quo patet introitus in Tepidarium, ex Tepidario in Caldarium, quibus tribus membris thermæ constant inter se adiu cõiunctis, sed tecto & pariete diuisis in rectum ordinem dispositis. Apodyterium est ædificium quadratû lapide quadrato constructum ysq̃ue ad cõcamerationem rotundam opère lateritio factam, cuius ambitus interior continens ducentos & quadraginta pedes, & octo digitos, circumdatur suggestu lapideo lato plus sex pedes, alto tres pedes. Paries Apodyterij à pavimento ad imas radices concamerationis altus triginta septem pedes. In medio Apodyterij solo marmoribus strato. Crater magnus marmoreus in ambitu continens triginta septem pedes, altus tres pedes plenus aquis salicetibus. Ex Apodyterio duabus portis patet aditus in Tepidarium ædificium in ambitu interiori continens centû pedes, constans quatuor arcibus sustinentibus tectum hæmisphæricum efficientibus octo cellas, quarum vnam dimidio cæteris minor habes à tergo latrinas, in quas totius balnei aquæ confluent ad eas purgandas. In huius pariete fistula aquæ defluit, qua Turci, vt solent, ab excrementis redditis lauantur. Ex his octo cellis sunt sex singulæ habentes labrum, sed ita dispositæ, vt ex duobus arcibus singuli in medio habeant vnam cellam, ex qua ad dextram & sinistram ingressus patet in aliam cellam. Alij duo arcus sic cellas habent, vt is, qui est versus portas, ex quibus dixi aditum Apodyterio in Tepidarium, habeat cellam tam magnam, quàm ipse amplius est, in quo

quo labra sunt vbi in pauimento marmoreo pannos Turci lauant. Quartus arcus substructo muro diuidit Tepidarium à Caldario. In medio Tepidarij est Crater cum Siphonibus salientibus. A Tepidario vna porta aditum præstat in Caldarium tertium membrū, quod constat octo arcubus sustinentibus hemispherium, efficiētibz octo cellas extra magnū hemispherium recedentes circulantibus Caldarium in ambitu continens circiter nonaginta pedes, habens solum marmore stratum, quod medium efficit velut suggestū octogonum in circuitu continentem quinquaginta septem pedes & dodrantem, altum duos pedes & quatuor digitos, quem circundat alueus discurrens inter octogonum & pauimentum, quo aditur in cellas, tam altum, quàm octogonum. Cellæ quatuor interiores positæ in quatuor angulis, quoquo versus sunt latæ vndecim pedes & tres digitos, vsum præstantes Laconicorum, quorum sicco calore sudor elicitur, eadem est mensura duarum cellarum extra duos arcus recedentium. Aliæ sex cellæ semicirculæ, quas efficiunt sex arcus, sitæ sunt in ambitu hemisphærici Tepidarij largæ inter imas pilas arcuum vndecim pedes, latæ quinque & dodrantem. Singulæ cellæ habent labrum marmoreum, præterea in vna est solium marmoreum magnum in parietibus Caldarij & Tepidarij, & cellarum, nullæ fenestræ sunt, sed duntaxat in tectis hemisphæricis, quæ tota ferè plena sunt foraminibus, quæ clauduntur vitreis supra tectum eminentibus, lampadis inuersæ similitudinem gerentibus. Extra thermas est hypocausti præfurniū, largum duos pedes & semissem, totidem altum. Perenni igne milia-

rium arcum inuersum calefacientis, & flammarum vaporem eiaculantis in cuniculos rectos, & transuersos subterraneos calefacientes pauimentū thermarum superimpositum. Riuus ductus ab agro suburbano non longè à præfurnio, canalem efficit largū sex pedes. Ex hoc deriuantur cuniculi siue tubuli discurrentes per medios parietes circum thermas, quorum vnus transiens supra patinam miliariam calidam aquam intromittit salientem in labra epistomiis clausa, alter supra concamerationem primi canalis transiens frigidā in eadem labra ministrat altioribus fistulis, quas epistomiis clausas referant, quōties lauantes calidam temperare volūt, sed de vsu lauandi Turcorum, & de ratione ædificandi balnea separato locò tractandū est. Nunc redeo ad institutam regionem vndecimam, quæ Palatium Placillianum continebat, cuius Procopius meminit: Cū, inquit, Regem Iustinianum Theodora Regina consolabatur his verbis, Habemus regias alias, quæ Helenæ appellantur, & Placillianæ à Placilla vxore magni Theodosij, quem vt Iustinus Sophiam coniugem illustrauit regiis Sophianis nuncupatis, ita verisimile videtur Placillam nobilitasse Palatio Placillano, quam vehementer amasse Theodosium toti orbi patefecit Theodosij ira, qua ille exarsit in Antiochenos, quos in Laodensium tradidit potestatem, quod Placillæ statuas in foro suo positas euertissent ob nouum vectigal impositum. Non addam iam cur Chrysostomus Andriantes scripserit. Potest etiam legi Palatium Flacillanum, à Flacilla, de qua Claudianus,

Sola nonum Latijs vectigal Hiberia rebus

Contu

*Conculit Augustos, fruges araria miles
Undique conveniunt, totoque ex orbe leguntur
Hæc genera, qui cuncta regant, nec laude virorum
Censeri contenta fuit, nisi matribus æquè
Vinceret, & gemino certarim splendida sexu*

Flaccillam Mariamque daret, pulchramque Serenam.

Bos æreus in undecima regione fuit, sed in qua parte, conicere possemus ex magna cisterna, quam recentes Historici tradunt conditam fuisse prope Bouem æreum à Niceta Eunuchō temporibus Theophili Regis, si hæc extaret: aut si extat, eius nomē retineretur: aut si forum extaret, quod nonnulli scriptores appellant Bouis forū. Ioannes Tzetzes in sua historia idem esse dicit forum Bouis & Bouem locum ex æreo Boue sic appellatum. Is qualis fuerit, intelligitur ex Zonara, Phocæ, inquit, tyranni corpus infelix combustum fuisse ad locum nuncupatum Bouē, ubi caminus fuit ex ære factus figuram Bouis maximi gerens, ex Pergamo aduectus. Cedrinus scribit in hunc Bouem inclusum martyrem Antypam exustum fuisse. Quanta autem crudelitate laborarint aliquot tyrānī Constantinopolitani, qui maleficos hoc tormento excruciant, ex Tauro Agrigentīnorū ostenditur, quem Phalaridī tyrāno fecit Perillus à Plinio vocatus, ab aliis rectiūs Perilaus, Atticus faber ærarius munitus hominis pollicitus igne subiecto, primus illū expertus cruciatum iustiorē sequitā artificis: cuius opus, ut Plinius ait, nemo laudat, & diu olim servatum est, ut quisquis illud viderit, odio persequeretur artificis manus. Quæ causa artificē incitare potuerit, ut caminum effingeret in formam Bouis, non aliam veriorem repe-

rio, quàm vsum linguæ Græcæ, quæ caminos appellare solet Boues bonis lateribus, & robore præstâtes. Vt enim camini habent præfurnium in latere velut portam, ita Perilaus portam in latere Tauri effecit. Bouem hunc æreum traductum Constantinopolim fuisse ex Sicilia, aut Italia, potiùs quàm ex Pergamo, coniicio ex direptionibus regum Constantinopolitanorum, qui totum orbem spoliarunt vt suam nouam Romam ornarent. Iam verò vbi hic Bos æreus fuerit, à permultis ciuibus percunctatus sum, sed à nemine intelligere potui: quâuis non ignorent Bouem quendam fuisse Constantinopoli æreum, quamuis à maioribus suis, quasi per manus oraculum de hoc Boue æreo traditum iactitare soleant. Quamuis eius interpretationem suis temporibus attribuant rectiùs, quam Ioannes Tzetzes vir quidem eruditus, qui in sua varia historia ante trecentos & septuaginta annos scripta ita id interpretatur. Oraculum, inquit, Constantinopoli iactabatur eiusmodi, *ὁ βοὸς βοῶν καὶ ὁ ταῦρος ὀύει*. Bos mugiet, taurus lugebit. Ex hoc Constantinopolitani imaginati sunt fore calamitates, & metus, vt innumerabiles exercitus Alemannorum, atque aliarum gentium contra Constantinopolim venturi essent, omnèsque, quòd expectarent vrbis euerisionem, direptionemque obstupescierant, atque in somniis perturbabantur. Tum vxor Megaletararchi perterrefacta prænuntiatione exercituum illorum innumerabilium, & peruulgatis versibus fabulosè compositis, effigente animo ea, quæ metuebantur, existimauit se videre per insomnium illa, quæ in sermonem hominum venerant. Constantinopolim primò quidem ha-

bere

bere murum lateritium, circa verò Bouis forum, siue ad
 Bouem, locum visa est videre exercitum, atque copias
 armatas, circa Taurum hominem mœstum, percussu
 manuum & lugubri voce dolorem testantem. Hoc in-
 somnium mulier conspicata præsignificare extremam
 calamitatem impêdere vrbi arbitrata indicauit Tzet-
 zæ, qui interpretatus est murum lateritium prædicere
 frugis abundantiam, atque annonæ copiam Constan-
 tinopoli. Scitis, inquit, qui adestis, vbertatem annonæ,
 quæ tum fuit, illud verò exercitum, & multas copias ar-
 matas circa Bouem esse, atque mœstum hominem ad
 Taurum sedere, dixit finē esse oraculi peruulgati: illius
 dico, quod prænūtiat Bouem clamaturum, & Taurum
 ciulaturum. Sed non vt imaginati sunt ij, qui metus co-
 gitant, sed finem esse ad vtilitatem omnibus nobis ci-
 uibus. Itaque audi Augusta, & doce etiam alios, & dic
 " Tzetzes ita me docet, Bouem nos Græci fœminam Bo-
 " uem nuncupamus quanquam interdum Taurum, &
 " Vitulum Bouem appellamus, Taurum autem propriè
 " Bouem matrem nominamus, Taurum autem hunc Ita-
 " lum vocant Latini. Bôs igitur nostra nempe vrbs Con-
 " stantini ex Tauris Italæ Romanis condita omni gene-
 " re armorum plena, & com meatibus, & exercitibus clas-
 " sicum canet contra hostes, Taurus verò Italus exercitus
 " Latinorum expallescet multo metu, & lugebit, si Rex
 " non seducatur potentis sermonibus. Arguta quidē hæc
 Tzetzis interpretatio, vt hominis adulantis Regina, &
 sibi facile persuadentis, quæ cupiebat: vt est ingeniosa
 hominum imbecillitas ad se circumscribendū. Sed lon-
 gè verior erat illa, quam redarguere Tzetzes conatur,
 peruul

peruulgata oraculi interpretatio, quæ tum per animos Constantinopolitanorum peruaſerat, exercitum Latinorum expugnaturum eſſe Conſtantinopolim, vt reuera paulò poſt expugnauit, diripuit, incendit, vrbisq; tyrannos alios ex Tauri ſumma colûna Theodoſij præcipitauit, alios ad Bouem æreum combuſſit. Similiter idem Tzetzes argutulus videri cupit coniector alterius oraculi, quod ipſe narrat & interpretatur, ſed frigide & ridiculè: vt poſtea docuit exitus, *καὶ σὺ εἰς ἑπτάτοφον ἢ ἑξήκοντα χιλιάσας*. id eſt, Væ tibi Conſtantinopoli, ſeptem colles incolenti, mille annos non ages. Id oraculum fuit alterum Conſtantinopolitanis, vt illud quod antè dixi, Bos clamabit, & Taurus ciulabit. Poſtquam, inquit, illud ipſum pulchrè & commodè diſſoluiſſem meæ interpretationi, alterum obiectum eſt: ſcilicet, O Conſtantinopolis, quæ ſeptem colles incolis, non mille annos ages. Sic interpretatus ſum, non eſſe intelligendum, vt vulgò intelligunt *καὶ* aduerbium luctuoſum non eſſe vnâ partem, ſed duas partes orationis, nempe & negationem, at *καὶ* ſignificare ſiue: & ita aptandas eſſe, ſiue ò Conſtantinopolis mille annos non ages. Sed intra mille annos eſſe euertaris, tamen non væ, & luctus tibi, ſed gaudiū erit, vt maior extruaris, vt amplius ſplendeas. Diſſolueris enim ad bonum eorum, qui te diſſoluent. Occultè adulator principibus ciuibus factionū de imperio contenditium: nam ſi de hoſtibus externis intelligeret urbem diſſoluturis, delira eſſet illius interpretatio, ſed quoquo modo intelligat, delirat. Nam ſiue à ciuibus, ſiue ab externis diſſoluta eſt, non gaudium fuit Conſtantinopoli, neque modò diuinis oraculorum prænuntiationibus prædi

prædictum est Constantinopolim mille annos non duraturam, sed etiam Astronomorum præscientia. Quidam, sicut ait Suydas, historiarum monumentis prodiderunt Constantinum magnum postquam urbem absoluisset vocasse Astronomum nuncupatum Valētem, illius temporis hominum (qui Astronomiæ darēt operam) præstantissimum, eique præcepisse, ut urbis sydus natalitium & horoscopus observaret, ut nosceret quot annos esset permanens. Valens in sexcentos & nonaginta annos ipsam duraturam esse vaticinatus est: at hiam multò antè præterierunt. Itaque, inquit Zonaras, oportet Valentis prædictionem mendacē esse, artēq; Astronomiæ aberrare ab horoscopo, aut illos annos Valentem dicere convenit, in quibus politici mores observabantur, & tranquillitas, & Senatus honorabatur, & Constantinopolitani ciues florebant, & legitima erat regij principatus administratio, non tyrānis dominantium, communia existimantium propria sua bona, hisque ad suas libidines explendas abutentium. Iam verò ut absolvam oracula, quæ à magnis viris tradita sunt de hac urbe, venio ad Zosimum antiquum authorem, si cum Ioanne Tzetza & Zonara conferas. Ille enim, inquit, Constantinopolim in tantam magnitudinem crevisse, ut nulla urbs alia esset cum ipsa conferēda, neque magnitudine, neque fœlicitate: sed tamen ait, cum diu multūmq; considerassē nullam ex deis prædictionem maioribus nostris datam esse de Constantinopolis incremento in meliorem fortunam, multos Historicos, multaque oracula perlegi, ac cum in his dubitationibus longum tempus consumpsissem, incidi tandem in

oraculum Sibyllæ nuncupatæ Heritreae, siue Phaellis, siue Phaennus Epirotidis: nā & hæc diuino afflatu percita oracula edidisse dicitur, cui obtemperantem Nicomedem filium Prusiæ, & ad ea accommodantem, quæ sibi vitilia viderentur bellum suscepisse contra patrem Prusiam Attalo obtemperantem. Oraculum autem Sibyllæ habet sic,

Ὡ βασιλεὺς θρῳίκων λείπας πόλιν ὃν πεθεάζουσιν.

Ἐνέησας ἢ λίσσας μέγα γαμφώνυχας δαδόν.

Ὡς ποτ' ἐκίνοισι πατρίας ἑμιλία χώρας.

ταῦτα μὲν αἰρήσῃ μόχθων ἄπορ', εὐδὲ σὲ φημι

σκηπτεῖχος τιμαῖσιν ἐπαγάλλεσθαι μάλα δαδόν,

ἐκ ἢ θρόνων πύσσας οἷον λιμὸν ἀμφὶς ἔχουσιν.

Κινήσας ἢ λίσσας λύκων γαμφώνυχας δαδόν.

Ὅνδ' ἔβλεπον τι γὰρ β' ἄσσω ἔπο ζυγὸν αὐχρῆα θήσῃ.

τότε βιβαύων γὰρ λύκων οἰκήσσει

ζῴων ὑπερφροσύνῃσι ταχὺ δ' ὑπεβήσῃ.

Ἄρξῃ ἀνδράσι οἱ βύζαντον ἰδὲ λιτταναιέτισι

Τεισμάκας ἐφίτμαῖς ἢ λύνων ἀνόλυνον πῆξῃ ἑρκατράς

ὑπ' ἀνάγκης οἶμ' ἐπὶ γὰρ ἔσασιν τι ἐμὸν ταῖοντον ἔβλεπον

Ὅκ' ἔτισι γὰρ οἱ πατρός νόον ἀλλὰ

ἀναδ' ἔξω ἀνάντων λογίων θνητοῖς δουδαίμονα

οἶδ' αὖ. θρῳότα λυγρὴ μέγα πῆμα. τότε μὲν οἱ

Ὅκ' ἐτι τυλῶ: πῶραι πᾶσι δ' ἑκατόν καὶ τῆδε

φύρτσαι: τρυχὺ παρ' ἀπ' αὐτῶν πλὴν αἰς ἐπεναισίῃ

ἔλκῃ: καὶ μέγα οἶδ' ἔτι ταχὺ ἢ βραγὺν αἰμοερεσίῃ.

Hoc oraculum, inquit Zosimus, vt ita dicam, reuera ostendit, & ænigmaticè dicit omnia futura Bithynis mala ob tributorum postea ex ipsis exactorū grauitatem, & præsignificat, vt principatus celeriter perueniet ad viros,

viros, qui Byzantis sedē incolunt, ac si longo pōst tempore hæc prænuntiata non acciderint, ne quisquam putet excessisse: omne enim tēpus breue Deo semper consistenti, & futuro: & hæc quidem, inquit, ex oraculi verbis, & rerum euentu coniectaui, sin alia sententia oraculi cuiuspiam videatur, eam sequatur: deinde vt confirmet suam opinionem de hoc oraculo scribit, vt Constantinus magnus eiusque filij summis tributis Bithyniam, & totū orbem oppresserint, vt vrbes desertæ manferint. Ioannes Tzetzes nobilis Grammaticus, & Historicus, multis seculis post Zosimum oraculum aliter interpretatur, edoctus tempore rerum inuentore. Quidā, inquit, hoc oraculum dicunt esse Sibyllæ, alij verò Epirotidis Phaennus. Epirotis, inquit, Phaenno tot antè seculis prædixit facta paulò ante nostram ætatem, quomodo Regem Romanum, vincant Persæ, suprāque collum eius calcabunt velut seruituti addicti, & suis populus & Proceres, quomodo hunc ab imperio deiiciēt, & quomodo Persæ obtinebunt omnem Bithyniam, & Scythæ quomodo bellū constabunt, & suscipiēt contra genus Romanorum: *Ἡ ἐπὶ λίγα καὶ ταῦτα στρατὸς σαρματῶν.* Supradictum oraculum, quod de Turcis vaticinatur. Cæteros eius, inquit, versus prætereo, dicam paucos,

Δὴ τότε Βιθυνῶν γὰρ οἰκίστοί τινες ἀπαρροσώσουσι

καπὸν ἢ ἀδικήσαντες αὐτοὺς οἱ Βυζαντινοὶ ἐδὲ λατρεύουσιν.

Oraculum hoc etsi antiquissimum, tamen in tot vrbis ruinis nunquam adeò liquidè patuit, quàm nunc sub imperio Turcorum. In supercilio quarti collis vergente ad Solis ortum visitur templum Pantocratoris illustrē memoria recentium scriptorum, cuius parietes in-

teriores vestiti crustis marmoreis varij, quod duplices porticus habet, & plura tecta hemispherica tecta plumbo, quorum maximum sustentatur quatuor columnis Pyrropæcilis, quarum perimenter habet septem pedes: alterum Hemispherium sustentatur quatuor arcubus, quos fulciunt quatuor columnæ marmoris Thebaici. Est item in quarti collis latere meridionali, columna par, & similis ei, quam dixi in Exocionio paulò antestantem nuper traductam in Basilicam Regis Soleimani. Habet in basi circulum illum laureatum, radiatum, similitudinem crucis labaricæ gerentem, qualis in Xerolophi columna cochlide Arcadij videtur. Ad radices quinti collis est duplex murus intra se claudens vicum domorum, quem nunc vulgò appellant Phanarium, ex eo, quòd vna nocte ad lucernam constructus fuerit instante obsidione. Vbi ex Dionysio arbitror fuisse locum, qui Mellacopsas appellabatur, cur ita appellaretur ostendi in Bosporo. In dorso quinti collis est ædes Regis Selinicum Xenodochio, eiusque sepulchro: ibi etiam prope est cisterna ingens in pratum conuersa, spoliata columnis & cameris.

De sexto colle, & decimaquarta regione.

CAPVT III.

VRBIS descriptio regionum, tradit decimaquartam regionem licet in vrbis parte numeretur, tamè quia spatio interiecto diuisa esset, muro proprio vallatam alterius quodammodo speciem ciuitatis ostendere, esse verò progressis à porta modicum situ planam, dextro autem latere in cliuum surgente
vsque

vsque ad murum ferè plateæ spatium nimis pronā continere in se Ecclesiam, Palatium, Nymphæū, Thermas, Theatrum, Pótem sublicium, siue ligneum. Quispiam fortasse, qui Constantinopolim non vidit, ex hac descriptione faciliè putauerit sciri posse, in qua parte sit decimaquarta regio, præsertim iam vndecim cognitis, & tertiadecima, & duodecima, quammox cognoscendis: at cùm nulla extent, quæ traduntur in ea fuisse, ne pons quidem sublicius, neque aqua, quæ hoc ponte traiceretur faciliè cognoscatur, disceptatio relinquitur inquirendi in quo loco fuerit: nam nescio, quæ illa porta fuerit, à qua dicit progressis modicum planam, quod verò ait dextro latere in clium surgente, faciliè intelligeretur, si scirem quid appellet dextrum latus. Iam verò in quinto colle fuisse hæc non videtur, ex eo, quòd dicit interiecto spatio diuisam, quo exiguo diuisa fuisset, inconsultumque fuisset, iam muro proprio distinguere à propinquis vrbis muris. Huc accedit, quòd nullus pons fingi potest fuisse in quinto colle, neque in sexto aut septimo collibus vrbis, neque extra urbem vllus pons extat, neque vallis intercedens intra quintum & tertium collem pontem vllum habet, neque aquam, nisi cogitemus sinum aliquem, qui nūc obrutus sit habuisse, qui ponte transiretur. Iam si existimamus vltra sextum collem, vbi vicus hodie Aiufarius nuncupatus, faciliùs quidem constabit illic pontem fuisse, quo traiceretur sinus Ceratinus. Vbi prope fundamenta pilarum pontis videntur, at verisimilius videtur collem sextum vicinum habitatum fuisse propter commoditatem viarum à Thraciá, priùsque vicinum, quàm longinquum

consensum inter regiones vrbis, præsertim cum plerique scripserint sextum collem habitatum fuisse suburbio Hebdomo appellato, quod aliâq; suburbana ædificia, ut intra urbem includeret, propinquitâs loci inuitavit Theodosiū minorē ad promouēda vrbis mœnia.

De Hebdomo suburbio Constantinopoleos; & triclinio Magnaura, & Cyclobio, & de statua Mauricij, eiusque armamentario, de loco nuncupato Cynegio.

CAPVT IIII.

SVBVRBIUM Hebdomum appellatū in sexto colle fuisse, qui nunc est intra urbem, ostendit ædes diui Ioannis Baptistæ, quam etiam nunc Græci vulgò vocant Prodrōmi, ea in latere ad Solis ortum pertinente sita est, à Turcis maxima ex parte diruta, vbi aliquot columnæ marmoreæ extremā rapinam metuētes supersunt, sed paucę ex multis ablatis. Quàm autem illa sumptuosa fuisset, cum alia vestigia indicāt, tum cisterna Boni nuncupata (ex eo, quòd eam Patrius appellatus Bonus condiderit) paulò supra eā ipsam sita longa trecentos passus, columnis & concameratione spoliata, in qua nunc hortus virēt. Sozomenus ait Regem Theodosium maiorem caput Ioannis Baptistæ ex vico nuncupato Cossao, qui vicinus erat Pantichio loco Chalcedonis, traduxisse & posuisse ante urbem Constantini in Hebdomo nominato, maximumque & pulcherrimum Deo ibidem excitasse templum. Idem tradit Theodosium cum educeret exercitum contra Eugenium ex urbe Constantinensi egressum, ut sibi exercituq; bene & feliciter exitus belli eueniret à Deo precatum fuisse

fuisse in æde, quam in honorē Ioannis Baptiste in Hebdomo ædificauerat. Procopius nimium rhetoricè adulat Iustiniano, quem instauratorem huius ædis tradit ædificasse eam in suburbio appellato Hebdomo. Zonaras ait regnante Constantino Pogonato Agarenos graui classe urbem obsidisse, quæ stationem habebat à promontorio Hebdomo sito ad Occasum vsq; ad Cyclobion. Similiter historiæ aliæ tradunt à promontorio nuncupato Hebdomo ad Occasum pertinente, siue à domo Magnauræ vsque ad Palatium Cyclobion spectans ad Orientem stetisse classem Agarenorū, ex quibus obiter colligo Magnauram fuisse in Hebdomo. Cedrinus Magnauræ solarium rotundum scribit condidisse Philippicum Regem, illicque in atrio suam statuat armamentariumq; collocasse. Alij scribunt Mauritium Imperatorem Magnauræ triclinium ædificasse, in cuiusque atrio posuisse suam statuam, armamentariumque ibidem constituisse, in triclinium Magnauræ hi versus extant incerti Poëtæ:

Ἡρακλῆος τὸ λείψον, τόνδ' αἶμα βασιλῆος

Ἄχμω ὀλοδύβαρυ ἀπὸ ταυροῖο λαχόντα

Ἄντ' αὐτὰς Ἡρακλῆος σὺν ῥωσάνῳ ἵει.

Cisternam Magnauræ, quæ erat in Palatio Heraclius obruit, quam, ut ait Cedrinus, Macedonius Rex purgauit, in pristinumque statum restituit. Quidam si minus vere, tamen aptè tradunt triclinium Magnauræ nominatum, ex eo, quòd Anastasius Rex cum ibidem ob horrendam tempestatem ventorum & tonitruum, & fulminum extingueretur, clara voce dixerit: Magna perimus aura. Pulcheria Theodosij minoris soror ab admi-

nistra

nistratione imperij remota secessit, & apud se vixit in Hebdomo. Nicephorum Phocam, Zonaras, inquit, appropinquantem vrbi à populi factione Prasina appellata exceptum magno applausu, eúmque in Hebdomo coronatũ à Patriarcha Constantinopolitano. Cur verò id suburbium nominetur Hebdomum, existimo à septenario numero suburbiorũ, quæ nomina retinuerunt etiam inclufa in urbem. Procopius tradit Iustinianũ in regione vrbis, quæ appellaretur secunda, ædẽ diuæ Annæ ædificasse, ignotus scriptor patriæ Constantinopolitanæ rationem affert, cur appelletur secunda. In loco, inquit, appellato secundo, stabat Iustiniani Rhinotometi statua, hanc demolitus est Bardas Cæsar Michel auus Theophili, & confregit. Appellatus est secundus locus ex eo, quòd Iustinianus in exilium proiectus in Chersonem à patritio Leone rerum potiente, vbi cùm decem annos exul mãsisset, profectus est ad Terbelum Regem Bulgarorum, cuius filiam nomine Theodoram duxit, eique exercitus datus est, quem duxit contra Constantinopolim ad repetendum suum principatũ, quem ciues cùm noluisent recipere, ingressus est per cuniculos aquæductus in urbem, ad locum vbi restabant fundamenta columnæ suæ, quam aduersarius euerterat: & secundo regnum adeptus. Secundã columnam ibidem restituit, ædẽmq; ibidem diuæ Annæ ædificauit, ex eoque locus appellatus secũdus. At, vt iam dixi, Procopius tradit magnum Iustinianum eam condidisse in regione secunda, quam ante Theodosium minorem, qui muros vrbis promouit, existimo suburbium fuisse septimi collis, hoc est, duodecimæ regionis ex Cedrino, & aliis.

Fue

Fuerunt, inquit, terræmotus horribiles, qui murū vr-
bis in Exacionio euerterūt, & templa magnifica, & do-
mos splendas in porta vrbs aurea victoriæ signum
prostrauerunt, & in secunda regione ad diuam Annam
loca tremuerunt. Hæc pluribus dixi, ne quis *Νέστορος χώ-
ρας* putet esse in numero regionū, quas antiqua descri-
ptio tradit quatuordecim fuisse vrbs. Procopium mi-
ror in tot ædificiis vrbs describendis nunquam earum
meminisse, cū Iustinianus in suis cōstitutionibus me-
minerit. Inter Palatium Constantini, & portam vrbs
Adrianopolitanam, extat ædes in septimo colle, quæ
etsi iam tot secula sit intra urbem, tamen etiamnum
χρισὸς χώρας appellatur, ex eo, quòd olim esset extra urbē
ex tribus partibus, vt mos est Græcarum ædium sacra-
rū: porticu cingitur, parietis eius intrinsecus vestiti cru-
stis marmoris varij quadratis, ita inter se coniunctis, vt
distinguantur ab imo sursum versus modulis astraga-
lorum, aliorum baccatorum, aliorum teretium sine bac-
cis. Supra quadratas crustas discurrūt tres fasciæ, & tres
velut astragali, quorum duo teretes supremus quadra-
tus velut regula, supra fasciam denticuli, supra denticu-
los folia Corinthia, deniq; marmor sic mensulis distin-
guitur, vt in commissuris eluceat labor Corinthius: sed
is plenior apparet in æde Sophiæ. Iam verò ex his, quæ
post addam, cognoscetur Hebdomū suburbium fuisse
in decimaquarta regionum vrbs continente in se Pa-
latium. Nunc ex tot antiquis Palatiis nullius nomē ex-
tat, nisi Palatij in septimo colle siti, quòd etiamnum ap-
pellant Constantini, ex cuius ædificiis restat vnum cum
aliquot columnis, & cisterna, in qua elephanti stabu-

lantur. In planitie littorali posita ad radices sexti collis
vergentis ad ortum solstitij æstiu, est porta Palatina,
siue Cynegion appellata, vbi Plarani extra portā. Pro-
pe portam extant intrā murum tres arcus magni, nunc
substructi, olim patentes, per quos ingrediebantur tri-
remes in portum manufactum intra muros clausum ad
commoditatem propinqui Palatij, nunc obrutum, &
conuersum in horti culturam. Cynegion celebre est scri-
ptis recētium, vt etiam Suydas non alienum putarit in
suum Lexicon hāc historiam inserere. In Cynegio, in-
quit, appellato proiiciebantur mortis condemnati, erāt
quædam illic statuæ. Theodorus Anagnostes eò profe-
ctus cum Imerio Chartophylace vidit illic statuam par-
uam quidem longitudine, sed crassitudine magnam,
me autem contemplante, inquit Imerius. Contempla-
re, quis condidit Cynegion. Cui respondi, Maximinus
condidit, Aristides dimēsus est, statim cecidisse colum-
nam, & afflixisse Imerium, vt euestigio moreretur: ego
metu perculsus ad templum fugi, & quod acciderat de-
nuntiaui. Id autem hominibus minimè credentibus, iu-
reiurando asserui, domestici defuncti, & quidam Regis
ministri, ad locum mecum profecti sunt, qui cū ad-
mirarentur casum viri, & columnæ, Ioannes quidam
Philosophus dixit se inuenisse ab animalculo præcla-
rum virum interiturum, à quo persuasus Philippus Rex,
hoc animalculum in eodem loco terra obrui iussit. Iu-
stinus tertius Tyberium & Leontiū, qui triennium im-
perauerant ē vinculis eductos per forum & theatrum
simul iunctos rapi ab equis, atque ad eius pedes detra-
ctos cū eorū ceruices calcasset, in Cynegio spectante
populo

populo interfici iussit. Id theatrum, per quod dicit simul iunctos raptos, existimo fuisse theatrum venatorium: nam, ut Romæ fuit *διαφορ λεωνυλων*. Ita fuit Byzantij ex Procopio, qui tradit Iustiniæ avaritia theatra, Hippodromos, Cynegesia maxima ex parte omissa fuisse.

De Blachernis, & de Triclinio Blachernæo, & Palatio, aquaductu, & de multis locis antiquissimis.

C A P V T V.


ANTIQUA regionum descriptio dicit quidem decimam quartam ædem sacram continere, sed non nominat, neque meminit Blachernarum, quamvis ita nominarentur antequam Seuerus Byzantium euertisset, ut post declarabo, quæ extra urbem essent non modò eo tempore, quo scripta est illa regionum descriptio, sed etiam viuentè Iustiniano, quæ Procopius scribit ædificasse templum virginis Mariæ ante mœnia urbis, in loco appellato Blachernis. Miretur hoc templum, inquit, ingressus, ingentem quidem molem citra vllum periculum constitutam, cernens ipsam magnificentiam ab omni insolentia alienam. Puto Iustinianum hoc templum refecisse, nam Zonaras tradit Pulcheriam Marciani vxorem templum in Blachernis ædificasse, & Mariæ virgini dedicasse. Pomponius lætus hoc à Theodosio conditum tradit, Cedrinus testatur Iustinum nepotem Iustiniani templo Blachernarum duos arcus addidisse. Cùm ex antedictis Procopij constet Blachernas extra urbem esse, tum ex Agathio. Instantibus, inquit, Barbaris permissu Iustiniani omnia templa extra urbem sita, quæ à Blachernis initium su-

munt, vsque ad pontum Euxinum spoliabantur armamenti, & intra urbem seruanda traducebantur, hodie prope Xylo portam & angulum urbis occidentale inter radices sexti collis, & sinum ædis sacræ intra urbem sitæ, quam virgini Mariæ sacram dicunt fuisse, eiq; fontem sacrum adhuc scaturientem ostendunt Græci, Blachernâque locum nominant, vestigia extabant, cum venissem Byzantiû, quæ funditus nunc ferè effossa sunt, & deleta. Ex imo cliuo sexti collis eminenti supra templum Blachernæum prodiit aquæductus duabus fistulis, eius aqua salit, quarum altera clauditur epistomio, altera perennis fluit, hunc ex Hydræ fluuio antè dixi Andronicum Regem conduxisse in regionem Blachernâ, vbi antè aqua fluuiatilis nulla erat. Anastasius Rex magnum Triclinium ædificauit in Blachernis, quod etiamnum ætate Suydæ dicebatur Anastasiacum, Tiberium Regem construxisse publicum Blachernarû balneum. Zonaras, & alij scribunt. In Blachernis regium Palatium fuisse etiam nunc ætate Zonaræ, atque multò infra vsque ad Manuelem Regem ex historia liquet recentiorum, vnde verò locus Blachernas appelletur. In suo anaplo Bosporico docet Dionysius Byzantius, à quo loca descripta à quinti collis radicibus, ad extremum angulum urbis, & collis sexti, paucis repetâ. Post locum, inquit, quî nominatur Mellacoplas, hunc antè dixi fuisse sub radicibus quinti collis, duo loca sunt omni tempore anni piscationem ad depressiones extremas, quas efficiunt singulæ collium, & ad sinus profundos quietos à ventis largientia, quorum alter Ingenidas dicitur ab heroe Indigena, alter Piræicus, à Piræo Atheniensi,

niensi, vel vt alij dicunt, ab antiquo quodam incolâ: in
 quorum medio locus est nominatus Cittos à copia he-
 derae ibi facile prouenientis. Piræico loco continuus est
 Camara locus procliuius, & ventis obnoxium littus, ita-
 que multum à mari percutitur. Inde supra Thalassa: fi-
 nis totius sinus Ceretini vbi est initium influentium in
 sinum fluminum, nominata enim siue ob illorum vici-
 nitatem corrumpentium naturalem maris aquam, siue
 quod immobilis, & minus affecta ventis, ac potius ab
 influxu fluminum, assiduam, mollémque materiam af-
 ferentium efficiente mare cœnosum, vbi tamen est co-
 pia piscium, huius maris marcidi primus locus appel-
 latur Polyrrhetius à viro Polyrrheto. Post hunc Vateia
 scopia à mari profundo, tertius Blachernas nomen bar-
 baricū à quodā ibi regnante adeptus, vltimus Paludes.

*De ponte, qui est ad diuum Mamantem, & de eius Hip-
 podromo, & Leone arce, de Mauritijs Regis sepulchro.*

CAPVT VI.


 ON Historici modò, sed etiam Grammaticus
 Suydas, tradunt ad diuum Mamantem pontem
 fuisse duodecim fornicibus constantem, mul-
 tæ enim aquæ eò defluebāt, vbi etiam Draço æreus sta-
 tutus erat, propterea quod illic serpens aliquando habi-
 tasse existimaretur, vbi multæ virgines prægnantes sic-
 bant. Basiliscus enim quidam, qui amauit hunc locum,
 quique ex cohorte Numeriani Cæsaris fuit, illic habi-
 tauit, & templum excitauit, quod postea Zeno euerit.
 Constantinus Iconomachus Andream Calybitē me-
 morabilem virum apud Blachernas in Hippodromo

diui Mamantis flagris interfecit. Zonaras narrat Mauritium Regem sepultum fuisse in templo diui Mamantis prope murum, quem ædificauit Pharasmanes eunuchus, Iustiniani cubicularius. Cedrinus dicit templum Mamantis esse prope portam nuncupatā Xylocercon, alij tradunt Crunnam Bulgarorum Regem Constantinopolim circuisse à Blachernis ad auream portā, quam cum capere se posse diffidisset, cucurrit ad diuum Mamantem, Palatium illic situm incendit, & Leonem æreum positum in Hippodromo simul & Vrsū, & Draconem, & electa marmora, cum reuerteretur exportasse. Sozomenus loquens de his, qui expulsi sunt propter Chrysostomum, ex vrbe egressos scribit conuenisse in locum situm ante urbem, quem Constantinus Rex in Hippodromi spectaculū purgauerat, & muris ligneis circumdederat, quem arbitror postea appellatum Hippodromum diui Mamantis. Zonaras addit Leonē Regem metu incendij, quò vrbs conflagrabat exiuisse ex vrbe, & plurimū mansisse ad diuum Mamantem. Cedrinus Theophilum Regem dicit certamina equestria exercuisse ad templum martyris Mamantis, in Steno situm. Ex antè aceruatim collectis patet diuum Mamantem fuisse ad Blachernam, pontemque illic fuisse, id quod confirmat Ioannes Tzetzes in sua varia historia, cum ait ex Abydi angustiis vsque ad pontem Blachernarum Hellepontum appellari. Ex quo liquet pontem illum fuisse ubi pilæ cernuntur lapideæ antiqui pontis, sed non extra aquam eminentes, nisi aliquando æstate sitæ inter angulum vrbis Blacherneum, & suburbium, quod Turci appellant Aibasariū, hunc illum iam pro-

nuntiare possumus esse, quem antiqua descriptio regionum vrbis appellat ligneū, & ponit in decima quarta regione, in qua diximus fuisse suburbium Hebdomum. Hoc vnum aduerte ex Suyda, pontem diui Mamantis habuisse duodecim fornices, itaque lapideum tum fuisse, aut Suydam loqui de alio templo Mamantis alibi sito.

*De septimo colle, & duodecima regione, & de columna
Arcadij.* CAP. VII.

IN COLUMNÆ Arcadij, quæ etiamnum extat in septimo colle nuncupato Xerolopho diuiso à sex collibus valle lata, colligo fuisse duodecimam regionem, quæ portam auream à ciuitate petentibus in longum plana omnis consistit, sed latere sinistro mollioribus cliuis deducta maris confinio finiebatur: continebat in se portam aureā, porticus Troadeas, forum Theodosiacum, portum Theodosiacum, & columnam intra se gradibus peruiam, quā Arcadius Imperator excitauit in Xerolopho, etiam nūc in nostram ætatem nomen retinente, & supra ipsam collocauit statuem suam, quæ cecidit regnante Leone Conone terræmotu, quo vehementer concussum est Byzantium, & quo multa templa, & domus ceciderunt, multitudoque hominum oppressa est. Cedrinus declarat hanc columnam Arcadij ex omnibus partibus similem columnæ Theodosij in Tauro positæ, habet stylobatem, basim, & capitulum, eius scapus cum spira & capitulo constat lapidibus viginti & vno. Præterea supra capitulum duo lapides existunt, stylobates constat quinque lapidibus
omni

omnibus adeò coniunctè inter se cõmissis, vt si vel ter-
 ramotu, vel vetustate nunquã concussa fuisset, ex vno,
 eodẽmque lapide tota columna constare videretur. Hi
 lapides alij supra alios impositi, & coniuncti tanquam
 spõdyli intus excavati totum columnæ ambitum vnũ,
 & perpetuum præstant fenestellis illustrem, & gradus
 efficiunt. Vnus enim quisque lapis partem graduum ef-
 ficit, & ambitum scapi velut murum, incæpi numerare
 à lapide supremo fastigiantè columnam vñq; ad imum
 gradum. Supremus igitur lapis continens portam, qua
 scanditur supra capituli abacum, altus circiter trede-
 cim pedes, & dodrantem. Concameratus, & conuexus
 tegit totam columnam, porta alta sex pedes & duos di-
 gitos, larga pedes tres & dodrantem: secundus lapis sex
 pedes altus continet supremum gradum positum supra
 abacum capituli. Tertius altus quinque pedes & qua-
 tuor digitos, continet abacũ, & totum capitulũ. Quar-
 tus, altus quinque pedes exceptis duobus digitis. Quin-
 tus altitudinem habet quinque pedum minus duobus
 digitis. Sextus quatuor pedum & dodrantis. Septimus
 quinque pedum & digitorum duorum. Octauus qua-
 tuor pedum, & quatuor digitorum. Nonus sex pedum.
 Decimus quinq; pedum. Vndecimus quatuor pedum,
 & quatuordecim digitorum. Duodecimus quatuor pe-
 dum, & dodrantis. Decimustertius quinque pedũ. De-
 cimusquartus quinque pedum, & digitorum duorum.
 Decimusquintus quinque pedum & semipedis. Deci-
 mussextus quinq; pedum & semissis. Decimusseptimus
 quinque pedum & decem digitorum. Decimusoctauus
 sex pedum & semissis. Decimusnonus quinque pedum,
 & di

& digitorum quatuor. Vigessimus sex pedum & semipedis. Vigessimus vnus, qui initium scapi facit, sex pedum, & digitorum quatuor. Infra scapum lapides continentes spiram, stylobatem sunt sex, quorum summus altus quaternos pedes & dodrantem, secundus totidem, tertius quatuor pedes, quartus pedes quatuor, & semissem, quintus totidem, sextus & infimus quatuor pedes. Singuli supradicti lapides ex se gradus faciunt, & ambitum velut murum distinctum fenestris quinquaginta sex, gradus autem circiter ducenti triginta tres sunt duorum generum. Alij enim per anfractus, alij cochleæ in modum, stylobates ascenditur quinque anfractibus normatim assurgentibus, vnusquisq; anfractus arcuolam vnā habet, qua ascenditur ex vno anfractu in alterum. Primus anfractus habet gradus sex, secundus totidem, tertius octo, quartus nouem, quintus totidem, omnium infimus vicinus limini infero ianuæ, altus digitos decem, largus pedem vnum, longus pedes duos, & nouem digitos. Similes sunt totius quinti anfractus, cuius area quadrata quoquo versus lata duos pedes & nouem digitos. Post quinque anfractus est initium scapi, cuius gradus primi alti decem digitos, largi iuxta murulum scapi pedem, in medio pedem & dodrantem, longi pedes duos & nouem digitos, vltimi alti nouem digitos, scapus columnę interior habet ambitum viginti octo pedum, crassitudo muri, quo velut thorace gradus clauduntur, est duorum pedum & trium digitorum, in ima columna, at in summa pedis & dodrantis. Iam si quis me curiosum dicet, quod singulos lapides mensus sim, curiosiorem dicet illum, quem Thucydides probat, quod muri

hostilis lateres numerasset, vt altitudinem deprehenderet: ipse exteriorem ambitum metiri non sum ausus, ne demissum perpendiculum Barbari deprehenderent altitudinem, necesse habui intus latens dimetiri interiores singulos lapides, ex quibus innumerum subductis deprehenditur colunæ Cochlidis altitudo, id quod videtur primùm extare supra terram, sunt duo gradus compositi ex multis lapidibus. Deinde sequitur tertius gradus, is est lapis altus tres pedes & quatuor digitos, latus quoquouersum triginta tres pedes & semipedē. Supra lapidem, qui efficit tertium gradū stylobates consistit constans quinque lapidibus, quorum incipiens à limine portæ est altus quinque pedes & semissem, in quo quidē lapide est plinthus planus altus tres pedes quinque digitos. Torulus quinque digitos, Apophygis cum regula dodrantem, altera regula superior duos digitos, corona scalpta alta dodrantem. Sophorus egregiè scalptus trophæis ex triplici latere, nam latus ad septentriones pertinens, continens portā, non est insculptum. Coronis stylobatica inclinatur velut tectum, in qua ima est primùm regula, deinde Astragalus baccatus, tertio loco Echinus, quarto Astragalus intortus vt funis, reliqua pars vsque ad summam curuaturam folia ligata in modum manipulorum, recta quidem, & in se curuata voluta. Stylobates emittit velut abacum, in quo fascies coronario opere laureati bini in singulis lateribus, quorum maior incuruatur vsque ad imam partem abaci. Item in lateribus eiusdem coronati abaci summi existunt septem pueri nudi, tenentes fascem laureum: Ex vnoquoq; abaci angulo eminet aquila, supra stylobatis
aba

abacum coronarium existit plinthus columnæ minus projectus foliis adumbratis, supra plinthus torus laureatus alligatus vittis flexuosis. Toro superest apophygis, deinde incipit scapus columnæ scalptus pugnibus variis, scalptura procedit in modum columnæ, quæ Romæ Traiano sacra est inter elices binas cochleæ more surgentes. Summus scapus nempe Trachelium est striis rectis distinctus, capituli ima pars apophygis, deinde echinus, tertio loco abacus projectus extra scapum duos pedes, & digitos quatuordecim. Abacus quoque uersus patet in latitudinem decem & septem pedum, & dodrantis, supra abacum existit porta, & velut conus columnæ altus portam continens, altior decem pedibus. Hanc Tuscanam columnam dicere possumus cum basi, & capitulum sint elaborata opere Tuscanico.

De statuis, & antiquissimo tripode Apollinis in Xerolopho statuis.

CAP. VIII.

SYDAS scribit Xerolophon primò quosdam Thema appellasse, ex eo, quòd in eo essent quindecim Cochleæ, & Dianæ statua, & Seueri cõditoris, & Themation, tripus ubi hostias immolabat Seuerus, ubi multa oracula aliquândo edebantur, & puella virgo immolabatur. Priscianus, quem mihi in memoriam reuocauit Benedictus Aegius antiquitatis acer inuestigator tradit Oeles solitos fuisse interponere F, digamma, quod ostendunt Epigrammata, quæ egomet legi in tripode vetustissimo Apollinis, qui exstat in Xerolopho Byzantiæ, sic scripta, *Αμοφαΐ Fωρ, λα Fονά Fωρ*. Item alio loco Acoles solent inter duas vocales eius,

dem dictionis digamma ponere, quos nos in multis sequimur, ὄvis, ouis: *ἄφθ*, dauos: *ὠφόν*, ouum: & quòd hoc verum est, ostendunt Epigrammata vetustissima, quæ literis antiquissimis scripta in multis tripodibus legi, & maximè in tripode Apollinis, qui est Constantinopoli, in loco quem *ἑρρόλοφον* vocant: sunt autem scripta sic, *Ἀπμόφων*, pro *Ἀπμοφών*: *λαφολών*, pro *λαονών*. Addunt alij fuisse etiã in Xerolopho iuxta basim columnæ Arcadij columnam Theodosij minoris, & Valentiniiani, & Marciani, quæ terræmotu ceciderunt. Zonaras dicit Symeonem Bulgarorum principem crudelem, & nunquam quietum contra nationem Chrobatorum exercitum duxisse, à quibus cum victus esset, exercitumque amisisset locorum difficultate, interea quidam Regi Constantinopolitano significauit statuam supra fornitem in Xerolopho collocatam, spectantem ad Solis occasum, designare Symeonem Bulgarum, ac si quis columnæ caput abscinderet secuturum Symeonis interitum. Itaque Regis iussu caput columnæ abscissum est, & interitus Symeonis ex violento stomachi dolore cognitus est Regi Constantinopolitano diligenter obseruanti illius tempus interitus. Iam verò portus Theodosiacus fuit in hortis, quos hodie appellant Blancham, muro vndique clausis, & sitis in maritima Propontidis planitie, subiecta sub radices septimi collis, cuius ostiū vergebat ad Solis ortum æstiuum, à quo moles extēdebatur ad occasum æstiuum: supra quam nunc muri astructi existunt. Urbis moles adhuc extat larga duodecim pedes, longa sexcentos passus meos, quos conficere soleo in ambulando, portus obrutus est, latissimos hor-

tos habens oleribus cōsitos, & paucis arboribus: ex quibus, vt Fabius ait, non pendent vela, sed poma. Horti irrigui sunt ex lacubus, quos habēt intra se perennes, vestigia nimirum antiqui portus. Cuius circuitum excessisse milliarium ex mole, & situ loci deprehendo, in fauibus portus adhuc nauium capacibus extra murū vr- bis etiamnum videtur turris vndique mari circumdata, & saxa reliquæ ruinarum. Scriptor ignotus patriæ Constantinopolitanæ tradit primò nuncupatum Thema, vbi Cochleas quindecim diximus fuisse, deinde forum Theodosiacum appellatum: mihi potius videtur fuisse Arcadiacum, à proxima Arcadij columna: nam forum Theodosiacum vero propius videtur fuisse prope portum Theodosiacū, cū ex architectonica ratione, quæ præcipit forum faciendum esse iuxta portū: tum ex nomine conditoris Theodosij, qui forum suum commodius efficere non potuit, quàm iuxta sui nominis portum, quem arbitror etiam portum Eleutherij prius appellatum fuisse, si vera tradunt, qui dicunt Constantinum magnum saxa fluctibus obieccisse à mucrone primi collis vsque ad portum Sophiæ, & portum Eleutherij conditum à magno Constantino præsidente operi Eleutherio Patrício, statuamque Eleutherij statutam fuisse marmoream in eo portu, marmoreum calathum ferentem humeris, & palam etiam marmoream tenentem manu, Palatiūmq; Eleutherij ædificasse Hirenam, eiusque filium Constantinum, atque ab hoc Palatio vsque ad Amastrianum Hippodromum fuisse à magno Theodosio conditū, quem euertit Hirena. Zonaras scribit Hirenam, cū ab administratione imperij remota

fuiſſet à filio Conſtantino in domo ſua, quam ædificauerat in Eleutherij partibus vixiſſe. Porticus, quas regionum vrbis deſcriptio appellat Troadeas, alij vocāt Troadeſias, qui dicunt Conſtātinum magnum muros promouiſſe vſque ad porticus Troadeſias, portam auream, quam cōtinebat duodecima regio. Troadeas appellatas arbitror, quòd continerent quippiā cuiusmodi quale Plutarchus tradit continuiſſe porticum Variam nuncupatum. Aiunt, inquit, in porticu olim appellata Pleſiaſtia, nunc verò Pæcila Polygnotum pictorem Troadeas pingentem Laodicæ faciem in imagine Elpinicæ feciſſe. Nunc ex nomine, quod mutatus eſt non agnouieſſem, niſi ex fonte portæ vicino collegiſſem, quæ etiamnum appellant *ἡγομένης*, à porta aurea nomen retinentem. Is adhuc perennis ſcaturit, & religioſè bibitur à Græcis, qui omnes fontes iuxta templa ſitos ſacros habent, & nominant. Iam templū non extat, quod Procopius deſcribit: Duo templa, inquit, Deiparæ Iuſtinianus conſtruxit ante muros vrbis, vnum in regione appellata Blachernis, alterū in loco nominato *πρυμνί*, vbi eſt ſylua magna cupreſſorum, & pratum floridum, hortusque tempeſtiuos & formoſos fructus producēs, & fons ſine ſtrepitu emittens aquam quietam & potabilem. Hęc quidem templa ante muros vrbis fecit illud quidem ad littus maris, alterū prope portas aureas nuncupatas. Quæ quidem templa addit Procopius circa finem murorum eſſe, vt ambo ſint inexpugnabilia vrbis præſidia. Ex quibus conicio tempore Iuſtiniani angulum vrbis, quem vocant Septem turrium non fuiſſe intra urbem. Sed murum terreſtrem à porta aurea angulum

lum fecisse vrbis longè interiorem, vt ex studio monasterio colligere licet suburbano olim, quod nunc intra vrbem est penitius, quàm angulus Septē turrium, idem Procopius ait Iustinianum ingrediēti portam auream à dextra parte templum diuæ Iæ vetustate collapsum ingenti sumptu restituisse. Iam non modò ex antedictis portam auream assequor vicinam fuisse septimo colli nuncupato Xerolopho, verùm etiā ex Zonara, qui tradit regnante Leone multa templa, multasque domos terræmotu cecidisse, Arcadiique statuam in columna Xerolophi positam, & in porta aurea Theodosij maioris statuam, & muros vrbis pertinentes ad continētem campestrem. Cedrinus aiteodem terræmotu ad portam auream cecidisse Victoriæ statuam: alij addunt eodem terræmotu quinto Kalendas Nouembris factò ædificia sacra profanáque permulta cecidisse, populúmque multum extinctum fuisse, & simulacrum, quod stabat supra Attali portam magni Constantini vnà cum ipso Attalo. Longè igitur errant, qui putāt portam auream esse, quàm nunc Oriam vocant, sitam in parte vrbis septentrionali, quam antè dixi portam Neorij, cū ex antè scriptis liqueat esse in parte vrbis vergente ad Solis occasum æstiuum portam auream, tum ex antiqua vrbis descriptione regionum, quæ tradit vrbis longitudinem à porta aurea vsque ad littus maris directā lineapedum quatuordecim millia septuaginta quinque continere. Cedrinus tradit elephantos collocatos in porta aurea similes esse illis, in quibus olim Theodosius sedens vrbem ingressus est. Quibus adiungunt horū elephantorum statuas in aurea porta statutas ex æde Martis

tis Atheniensis deportasse Theodosium paruū, qui construxit vrbis muros vsque ad Blachernas. Cedrinus dicit Regem Macedonium ædificasse magnū templum Mocij martyris, & ædem diuæ Annæ in loco appellato Secundo. Procopius scribit hoc vtrunque templum Iustinianum ædificasse, vidi reliquias tēpli Mociani prope cisternam sitam in dorso septimi collis, amplā, non minorem, quā antè scripsi, construxisse Iustinianum, neque paucioribus columnis sustentatam, quibus nunc spoliata spectatur, solum nomen retinens. Mocia enim nominatur, quam non modò Historici, sed etiā Grammaticus Suydas dicit Anastasium Dicorum condidisse. Vide an moneta, quā in hac regione ponit antiqua regionum vrbis descriptio sit ædes Iunonis monetae, an Acrarium: nam reges etiam hodie in regione septimi collis dicuntur castello Septem turrium vti pro Acrario Suydas affert statuam Iunonis sustinuisse æreum fornicem ad similitudinem forficis capillos tondentis, sed in quo loco, non explicat: itaque ea, quæ adduxi de moneta, sint obiter dicta.

De columnis, quæ nunc extant in colle septimo.

C A P V T IX.

AEDES sacra Studios appellata ab Studio principe ciue Constantinopolitano, is, vt ait Suydas, hanc condidit cū illustri monasterio. Studij meminit Iustinianus in nouis cōstitutionibus, cū ait duas lecticas, quibus mortui efferuntur, in sacro thesauro sitas Studij præclaræ memoriæ, & Stephani magnificæ memoriæ. Studium intelligit monasterium ita

nuncu

nuncupatum, quod nunc non extat, ædes extat translata in religionem Mametanam, in cuius vestibulo sunt quatuor columnæ cum trabeatione egregiè elaborata, in interiori parte ædium vtrinque columnæ sunt septem virides, nigris maculis velut fragmentis alterius generis lapidum insertis distinctæ, quarum perimeter est sex pedum & sex digitorum. Denique earum ratio capitulorum, epistyliorum opere Corinthio elaborata eadem est, quæ columnarum vestibuli. Supra illas sex existunt totidem columnæ in parte ædis superiore. In area ædis Studianæ est cisterna, cuius lateritias cameras sustinent viginti tres columnæ excelsæ Corinthiæ, extra urbem fuit monasterium Studianum olim, nunc est intra urbem, iuxta viam, qua itur ex columna Arcadij ad portam Septem turrium, quas claudit murus urbis habens portam nunc obstructam, olim patentem, cuius Parastades sunt duæ columnæ Corinthiæ marmoris maculosi, venis viridibus distincti, sustinentes octo columellas efficientes tres arcus, in latere portæ sinistro existunt sex tabulæ marmoreæ, singulæ habentes latera clausa columellis aliis teretibus, aliis quadratis, continentes statuas eminenter expressas affabrè scalptas, nudas, clavis pugnantes, quarum superiores habent supra se cupides velut præcipites ad volandum, in latere dextro sunt item sex tabulæ cinctæ similiter columellis. In prima tabula inferiori iuuenis tenens organum musicum iacet supinus, tibiis implexis, supra ipsum impèdet imaguncula velut Cupido, supra Cupidinem mulier: in tabula superiore est statua nuda tenens clauam erectam, pelle leonis brachio inuoluto, canes ducens manu sini-

stra. Supra ipsam eminet Leana turgens vberibus. Alia tabula continet duos agricolas ferentes calathos vuis plenos. In alia tabula est eques alatus, equi frenum retinet mulier. A tergo sunt mulieres duæ, in summa parte tabulæ, aliā mulier recubat, & regione huius iacet iuuenis. Hæc addidi ob tabularum antiquum opus summo artificio factū. Præterea vidi in septimo colle cū alias Mameticas ædes, tum quatuor præcipuas habentes vestibula marmorea columnis marmoreis ornata, duas quidem in latere orientali, quarum duæ habēt sex colūnas in vestibulo bene proceras & crassas, duas quidem marmoris Thebæi, quatuor verò obscurè virētes marmoris Miscellanei. Altera est prope columnam Arcadij nuper facta ab vxore Soleimani Regis cum Xenodochio luculento, & Gymnasio profitentium literas Turcicas, & Arabicas, in quibus numeravi plusquam sexaginta columnas varias. In dorso collis spectantur aliæ duæ ædes, quarum vna habet balnea adiuncta, & Gymnasia literaria. In ædis vestibulo sunt sex columnæ Thebaici marmoris, quarum ambitus est septē pedum, & velut calcaneum æreum, bases quidem, & capitula Turcico labore exculpta, sed scapi antiquissimi, præsertim duarum cingentium aditum ædis, habentiū Hypotracheliū subtilius reliquo scapo Hypotrachelij ima pars æqualis scapo habet annulum teretem, supra annulum est alter annulus latus depressus: deinde superest Hypotrachelium depressius reliquo scapo, vt est hominis collum subtilius inter caput & thoracē: nullāque vidī aliam Byzantij habentem Hypotrachelium, tantoperè accedens ad rationē Vitruuij, tradentis Hy-

potra

potrachelium columnæ Doricæ contrahendum, ita vt in tertio libro de Ionicis est scriptum. Alia ædes Mame tana est in eodem colle, in cuius vestibulo sunt sex co- lumnæ bene excelsæ: in Gymnasij atrio sunt quatuor- decim, totidem in porticu vicina.

De regione tertiadecima vrbis Sycenæ appellata, & de oppido Galatæ, siue Pera.

C A P V T X.

GALATAM oppidum fuisse partem Constan- tinopolis ostendit antiqua descriptio regio- num, Nouæ, inquit, Romæ tertiadecima regio est Sycenæ, quæ sinu maris angusto diuisa societate vr- bis nauigiis frequentibus promeretur, tota lateri mon- tis affixa præter vnius plateæ tractum. Stephanus ait vr- bem Sycas contra nouam Romam esse sitas appellatas sua ætate Iustinianas: cur autem ita appellarentur non explicat, sed si ex eo, quod Iustinianus eas ædificiis or- narit, aut collapsas restituerit, his enim de causis vrbes solent mutare nomina. Miror Procopium non memi- nisse horum ædificiorum, cùm totius sinus Cornu nun- cupati ædificia à Iustiniano ædificata, vel restituta exa- ctè describat, nisi fortasse erratum sit in Procopio scri- bente Iucundianas pro Iustinianis: cùm ait regias sub- urbanas Iustinianum renouasse in æreo loco, & loco, quem Iucundianas vocant, aut si in Procopio mèdum non est, erratum videri potest in Stephani Codice ha- bente Iustinianas pro Iucundianis, at Stephanus longè ante Iustinianum scripsit. Itaque, si vitium est, Step- hani non est, sed Hermolai Grammatici Constantinopo-

leos, qui Cominētaria Stephani redegit in Epitomen, quā Iustinianō dedicauit. At verò Iustinianæ potius, quàm Iucundianæ nominandæ videntur Syca ex collatione multorum Codicum non modo Procopij, sed etiam Iustiniani editorum, & manuscriptorum. Iustinianus in suis nouis constitutionibus illud, inquit, manifestum est, si maius interuallum sit, & plures sint Decani feretro inseruientes, & plures scholæ propter feretri pondus pauxillum quiddam ipsis dandum esse. Deinde paulò infra addit sibi similiter videri, si funus effertur intra nouos vrbis muros, & traiectū *ἡ ἐκ τῶν νέων τοῦ ἑσπέρου*, hoc est, Sycarum, siue Iustinianarū, quoniam non longè distant, neque opus est maiore tempore, aut labore ad illuc proficiscendum, sin autem extra muros huius foelicis vrbis funus ducitur, siue vltra alios traiectus, quàm traiectum Sycenum funus effertur, prætereo cætera. Vbi aduerte *πρόσκειμα* Latinè vertendum esse traiectum, non autem terminum, vt habet Latina interpretatio. Ex antedictis patet oppidum Sycas nominatas esse trans sinum, & contra Constantinopolim, sed contra quam Constantinopolis partem non declarat Stephanus: at ex antiqua regionum vrbis descriptione assequor, tradente regionem sextam à foro Constantini vsque ad traiectum Sycenum porrigi, hoc est, Peræum, siue Galatinum nunc appellatum, & ne videar contemnere, recentes asseram. Ex his nonnullos, qui tradunt Absimarum Ducem hostium obsidentium Constantinopolim se recepisse in portum Syca, sitæ è regione Constantinopolis. Euagrius scribit capita Longini, & Theodori à Ioanne Scytha Constantinopolim missa,

ex con

ex contis appensa ad nuncupatas Sycas in vltiore litore opposito Constantinopoli sitas, Regis iussu erecta fuisse iucundum spectaculum Byzantinis. Idem addit Vitalianum vsque ad nuncupatas Sycas incursiones fecisse, contra quem habentem in Sycis stationem mittitur à Rege Anastasio Marinus Syrus pugnaturus. Ambæ igitur classes se præparant, vna ad puppim Sycas, altera Constantinopolim habens: primùm remos inhibebant, deinde post excursiones, & leues pugnas vtrique factas, prælium nauale commissum est circa loca appellata Vitharia. In fugã se coniecit Vitalianus magna ex parte virium suarum amissa, vt nemo hostium deinde in Bosporo inueniretur. Nec me mouet Strabo, qui videtur extra sinum Sycam ponere. Ex promontorio, inquit, fretum Bosporium in quinque stadia stringente vsque ad portum sub Syca positum esse triginta stadia, ex Syca ad Byzantium cornu quinque stadia, quæ non discrepant ab his, quæ antè dixi, si intelligeret Byzantium cornu, vt Plinius intelligit promontorium ipsum Bosporium, in quo Byzantium situm est. At Strabo declarat statim subdens cornu esse sinum longum sexaginta stadia. Itaque aut erratum esse Codicis Straboniani arbitror, aut ipsum Strabonem errare cum ex antè scriptis, tum maximè ex Dionysio Byzantio antiquiore, & suæ patriæ scriptore, tradente Sycodem locum esse iuxta sinum Cornu appellatum, in eo loco vbi hodie extat Galata, vt planiùs declarauimus in Bospori circumnavigatione. Longè etiam errant Perotini, qui dicere solent Ianuenses primos cõditores esse Peræ oppidi, cum multis antè seculis condita fuerit, quàm Ia...

nuenses Peram emissent, vel nauatæ in bello opere loco mercedis accepissent ab Imperatore Constantino-
politano. Cùm Iustinianus ponat Sycas intra urbis mu-
ros, & Agathius muris clausas tradat, cùm ait aduentu
hostium tantum terrorem iniectum fuisse ciuibus Con-
stâtinopolitanis, vt Iustiniani Regis milites armati in-
sisterent muris Sycarum, vt promptè obsistere hostibus
possent. Quid quòd Stephanus Sycas appellat urbem,
quam postea recentes scriptores, sed antiquiores, quàm
Ianuenses Galatam accepissent, castellum Galaticum
vocant, tradentes classem Saracenorum stationem à
Magnaûra ad Cyclobion habuisse. Post autè duos dies
cùm vehemens ventus flaret ad castellum Galatam vs-
que ad Clidion appulsam partem classis exustam fuis-
se igne, quem Imperator ex Acropoli iacularetur. Zo-
naras narrat Michaëlem Imperatorem, cùm terra &
mari obsideretur in hanc desperationem venisse, vt ca-
tenam contenderet ab Acropoli ad oppidulum in con-
trario littore positum. Adhuc Galatæ porta est, quæ ap-
pellatur catena, ex eo, quòd ab Acropoli vsque ad eam
portam catena extenderetur. Auctam vero à Ianuensi-
bus non semel, sed iterum ostendunt muri sæpiùs pro-
moti adhuc extantes ab Oriente duplices, ab Occasu
triplices, designantes varia urbis incrementa. Iam vi-
dere licet antiquas Sycas in media Galata muris clau-
sas, sitas contra regionem sextâ, & traiectum Sycenum
totas affixas lateri montis, quales describit regionum
libellus urbis, præter vnius plateæ tractum, quem sub-
iacentium sub eundem montem littorum rârùm præ-
stat æqualitas. Oportuit hâc plateam latam fuisse cen-
tum

tum passus Romanos. Nam tanta hodie superest inter montem & sinum planities, & maior fortasse: quoniam tot post annos dilatata fuerit, ut quotidie videmus ex- crescere ex projectione purgamentorum, quæ, ut desi- deant in profundum, retinentur sub publicis arcas ligneas stabilientibus, quas fistucis defigunt incolæ studio au- genda planitie littoralis, & oræ maritimæ efficiendæ propius portuosæ. Verum ut planius intelligatur ubi olim Sycena regio fuerit, Galatæ situm, ut nunc est, describam.

Descriptio Galatæ, & de templis Amphiarai, & Diana, & Veneris, & theatro Syceno, & foro Honoriano.

CAPUT XI.

SYCENA regio iam vulgò nominata Galata, siue Pera, rectius nominanda Perça, ut Iosephus Iudæam transiordanam nominat Peræam, & trans Euphratem Strabo regionem appellat Peræam. Cur autem appelletur Galata, Constantinopolitani omnes iam prædicant, ex eo, quòd illic olim lac vende- retur, aut mulgeretur, decepti nominis allusione: nec dubito si scirent Galatam appellatam olim Sycā, quin etiam auderent eam dicere à ficuum lacte ita appella- tam esse. Suamque tum aberrationem à vero tueri pos- sent auctoritate Dionysij Byzantij, scribentis Sycam ap- pellatam à multitudine, & pulchritudine arborum fi- cum ibi prouenientiū. Quantò rectius coniecassent, si à Galatis populis eam Galatam nominatam fuisse ar- bitrati essent, adducti Ioannis Tzetæ ciuis Constanti- nopolitani, & diligentis Grammatici varia historia ab- hunc

hinc ferè quadringentos annos conscripta, quæ tradit Brenum Gallum Ducem Gallorum, quos Græci Galatas appellant, profectum Byzantium illinc traieccisse: indèq; Byzantij locum appellatum fuisse Peram ex traiectione Galatarum, à quibus postea arbitror etiam Galatam appellatam. Hæc autem sita est partim in colle, partim in planitie subiecta sub ipsum collem, quæ duæ valles efficiunt, vna ab Oriente, altera ab Occidente, vtraq; longa circiter vnum miliare. Collis dorsum procedit à Septentrione ad Meridiem, latum vbique non minus ducētis passibus, tam longum, quàm valles, quibus vtrunque clauditur: deinde coniungitur cum reliqua continētis planitie, collis meridianum latus, & planitiem sub ipsum subiectam continentes Galatam, circumscribit sinus Ceratinus, Isthmúmque, & peninsulam ferè semicirculam efficit: vt si lineam duceres ab ore & faucibus sinus ad medium recessum, quem sinus Ceratinus insinuat in vallem, quæ collem Galatinū ab occasu claudit: inclusum videres intra semicirculū, quem designaret ducta linea Galatā accedentem ad figuram arcus intenti, nisi eius Cornu vergens ad occasum dimidio largiùs quàm orientale esset, & minus longum. Galatæ circuitus muro circumdatus patet quater mille & quadringētos passus, latitudo varia: nam media est sexcentorum passuum, quorum viginti intercedunt inter sinum & muros. Iam verò planities procurrens inter sinum & collem, dilatatur in cētum octoginta passus, cliuus verò in quadringentos. Latus Galatæ orientale patet in latitudinem primò quadringentorum passuum, deinde contrahitur in ducentos sexaginta passus. Latus
perti

pertinens ad Occasum extra veterem Galatam sitū habet mollem cliuum, & ferè totum ad Meridiē, tendentem præter exiguam procliuitatem subsidentem ad Solis occasum iuxta muros veteris Galatæ sitā: cliui enim collis Galatini duplici deuexitate inclinatur, vna in valles, altera in sinum. Vnde fit, vt vrbs sit prona triplici procliuitate, vna à Septentrionibus ad Meridiem, altera ad ortum Solis, tertia ad Occasum. Decliuitas per mediam Galatæ latitudinē decurrens tendit à Septentrionibus ad Meridiem, ita prona, vt in multis locis cliui gradibus molliantur, vt domus ex parte infera scalis ascendantur, ex supera adeantur plano pede vsque ad primam contignationem: latus verò tam vergens ad Solis ortum, quàm ad occasum duplicem deuexitatem habet, vnam à septentrionibus ad meridianum cardinem, alteram ad Orientem, aut Occidentem: vt non modò viæ rectæ, sed etiam transuersæ procliuitatem habeant, sed orientale latus procliuius in vtranque deuexitatem, occidentale molles cliuos habet tam rectos, quàm transuersos, deniq; Galata sic prona est, vt si eadem altitudine omnes domus essent. Superiores contignationes aspectu maris fruerentur, ex eisque velut ex theatris naues ultra citràque traiicientes spectarentur, neque modò Galata, sed tota ferè Constantinopolis maris aspectu frueretur, si lex à Zenone constituta, & à Iustiniano sancita seruaretur, iubens intra centum passus neminem posse Constantinopoli impedire maris aspectum, neque rectum, neque obliquum. Plana vrbs pars discurrens inter imos collis cliuos & sinum, nusquā minus stricta ducentis passibus, in cornibus largior est, &

quidem alicubi patet in longitudinem quadringentorum passuum, oppidum triplo longius, quàm latius, latitudo tendit à Septentrionibus ad Meridiem, longitudo ab Oriente ad Occasum, latus occidentale latius quàm orientale. & ferè eadē latitudine qua media vrbs: nam per longitudinem quingentorum passuum nūquam minus lata quingentis passibus orientale. latus cōtrahitur molliter, quoad eius extremitas in formam cunei reducitur, vbi lata est ducentos sexaginta passus. Totum littus, quod circuit Galatam, portuosum est, naues admittens vsque dum contingant oram maritimā. Inter mœnia & sinum intermissum est spatium, vbi tabernæ & officinæ mercatorum & cauponæ frequentes, & vacua intervalla ad exonerandas naues. Portas habet maritimas sex, quarum tres traiectum frequentem habent ad Constantinopolim. Ita enim cōtra Constantinopolim iacet Galata à septentrionibus, vt primo, secundo, tertio collibus, & valli primæ & secundæ Constantinopolitanis sit aduersa, præ se habens sinum & Constantinopolim, à tergo suburbana ædificia. Nam supra Galatam multæ domus suburbanæ partim in collis Galatini dorso, partim in eius lateribus triplicibus: nam Galata non attingit summum verticē collis, imo ex summa vrbe, vbi est excelssima turris, adhuc restat extra urbem ascensus trecentorum circiter passuū, plenum ædificiis, inde iugum planum tendens à Meridie ad Aquilonē, largum circiter ducentos passus, longum duo millia passuum, per quod medium discurret via lata vtrinque ædificiis cincta hortorum & vinetorum, neque est vlla pars amœnior: ex qua eiusque lateribus videtur

detur sinus Ceratinus, & Bosporus, & Propontis, & septem colles Constantinopolis, & Bithynia, & semper niuosus Olympus. Denique ædificia non modò in colle Galatino, sed etiam in collibus & vallibus circunvicinis sitis in littore Galatino posito contra Constantinopolim, tot colles & valles habente, quot Constantinopolis, vt iam longè dimidio maiorem, quam sit Galata urbem efficere possent, ac si centum annos felicitas imperij Byzantini durauerit, altera Constantinopolis futura est Galata. Qui scribunt Byzantem conditorem Byzantij templum Amphiarai ædificasse in Syca, aberrant quidem à rei veritate, sed non procul: Nam Dionysius Byzantius tradit post locum Sycenum fuisse templum Amphiarai ædificatum à Colonia deductoribus, quorum princeps erat Byzas. Amphiarauum cum cæteri Græci, tum Megarenses honorabant Deum, vt haberent, sed Amphiarai templum, & si non esset in loco, quem Dionysius appellat Sycenum, tamen eius appellatio dilatata fuit, postquàm Syceua vrbs condita fuit, vt etiam intra Syceas Amphiarai, & Dianæ Luciferae, & Veneris Placidæ templa inclusa fuerint, vt planè demonstraui in tractatione Bospori. Sed horum iam nulla restant vestigia, neq; illorum, quæ tradit antiqua regionum vrbis descriptio in regione Syceua fuisse, neq; hominum vllorum memoria viuètiū recordatur vestigiorum, vbi illa fuerint, imo non modò eorum memoriam, sed ne nomen quidem Syceuæ regionis quisquam iam, qui vel audierit, vel legerit, reperitur. Theatrum tamen & forum Honorianum dūtaxat ex architectonica ratione coniicere licet, fuisse illud quidem in

imis cliuis, vt solent esse omnia theatra, quorum vestigia vidi in Græcia. Forum verò in planitie vicina portui, vbi nunc Xenodochium ædificatum est in fundamentis templi diui Michaëlis, quod integrum extabat, cùm venissem Byzantium, eoque aquæ vberiores adductæ sunt inuentis cuniculis antiqui aquæductus subterranei. Deniq; nihil antiquæ Sycenæ iam apparet, nam columnæ, quæ antiquæ visuntur in aliquot templis Galatinis à Ianuensibus foris exportatæ dicuntur, quorum nonnullæ antiquo opere elaboratæ sunt. Cisterna diui Benedicti spoliata cameris, & columnis circiter trecentis concamerationem sustinentibus, conuersa in hortorum culturam iam alentium templi editimum indicat opus fuisse antiquæ opulentiae. Ex antè scriptis cognoscere potes, quæ monumenta Constantinopolis olim habuerit, quæ verò ædificia publica nunc habeat à Turcis, & qua ratione sint nonnulla à Turcis ædificata, separatò volumine essent tractanda. Nunc summatim pauca exponam: Aedes Mametanas continet plus trecentas, quarum sumptuosissimæ à regibus, & regū purpuratis ædificatæ, sed omnes tectæ plumbeis tegulis, marmoribus, & columnis marmoreis ornatae ex spoliis Christianarum ædium, vt hæ prius ornatae fuerant ex veterum deorum spoliis. Balnea & thermas habet publicas supra centum, quarum quinquaginta magnæ & geminae, & fere tales quales descripsi à Mametho Rege ædificatas. Xenodochia & publica hospitia longè supra centum habet, quorum illustria aquas salientes in medio atrio habent ex agris suburbanis ductas, sed præcipuè excellunt reges Turcorum in aquis ducendis intra

intra urbem. Eusebius quidem laudat Constantinum, In mediis, inquit, foris videas fontes boni pastoris insignia habentes, his, qui sacras literas norunt explorata, Daniele, scilicet & leones ex ære factos laminis aureis fulgētes. Valens & Andronicus magnis sumptibus flumina procul ab urbe perduxerunt, partim arcubus adhuc extantibus supra terram, partim opere subterraneo, cæterique reges ingentes piscinas, & lacus subterraneos, quos cisternas posteritas appellauit permultas in omni urbis regione ingentibus sumptibus ædificauerunt, metuentes obsidionem à vicinis hostibus. At Turcica Constantinopolis iam adeò longinquos habet hostes, ut cisternas, aut diruant, aut in alios usus conuertat quàm aquarum, atque copia aquarum salientium fruatur perductis ex omni agro suburbano etiam longè remoto: nullum enim est celebre templum, nullum Xenodochium, nullum publicum hospitium, nullæ thermæ nobiles, quæ non habeant aquas salientes in media arca. Prætereo bassarum, cæterorumque purpuratorum domos, omitto Regem ipsum, cuius claustrum, occupans vetus Byzantium, passim perennes fluuios habet longè extra urbem adductos, prætereo lacus, & castella ubique in foris, in viis creberrima non modò largos potus largientia, sed etiam ex vsibus hominum exeuntia, immunditias urbis in mare euertunt, & impuriorem spiritum & causas grauioris cœli auferunt, quibus urbes haberi solent infames. Prætereo nunc narrare, ut omnia ædificia Constantinopolitana sint facta ex ruinis incendiiorum terræmotuum humilia, ut non multa habeant duas contignationes, lapide cæmentitio, aut latere non

modò cocto, sed etiã crudo reſecta, excipio domos Galatæ à lanuenſibus conditas, & domos aliquot purpuratorum regionum. Chriſtiani Græci ſuas ſexcentas ædes ſacras amiſerunt, ex quibus nullam retinent nobilem præter ædem monaſterij, vbi habitat Patriarcha, reliquæ aut funditus euerſæ, aut in uſus religionis Mæmetanæ conuerſæ ſunt: nam quas habent ædes iam ſacras circiter ſeptuaginta obſcuræ ſunt, Franci circiter decem habent, Armenij ſeptem, Iudæorum verò ſynagogæ pluſquam triginta, vix capientes multitudinem maximæ nationis. Ex antè ſcriptis faciliùs fortaffe cognosces abſens, monumenta antiqua, quæ tradit antiqua regionum vrbis deſcriptio, quam ſine hiſ præſens videas Conſtantinopolim, quod experietur; qui ſimilia inueſtigare poſt me conabitur, quod vt quiuſ propiùs poſſit, adiungã ſtatim de regionibus nouæ Romę Conſtantinopolitanæ (incerto auctore, ſed illo tamen antiquo) libellum ſcriptum ante Iuſtiniani tempora.

Regio prima.

PRima regio continet domũ Placidie Aug. domum nobiliſſimæ Marinæ, thermas Arcadianas, vicos, ſiue angiportus viginti nouem, domos centum decem & octo, porticus perpetuas duas, balneas priuatas quindecim, piſtrina publica quatuor, gradus quatuor, curatorem vnum, qui totius regionis ſolicitudinem gerat. Vernaculum vnum, velut ſeruum in omnibus, & internuntium regionis. Collegiatos vigintiquinque è diuerſis corporibus ordinati, qui incēdiorum ſolent caſibus ſubuenire. Vicomagiſtros quinque, quibus per noctem
tuendæ

tuenda urbis cura mandata est, quos P. Victor, ac siue
Sextus Ruffus vocat, vernaculos fuisse in antiqua Ro-
ma, hic in noua Roma appellat denuntiatores. Colle-
giatorum non meminit, neque Ruffus, neque Victor,
omnes meminerunt Vicomagistrorum, quos distinxis-
se videtur Constantinopolitana descriptio in collegia-
tos, & Vicomagistros, Latiniùs quidem Vicorum ma-
gistri appellarentur ex inscriptione adhuc extante in
Capitolio antiquæ Romæ:

Imp. Cæsari diui.

Traiani Parthici fil.

Diui Neruæ nepoti.

Traiano Adriano.

Aug. Pontif. maximo.

Tribunic. Potestat. xx.

Imp. i i. con. i i i. P.

Magistri Vicorum x i i i i.

Regio secunda.

Secunda regio ab initio theatri minoris, post aqua-
litatem sui latenter molli subleuata cliuo, mox ad
mare præcipitiis abrupta descendit, continet in se Ec-
clesiam magnam, Ecclesiam antiquam, Senatum, Tri-
bunal purpureis gradibus extructum, thermas Zeuxip-
pi, Theatrum, Amphiteatrum, vicos siue angiportus tri-
ginta quatuor, domos nonaginta & octo, porticus ma-
gnas quatuor, balneas priuatas tredecim, pistrina pri-
uata quatuor, gradus quatuor, curatorem vnum, verna-
culum vnum, collegiatos triginta quinque, Vicoma-
gistros quinque.

Regio

Regio tertia.

Tertia regio plana quidē in superiori parte, vtpote in ea circi spatium longiūs explicato, sed ab eius extrema parte nimis prono cliuo mari vsque descendit, continet in se eundem circum maximum, domū Pulcheriæ Augustæ, portum nouum, porticum semirotondam, quæ ex similitudine fabricæ Sigma Græco vocabulo nuncupatur, tribunal fori Constantini, vicos septē, domos nonaginta quatuor, porticus magnas quinque, balneas priuatas vndecim, pistrina priuata nouem, Curatorem vnum, Vernaculum vnum, Collegiatos viginti & vnum, Vicomagistros quinque.

Regio quarta.

Regio quarta à miliario aureo collibus dextra, læuāq; surgentibus ad planitiem vsque valle ducēte perducitur, continet in se idem miliarium aureum, Augusteum, Basilicam, Nymphæum, porticum Fanionis, liburnā marmoream, naualis Victoriæ monumentum, ecclesiam siue martyrium sancti Memnæ, stadia, scalam timasi, vicos triginta quinque, porticus magnas quatuor, balneas priuatas septē, pistrina priuata quinque, gradus septem, Curatorem vnū, Vernaculū vnum, Collegiatos quadraginta, Vicomagistros quinque.

Regio quinta.

Regionis quinta non modica pars in obliquioribus posita locis planitie excipiente perducitur, in qua necessaria ciuitati ædificia continentur, continet in se thermas Honorianas, cisternam Theodosiacam,

Pryta

Prytaneum, thermas Eudoxianas, strategium, in quo est forum Theodosiacum, & obeliscus Thebaeus quadratus, horrea olearia, Nymphaeum, horrea Croadentia, horrea Valentiniana, horrea Constantiaca portum habet Probosphorianum, scalam Chalcedonensem, vicus viginti tres, domos centum octuaginta quatuor, porticus magnas quatuor, balneas priuatas vndecim, pistrina publica septem, pistrina priuata duo, gradus nouem, macellos duos, Curatorem vnum, Collegiatos quadraginta, Vicomagistros quinque.

Regio sexta.

Regio sexta breui peracta planitie, reliqua in deuexo consistit, à foroque Constantini scalam vsque siue traiectionem Syceum porrigitur spatii suis, continet in se columnam purpuream Constantini, Senatum, eiusdem loci Neorium portum, scalam Syceam, vicus viginti duos, domos quadringentas octuaginta quatuor, porticum magnam vnā, balneas priuatas nouem, pistrinum publicum vnum, pistrina priuata decem & septem, Curatorem vnum, Vernaculum vnum, Collegiatos quadraginta nouem, Vicomagistros quinque.

Regio septima.

Regio septima in comparatione superioris planior, quamuis & ipsa circa lateris sui extremitatem habeat in mare decliuior. Hæc à parte dextra columnæ Constantini vsque ad forum Theodosij continuis extensa porticibus, & de latere aliis quoque pari ratione porrectis, vsque ad mare, velut seipsam inclinatur, & ita

deducitur. Habet autem in se ecclesias tres, hoc est Hirenem, Anastasianam, & sancti Pauli, columnā Theodosij intrinsecus vsque ad summitatem gradibus peruiam, equites magnos duos, partem eiusdem fori, thermas Carosianas, vicos octoginta quinque, domos septingentas vndecim, porticus magnas sex, balneas priuatas vndecim, pistrina priuata duodecim, gradus sexdecim, Curatorem vnum, Collegiatos octoginta, Vicomagistros quinque.

Regio octaua.

Octaua regio ex parte Tauri nulla maris vicinitate cōtermina, angustior magis quàm lata, spatia sua in latitudinem producta compensat, continet in se partem fori Constantini, porticum sinistram Taurum vsque, Basilicam Theodosianam, Capitolium, vicos viginti vnum, domos centū octo, porticus maiores quinque, balneas priuatas decem, pistrina priuata quinque, gradus quinque, macellos duos, Curatorem vnum, Vernaculum vnum, Collegiatos decem septem, Vicomagistros quinque.

Regio nona.

Regio nona prona omnis, & in Nothū deflexa, extensi maris litoribus terminatur, continet in se ecclesias duas, Cenopolim & Omonocam, horrea Alexandria, domum nobilissimæ Arcadiæ, thermas Anastasianas, horreum Theodosianum, vicos sexdecim, domos centum & sexdecim, porticus maiores duas, balneas priuatas quindecim, pistrina priuata quindecim,
pistri

pistrinā publica quatuor, gradus quatuor, Curatorem vnum, Vernaculum vnum, Collegiatos triginta octo, Vicomagistros quinque.

Regio decima.

Regio decima in aliud ciuitatis latus à nona regione platea magna, velut fluuio interueniente diuiditur, est verò tractu planior, nec vsquam præter maritima loca inæqualis, longitudini eius latitudine non cedente, continet in se ecclesiam, siue martyrium sancti Acatii, thermas Constantinianas, domū Augustæ Placidia, domum Augustæ Eudoxia, domum nobilissimæ Arcadia, Nymphæum maius, vicos viginti, domos sexcentas triginta sex, porticus maiores sex, balneas priuatas viginti duas, pistrina publica duo, pistrina priuata sexdecim, gradus duodecim, Curatorem vnum, Vernaculum vnum, Collegiatos nonaginta, Vicomagistros quinque.

Regio vndecima.

Regio vndecima spatio diffusa liberiore, nulla parte mari sociata est, verum eius extensio tam plana, quam etiam collibus inæqualis, continet in se martyrium Apostolorum, palatium Flaccilianum, domum Augustæ Pulcheria, Bouem æreum, cisternā Arcadia, cisternam Modestiacam, vicos octo, domos quingentas tres, porticus maiores quatuor, balneas priuatas quatuordecim, pistrinū publicum vnū, pistrina priuata tria, gradus septē, Curatorem vnū, Vernaculum vnum, Collegiatos triginta septem, Vicomagistros quinque.

Regio duodecima.

Regio duodecima portam à ciuitate petentibus in longum plana omnis consistit, sed latere sinistro, mollioribus cliuis deducta, maris confinio terminatur, quam mœnium sublimior decorat ornatus, continet in se portam auream, porticus Trœadeas, forum Theodosiacum, columnam itidem intra se gradibus peruiam, monetam, portum Theodosiacum, vicos undecim, domos trecentas sexaginta tres, porticus maiores tres, balneas priuatas quinque, pistrina priuata quinque, gradus nouem, Curatorem vnum, Collegiatos decem & septem, Vicomagistros quinque.

Regio decimatertia.

Tertiadecima regio Syœna est, quæ sinu maris angusto diuisa, societatem vrbis nauigijs frequentibus promeretur, tota lateri montis affixa, præter vnius plateæ tractum, quam subiacentium eidem monti littorum tantum præstat æqualitas, continet in se ecclesiam, thermas Honorianas, forum Honorianum, theatrum, naualia, domos quadringentas triginta vnâ, porticum maiorem vnâ, balneas priuatas quinque, pistrinum publicum vnum, pistrina priuata quatuor, gradus octo, Curatorem vnum, Vernaculum vnum, Collegiatos triginta quatuor, Vicomagistros quinque.

Regio decimaquarta.

Regio sanè quattadecima licet in vrbis quattadecima numeretur parte, tamen quia spatio interiecto diuisa est muro proprio vallata, alterius quodammodo speciem

speciem ciuitatis ostendit. Est verò progressus à porta modicum situ plana, dextero autem latere in cliuū surgente usq; ad medium fere plateæ spatium nimis pronā, vnde mare usque modioris hanc, quæ ciuitatis conuincet partem, explicatur æqualitas, continet in se ecclesiam, palatium, Nymphæum, thermas, theatrum, luforium, pontem sublicium, siue ligneum, vicos vndecim, domos centum sexaginta septē, porticus maiores duas, balneas priuatas quinque, pistrinum publicum vnum, priuatum vnum, gradus quinque.

Collectio Ciuitatis.

Cognita vrbe per partes, fas est etiam situm occlusam iam vniuersitatis aperire, vt magnificentiæ vnicum decus, non solum videatur opere & manu confectum, sed etiam conspirantibus elementis naturæ felicitate munium. Providentia ergo diuina tot futurorum hominum domiciliis consulente longo tractu in promontorii qualitatem spatiosior terra faucibus pontici maris opposita, sinuosis portuosa lateribus, angustior latitudine circumflui maris tutela vallatur. Hoc quoque spatium, quod solum apertum maris circulus derelinquit, duplici muro acies turrium extensa custodit. Intra quas septa ciuitas continet in se omnia sigillatim memorata, quæ nunc ad infirmioris memoriæ qualitatem summam collecta referemus. Habet ergo vrbs Constantinopolitana palatia quinque, ecclesias quatuordecim, domos diuinas Augustarum sex, domos nobilissimas tres, thermas octo, Basilicas duas, fora quatuor, Senatus duos, horrea quinque, theatra duo,

luforia duo, portus quatuor, circum vnū, cisternas quatuor, Nymphæa quatuor, vicos trecentos viginti duos, domos quatuor millia trecentas octaginta octo, porticus quinquaginta duas, balneas priuatas centum quinquaginta tres, pistrina publica viginti, pistrina priuata centum viginti, gradus centum decem & septem, macellos quinque, Curatores tredecim, Vernaculos quatuordecim, Collegiatos quingentos sexaginta, Vicomagistros sexaginta quinque, columnam purpuream, columnas intra se peruias duas, Colossū vnum, Tetrāpylum aureum vnum, Augustæum, Capitolium, monetam, scalas maritimas tres. Habet sanè longitudo vrbis à porta aurea vsque ad littus maris directā linea pedum quatuordecim millia septuaginta quinque, latitudo autem pedum sex millia centum quinquaginta. Quòd autem quatuordecim regiones non continerēt, nisi quatuor mille & trecētas octuaginta octo domos, intelligere oportet domos principum ciuium maiores, vt Sex. Ruff. & P. Victorem tradentes quatuordecim regiones Romæ domos continere circiter mille & septingentas quinquaginta quinque, interpretari necesse est illustres & capaces: cū vtraque Roma vetus, & noua maxima esset, & frequentissimè habitaretur. Nam, vt præteream veterem Romam, profectò noua Roma Constantinopolitana adeò frequens erat eo tempore, quo hæc regionum vrbis descriptio conscripta est, vt etiam, qui habitarent apud vias laras & fora, angustè habitarent: adeoque connexa fuisse ædificia, vt vix locum sub dio apertum inueniretur, vt cælum quis aspicere posset, suburbanaque ædificia latissimè vsque ad

Silym

Silymbriam, & mare ponticum continuarentur, marisque non exigua pars ambientis vrbeni obrueretur defixis sublicis ædificia sustentibus. Hæc idem monumenta & longè plura olim fuerunt Constantinopoli, quæ nunc nulla extant præter columnam purpuream, & Arcadianam, & ædem Sophiæ, & Hippodromum spoliatum, & cisternas aliquot. Nam quæ fuerint Byzantij antiqui antequàm euersum fuisset à Seuerio monumenta, nemo scribit, quamuis plurimæ coniecere licet, florentis diu heroicis temporibus cum ingenia omnium artium erant in pretio, cum Rhodus tria milia signorum habebat non præstantior Byzantio, ex cuius muris tanta arte constructis, quantopere interiora niterent existimare possumus. Hoc duntaxat scimus, Darium, Philippum, Seuerum, Byzantij monumenta vastasse, & Byzantios ipsos cum omnia cõsumplissent, tamen Seueri militibus restitisse lignis, quæ ex ædificiis detrahebant, & statuis, quas in hostes proieciunt. Qui autem à Constantino reædificati Byzantij tot monumenta perdidit, partim autem Attici, partim summatim perstringam. Primùm imperatores dissidentes, deinde incendia creberrima non modò fortuita, sed etiam ab hostibus tam externis, quàm dissidentibus variatum factionum partibus iacta, quorum nonnulla tres, alia quatuor dies exurere non cessarunt, non modò apta ad comburendum, sed etiam ex marmore statuas & signa, atque omnem structuram ex quavis materia constructam, velut quippiam accommodatum ad exurendum acruos ruderum exaggerantia instar collium ex omni genere materiæ accumulatorum, priorem aspectum

etum confundentia, ut ne illi quidem, qui ipsa construxissent agnoscere possent, quid, vel ubi ea ipsa prius fuissent. Neque modo ab hostibus antiqua monumenta eversa sunt, sed etiam ab imperatoribus etiam Constantinopoli amicissimis, inter quos primus Constantinus magnus, quem Eusebius scribit æmpla deorum diruissse, vestibula vastasse, recta detraxisse, eorum statuas æreas sustulisse, quibus tot seculis gloriabantur, easque in omnibus foris Constantinopoleos proposuisse non ad honorem, sed ad ludibrium, totamque urbem sui nominis impleuisse æreis operibus summa & antiquissima arte elaboratis, ut eas spectatores ludibrio haberent, aureas autem deorum statuas, argenteasque è medio sustulisse, reliquasque ex pretiosa materia factas spoliassse, statuas vero ex ære factas reliquissse abiectas. Deinde auget Eusebius, quàm infestus Constantinus fuerit Gentilium monumentis, ut ex toto imperio ea deleri curarit, ut lege edixerit Gentilium templa evertenda esse, quàm etiam ipse Eusebius iis infestus fuerit, quàm etiam reliqui scriptores Christianæ religionis, percipitur ex eorum scriptis nempe tam acerbos fuisse in deorum monumenta, quàm Maroniani nunc sunt in nostrates statuas non modò mediocres, sed etiam illi Coryphæi Basilii, Gregorius, qui non modò in monumenta lapidea deorum sauerunt, sed etiam in eorum libros, qui de eis lascivè scripssent. Quid alios commemorem imperatores Constantini successores omnibus notos, qui ad id infensi imaginibus fuerunt etiam Christianæ religionis, ut non solum ipsas evertorint, sed etiam earum pictores, scalptores, fictores infectati sint,

ut ex

vt ex earum insectatione, velut alij Parthici ex Parthia deuicta, sic hi Iconomachi nominati. Sileo terræ motus non modò illos scriptis celebratos, quibus sub Zenone, Iustiniano, Leone Conone, Alexio Cōneno vrbs non modò præclara ædificia funditus euerſa sunt, sed etiam tota ferè vrbs, eiúsque mœnia corruerint, vt ea in antiqua sede consistere vix perciperetur, nisi Bosporus & Propontis, antiqui Constantinopolis limites æterni locum, in quo olim fuerit, circumscripsissent. Prætereo vastas vrbs regiones post longa incendia, & bella diu iacuisse desertas inopia ciuium, deinde promiscuè ædificari cœptas nulla cura habita vicos dirigendi, sed omisso discrimine ædificasse in ruinis incendiorum, & terræ motuum, ea fuit causa, vt non modò sicut de Roma incensa Liuius inquit, veteres cloacæ, sed etiam aquæ ductus & cisternæ per publicum ductæ, nunc priuata passim subeant tecta, formæque sit vrbs occupatæ, magis quàm diuisæ. Prætereo regum Turcicorum claustra ingentia mediam urbem occupantia, regionumq; purpuratorum septa integras vrbs insulas claudentia, & vias publicas occupantia, vel longè auertentia, fundamentaque non modò supra terram extantia, sed etiam substructiones subterraneas abditissimas sagacissimè inuestigatas funditus demoliuntur, ac nisi vidissem per id tempus, quod ego egi Byzantij permulta templa, & palatia adeò penitus à fundamentis imis deleta, & Turcicis structuris postea referta, vt recognoscere nequirem pristinum eorum situm, non tam facile coniecissem, quid demoliri potuissent ab vrbe capta,

quam quotidie, et si ædificiis publicis ornare student, tamen horridior est, atque obscurior, interdiu, quam olim noctui, in qua pernoctantium luminum claritudo, sicut Marcellinus ait, dierum solita imitari fulgorem ædificiorum splendorem illustrabat. Nunc diei fulgor casarum obscuritatem detegens reddit obscuriorem. Unde fit, ut si vel Constantinus, qui illam restituit, ornauit, vel alij, qui eam auxerunt, reuiuiscerent: antiquorum ædificiorum situm non agnoscerent. Quid ego externus, quem non antiquorum ædificiorum vestigia, non statuae, non inscriptiones, non numismata, non habitatores studiosi antiquitatis me informarunt, qui alienissimi sunt ab omni antiquitate, sed potius inquirentem impediunt, ut nihil metiri, nihil percuntari liberè ausus sim, non modò à Barbaris, sed ne à Græcis quidem, quibus nihil à literis alienius, nihil nomini Latino infestius, quod ut caninum mordent, dente canino detestantur, execrantur, neque ossa vlla eos mitigare queas, sed multo succo vix, quos ut impleueris, nisi crebras inuirationes feceris, nisi Græco more exclamaueris te bibere, operam & vinum perdideris: neque tamen ab eis quicquam reportaueris, nisi leuia quædam, nisi morem bibendi, quem solum retinent ex moribus antiquorum Byzantium. Ad has incommoditates id accedit, quod ex antiquis scriptoribus Græcis non adiuvare potes ad Constantinopolis cognitionem: non enim Dionysius Halicarnassæus, non Livijs, non Strabo, non Vitruvius, non Varro, non alij infiniti, ad cognoscendam novam Romam sicut anti-

quam

quam mihi auxiliari fuit, non Blondus, non Fulgosius, non alij plerique mihi digitos ad fontes intenderunt, non ignotus scriptor patriæ Constantinopolitanæ quicquam me docere potuit: ille enim meras nugas habet, & dumtaxat docet quis ædes factas ædificauit, sed in quo loco sitæ fuerint, non docet, qui si reuiuisceret, earum positiones ignoraret: aded omnia immutata sunt, vt non modò, quæ supra memoriam viuentium antiqua dicere possumus, sed etiã quæ sunt supra singulos cursus ætatis antiqua dici possunt. Sic enim quotidie vastantur, vt senex nesciat, quæ puer vidit, neque modò ædificia antiqua deleta, sed etiã locorum nomina, quæ illa tenebant, amissa sunt, aliãque barbara successerunt, & planè Scythicæ inaudita. Sic enim hæc gens suam linguam amat, vt omnium locorum, quæ inuasit, statim immutet nomina, aliãque imponat noua incognita, non pristinorum nominum interpretationem habentia, sed quiduis aliud potius significantia: nondum enim se rerum potiri putant, nisi nominum potiantur, sic enim Græca & Latina suspecta habent, vt timeant vel à nominibus ipsis. Quid igitur inuestigasti? exigua profectò vestigia cum ex hominum memoria tum ex scriptis authorum quidem tempore recentium, sed vsu antiquorum: quicquid enim est supra memoriam nostram, dicere antiquum possumus in recognitione locorum. Ex illis paucis velut ex vnguibus leonem, deprehendi quatuordecim regiones potius, quàm ex earum descriptionibus non propriis, sed communibus, & ambiguis, aut

ex vestigiis ædificiorum, quæ illæ continebant, & memoria paulò post extinguetur, si Turci valebunt: itaque fiet, ut ne me quidem multò diligentiores postea vlla vestigia reperiant regionum vrbis, cuiusque monumentorum, quibus si succurrere magis, quàm antevertere conatus sum, & vendicare ab interitu proximè peritura, siquidem fortasse erraverim, excusandus sum, & mea mora Byzantina diuturnior, quàm voluissem, non accusanda, sed damnanda fortuna, in quam me coniecit Francisci Regis mors, cuius nutu in Græciam accesseram non diu ut desiderem Byzantij, sed ut conquirerem Codices Græcorum antiquos, ut non vnius Byzantij, sed multorum locorum situs describerem, ut iuuarer, si quid possem literas. A quo conatu depulsus, veritus sum redire priusquàm quippiam conatus essem, quamobrem venissem. Itaque meo tenui vestigali Asiam, Græciamque peragrarè conatus sum, vrbèsque nobiles describere: quod addere volui, ne quis putet reditum meum retardatum, vel ab aliqua myro Byzantia, vel ab Asiaticis delitiis, quas omnes exopto his, qui maluerint meam fortunam calumniare, quàm probare studium, ad quod non utilitas, non existimatio, cum domi meliora, & illustriora præstare potuissem, in animi tranquillitate, & salutari corporis ratione, non Leonis Byzantij, non Pasiadis facetiæ me retinuerunt, sicut nec me retinuit pronuntiandi vehementia Byzantij Pythonis, quem Demosthenes etiam apud inferos horrere dicitur, non Barbarorum voces asperæ, truculentæ, quæ etiam non modò tardigradas beluas